

Ioannis Bernhardi de Fischer, Med. Doct. ... De senio, eiusque gradibus et morbis, nec non de eiusdem acquisitione, tractatus, de novo revisus et abundanter auctus : accesserunt praeterea desiderati Franc. Ranchini, et Floyeri gerocomicarum, amplae sciagraphiae, nec non Welstedii et Dethardingii, conspirante quasi ad longaeuitatem fato, eodem MDCCXXIV. anno, cum Floyeri Geroc. edita commenta, tribus verbis indigitata.

Contributors

Fischer, Johann Bernhard von, 1685-1772.

Publication/Creation

Erfordiae : In Officina Weberiana, 1760.

Persistent URL

<https://wellcomecollection.org/works/a7y36hw8>


License and attribution


This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.


You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>








Surf. 59177/3

60



IOANNIS BERNHARDI DE FISCHER,
MED. DOCT. ET QVONDAM RVSSIARVM IMPERATR. ANNAE,
GLORIOSAE MEMORIAE, PERSONAE MEDICI, ET PER RVSSIAS,
RES MEDICAS DIRIGENTIS ARCHIATRI, VT ET
ACADEMIAE IMPERIALIS NAT. CVR.
COLLEGAE,

DE
S E N I O ,
EIVSQVE
GRADIBVS ET MORBIS,

NEC NON
DE EIVSDEM ACQVISITIONE,
T R A C T A T V S,
DE NOVO
REVISVS ET ABVNDANTER AVCTVS.
ACCESSERVNT PRAETEREA
DESIDERATI

FRANC. RANCHINI, ET FLOYERI
GEROCOMICARVM, AMPLAE SCIAGRAPHIAE:

NEC NON
WELSTEDII ET DETHARDINGII,
CONSPIRANTE QVASI AD LONGAEVITATEM FATO,
EODEM MDCCXXIV. ANNO,
CVM FLOYERI GEROC. EDITA COMMENTA,
TRIBVS VERBIS INDIGITATA.

EDITIO SECUNDA.

ERFORDIAE,
IN OFFICINA WEBERIANA.
1760.

1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100

Sciagraphia Tractatus de Senio, nouae editionis Praefatio.

De amore diu viuendi. De animalibus longaeuis, et de rara longaeuitate hominum. Sexus sequior tantam longaeuitatem non attingit, quam potior, licet non deficiant feminae longaeuae, quarum quaedam allegantur supracentenariae. Ad motus corporis et exercitia sunt durabiliores, ob fibrarum corporis, firmius comparatur, elasticitatem, quae sub menstruatione, ex reciproca distensione et remissione fibrarum, exerceatur, quae distensio et remissio, etiam tempore grauiditatis contingens, huc facit, nisi eius nimia frequentia violencia speciem faciat. Simile allegatur de extensione fibrarum corporis, per exaestuacionem in balneis populorum borealium succedente, per iniectam frigidam, vel niuem, fibrarum reductione. Huc confert crasis sanguinis feminini pinguior, et sexui huic connata maior agilitas praecellens, per multa animalia. Morbosa senum valetudo ad

autocheiriam suasit maris, accolis per vndas,
Indis per ignem, Americanis trucidatione
per iuniorum fustes petendam exceptis Bra-
silianis, qui finem vitae patientissime exspe-
ctauerunt, ex pia voluntate liberorum, mor-
tua corpora parentum comedentium. Per-
pauca extant scripta de valetudine senum
conseruanda. RIVERII senectutis diuisio, in
primam, ab anno 50mo ad 60mum, et in in-
grauescentem, a 60mo ad 70mum, ab hoc
in decrepitudinem, ad vitae finem, sic nun-
cupandam, non arridet, licet alii, in primis
FLOYERVS, hanc secuti sint. Vox decrepitu-
do examinatur, et quibus, secundum RAN-
CHINVM, competit. *Senium* ab annis decies
senis expletis, vel inceptis, nominare iustum
ducitur: hinc primum senii stadium ab an-
no 60mo ad 70mum ponitur; quae nunc
ad 90mum annum sequitur aetas, *grandaevi-
tas* vocatur, qui autem ex hoc tempore vi-
uuntur anni, *longaeuitas* audit, additis huius
diuisionis rationibus. Tractatum in tria
capita diuisit auctor. I. continet recensio-
nem historicam primi senii, grandaeuitatis
et longaeuitatis. II. morbos seniles, eorum-
que curationem tradit. III. methodum sal-
uam longaeuitatem acquirendi, docet. De-
siderauerat auctor in prima editione huius
opusculi, perlustrationem laborum, aliorum
celebrium medicorum, qui de hoc negotio
scripsere, in primis BACVERE Medicum *Senum*,
et RANCHINI *Gerocomicam*, quia praeter FLOYE-
RI *Gerocomicam*, nullam possidebat: cum au-
tem

tem nunc compos factus est RANCHINI *Gerocomiae*, de hac Sciagraphiam amplam præfationi inseruit. Quia etiam Floyeri *Gerocomiam*, 1724, Londini anglice editam, in Actis erud. Lips. non recensitam, inuenit, operaे pretium duxit, et de hac amplam annextere Sciagraphiam Cum praeterea, eodem anno, bono quasi conspirante ad longaeuitatem fato, Rostochii, DETHARDINII *Manuductio ad vitam longam*, et Londini, WELSTEDII *Tractatus de vergente aetate prodierint*, prioris auctoris methodum, leuiore tantum indicauit digito, ablegando lectorem, ad ea, quae Eruditi Lips. in Actis suis, de posteriore recenserunt.

Cap. I. §. 1. 2. raritas longaeuorum 3. BA-
CO VERVLAM. vult, in Anglia plures esse lon-
gaeuos, præ ceteris regionibus: adducun-
ur huius noua exempla. Lappones lon-
gaeui, teste LINNAEO. 4. 5. in Germania ta-
nen, et vicinis regionibus, Hollandia et
Hungaria, imo in Gallia saepe reperiuntur
ongaeui. 6. robur Germanorum, a TACITO
deo depraedicatum, credere facit, Germa-
iae clima ad longaeuitatem iuuare, nisi, an-
uente CONRINGIO, mollities antiquum cor-
oris habitum perdidisset. 7. egeni fiunt lon-
aeui. 8. Brasilianorum longaeuitas. 9. Es-
teorum. 10. Chinensium; idolum ad lon-
aeuitatem, 11. Calmuccorum, crude carnio-
rorum. 12. Aethiopiae *Macrobii*. 13. lon-
aeui antediluviani; an a carnis abstinue-

rint? 14. longaeui masculi, ex habitu corporis materno. 15. forma grandaeuorum et longaeuorum externa et interna, examinande. 16. habitus corporis, in strictum et laxum diuisio: non valde recedit forma prior, in senibus habitus laxi; magis in habitu stricto: quia glandulae magis in hoc exarescunt: feminae grandaeuae infantes lactarunt. 17. senes stricti habitus interdum laxiorem acquirunt. 18. mutatio capillorum in canitiem: de Praecanis, et natura pilorum canorum: de mutata forma faciei, de mutata masticatione, et motitatione maxillae inferioris. 19. forma corporis nudi. 20. dentium absentia: deglutitionis variatio manuum, pedumque imbecillitas. 21. lapsus senibus lethales: crurum inflexibilitas exceptis Lapponibus, ob sanguinem illorum, quasi sebaceum: sensus externi simu- mutantur. 22. incommoda Horatiana. 23. 24. 25. VERVLAMIVS notatus: senes silicernii depontani Romanorum. 26. longaeui pueris terrifici, et ludibrio, in exemplo. 27. fenum forma interna: senes maxime tempore hyemali moriuntur. 28. ad formam internam tradendam, inspectiones cadauerun necessariae sunt. 29. sectio longaeui, 130 annorum. 30. sectio alias 109 annorum 31. sectio 94 annorum, cuius partes genitalies vigentes: qua occasione allegatur quidam, 152 annorum, qui centenarius factu adulterii poenam luit. 32. sectio centenari cum notabilibus circa ossium vegetationem

33. notabilia in grandaeuo, lapsu mortuo.
 34. sectio feminae grandaeuae cum enormi
 arteria magna ossificata, et corde valde ma-
 gno, vti in praegressis. 35. sectio grandaeui,
 cum cerebro valde sicco, vti in primo lon-
 gaeuo (§. 29.) 36. forma interna senum
 nondum grandaeuorum: casus a polypo su-
 bito mortui. 37. casus a corde rupto. 38.
 arteriae in senescente viro iam ossificatae.
 39. primaria formae internae. 1. cordis et
 arteriae aortae amplitudo. 2. arteriarum
 descendantium ossificatio. 3. cerebri densi-
 tas, et glandularum durities. 4. pulmonum
 incolumis status. 5. lienis cartilaginositas.
 6. ossium, nunc arida frangibilitas, nunc ve-
 getatiua virtus. 7. hepar, in plurimis sal-
 uum. 40 - 52. phoenomena haec explicata.
 53. sanguis senilis examinatur. 54. leuitas cor-
 poris senilis. habitus stricti, vt in vndis non
 facile submergantur; experimento, sa gis
 olim deleterio. 55. causa. 56 - 72. amplior
 consideratio mutatarum actionum, tam vi-
 talium, quam sensualium, et per quas ipsi
 actus vitales, reliquique sustentantur, appe-
 titus, nutritio, excretiones, additis contem-
 plationibus circa somnum senilem, et gene-
 randi vires; annexis exemplis et periculis,
 mortem subitaneam a venere producenti-
 bus: de veterarum pariendi facultate, et ap-
 petitu venereo. 73 - 81. mutatio sensuum
 externorum, et internorum, quoad poste-
 riores, in flebili casu. 82 - 84. passiones ani-
 mi. 85 - 89. repuerascentia senum circa affe-
 ctus

Etus animi, morbos, variasque alias proprietates. 90. reiuuenescentia. 91 - 100. regimen vitae senilis, ex relatis, in tres classes distributum. 1. continet senum, a natura debilium. 2. robustiorum, cum variis paradoxis circa victimum, ex cibis fumatis, etc. et de morte ex insolitis eupeptis. 3. medium, ex habitu medio ponit. 101 - 103. de longaeuis, regimen enormiter negligentibus, casus. 104 - 107. de lenitate spiritus frumenti praespiritu vini, ad potum: de vsu et abusu utriusque: de paucitate longaeuorum opulentorum: de autocheiria senum ex ebrietate. 108. de annis climactericis.

Cap. II. §. 1. fracta ex senio vitae oeconomia, vel ex viscerum, vel ex sanguinis speciali labore, plenarium interitum minitatur: rarissimi sunt senes, quibus nec mens, nec corporis putridi partes, secundum SENECAm, ab aetate fuerint concursae. 2. dantur grandaeui, a primi stadii perpeffis morbis liberi. 3. morbi in capitis, thoracis, iimi ventris, artuum et superficiei pertractabuntur. 4 - 19. morbi visus, cataracta, acies laesa, ophthalmia, trichiosis? telae aranearum obuolantes, in casu amplio. 20 - 25. morbi auditus: tinnitus fonticus: tinnitus grylli-sonus. 26. affectus sensuum internorum. 27. 28. 29. cephalalgia et hemicrania: venaefectionis pericula in casibus grandaeuorum. 30. haemorrhagia narum. 31 - 34. Vertigo, ex variis causis, cum variis phoenomenis. 35 - 37.

Synco-

Syncope et lipothymia: causa proxima inuestigata, per insufflationem venarum, experimentis, in Ephem. N. Cur. datis. Casus in femina, cuius cor et omnia vasa sanguine vacua erant: dilucidatio ex lipothymis puerperarum sub motu leuiore: mortes subitaneae scorbuticorum: Senum sub alui exoneratione, in casibus: syncope et lipothymia ab haustu spiritus vini: spiritus vini anti-syncopticus: consideratio cordis flacciditatis senum: consilium hoc mortis genus praecaueendi: casus de syncopticis pro mortuis habitis: syncope lethalis ex gaudio: signa vere mortuorum. 48-51. paralysis, linguae, vesicae, crurum: in artubus, linimenta adiposa, oleis destillatis animata, praferuntur spirituosis. 52-61. hemiplexia ex variis causis: de delectu venarum secandarum, et arteriotomia: artuum vigor in hemiplecticis a somno: tabaci fumigatio funesta hemiplectic. 62-70. apoplexia: differentia a syncope: an subito semper necet? casus varii: omne auxilium curatiuum decem momentis consistit; sedecim aliis continetur consilium praeseruatiuum: fit mentio sacculorum, praecordiis applicandorum, olim decantatorum; dubitatur autem de effectu illorum. 71. saliuae excretio multa. 72. 73. dentium vitia: euulsio disuadetur. 74-90. vigiliae et sopores: causae vigiliarum: cura vigiliarum: amara medentur vigiliis, aloe, hepatica praefertur succoterinae: eius usus in


phrenitide, quin in maniae initiis, addita camphora, et sub vsu pediluuui frigidi: actus coniugales contra vigilias. Sopores, periculosiores vigiliis, in primis comitante anorexia vel vomitu: prosunt apophlegmatizantia, scarificatio in vertice, venaesectio, frictiones artuum, pediluuia tepida, frigida; clysteres, purgantia. 91-95. Deglutitio difficultis, et angina, 97-99. tursis, medetur venaesectio, pinguia, aromata, camphora, opium, indulium laneum, victus conueniens, medicinae fastidiosae multum derogans: grandaeus a tussi ferina, vespertina, mane mortuus repertus: alii bubonocelen creat. 100 Phthisis, senibus rario: pseudophthisis. 101. 102. Asthma. 103. catarrhus suffocatus. 104. polypus: casus, absque progresso pulsu intermitte: de pulsu intermitte, et palpitatione cordis. 105. hydrops pectoris. 106. 107. haemoptysis: de vomitoriorum, et glaciei vsu: haemoptysis non obstat progressui senectutis. 108. pleuritis: vsus vomitoriorum. 109. pleuroperipneumonia; admittit vomitoria, catarrho suffocatiuo urgente: 110. anorexia: in ventriculi idiopathica valent interdum carnes, et pisces fumati. 111. vomitus, cum vel absque anorexia. 112-117. Flatulentia varia; in diaetae regulis magna vis: mors subitanea a flatulentia vexati confictio ossis sacri cum genubus et calcaneis remedium. 118-21. colica, varia, apostematrica acutissima. 122. 23. alui obstructio-

ex causa varia: per victum fiat medicamentorum fastidiosorum derogatio. 124. 25. diarraea. 126-31. nephritis calculosa: erysipelas saepe mentitur nephritidem: laxantia efficaciora facile ischuria in inducunt periculosa: de lithontriptico anglico. 132. 33. mictus cruentus. 134. haemorrhoidum fluxus. 135. 36. menstruatio veterarum, et puerperium: philonium roman. in nimio fluxu uterino valet ob coniuncta acria. 137-40. cachexia et hydrops. 141. 42. oedema pedum: casus funestus. 144-46. incontinentia urinae: diabetes: casus memorabiles. 147-50. stranguria, varia ex causa, varia methodus. 151. dysuria 152-55. Ischuria: inquisitio in causas, per sectiones cadauerum. 156-61. erysipelas ulcerosum in grandaeuo. 162. 63. sphacelus pedum. 164-65. podagra; casus de inueterata quinquenni. 170. malum ischiadicum. 171. arthritis vaga: repetitio moniti circa venefact. in grandaeuis. 172-73. scabies; casus memorabiles. 175-77. Mairasmus senilis: casus notabilis. 178. leuoris momenti affectus seniles. 179. immunitas senum a peste, febb. petech. scorbuto.

Cap. III. §. I. Felix longaeuitas, si cum vigore animi et corporis coniuncta est. 2. 3. consilia a generationis primordiis in hunc finem data. 4-9. partim probanda, partim inania et frustranea, vti HVARTI doctrina, *de procreandis excellentibus ingeniosis* 10. 11. essentialis causa grandaeuitatatis et longaeuitatis haeret in perfecta mixtura partium constitutiua-

cutiuarum sanguinis, et in perfecta, firma-
que conformatioне omnium partium soli-
darum: haec raro combinata conditio, dat
raritatem maiorem longaeuorum hominum,
quam animalium, in quibus felicius radica-
ta est haec haereditas. 12. ideo tamen non
inuitantur homines ad solutum vitae ge-
nus. 13. an detur homo perfecte valens, et
an vitiosis humoribus abundare, et sanum
esse, sint compatibilia? 14. sanitas, cum, cer-
to respectu, vitiosis humoribus compatibi-
lis esse potest. 15. longaeui per omnem vi-
tam non aegrotantes, perfecte valentes di-
cendi sunt. 16. valetudo imperfecta in im-
becillitate corporis consistit, gradu tantum
differens a perfecta, nec ideo morbosa ap-
pellanda. 17. pro consilio ad senectutem
longaeuam dando, distinctio habitus, inter
strictum et *laxum* seruanda. 18. descriptio ha-
bitus stricti, robusti, valentis, et habitus la-
xi, robusti, perfecte valentis: porro, habi-
bitus stricti imperfecte valentis, et laxi im-
perfecte valentis. 19. habitus corporis ma-
gis a crassi sanguinis dependet, quam a con-
ditione fibrarum: usus rerum non natura-
lium generaliter commendatur, non specia-
liter, vel cum cautelis, quia bonum regimen
totum cautela est. 20. tres regulae genera-
les ad bonum regimen commendantur. 1. pro
naturae instinctu victum sibi eligere. 2. excre-
tionum corporis trium primiarum studere.
3. animi serenitatem seruare: de aeris muta-
tione notabilia. 21. consilia specialia, respi-
cientia

cientia duas priores regulas, habitui stricto robusto. 22. habitui stricto tenero. 23. habitui laxo robusto. 24. habitui laxo tenero. 25. 26 de balneis et lotionibus, calidis et frigidis. 27. vnum regimen omni nationi non praescribendum; parallelismus autem ex datis monitis dabatur. 28. tertia regula generalis, serenitas animi, consideratur. 29. consilia primaria RANCHINI ad longaeuitatem. 30. examen horum consiliorum. 31. WELSTEDII sententia, *Ranchinianae* quoad halitum iuuenum, senibus ad prouectam senectutem, utilem, conformis, et de gaudio nimio senibus dando, perpenditur; simulque, exemplo in contrarium, frangitur. 32. quaestionis publicae, medicae, Parisinae: an iuuenis ex cohabitatione cum senibus damnum? fit mentio, et consilium practice respondendi suggeritur. Si autem senes spiritum vitalem iuuenum, successiue, rapere valent, iuuenes gentiles, quorum in praefatione mentio facta, a parricidii culpa soluendi sunt.



PRAEFATIO.

Quicquid viuit, cum corporis vigore et incolumente diu viuere optat: mortem enim, corporis destructionem, odit, quicquid viuit, natura ita iubente. Turpis autem est viuendi amor, pietati et sanae rationi contrarius, qui, secundum BARTHOLINVM, Ono Regi, secundum alios vero, Hacquino, Sueciae Regi, fuit tantus, ut ad longaeuitatem acquirendam, et torpentem in illa vitam prolongandam, filios suos, successive nouem, Idolo immolauit, ut per tot decennia vitam extenderet, paratus, et decimum ultimum immolare, nisi obstitissent subditi, illum regni haeredem sibi poscentes. Mori animantia, ex sapientissimo Creatoris instituto decretum est, uti nasci; huius enim vicissitudinis causa mundum nostrum fecit habitabilem. Interim animantium omnium vitam non aequa longam stabiluit DEVS. sunt enim, quae citius, et quae tardius denascuntur. Sic inter quadrupeda Elephas, Ceruus, etc. inter volatilia, Aquila, Coruus etc. inter aquatilia, Lucius, Cyprinus etc. longaeuitatem longe supra centum annos attingere dicuntur: cum e contrario animalia dentur, quorum naturalis vitae terminus vix annum quin breuioris temporis minutias, superet. Hominis talem longaeuitatem rarissime, in primis in hac, quam nos, Europaei dicti, incolimus mundi parte, dari cognitum est: indicant enim annuae annotationes, in

hominum

dominum aetatem, et numerum mortuorum concinnatae, vix viginti inter mille annum aetatis octogesimum attingere; et licet in reliquis animalibus sine dubio sint, quae, non attingant omnia eandem longaeuitatem, tamen numerum longaeuorum animalium brutorum, superare numerum hominum longaeuorum, ideo pro certo habendum est, quod, licet illa granioribus aeris iniuriis, fere perpetuis, exposita sint, minus tamen, ex fibrarum et sanguinis firmiore compage, aegrotent, quam homines.

In humano genere sexum sequiorem, praesexu posteriore, summos senii annos frequentius attingere vult GOHLIVS, in Actis Medicor. Berol. quam rem etiam quotidiana attentio, quoad annos grandaeuitatis, non autem quoad annos longaeuitatis (de qua distinctione mox plura) certiore reddit: nam, si adest forsan exemplum unum vel alterum mulieris centenariae, decem aderunt exempla marium, aetatem supracentenariam expletum, licet negandum non sit dari, in sexu sequiori supracentenarias feminas. Sic anno 1753. innotuit, ex nouellis publicis, in Heluetia vixisse virginem annorum centum et triginta quinque, quae ultra centum annos ex eleemosynis vixit, nunc, elapsis aliquot annis, crurum, et visus debilitate laborantem. Addebatur, illam gaudere memoria et iudicio perfectis, utrumque etiam eximie roborari, se baustu vini refocilletur vetula. Praeterea, A. 1756, mense Martio, ex Anglia nobis narrabatur, obiisse ibi feminam annorum tredecim supra centum, post duarum septimanarum languorem, qua et tanta eo usque viguerat viuacitate, ut eodem anno ludibus scenicis (moresques) intersuerit, ipsa saltatrix. Firmius certe constructum esse sexum sequiorem humanum, non solum

solum aperte, plerumque, in eius externa patet stru-
ctura, dum corpus femininum, non solum columnis
amplioribus, feminis puta, a quibus ipsis et nomen et
titulus, gaudet, sed et ipsa fibrarum structura id
confirmat, quae licet communiter constet fibris subti-
lieribus, tamen maiore multiplicatione, et firmiore
connexione, illarum subtilitatem egregie compensat.
Adde, quod sanguis seminarum, ad exaestuationes, et
subtilisationes pronior, materiam elasticitatis sibi
abundantius generet: hinc est, quod, quae non sunt
delicatae, sed roboris plebeii, non solum laboribus as-
fiduis, et migrationibus pedestribus, sed et saltationi-
bus continuatis magis durent, quam mares; imo cor-
pus aequa expedite ad stupendos saltus proiecere va-
leant, quemadmodum id theatra saepe docent. Nec
valde rara sunt exempla seminarum, sub sanguine virili
secrete personatarum, durissimos militum labores exe-
quentium. Ut taceam insolitos illos motus conuulsi-
uos, quibus feminae, praे viris frequentius, mire et
misere torquentur, rationem suam, tam in differente
sanguinis crassi, quam fibrarum structura habentes.

Nec huius rei ulterior ratio deficit, cum recorda-
mur, partes solidas seminarum distensionibus multiua-
riis, ex massa sanguinea oriundis, destinatas esse, dum
haec non solum sub quauis menstruatione aestuat, sed
etiam grauiditatis tempore, ubi retentio sanguinis
menstrui omnem minimam vasculi, totius corporis,
cauitatem distendit, et replet: qua distensione, et postea
succedente remissione, fibrae motrices, dictis exercitiis,
et motibus fauentes (non autem ipse uterus, uti in-
congrue exponitur in Comment. Lips. Vol. V. p. 144.)
in elasticitate exercentur, et hac vicissitudine, nisi ni-
mia frequentia violentiae speciem faciat, et morbos
consti-

constitutio remaneat, (vide Cap. II. §. CXXI.) roborantur. Interim haec beneficia non sufficiunt ad longaeuitatem, maribus familiariorem, acquirendam; ipsa enim, quae dicto modo, ad actiuitatem facere videtur menstruatio, tandem ipsa vasa sanguifera attenit, unde illorum atonia, et sanguinis deficiens, et languidus motus, cum succedente totius corporis languore, hinc

*Serior est maribus languor; viridisque senecta
Sufficit ad validos motus,*

HEBENSTREIT de hom. sano et aegro. P.II. C.VI. §. 12

Dicta haec elasticitatis reciprocatio coincidit, quammodo, cum illa, quam populi boreales in balneis suis exercent, et inde corpora sua ad motus, et exercitia roborant, dum calore enormi sanguinem adeo xaestant, ut vasa capillaria, cutisque fibrae adeo rufescant, ut illos sanguine perunctos crederes: quam brarum distensionem mox superfusa corpori frigida, et hyemali tempore, robustiores, volutatione corporis in iude, ad priorem diametrum reprimunt.

Vbi apud populos quosdam, olim mos mortuos creandi fuit, et adhuc apud orientales viget, ibi semiarum corpora lucidiore igne cremata fuisse Historiae verbibent, idque ideo, quod illarum corpora pinguisibus humoribus, praे masculinis, praedita fuerint experta. Hanc certe craseos differentiam multum alere ad declinandos morbos seniles necesse est: hinc iam obseruamus, feminas, modo primis in annis, a satione mensium ortos, morbosos affectus superauerint, non adeo frequenter laborare morbis senilibus, iam mares,

Memorabile praeterea est hanc proprietatem, eō pinguisendi facultatem, etiam in animalibus brutis femininis, adesse, p̄ae maribus, Nec non, quod canes venaticae, p̄ae venaticis maribus, velociores sint, et quod in antiquis certaminibus, equae p̄ae equis saepius palmam reportauerint. Abunde inde patet, ubique fere, in feminino genere, singularem fibrarum agilitatem, et ad motum dispositionem, per se, reperi. Quod autem adhuc attinet ad longaeuitatem, nonne videmus, etiam in brutis, masculinum genus diutius viuere, quam femininum?

Morbosa senum valetudo adeo intolerabilis fuit multis olim populis, ut historiis exempla monstrantibus, illam communiter morte spontanea finierint. Referunt enim quae prostant de Lapponibus, Danis, et reliquis maris borealis accolis, illos, cum senii incommoda diutius ferre recusauerunt, coronis ornatos, ex rupibus in mare propendentibus se praecipites dedisse, buncque morem familiis quibusdam, adeo sacrum fuisse, ut in eiusmodi rupes ius habuerint haereditarium, nec alii familiae suos ex ista rupe praecipitare permiserint. BARTHOLINV^S addit, in antiquitatibus Danicis, Danos hoc mortis genus ideo expetiuisse, quod cum Aegyptiis crediderint, hominem ex ligno creatum fuisse, ideoque mortem in vndis subire non expauisse, quoniam ex ligni natura se ad maris abyssum non descensuros, sed natatu superstites futuros crediderint. Humidam sic sibi adsciscebant mortem humidae et frigidae plagae incolae.

Contrariam mortis speciem, ob aegritudines seniles, olim expetiuerant siccae et calidae plagae inhabitatores, Indi, Asiatici, et quidem horum viri sapientes, referente id CYRTIO, Lib. VIII. his verbis

, Vnum

„Vnum agreste, et horridum genus est, quos sapientes
 „vocant; apud hos occupari fati diem pulchrum, et
 „viuos se cremari iubent, quibus aut segnis aetas, aut
 „incommoda valetudo est: exspectatam mortem pro
 „dedecore vitae habent, nec ullus corporibus, quae
 „senectus soluit, honos redditur.

Americani, alia minus solemni methodo vitam ae-
 gram et senilem finiunt: nam referente PISONE in
 Historia naturali Brasiliae, aegri, de recuperanda
 valetudine desperantes, (quod in senibus maxime est
 obuium) clavis ligneis se occidere faciunt. Eadem
 lex, idemque mos plurium barbarorum populorum
 fuit, nam nunc senes ad societatem, pro opinione illo-
 rum, vel reuera inutiles factos, ipso saepe senum des-
 derio, vel etiam inuitos, (vti id Germaniae borealis-
 bus populis etiam in usu fuisse historiae docent) fuste,
 nunc veneno et fame necabant.

Allegari nunc quidem possent populorum quorun-
 dam exempla laudabilia, piissima, erga senes praesti-
 ta, qualia dant Aeneae, Scipionis, aliorumque pietates
 laboriosissimae; sed aliud genus pietatis, ad horrorem
 excessuum, nobis largitur MARGRAIVS, in sua Hi-
 storia Brasiliana, de populis Americanis TAPVII dictis;
 illos nempe, non solum senes suos, per omnem longae-
 uitatem, qua aliquando ad ducentos annos perues-
 ciunt, valde inualidos, lectulis suis pensilibus, ad spon-
 tanum serumque naturalem vitae terminum usque,
 humeris suis portare, sed et tandem demortuos car-
 netenus comedere, ossa vero remanentia conseruare,
 et illa diebus festis, belliorum loco, dentibus rodere,
 sicque ex filiali pietate viua sepulchra parentum fieri.
 Diuersa, diuersarum regionum incolis sunt ingenia.

Sint seniles hominum anni, ob vires, et valetudinem fractas, taedio plenissimi, absint tamen nefandi, et impii tales ritus. Congruum magis est mala, quae aerumnosam reddunt senectutem, secundum senii proprietates scrutari, et quomodo leuari possint affectus seniles, pro virili tentare: nec obstet saepius obseruata adynamia artis medicae in senibus reperta. Docet enim experientia, et docebunt casus grauissimi capitis secundi buius opusculi, in morbis senum non semper desperandum esse.

Plures sane de infantum valetudine prostant tractationes, quam de senum, quasi hi, utpote morti vicini, a suis incommodis liberari non possint, et iustior videatur cura infantum, quo in reipublicae usum excrescant, et senium attingant. Quae, licet quidem non sint absonta, tamen ob officia, quae senes reipublicae praestiterunt, et ob reverentiam, quam ex naturae instinctu, et ex praecepto diuino, canitiei debemus, senum curam habere, natos imprimis, et Medicos, de hominum valetudine sollicitos, decet, oportet. Hinc etiam est, quod in bene constitutis rebus publicis, ciues senio obrutos, et ex senilibus affectibus aegros, eoque ipso, tam ad officia societatis praestanda, quam ad panem lucrandum ineptos factos, publicis sumtibus aleare solenne sit.

Quoniam autem inter seniles annos magna datur differentia, hanc ante limen tractationis dispicere nesse est. RIVERIVS L. I Inst. senectutis annos, tres subdivisit partes: in senectutem primam, quae ipsi est a quinquagesimo ad sexagesimum aetatis annum; in aetatem ingrauescentem, ab anno sexagesimo ad annum septuagesimum: in decrepitudinem a septuagesimo anno, ad vitas finem. Multi etiam Medici,

dici, inter quos et FLOYERVS, in sua Medicina Geronimica hanc sequuntur divisionem, quia post annum quinquagesimum vires hominis labi incipiunt, dictiorii memores: senectutem non annis mensurari, sed viribus. Verum, si pro mensura virium senectutem primario iudicandam esse statuimus, saepissime, sane, post emensos sexaginta, imo septuaginta annos, hominem, non senem, sed iuuenem inueniemus, quoad vires, et vice versa aliquando senem ante quinquaginta annos. Quid enim sibi vult proprie, decrepitus, et decrepere? nonne summum virium, per aetatem gravem, lapsum, et ad mortem propinquitatem? (Audies mox RANCHINVM,) an, cum pleno et fere iuuenili vigore corporis splendentem virum, vel feminam septuaginta annorum, inter decrepitos numerare licet? et, si secundum vires senium aestimare debemus, et non secundum annorum numerum, quem locum inter vetulas dabimus saltatrici 13 annorum, de qua ante mentionem fecimus? hac ratione illa inter iuuenias ponenda erit, et alia inualida 50 annorum inter decrepas. Iustum itaque duco, senium pro origine vocis, aetatem dicere, cum anno vitae sexagesimo incipientem, vel finitam; quia ipsa vox, senium, ab annis decies senis expletis, vel inceptis, originem trahit. Actas senescens posset dici illa, in qua quinquaginta numerantur anni: senilis autem, et senium comprehendit annos decies senos: pari iure, uti inter aetatem adolescentem et adultam realiter distinguimus. Anni itaque non vires distinguant senium, nisi tropica dictione uti amemus, uti mox etiam apud RANCHINVM videbimus.

Ab anno itaque aetatis sexagesimo senium primum incipere statur, terminumque ipsi figo ad annum se-

ptuagesimum usque : quae ingrauescens sequitur aetas, grandaeuitatem, illiusque durationem ad annum nonagesimum usque extendere placet : quae autem hanc adhuc sequitur aetas, et vitas prolongatio, longaeuitatem nominare, eiusque terminum ultra centum annos, nullo posito limite, liberum sinere luet. Quod autem in his gradibus formanatis inaequales posuerim terminos, dum senii stadium, intra decennium inclusi, grandaeuitati autem viginti annos targitus sum, e contra longaeuitati nullos posui limites, id ex hac egi ratione, quod in senii dato decennio vires hominis sensibiliter ruere incipient : grandaeuitatem autem a septuagesimo anno appellandam esse statui, quod pauci homines hos annos attingant, et, si attingant, grandes aetate esse oculis id luculenter incurvat; cum illi, simpliciter senes dicti, saepe dubiam fronte ferant senectutem, i. e. ex flore faciei, et corporis vigore apparente dubitentur senii annos attigisse: ad nonagesimum autem annum prorogaui hoc stadium, ut longaeuitati, in valde remotos, longos, annos se interdum extendent, nil, vel anticipem vel detrahent, quippe notum, illam saepius ultra centum et viginti annos se extendere. MEIBOMIUS, in tractatu suo epistolari de longaeuis, octogenarios iam longaeuos nuncupat, et illorum tres ponit gradus, scilicet octogenariorum. 2. centenariorum, et 3. centum et viginti annorum senum, et hac ratione senium diuisit solummodo in senium proprie sic dictum, seu primum, et in longaeuitatem. Libera est cuilibet placens diuisa; arridet tamen ea magis, quae naturae rei est conuenientior.

In pertractione operis, primo capite, historiam senum, grandeseorum et longaeorum, tam quoad il-

lorum

lorum existentiam, quam quoad illorum proprietates, et corporis mutationes, tam externas, quam internas, nec non de vitae regimine, de repuerascentia, etc. fistam: capite secundo morbos senio solennes pertractabo, adductis casibus, ex auctoribus, maxime autem ex illo magno Promtuario, quod exhibent Ephemerides Academiae Naturae Curiosorum, ut et quibusdam, ex propriis annotationibus, allegando tantum essentiales eorum circumstantias, ne prolixitas assurgat non necessaria. Tertio capite, quid ad senium omne acquirendum iuuare valeat examinabo, et docebo.

Veritus equidem sum, ne, quae de hac materia conscriberem, conueniant cum illis in plerisque, qui senectutis affectus iam pertractarunt, et quomodo longaeuitas sit acquirenda, docuerunt, et in hunc finem perlustravi auctores, qui ad manus fuerunt: incidit autem mihi solius FLOYERI Medicina Gerocomica, qui senibus consulens, praecepta illis reliquit magis specalia, tam quoad res non naturales, et regimen diaeticum, quam quoad usum medicamentorum.

Desiderauit, in prima editione huius Tractatus praefatione, ea, quae celebris BACONERE, in suo Medico senum, ad hanc doctrinam proposuit, et simul quae RANCHINVS celebris, in Gerocomica sua forsan docuerit, quod si hos tractatus perlustrare mihi contigisset, quid agendum mihi facile decretu fuisset: vel enim illustratione quadam illorum theses ampliores reddidisset, vel si forsan, materiam, ab illis dignius pertractatam offendisset, a proposito meo, plane recessisset, uti verba mea, ibi legebantur. Verum, cum iam RANCHINI Gerocomicae, laetus, compos factus sim, huius Sciagraphiam, fidelissime paratam, Lectori beneulo, perlustrandam, hic subiectere volui. Re-

peribilis autem est inter opuscula FRANCISCI RANCHINI, consiliarii, medici, et Professoris Regii, Universitatis Monspeliensis, Iudicis, et Cancellarii, edita Lugduni 1627. fol. min.

Sciagraphia Fr. Ranchini Gerocomices Praefatio.

Gerocomices utilitas et necessitas. De Senii natura et differentiis; optime definitur per ultimam vi-
tae portionem frigidae et siccae temperie. Praeter varias differentias, inter quas et illa, ab annorum multitudine sumta, notandae sunt, primario, 1. viridis, dum senes adhuc ciuilia negotia obire possunt. 2. matura, seu senium ipsum. 3. decrepita, seu exitialis, funebrem pompam indigens. (conf. quae de decrepita iam dicta.) De senectutis ortu et progressu, et termino; communiter circa somum annum senescere incipimus, et tunc sequuntur modo dictae tres differentiae. Ex autoritate Sacrae S. terminum dat annus 80m, quicquid narrent historici, de variis barbaris, 100, 200, 300 annos viuentibus.

Gerocomices diuisio generalis, in diaeteticam et therapeuticam. Pars Ima Diaetetica. Sect. Ima Cap. I. an diaetae sit senibus necessaria? affirmatur. Senes nec vt aegri, nec vt sani, nec vt neutri, sed vt conualescentes sunt diaetandi cibis restaurantibus. Disputatur inter Hippocratem et Galenum, an calida et humida diaeta conueniat, frigidaue et sicca, et salita? Cap. 2. Aer calidus et humidus seni conueniens; vernalis noxius; ab acre vespertino laesi senes fumigatione se leuent, et caput flamma, ex rosmarino, vel sarmen-
tis vitis calefaciant, ad vapores frigidos resoluendos. Cap. 3. De locis senibus idoneis; inhabitent loca salubria

bria et iucunda. Cap. 4. De potu senum: aquam vino, melle, glycirrhiza mixtam bibant; vinum speciatim commendatur ex Platone, ut timoris pharmacum, ingenii incitabulum, somni illecebra, senectutis restauratio, moderate sumtum. Cap. 5. De nutriendis senibus: cum Galeno salita, piperata, in cibis admittuntur, ad appetitum, et correctionem alimentorum; moderate utantur alimentis simplicibus, et recentibus, ex carnibus magis, quam ex vegetabilibus et piscibus. Cap. 6. Exercitatio senibus salutaris est. Cap. 7. Somnus et vigiliae alternt. Cap. 8. an, et quomodo adcubitus puellarum sit senibus salutaris, et viuificus, ut et iuuenum vetulis; puellarum corpora calida et humida, et halitus suaves, senibus frigidis et fiscis, et iuuenum vetulis, conueniunt, quintupliciter. 1. ad calefaciendum. 2. ad iuuandam concoctionem. 3. ad ventriculi robur augendum in adcubitu, loco castelli. 4. ad viuificantur cor, per oscula puellarum, citra amorem. 5. ad vitae principia augenda. Tabescunt puellae, si per annum, aut diutius, cum senibus cubent, experientia teste; iuvenes autem, qui cum vetulis coeunt, illas de nouo viuificant, sibi senectutem accelerantes. Cap. 9. De inanitione et repletione; maxime aluum soluentibus, et vrinam mouentibus opus esse, vult Galenus. Cap. 10. an venus senibus, vetulisque? declaratur pestis honoris et vitae senilis: admittitur bene valentibus: vetulis autem semper salutifera. Cap. II. de animi pathematibus: in senibus moderatio non solum gloria, sed necessaria, quia paruis superuenientibus passionibus facillime moriuntur, ob calidi natiui paupertatem: musica conuenit senibus. Sectio IIda, Cap. I. de potu senum: sit aqua cum vino, et vina artificialia, hippocraticum: et ce-

reuisia, quae ex melle bordeo, et lupulo paratur: conueniunt etiam varia decocta ex hordeo, sicubus, passulis, etc. cereuisia quae ex aqua stagnante, fereque putrida paratur, reprobanda est. Cap. 2. de victu senum: sit bonus panis, legumina mitia, fructus maturi, non ad saturitatem, sed ad voluptatem: ficus sale conditae, recentes, caules, radices, herbae, etc. in iusculis: ex animalibus caro musculosa optima; sequuntur testes animalium, ex animalibus florentibus succulentis, secundum Galenum; qui et carnes salitas meliores esse iudicat; adsentit auctor quoad carnes succulentas, et spirituosas suum. Lac senibus utilissimum, naturae amicum, et facilis concoctionis, obstructiones alui impediens, imprimis asinimum, addito paoco melle, vel sale iejuno stomacho bibitum. Caseus magis nocet, quam prodest. Sanguinis humani iuuenilis ex vena brachii haustus et potus, quem ad longaeuitatem quidam commendauerunt, damnatur. Ex auium genere succulentae prosunt, item illarum oua molliter cocta, cum paucis granis ambrac: mel laudatur; pisces parum nutriunt; interim saxatiles, et quorum caro facile concoquitur, edantur: vegetabilium usus non est adeo proficuus, quam animalium, vino, pane, et fructibus exceptis. Sectio IIII. De diaeta particulari senum. Mane in lecto fricentur per semikoram, cum linteo calido, vel panno, oleo amygdalarum leuiter imbuto: deinde vescantur calide; post reddant urinam, et aluum; caput fricent, os vino abluant, et oculos lauent: ientaculo sit vinum hippocraticum, aut iusculum caponis, etc. postea negotia tractent, ambulent, vel gestentur, si sunt senes maturi et decrepiti. Aduentante hora prandii, iterum mingant, manus lauent, et se pa-

stui accingant. Sequitur consilium, circa edenda, in prima, secunda, et tertia mensa. Post prandium sedent sopori, leuiori tamen, si sunt apoplexiae obnoxii: post soporem negotiis iterum, et recreationibus vacent, et conuersationi familiarium: delectentur etiam venere ridente, non autem ludente, chorea intuitiua, etc. Ante coenam iterum aluum et vesicam exonerent, et in prima mensa acetariis vtantur, etc. De diaeta senum aegrotantium: profunt iuscula medicata, cum herbis, morbis conuenientibus. Docentur gelatinæ caponum, cornu cerui, amygdalarum. Iura carnium parandi modus varius.

Secunda pars, therapeutica. Sect. I. Laudatur ambarum, in puluere et oleo sumtum, balsamus peruv. et liquidambar, interne et externe; nec non Styrax liquida, Mirobalani, Margaritae, Corallin. de auri virtute dubitatur. Sequuntur formulae medicamentorum, ad senectutem retardandam. Balnea commendantur senibus validis, non decrepitis, moderate calida: corpora sint ab excrementis purgata, nec laborent arthritide; ventriculus cum crusta panis, et vino firmetur. Unctiones conueniunt senibus, cum oleo oliuarum, vel amygdalarum. Humectandum et roborandum cor, ne eius corpus exsiccatur, internis et externis, humidis remediis. Hepar etiam conservetur, est enim officina sanguinis; cauendum. ne exarescat eius substantia; profunt aquae destillatae, et decocta, absinthii pontici, etc. unguenta aromatica. Ventriculus roboretur; est enim prima officina nutritionis, per decocta, balsama et species, ne languescant eius functiones. Testibus remedia sunt adhibenda externa, quia inest illis vis incredibilis, non solum ad secunditatem, sed etiam ad totius corporis oecono-

gniam seruandam, ut appareat in spadonibus et eunuchis; praeterea Galenus alterum quasi caloris natiui fontem in testibus agnouit: per testes etiam remediorum vis facilius penetrat, quam per alias partes externas: nec extincta est testium vis, et potentia, nec venus in senibus primi et secundi ordinis, licet languida sit; excitetur itaque, non quidem veneris exercendae causa, sed virium roborandarum gratia, vino generoso calido, aromatibus imbuto: nec priuentur hoc efficacissimo remedio vetulae, cum vuluae admotum easdem recreet, pro experimento saepissimo, habent enim testiculos internos. Senibus alii libertas procuranda, per alimenta, et medicamenta; laudatur usus Sennae, Cassiae, Aloes, ex Galeni sententia, quia, ultima ventriculum roborat, biliosa excremenza eicit, et haemorrhoides mouet: Terebinthina, seu balsamus, internis vitae principiis familiaris, renes simul purgans. Manna. Venaesectio fiat, secundum Galenum, in septuagenariis, qui vires habent robustas, et venas sanguine plenas; habitu aestimandi sunt, non annorum numero: prudentis medici est experiri facienda, cum cautione: taxantur, qui ad renovationem corporis omnem sanguinem senilem, sensim, euacuari, et meliorem, per alimenta, et medicamenta ingeri posse putant. Cucurbitulae, ob humorum, e capite in thoracem effluxum, commendantur; et hirudines, in variis externis affectionibus. Fontanelli etiam valde prosunt, ad pituitam euacuandam. Sect. IIda. Cap. 1. Senectus est morbus, quia est marasmus, et via ad interitum, secundum Galenum. Signa senectutis 1. annorum multitudo. 2. ariditas cutis. 3. canities. 4. tristitia cum morositate 5. sensuum imbecillitas, et manuum tremor. 6. desipien-

ta. Prognosis: molestum est animal, senex domi sedens, secundum Aristot. Est morbus incurabilis. Cap. 2. Cachexia, saepe colludit cum cacochymia; et licet incurabilis videatur, in occasu vitae, tamen aliquid tentandum, vitando aerem humidum, otium, tristitiam, somnolentiam; et usu alimentorum bonae succi, frictionum, et ambulationum: ventriculus et hepar roborentur amaris: diuretica et purgantia adhibeantur. Cap. 3. De totius corporis pruritu; cuius tentanda potius curatio, quam speranda, ob coniunctam cachexiam, cutisque exsiccationem; interim, abstineant a vino, salsis, piperatis, caepis, etc. calida hepatis intemperies iusculis conuenientibus corrigatur: si senex viridis est, sanguinis unciae sex mittantur; balneum aquae dulcis prodest: cuti inspergatur farina lupinorum, et sulphur. Cap. 4. Cutis corrugatio poscit medicamenta erugatoria Galeni, et Dioscor.

Morborum senilium particularium. CLASSIS Ima.
Apoplexia, est quadruplex 1. acutissima, derepente, motu, sensu, respiratione, et vita priuans. 2. fortis, cum respiratione, difficillima. 3. cum minus difficiili respiratione. 4. debilis, curabilis, cum tertia, in paralysin absens. Causa est aer frigidus, vini abusus, venus coacta, cerebri intemperies: prosunt suppositoria, clysteres, primo emollientes, post fortiores, purgantia, venesectione, capitis scarificatio, et vesicantia ceruici applicata: interne, aqua vitae, theriaca colestis, etc. dentur. Cap. 2. Vertigo, oritur a constitutione austrina, a somno immoderato, animi pathem. venere, capitis concussione, etc. in paroxismo prosunt frictiones et clysteres, spiritus theriacalis. Extra paroxismum vomitus prouocandus, si a ventriculo est: consert vinum absinth.

sintb. conf. alkermes, scutum stomachale: cauterium
 in tibia: si cerebrum laborat, pilulae de agarico:
 caput roboretur suffitu, etc. masticatoriis, errhinis,
 non sternutatoriis: haemorrhoidum fluxus bonus:
 dormiant moderate: hilariter viuant. Cap. 3. Me-
 lancholia, memoriae abolitio, curantur euacuantibus
 pituitam, cerebrum roborantibus, spiritus illustranti-
 bus, et multiplicantibus. Cap. 4. Vigiliae moderan-
 tur alimentis cum lactuca paratis, lacte amygdalino,
 ex seminibus frigidis, musica, pediluuiis, et manulu-
 uiis, vnguento populeo in temporibus: absint narcoti-
 ca interna. Cap. 5. Visus vitia: glaucoma perfectum
 est incurabile: oculorum humiditas purgantibus cu-
 randa, suffitu, cucurbitulis, masticatoriis, cauteriis,
 fetibus vinosis oculo imponendis: pilulae drasticae non
 prosunt, licet lucis appellantur. Cap. 6. Auditus gra-
 uis leuior redditur purgantibus, et reuellentibus.
 Cap. 7. Coryza tollatur diaeta exsiccante, uti alii ca-
 pitis frigidi affectus. Cap. 8. Dentium casus praeca-
 ueatur collutione oris cum vino, cui incocta sunt ad-
 stringentia. Classis IIda. Cap. I. Dyspnoea senibus
 vix curabilis est: vtantur aere lucido, tenui, alimen-
 tis tergentibus, mellitis, eupeptis, vita frugali, coena
 parca: abstineant a lacticiniis et fructibus horaeis.
 Prosunt, pro causa, vacuantia, reuellentia, deriuantia.
 Congestiones in pulmonibus glutinosae inciden-
 tibus et diluentibus, melle scillit. conserua fl. anthos,
 seu remedio praestantissimo, soluantur. Thorax oleo
 iasmini, vel amygdalar. dulc. vngatur. Cap. 2. Pi-
 tuita pulmonalis cum tussi: Hippocratis commendatus
 potus vini dulcis tepidus, cum butyro, et saccharo,
 seu sterilis, reiicitur; iubetur, si humor tenuis in-
 fluat, cum impech, ad tussim, incrassantibus mucilagi-
 nosis

nosis mederi. Si tussis vigilias creat, narcotica, cum
cautione; humoris influxi expurgatio per anacathar-
sin promouenda, alterantibus, cons. roscarum, succo gly-
cirrhizae: ad thoracis dilatationem inungatur
oleo amygd. d. butyro. Cap. 3. Cordis exsicca-
tio praecauenda viētu humectante, et substantifico,
remediis roborantibus, cardiacis: toties enim
senium prohibetur, quoties substantia cordis hu-
midior redditur. Cap. 4. Incuruatio, incurabilis
quidem, confugiendum tamen ad remedia, quae ca-
put retrahunt, pedes roborant, et vertebrae in situ
continere possunt. CLASSIS III. Cap. 1. Ventriculi
imbecillitas appetitum exsiccantibus, aliisque remediis
internis, aromatibus moderatis, externis fatus di-
scutientibus, catulis, catis, pullis, cuniculis, sacculis
ex pluma anserum paratis, nec non balsamo stoma-
chali iuuanda. Cap. 2. Hepatis refrigeratio et ato-
nia, praeter debitam viētus rationem, varia interna
poscunt: absinthium, nardum, passulas, dulcia, et vi-
num optimum: hepar lupinum, ab aliis commenda-
tum, reicitur. Pro purgatione insusum rhei. Ex-
terne, quae supra hepati dicata fuere, Cap. 3. Alui
humiditas, si a cerebro, et spumosa, tunc a cerebro, re-
uellatur pituita: si a ventriculo, tunc valent robo-
rantia et adstringentia, et externe emplastra; si im-
puritas quaedam latet, infusum rhei, minus forte ta-
men, si a capite fluxus alui. Cap. 4. Nephritis diae-
tam vult excludentem omnem crassum viētum: prae-
seruat butyrum recens cum vino tenui, passulae, auel-
lanae, sex ante prandium comedae: conueniunt de-
cocta emollientia et terebinthina, anima renuum. Vr-
gentic calculo caute agendum, leuioribus vias renales
relaxantibus, clysteribus, fomentis, balneis, linimentis.

Cap. 5. Stranguria, si a frigiditate vesicae dependet, calefacentibus oppugnanda; si a debilitate, roborantibus. Valent hic potionēs, decoctā, iniectionēs, clysteres, fomenta, semicupia, unctiones: appendatur pūdendo vitrum oblongum, cum spongia. **Cap. 6.** Dysuria curatur sere iisdem remediis, quibus stranguria, excepto, quod hic diuretica locum habeant. CLAS-
SIS IV. **Cap. 1.** Tremor manuum et pedum tollatur, sub conueniente victu, restaurantibus, superfluum pī-
tuitam abstergentibus, et purgantibus, si plenitudo cerebrum suffitu roboretur, spinalis medulla, vnguen-
to neruali; manus larentur aqua thermali calida, aut vino saluiato, lymphato. **Cap. ultimum.** Aricu-
lorum dolores contingunt per viam fluxionis, et per
viam refrigerationis. Disputatur amplissime, an sit
morbus senilis? incurabilis iudicatur in senibus:
nibilominus, si a refrigeratione oritur, calida adhi-
beantur, et topica, in tremore manum commendata:
interne autem Theriaca et Mithridatium. Si a flu-
xione, res sex non natur. bene obseruentur. Manus
pedesque, et potissimum cerebrum frigori non expona-
tur. Purgantia etiam competitunt, minus valida ta-
men, ob aetatem. In usu remediorum contra dolo-
res, cautio habenda, nec narcoticis agendum, ob aeta-
tiuam frigiditatem; sufficient lenientia, medulla pa-
nis albi cum lacte, ol. ranarum, etc.

Hoc est, amice Lector, integrum compendium Ge-
rocomices Ranchinianae, cuius variis melioribus
praeceptis, facillime accedo, et senibus, absque plagio,
et invidia, commendo. Interim non potui non, qua-
dam primaria eius, et singularia ad longaeuitatem
data consilia examinare et ponderare, et quidem in
fine Capitis tertii huius opusculi. Cum etiam, uti in-

Praefatione dixi, perpauci fuere, qui ex professo, uti loquuntur, de Senio, eiusque morbis, et de longaeuitate acquirenda scripsere; non inutile fore duco, si etiam de IOANNIS FLOYERI, Equitis, Medicina Gerocomica, anglice conscripta, sciagraphiam idiomate latino, subiungam, in primis, cum huius Tractatus, Londini 1724. in 8. editi, recensionem, in Actis eruditior. Lipsiensium, mentionem non factam esse inuenimus. Certe methodum quamcunque longaeuitatis, quam omnes anhelamus, saluae acquirendae, in publicum commodum nullatenus celare, sed pro viribus promulgare, iustissimum duco, ut quae sint optima, et scopum recte ferientia paecepta, ex instructionum farragine prudenter elegantur.

Sciagraphia Gerocomices Foyerianae Praefatio.

Quadragenarius, vel quinquagenarius factus, vel stultus est, (ita sere sentit CORNARVS) vel fit medicus, bseruando, quinam aer, quae diaeta, quod exercitium, euacuationes, somnus, passiones ipsi conueniant, vel non conueniant. Horum moderatus usus conservat sanitatem, et praeseruat a cacockymia, morbo-um causa. Naturalis hominum constitutio est vel alida, vel frigida, et haec dignoscitur ex arteriae ulti. Optima valetudo indicatur, per pulsum, matino tempore, spatio horae minuti, 70 usque 75 vi-ibus ferientem: qui hunc numerum superat, calidam institutionem indicat, qui autem illum non attingit,

frigidam. Acquiri potest calida constitutio, vsu diaetae calidae, et frigida vsu diaetae frigidae. Sanguis secundum varias constitutiones, varios continet sapores, acidos, falsos acres, etc. Cacochymiae quantitas per euacuationes tollitur, qualitas per remedia, quae contrarium frigidae vel calidae cacochymiae habent saporem. pag. 13. Dolet auctor, non nosse Anglos verum usum calidi et frigidi balnei, Romanis usitatum, Cacochymiam, omnem morborum causam, curantem. Indicationes curatiuae sumuntur a temperamentu, causa morbi, et eius vi. Omnia haec ex natura pulsus patefiunt. Absque externa et interna medicina pauci curantur morbi. Lauacrum, et horologium pulsus, pulsulogium, necessaria sunt, seni infirmo, utensilia. p. 15. Describenda est 1. causa senii 2. quomodo per sex res non naturales conseruanda 3. quo regimine, et saporibus medicis, cacochymia curanda, ne morbum gignat. p. 16. Alteratio partium solidarum abit in exparescentiam, circa frontem et oculos et viscera; hinc mala digestio et secretio, casus dentium, et canities. Alteratio humorum in phlegmaticum, et melancholicum statum, seri crudi abundantiam; hinc maior propensio ad morbos chronicos, quam ad acutos. Alteratio spirituum appareat in debilitate, motu, tremore, tarda venere, pulsu debili, etc. p. 18. Defectum solidarum partium supplant lauationes calidae et unctiones. Defectus humorum requirit curam cacochymiae. Defectus spirituum reparatur diaeta nutritiua, et cordiali. Spiritus destruuntur vehementibus animi affectibus, magnis ieuniis, venere immoderata, laboribus grauibus, studiis intensis coluntur gaudio, spe, recordatione peracte iuuentutis.

Inun-

Inunctio commendatur, cum oleo oliuarum vel amygdalarum, cum sale; vel indusum oleo tintatum, balneum in tepida et frigida: cibi dulcis saporis et grati: in debilitate stomachi Aloe, seu laxans. Oleum amygdal. amararum etiam habet usum internum, contra viscerum ariditatem: circulatio optime praeseruatur, exercitiis et frictionibus, et per indusa se-
tosa. p. 20. Caena ex carne reicitur: in prandio va-
rietas eupeptorum obseruetur: cerevisia non fortis,
iuncta, vinum, oua, sunt nutrimentum senum. p. 21.
Laxantia repetita magis conueniunt, quam exercitia,
et sudores. Terebinthina commendatur. Pulsologium
ad numerandos pulsus adsit, nec non Lauacrum pro la-
uando corpore: post lauationem frictio et unctio fiat.
Cap. I. de causis defientiae partium solidarum et
liquidarum in sene. Varii generis senes exponuntur,
i. g. quidam senes habent pulsum, heclico similem, ce-
rem et frequentem, minus dormiunt, et comedunt,
sc. alii senes floridae sunt constitutionis, cum pulsus
leno et magno, bene comedunt, bene dormiunt, fiunt
longaeui, si fugiunt excessus, et moderata diaeta utun-
ur: frigid et aridi senes minus fiunt longaeui: flo-
ridi et pingues senes censendi sunt medii inter tem-
eramentum acre, biliosum et salsum. Allegantur
uidam aphorismi ex SANCTORIO, de Senectute, et ex
ISTERI Comment. ad Sanctor. cuius consilium, sen-
zimarium est: vni perspirabili promouendo incum-
at, si vitam diu sanus prolongare velit. Cap. II.
recto usu aeris, diaetae, exercitii, balnei, unctio-
is, frictionis, euacuationis, passionum animi, vigilia-
um ad sanitatem tuendam. Circa haec omnia pul-
s arteriarum sunt obseruandi, quoad numerum et

vigorem: qui numero et vigore latus est, calida diaeta opus habet; nimium celer autem frigida: sic etiam quoad temperamentum. Varietas ciborum non conuenit, nec illorum nimia quantitas. Medicinae calidae, vel frigidae, diaetae iunctae, stomacho sunt amicae. Diaeta senum dirigatur contra obstrunctiones phlegmaticas, cholera, serum viscidum. Friccio pulsum, 7 vel 8 vicibus, auget. Diaeta senum contineat quatuor libras per diem: Auctori valabant $3\frac{1}{2}$. (Interpellare hic, loco congruo, liceat FLOYERVM. Duplo maior fuit eius victus portio, quam famosi illius CORNARI. Hic enim, si fides historiae habenda, ex 26 vnciis vixit, nempe 12 vnciis ciborum solidorum ex regno animali, et pane, iuncto simul vitello oui; qui cibi, si vncia, pro comperto medicinali, 480 granis constitut, nimii videntur, si autem 240 granis, ceu lothi germanici vel semi vnciis, tunc modica et sufficiens octogenario vel nonagenario esse potuit. Quod potum autem attinet, vix credibile est, ipsi 14 uncias suffecisse, si etiam vnciis magnis, seu medicinalibus ponderaueris, nondum enim libra ciuilis inde exsurget, cum notum sit senibus, ad sanguinis fluiditatem et eius circulum conseruandum, plus libra, ad minimum, necesse esse.) Proponuntur sexcenta exercitia, vngaciones. Hilaritas conuenit seni. Laxantia commendantur, non autem vehementer purgantia. Omnia constitutionem homines senescunt, utpote subiecti variis morbis, et cacoehymis; ideo remediis opus est specificis, ad singulas cacoehymias praeueniendas. Cum autem non una methodus sufficiat, ad tuendam sanitatem senum, opus est obseruare regimina, in capitibus sequentibus com-

men-

mendata. Cap. III. Regimen extenuans in *plethora*
senis sanguinei. Signa *plethorae* ex *habitu florido*,
pulsu forti, *vrina colorata*, *respiratione*, *appetitu bono*,
somnolentia, et *motus carentia petuntur*. *Abstine-*
ntant ab omni nutribili, *moueantur fortiter*, *bibant*
frigidam, *vel valde calidam*, *Thee et Coffee*. *Vtantur*
calido balneo, *cum multa frictione*; *saepe purgentur*:
ad sudorem, et *ad diuretica teneantur*. *Vtantur*
amaris, *acribus et salsa*, *aquis chalybeatis*. *Pulsus*
vehemens indicat rubor senis, *quae venaesctionem ad-*
mittit, *in supra septuagenario*. *Apoplexiā auertit*
frequens venaesctio, et *purgatio*, et *potus frigidus*,
Floridi senes calidis sunt annumerandi, *sed pingues et*
pallidi, *frigidis*. Cap. IV. Regimen restauratiuum in
subiectis tenuibus. *Sit nutriens ex lacte*, *carnibus iu-*
niorum animalium, *fructibus dulcibus*, *farinaceis*,
pinguibus, *appetitum excitantibus*, *balneis ter in die*,
interposito potu lactis, et *iuscumorū variorum*. *A-*
mygdala et hordeum, *quin capita et pedes ouium*,
cum aqua pro balneo coquantur. Cap. V. Regimen
contra amaros, *acres*, *bilioſos humores*, *qui producunt*
ructus nidorosos, *sitim*, *anorexiā*, *febres*. *Nascun-*
tur tales humores ex mala digestione stomachi, et *ex*
praecepitata circulatione. *Fugienda diaeta calida*, et
ex dulcibus: *vomitoria conducunt*, *amara*, *cereuisia*
tenuis, *vinum lymphatum*, *serum lactis*, *mane lac*
ebutyratum, *oleracea*, *aqua chalybeatae*, *mucilagi-*
nes, et *herbae mucilaginosae*, *cerasa*, *pruna*, *poma*, et
omnes fructus horaci, *austera*, *sal prunellae*, et *ni-*
trum. *Contra circulationem humorum nimiam*,
opiata. Cap. VI. Regimen contra inflammations
et calidos rheumaticos dolores, *ortos per visciditatem*

humorum. In hac cacoehymia abstinentum est ab omni calido regimine: venaesctione opus est, vomitoriiis, et clysteribus refrigerantibus. Purgantia aestum augent. Serum lactis conuenit, et illud cum fimo equino, et spiritu salis ammoniaci, quod, et decoctum lignorum, perspirationem augent. Narcotica commendantur, nec non variae compositiones saponum, quibus addita sunt, semen sinapi, oleum succini, balsamus peruvianus, in casibus paralyticis, post rheumatismos: nec non in inflammationibus rheumaticis, sacch. saturni et camphora addita, cum decoctis ex vrtica, vel sambuco etc. Cap. VII. Regimen antiscorbuticum ex salsa, et corrosua lympha. Fugienda diaeta salsa, et calidum regimen: purgandum tamen, cum aquis purgantibus, Epsonnensi. Prosunt acida et acerba, mucilaginosa, aquosa, austera, frictiones et saponacea applicata. Contra calculum vitandus omnis turbidus potus, mucilaginiæ, diaeta calida, aromata, putridi cibi. Prosunt diluentia, aquæ sulphuratae, et chalybeatae, nitrum, lac asininum, serum lactis; purgantia, amara, aloë: diuretica prosunt, terebinthina, ad drachmam quolibet mane. Allium, caepe, sinapi in vino, cum succo citri, vitellooui et melle. Praeseruat potus matutinus aquae, cum succo citri et faccharo, potus diaeteticus, aquae, lactis, sobrietas, et frequens purgatio: abstinentia a venere et lepto molli. Externe sapo cum spermate ceti, oleo scorpionum, amygd. amar, oleo tart. per deliq. cum decocto herb. maluae, chamomill. et infessus pro balneo, in bono oleo oliuarum, vel capitum et crurum ouium. Cap. VIII. Regimen contra podagram, eius nodos calcaneos et debiles articulationes. In pa-

roxismo sit diaeta tenuis, per 14 dies. Vomitus in principio, antequam dolor artus occupat. Venaesectio in symptomate extraordinario, additis clysteribus: cum viget in articulis, sudorifera et diuretica valent. Vitandus cibus ex carne. In fine purgare licet. Praeseruat abstinentia a vino, et a multis cibis: sudorifera, et diuretica: vomitoria, venaesectio, et purgantia ante aequinoctium. Vitanda acria, salsa, aromatica, allium, piper et cibi viscidii. Aestate pediluuum ex aqua marina, et hyeme aqua salita calida. Cum podagra pro constitutione differat, ita topica differre debent, et pediluuia: aliis fiat ex aceto vini, cum herbis neruinis, aliis, e. g. biliosis, ex mucilaginous, farinaceis: pituitosis autem, ex excrementis animalium cum posca: in frigida podagra spiritus salis ammoniaci, cum penna illitus. Componatur sapo, cum salo ammoniaco, nitro, sale, sub usu decocti plantaginis. Idem sapo fere, addita cinnab. antim. et oleo terebinth. sub usu lixiuii in Tophis. Venaesectio in principio, vel in fine (nullatenus in paroxysmo) prae-
seruat a paralysi, apoplexia. Deficiente digestione, et materia podagrifica ventriculum officiente, nec artus corripiente, ex defectu circulationis, agendum cum chalybeatibus, et amaris, extra paroxysmum. Artus roborat balneum frigidum, finito paroxysmo. Cap.
IX. Regimen digestuum contra crudos, viscidos, tartareos humores et obstructiones, sic dicta diaeta attenuans. Haec cacoehymia ex urina albida, pulsu debili, et flatulentia ventriculi cognoscitur. Euacuationes profundunt: vomitoria, aloetica, sudorifera et diuretica: fugienda sunt farinacea, excepto bono pane. Viuum parum prodest, et cibi tosti, piperati, saliti, su-

mati: acria varia, carminatiua, aromata, amara, terebinthina, lixiuia, foetidus caseus, urina vaccarum ad purgandum, valent contra cacochymiam frigidam: ieiunia, exercitia valida, frictio cum duabus scopis, lotiones cum oleo absinthii, sinapeos, cum decocto angel. Lauend. Menthae, et rad. Angelicae: iungantur sapones acres ex sapone cum sinapi et oleo et tintura piperis, sale ammoniaco, oleo tartari per deliquium, unito v̄su decocti raparum vel cochleariae. Cap. X. Regimen cephalicum, et diaeta contra flatulentos et vitriolicos humores in hypochondriacis et hystericis. Haec cacochymia ex acidis ructibus, dolore ventriculi, et abdominis, vomitibus, sedibus, sputo, nigris, agnoscitur: ortis ex sanguine in abdome stagnante, et putrescente: adeſt feruor humorum, et mixtura acris bilis, et vitriolici humoris. Ex obſtructione veneae portae tales humores producuntur, nec non lepra, cancer, et gangraena. Vitanda diaeta calida, carnes nigrae leporinae, auium aquatilium, ieiunia, carnes salitae et fumatae, casei, etc. Nocent obſtrutiones alui. Panis furſure mixtus minus obſtruit. Prodeſt ſerum lactis, clysteres refrigerantes, lac asinum, aqua Bristolensis. In malo hypoch. calido, diaeta ſit refrigerans. Aciditas, et bilis hypochondriacorum vomitibus et lenibus purgationibus euacuanda. Humores ſaſi ſero lactis, clysteribus refrigerantibus, balneis calidis, potu aquae, decocto chinae corriguntur: acidi autem aqua calcis, ostracodermat. lixiuifis, in hypochondriaco frigido. Grumofitas humorum ſoluenda eſt antiscorbuticis, terebinthina, amaris, rad. Aronis, vino chalybeato, ſalibus volatilibus et aromaticis, foetidis cordialibus, et Aloe. In feruo-

re sanguinis detergentia frigida bona sunt, cicchorace, salso-acida, nitrum, sal ammon. aqua cum saccharo: fumaria in sero lactis. Aluus semper sit aperta, ex oleo, vel oxymellis vinciis duabus: noctu oxymel. Squillit. drachma, in vino lymphato: conuenit senna cum prunis. Maniacis venaesectio ad animi deliquium, et purgationes, serum lactis, balnea calida, irrigationes capitis, et opium: post tepida balnea; caput frigide lauandum: longa mora in balneo frigido soporem inducit. In Phrenesi, post venaesectiones, et clysteres, et opiata, tepida balnea et unctiones, oleum capiti. In melancholia, frigida diaeta, frigidum balneum cum sapone, cui sinapi, pyrethrum, castoreum, flores aurantiorum, species diambrac, ol. ligni rhodii carioph. etc. addita, cum decocto Angel. rosmar. Lauend. Cap. XI. Regimen contra varios fluxus. Vi-ctus sit ex farinaceis, frugibus, ouis, gelatinis, ex priapo, ichtyocolla; austoris, cibo vnico. Profsunt immersiones frigidae in haemorrhagiis, vomitus, epithemata frigida, ex aceto vini et nitro: opiata, praesente febre cortex peruvianus addatur. Balneum frigidum contra sudorem nocturnum Cap. XII. Re-gimen contra vlcera renum et pulmonum. Diaeta sit tenuis. Detergentia, ex dulcibus, insipidis, mellitis, cum agrimonie, enulae radice coctis: terebinthina, balsamus Locatelli: in ulceribus viscidis decoctum Guaiaci, cum enula, myrrha: urina propria. Sarcotica ex gummosis, cochleis, ad pulmones, nuce moschata et melle, ouis, lacte chalybeato. Cicatri-santia ex stypticis, fol. et radice fragariae, bistorta: terra sigill. in omni potu. Decoctum corticis quercus, cum aqua calcis. Cap. XIII. Regimen contra pruri-

tum, lepram, Herpetem. Profsunt acida, lactuca, melones, cucumeres: salso-acida, sal prunellae, styptica, amara, myrrha in vino, centaureum in cereuisia. Acria, ut sinapi, ruta, cochlearia, profsunt contra pustrefactionem: salia volatilia autem et fixa praeueniunt dissolutionem humorum, et curant omne venenum animale, perspirando, eius partes volatiles. Iatura spirituum reparatur croco, kermes in vino aromatico, sero vinoso, spiritu vini, spiritibus volatilibus. Purgantia ex mercurio dulci, et resina Ialapae: balnea calida; saliuatio. Cap. XIV. Regimen cordiale ad circulationem promouendam. In spirituum deficiente influxu in cor, et musculos thoracis, et in defectu irritationis auricularum, et ventriculorum cordis, vitanda ieiunia, venus, vigiliae, labores, calida balnea. Profunt aromatica acria, vina hippocratica, ol. cinnamomi, carioph. sal volat. oleof. odorifera, tinctura ambrae gryseae, et omnia foedita; cereuisia bene lupulata, et quae in cacochymia vitriolica commendata sunt: frictiones, aspersio frigidae in faciem. Lypothymiae frigida fugantur, et vomitibus in malo hypochondriaco. Cap. XV. Regimen contra Asthma. Ante paroxysmum, imo in paroxysmo, diaeta sit refrigerans, nam est febris symptomatica, ex obstructione bronchiorum. Post paroxysmum diaeta sit lauta, ad reparandum pondus numerimenti, quia paroxysmus tres eius libras consumit. Praeseruat aer purus, nullatenus vaporosus. Prodicit motio corporis, frictiones partiales, et totius corporis. Fugiendae radices, pisa, olera, lac, caseus. Prodicit Thee vel Coffee, triborio a pastu ad digesti-
mem. In asthmate calido, a sanguine spisso, venaese-
sectio

Zio sit frequens: prodest panis triticeus, vel secalius, cum surfure sufficiente; decoctum pomorum. Fugienda acria, spiritus vini, pisces, vina rubra, coeca ipsa. Prosunt mulsum leue, decoctum glycirrhizae, lignorum. In paroxysmo jejunium primo die, abstinentia a cibis solidis: vinum lymphatum, quies in sella, sal prunellae largiter: spir. CC. gutt. 20. in frigida, mane, ad expectorationem: sternutatoria promouent expectorationem: vinum sambucinum, oco cereuisiae: oxymel scilliticum: flor. sulphuris, in pilulis, scrupul. vnum: vina, purgantia. Cap. XVI. Regimen in defectu organorum sensitiorum. Deficiente memoria in calidis et humidis senibus, remedia, et diaeta calida et sicca requiruntur. Balnea alida, et olea, vnguentum nardinum, purgantia, imara, piper; castoreum in balneo: interne allium, sal volatile, castoreum, belleborus albus in sternutatoriis: frequens capitis comotio: lac asinum, Chocade. Si calidum in causa est, utendum humidis, balneis temperatis, post frigidis, cum oleo rosarum: viuum lymphatum, pisces: vomitoria bilem eduentia: venae sectio, exercitia et frictiones lenissimae: fugiant venerem, vigilias, curas, jejunia, studia. Allegantur variae theses ad sanitatem, ex Aucttoribus antiquis. Cap. XVII. Variae medicamentorum formulae: Impontra acescentiam cerevisiae in aestate, e. g. liquor nitri fixi, reliquae. contra phlegma pulmonum, podaram, calculum, Ophthalmias, Hydropem, luem veneam, Stranguriam, Surditatem, etc. Cap. XVIII. De perfusione cum aqua calida, commendat stare in vaculo, ad ignem, tunc fricari undique, lauari cum aqua sponata, teporis urinae; postea perfundi tepida. Mu-

ria fortis commendatur contra pruritum et scabiem faciei: nec non urina propria, quae etiam oculos clarificat, ex propriis in oculis auctoris, obseruata; in cap. XVII. Cap. XIX. De usu frigidi balnei in variis morbis chronicis. 1. Praeseruat omnes haemorrhagias, speciatim vetularum, nondum quinquageniarum 2. in rheumatismis, inflammationibus, malo ischiadico. 3. in flatulentia, malo hypochondriaco et hysterico, mania, conuulsionibus, tympanitide. 4. corroborat partes solidas, in Rachitide. 5. in fluore albo, abortu, tussi. 6. in calculo et stranguria. 7. extinguit fistim, promouet digestionem, auget appetitum. 8. nocet pinguibus, quibus viscera male sana, in paroxysmo podagrae, frigidis, pleuriticis. Tempus utendi sit a mense Iunio, usque in Septembrem, post adhibitam venaesectionem, et purgationem, cum ieuniis, bis ve ter in septimana. Cap. XX. Continet diuersos pulsus in diuersis senibus, matutino tempore, examinatos. Vetulae, 75 annorum, fuit 75 et 76 vicibus. Senis 64 annorum, 84 et 86 vicibus. Aliquibus senibus intermittit: aliquibus est myurus. Auctoris pulsus mensibus Iunio et Iulio inter 76 et 90 vices pulsauit. Sequitur tandem Appendix, in qua Unctiones ad sanitatem, comprobantibus variis Auctoribus, urgentur maxime veteribus, et calidarum regionum: olea educta docentur ex variis seminibus, et nucleis, quorum quaedam in proprio corpore expertus est auctor, operam impendens conficere sapones, cuilibet allegatarum cacochymiarum, anticacochymicos. Adiecta est epistola, de conuulsionibus infantum, et usu cauterii in hoc morbo, in occipitio appliciti. Claudit opus notitia de manuscriptis auctoris, quae tradidit Bibliotheca

Oxford

Oxfordiensis Collegii Queens-College, in qua mentio fit, tertiae et quartae partis sui horologii pulsus. (vbi prima et secunda pars horologii habenda sit, ignotum est.)



FLOYERV^M Practicum fuisse, attentum, et multae experientiae, ex praemissis hisce facile elucet; ideo operaे pretium me fecisse puto, quod de hoc tractatu recensionem fecerim integrum. Cui animus audax est, consilia quaedam, ut valde actiua, ita operosa, sequi, patientissimo opus habebit aegro. Pulsus numerationem quod attinet, illam nullius usus esse, nisi in statu corporis aegro, censeo: variat enim matutino tempore, nunc a coena frugali, vel lauta, nunc a somno placido, vel turbulentio; ne dicam, de pulsu intermittente et myuro senum, stante tamen sanitate.

Desisterem hic aliena ad longam vitam ducentia praemittere praecepta, nisi obseruatu dignum iudicarem, eodem anno, nempe, 1724to, quo FLOYERI Geronimica, Londini prodiit, adhuc duos Tractatus, fatis quasi, pro hac materia, certatim militantibus, prodiisse; unum etiam Londini, nempe WELSTEDII, de Vergente aetate, et DETHARDINGII Manuductionem ad vitam longam, Rostochii. q. editam. De his, absque prolixitate, et tantum tribus quasi verbis, dicam, quod DETHARDINGIVS, ex rebus sex non naturalibus, 60 regulas, scholiis et corollariis 174. docte, locupletatas, construxerit, quarum ductu vita longa sit consequenda

da. De WELSTEDIO autem legatur recensio; quam dant Acta Erud. Lips. eiusdem anni, ex quibus pauca, cum Ranchimanis monitis conspirantia, in fine Cap. III. adduxi, ipse huius Tractatus nondum compos factus.


Haec sunt, quae opusculo huic praefari iustum duxi. Sylva tibi iam erecta est, amice Lector, ex qua fructus ad longaeuitatem carpere licet.

Si tibi cognita iam sunt mea omnia, condona, quod lectioni frustra vacaueris, et si displicant data ad longaeuitatem consilia, ignosce, et meliora descendit, in hanc horam cupido, aliisque impertire. Claudam itaque, ad antiqui versiculi monitum:

Elige quod praefstat, si sal tibi pectore restat:


Qui peiora capit, nil magis inde sapit.

Dabam Rigae, Anno M. DCC. LIX.



C A P V T .







CAPV'T I.

Recensionem historicam primi senii, grandaeuitatis et longaeuitatis continens.

§. I.

P rimum senium, seu primum senii gradum homines attingere, quotidianum, et obuium satis est: secundum etiam gradum, grandaeuitatem nempe, occupare, non valde rarum, implere autem illum, i. e. annum aetatis nonagesimum salutare, non quotidiana res est: rarissimum est itaque, longaeuitatis stadium intrare, et in illo plures annos percurre, vel potius perrepere. Et haec quidem in Europa nostra ex annuis annotationibus, quae de demortuis in pluribus amplioribus Europae urbibus publicantur, discere sufficit.

§. II.

Quae autem inter Europaeas regiones plurimos alat longaeuos, inquirere operaे pretium videtur,

D

cum

cum de his ad numerum grandaeuorum rationem facere, facile sit.

§. III.

BACO VERVLAM. in *historia vitae et mortis* perhibet, Hiberniam et Britanniam, cum Insulis Orcadiis et Hebridibus continere plures longaeuos, probationis loco indicans, in Britannia vix reperiri viliam populosiorem, in qua non reperiatur mulier et vir octogenarius: putatque simul, insulas continere plures longaeuos, quam terram longe mediterraneam. Non autem hi sunt longaeui meae theseos: dari interim in Britanniis et longaeuos meae nuncupationis, ex literis publicis interdum docemur: mentionem enim nuper fecerunt cuiusdam IENKINS, in comitatu Yorkensi, 153 annorum, et alias viri 155 annorum, nec non vetulae cuiusdam 154 annorum: nec negandum, dari etiam in aliis Europae regionibus et calidioribus, et frigidioribus longaeuos. Sic memini, ante aliquot annos mihi per literas, Archangelogrodi datas, relatum esse, vixisse ibi tunc temporis virum centum et quatuor annorum, qui adhuc officiis duris piscationis in mari incumbebat. Nec diu est, cum de Lappone supra-centenario literae publicae nos certiores facerent; præterea plures centenarios in Lapponia reperiri indicat LINNAEVS: in quo populo, nescius, an eo magis, vel eo minus haec res sit admiranda, quod *communiter* et pane et sale careat, nec nisi ex carne et lacte ceruorum borealium, piscibus, paucisque vegetabilibus viuat.

§. IV.

Licet in regionibus borealibus, illarumque insulis reperiantur loæui, parcior tamen et credo illorum

illorum numerus, quam qui in Germania, et vicinis ipsi regionibus reperiuntur: appareat enim ex *Annalibus medico-physicis Vratislauiensibus*, si illorum vnius solum decennii spatium percurras, magnus longaeuorum numerus, qui longaeuitatis spatium eminenter supra centum annos emensi sunt.

§. V.

Non dubitandum, et extra Germaniam, e. g. in Hollandicis illis Gerontotrophiis, existere semper longaeuos, cum autem illorum, cum moriuntur, non semper fiat mentio, maxime illi tantum ad computum trahi consueuerunt, qui extra Xenodochio hanc aetatem assequuntur. In Hungaria longaeuos dari compertum est, et inter illos maxime recensendus venit Petrus Czartan, qui ante hos viginti annos obiit, et centum octoginta quinque annos vixit, eoque ipso *supra-longaeuus* nuncupari meruit. Docabamur etiam, 1756 anno, obiisse in Hungaria virum annorum 127. Porro, in Gallia, Hispania, et Italia longaeuos dari, nemo negabit, cum, vel a priori, multorum in his regionibus vigens vitae sobrietas id opinari suadeat. Sic recensebatur in Nouellis Traiectinis gallicis, 1754, de vrbe quadam Galliae, *Prades d' Aubrac*, de tribus viris, mense Maio eiusdem anni mortuis, quorum unus vixerat annos 126, qui nunquam vinum biberat, nec aegrotauerat, alter faber horologiorum, qui paucos ante obitum dies rei suae fabrili incubuit, et annos 118 vixit, tertius annos 112 vixerat.

§. VI.

Interim, cum Historici Romani, e. g. TACITVS, Germanorum procera corpora, robur, et vires sumptuopere, praes aliis populis, mirati sunt; id posteris

creditu facile reliquerunt, Germanos prae ceteri Europae populis frequentius longaeuitatem attingere: a robore enim nativo corporis, et patro, omnino longaeuitatis fundamentum: quod robur, nunc per multa iam secula mollitie et luxuria eruatum, credibile est, ante eius pessundationem, maiorem longaeuorum dedisse numerum, quam hodie: de qua materia legatur CONRINGIVS, in speciali tractatu, *a antiquo corporum germanicorum habitu.*

§. VII.

Memoratu autem dignum est, illos fere solo fieri longaeuos; qui ex egestate parsimoniae incumbunt, et multis vitae commodis carent, plebeii nempe, qui vel opificio, vel militia, vel rusticis operibus vitam anteactam sustentarunt. Certe vna eademque antiquis Germanis, nulla vel parua Magnatibus data praerogatiua, vigebat parca vitae ratio; e per hanc temperantiam longaeuitatem acquiri, sertiendum est: licet, ut in sequentibus videbimus, iam intemperantia non impedit.

§. VIII.

Quae in Europa sporadica datur longaeuitas, ita in aliquibus mundi partibus, pro Historicorum relatione, communis et endemia est. Praedicatur prae aliis mundi incolis, *Americanorum*, in primis *Brasilianorum*, longaeuitas, quos ante Europaeorum aduentum ducentos, imo trecentos annos impleuissim narrant: illos autem nunc ex infesta communione cum Europaeis, et ex usu horum victus, super centum tantum annos viuere, non canescentes aetatem decrepitam: referentibus haec PISONE MARGGRAFIO in *historia natur.* Brasiliae, longaeuitatem huius populi hodiernam credere minus haesit

mus, in primis, cum referat PISO, et ipsos Lusitanos, quibus iam paret Brasilia, ibi felicius longaeuitatem acquirere, quam in ipsa patria: dubii tamen sumus, an ante Europaeorum aduentum tanta indigenis endemia fuerit longaeuitas, quae ultra ducentos annos durauerit, in primis, cum idem Auctor alleget, Brasilianos constanter abhorrere a regimine vitae Europaeorum, suis antiquis viuendi modis indulgentes: qua ipsa contradictione fidem suam minuit.

§. IX.

Inter Iudeos, Pythagoricae doctrinae olim addictos, Essaeos, longaeuos factos fuisse, docent historiae, quae doctrina, cum summam imperaret sobrietatem, multum ad longaeuitatis scopum faciebat. Idem contingere Monachis plurimis, temperantiae deditis, hodierna monasteria abunde docent, cum, si non longaeuitatis multa, tamen grandaeuitatis non pauca, contineant exempla.

§. X.

Inter Chinenses multos obseruari longaeuos, constans est itinerantium relatio; simulque, quod prae aliis populis ardentissime studeant longaeuitatem sibi acquirere, idque vel a cultu Idolorum, in hunc finem specialiter fabrefactorum, impetrare sperent, vel etiam artibus medicis. Possedi olim, ex Idolis ad senectutem, exemplar, nempe ex cupro fabrefactum ceruum (longaeuitatis symbolum) ventre cauum, cui vir decrepitus insidet; ceruo simul ramum quercus annosae cum glande, ore tenente; cum iam vota pro longaeuitate facere est animus, ventris cavitati thura, vel alia odoramenta induntur, et paum ignis ventri cerui subditur, tunc fumus odoriferus per foramina quaedam exit, et seniculum cu-

preum circumdat. Concessus est iam huic idolo locus honorificus inter rariora Academiae Nat. curiosorum. Comprobant etiam quodammodo existentiam admodum longaeuorum inter Chinenses, sicunculae ex materia porcellanica, ab illis conflatae, quae ultimam decrepetudinem suae gentis artificiosissime praefigurant.

§. XI.

Non obliuiscendi hic sunt *Calmucci*, Russiae Asiaticae partim incolae, partim vicini, vitae, ut plurimum valde agresti studentes: notissimum est inter illos dari longaeuos, qui vix progredi possunt. Habitus corporis illorum est robustus, quadratus, caput grande, fere vti Chinensibus, thorax et abdomen ampla, manus pedesque molis mediocris, in quo etiam cum Chinensibus conueniunt. Victum sibi parant maxime ex animalibus, raro ex piscibus, rarissime ex frugibus: piscari enim et agrum colere, onerosum ipsis videtur. Ditiones ex carne camelina, equina, imo ouilla viuunt: pauperes felina, canina, murina delectantur; sit animal recenter matatum, seu morbo mortuum: ex suilla carne cibum non parant illi, qui Mahumedis sacris, licet perquam ruditer, imbuti sunt: reliqui in hoc Chinensium mores sequuntur, et ex suibus etiam cibum capiunt. Salis fere nullus ipsis est usus. Pauperes, cum parce cibis carneis vti ipsis necesse est, carnes, in frusta concisas, super ignem torrent, marsupioque recondunt; de hoc, vbi iter instituendum est, frustum comedunt, post pinguedinis animalis crudae portionem, si adest, intra buccas tenent, donec successive deglutita sit: qua methodo famem per aliquot dies tolerare dicuntur. Vti pigritia, et locorum

rum, ob pascua, equis in primis necessaria, mutatio, agros colere non sinit; ita tamen panem, ex frugibus coctum, adeo valde amant, ut in fluuium proiectum natando prosequantur. Aqua ipsis pro potu est: ditiores tamen spiritum quendam inebriantem ex lacte camelino, et frugibus terrae spontaneis parare sciunt: in itinere autem, ubi et aqua et caro deficit, camelorum venas pertundunt, et sanguinem illorum bibunt, tam pro potu, quam pro cibo tardioris concoctionis, et ex hoc famem diutius arcente. Sub hac vel penuria, vel abundantia alimentorum vilissimorum tamen salacissimi et maxime foecundi sunt; animi, de reliquo indolentis, quicquid infortunii ipsis eueniat. Et quid infortunii sub tali vitae genere accidere potest, quod sponte caret omnibus vitae commodis? sola certe operosa captiuitas.

§. XII.

Liceat nobis in terrae nostrae clima feruidissimum, Aethiopiam nempe expatriari, et ibi in longaeuitatem inquirere. Qui de huius regionis incolis nobis memorabilia retulerunt, (inter quos HERODOTVS L. III.) narrant, dari inter Aethiopes, quorum alii curtam, alii longam viuant vitam, et victum diversum vnicce causam huius differentiae esse: qui enim vnicce ex piscibus alimentum capiunt, Ichtyophagi dicti, et qui ex locustis viuunt, Acridophagi vocati, vix 40 annos implere: aliam vero dari gentem Aethiopicam, ob communem longaeuitatem, ad annos 120 durantem, *Macrobiūm* vocatam, quae Calmuccorum instar ex carne et lacte solum viuat, et aquam, insolito leuissimam, ex fonte quodam balsamico bibat: robusti corporis hunc esse populum, illumque armis insolitae magnitudinis vti.

Hanc veram *aquam*, vel *balsamum vitae* nuncupandam esse puto, modo infallibilis veritatis sit historia.

§. XIII.

Circa historiam longaeuitatis antediluvianae non solum equidem sententiae Bernardi LAMY adhaerere, qui in *introductione ad SS.* putat, septuaginta interpres ideo tantam dedisse Patriarchis aetatem, ut Iudei, in Aegypto degentes, Mosis historiam annalibus Aegyptiorum accommodarent: sed potius virtuti integræ primorum staminum humani corporis, in subiectis, temperantiae et vitae integritati studentibus, id tribuo, quam aëris salubritati, et praetento victui simplici. Et cum praeterea numerus enormiter longaeuorum parcissimus sit, concludere inde licet, paucos mortales antediluvianos longaeuitatem eminentem attigisse: facile etiam est creditu, cum antediluvianorum tanta fuerit voluptuosa, et luxuriosa vita, ut extinctio totius fere generis humani, ex poena diuina, ideo secuta sit, paucissimos fuisse homines, qui sobrietati, et temperantiae omnigenae studuere, hinc infallibiliter multos per morbos et mortes praematuras obiisse. Nec probabile est, homines, omni luxuriei generi deditos, a carnibus abstinuisse, et, ut putatur, glandibus, herbisque et frugibus terrae contentos fuisse; potius credibile est, vi luxuriei etiam victimum sapidum et delicatum ex animalibus sumfuisse, in primis ubi illa regionis situs et natura, præ aliis alimentis, abundantter ministrabat.

§. XIV.

Superest adhuc specialis obseruatio quorundam, quod illi mares præ aliis longaeui fiant, qui ex tempera-

peramento, et habitu corporis materno similitudinem habent, p^rae illis, qui habitui patris magis accedunt: quae obseruatio, si pluribus additis corroboretur, censendum, matris praualens temperamentum, masculini sanguinis crasi iunctum, fortius fieri, quam simplex quoddam.

§. XV.

Ordo rei iam requirit, *formam senum*, maxime autem *grandaeuorum et longaeuorum*, primo *externam*, post *internam*, pro intimo^re materiae examin^e, ob oculos ponere, vt ex illo eo melius, tam indicia senectutis, quam rationes affectuum et incommodorum hauriamus. Senum primi stadii forma, licet a iuuenum et senescentium forma satis discrepet, maior tamen in grandaeuis et longaeuis adest *discrepancia*.

§. XVI.

Habenda autem est in hunc finem ratio *habitus corporis*, quem secundum antiquissimam diuisionem, in *strictum et laxum*, considerabimus. Qui habitu, laxo, molliore et florido praediti sunt, et mares et feminae, in illis forma corporis *externa* non adeo grauiter a pristina recedit, quia abundantia vasorum sanguiferorum, cum abundantia floridi sanguinis, in his senii annis, pristinam formam egregie conservat: quibus vero habitus corporis strictus et gracilis, insuperque, ex penuria sanguinis pallidus est, illis in omni senii stadio magis fit talis. Facile etiam est de hac mutatione rationem dare; cum enim senectute ingrauescente, ob humorum fatiscentiam, et ex hac omnium organorum corporis imminutam agendi virtutem, ventriculi facultas maxime debilitatur, vt alimentum perfecte nutriens non adeo be-

ne perficiat, quo in remotam peripheriam, vti antea, nutrimentum ascendere possit, talis mutatio non potest non insequi. Ne dicam de glandularum mesenterii exarescentia, quae, teste RY SCHIO, interdum vix seminis sinapi magnitudinem habent: quae exarescentia luculenter in seminis grandaeuis habitus stricti appareat, quarum mammae adeo extenuatae sunt, vt vix aliud a pristina glandularum mole restet, quam papilla. De illis autem, quae sunt habitus laxioris, prostant apud Autores exempla, illarum glandulas, adeo peruias suctu infantum redditas fuisse, vt infantes, lacte suo, licet seroso, alere potuerint: quid, quod senes masculi infantes lactauerint, testibus tot historicis, in SCHYGII Syllepsilogia citatis.

§. XVII.

Equidem non raro obseruamus, dari senes, qui loco habitus stricti, gracilisque praecedentis habitum acquirant magis laxum et repletum, i. e. illos melius nutriti, quam antea; hoc autem solummodo contingit in illis, qui commodis vitae p[ro]ae aliis fruuntur, et sub animi tranquillitate, et motu corporis moderato, victu bene nutritente viuunt: quae fibrarum in senio fiens laxitas, licet sanguinem bono chylo instructum in omnes corporis recessus admittat, vigoris tamen et toni, ex senio, lapsum non impedit, id quod praesens infirmitas, et virium decrementum sat indicat; nec facile transit haec apprens habitus melioratio in multos grandaeuitatis annos.

§. XVIII.

Vt iam huic primo, sed non communi, phoenomeno mutatae formae externae reliqua addamus communia occurrit in capillis capit[is] et oris cor[poris]

loris mutatio, ex bruno vel nigro, in gryseum vel album, canitiem nempe, imo ex ipso defluvio capillorum in vertice, caluities. Rara est cappillorum canorum, in caesarie et barba tanta in longaeuis conseruatio, qualem in longaeuo 115 annorum fuisse, exhibent Ephemerides Nat. C. D. I. A. III. Obs. 163. et quem videre licuit Norimbergae: cum caesarie enim formosa barbam canam, ad quinque vlnae brabanticae quadrantes longam, habuit; vegetus ipse et incolumis senex. Quoniam aetatis anno tali caesarie ornari inceperit, non additur. Non incongrue hic de *Praecanis* mentio facienda est; illis nempe, qui inter annum trigesimum et 40um canescere incipiunt, et communiter grandaeui fiunt: notandum autem de his, quod communiter sint habitus corporis floridi, laxi: praeterea, capilli illorum nullum inde patiuntur decrementum, sed densitate pristina gaudent: forsan radices illorum capillorum, ex sanguine sal volatile quoddam amicum hauriunt, quod reliquo nutrimento intermixtum, illos mature albescere facit. Hinc etiam est, quod non caluescant; sine dubio ex firma sanguinis illorum crassi; nec male forsan dixerim, illam abundare particulis martialibus, vel talibus, quales experienta cum sanguine humano facta detexerunt, volatilitatem quandam nactis. Succedit porro mutatio frontis et genarum conuexitatis senum in planitiem, imo concavitatem et fulcos: oculi, ante eminentes, in orbitas recedunt extenuati, vt ipsa orbitarum concavitas conspicatur: tunica albuginea ex vasorum infarctu rubescit: maxilla inferior, ante exacte superiori respondens, nunc magis adsurgit, et quidem cum praeminentia labii inferioris et
menti:

menti: labia, viuidae antea rubedinis, iam cum facie pallent, nisi quod, in habitus laxi grandaeuis, adhuc ruboris aliquid communiter restet: dentes, qui inter labia apparebant, iam desunt, et maiorem maxillarum proximitatem admittunt: quidam senes inferiorem maxillam saepe motitant, ob musculorum debilitatem, vel etiam os apertum tenent, similes a morbis debilitatis, ob muscularum antagonistarum laefam virtutem: motitant etiam, ad ariditatem oris et linguae, per saliuae excretionem, tollendam, hinc videoas quosdam linguam exsertam teneare: quin dantur senes, quibus, sub irregulari tali, per muscularum debilitatem, masticatione, dentes cum stridore sese ferunt. Ipsa facies antea, plus minus ovalis, magis reddita est curta et contracta: caput, ante erectis insidens colli vertebris, nunc illis inclinantibus propendet, tremit et nutat, sub somno autem in pectus descendit: asperae arteriae prominencia ex colli vertebris inclinantibus, ex faucium per ossium capitis facta compressione, et reciproco congreßu, ossis hyoidei abbreviatione, etc. magis antrorsum agitur, cui rei velificat integumentorum, quae collum anterius tegunt, macies et gracilis rugositas: manus tremunt, cum actionem vel leuissimam suscipiunt, exsangues multis et frigidae, mancis, aliisque rebus calidis fouendae, vasculis sanguiferis liuidis interdum interstinctae. Communicat haec frigiditas interdum cum toto corpore, quemadmodum talem in Rege DAVIDE adfuisse legimus: apricus enim factus senex, absentibus radiis solaribus, adcubitu puellae, gelida reficiebat membra.

§. XIX.

In corpore denudato, quanta circa thoracem, claviclarum et costarum eminentia, et sub sterno scrobis maior concavitas? abdominis antea conuenxi integumenta nunc fere plicas formant: circa inguina, et in pube, in maribus maxime, musculorum fatiscentia: quanta ossis ilei et pubis eminentia, cavitatibus cincta? quanta circa genua et metatarsum tendinum tenuitas, scrobes multiplices formantium? circa tibiam ossis prominentis acies? tendinum omnium, vbi ossibus inseruntur, extenuatio, minor tamen in sexu feminino, quia communiter habitus laxiore gaudet.

§. XX.

Contingit etiam ipsarum *actionum mutatio in senio*. Dentium vel infirmitas vel absentia manducationem reddit tardam, quin taedeosam, nec, quoad cibos solidos, non nisi cultri ope facta sufficiente comminutione subleuandam: faucium isthmus coarctatus bolos minores solum deglutiendos postulat: musculorum deglutientium irregularis et praecipita actio interdum suffocationem, ex bolis pristinae molis, minatur, quando laryngem difficulter transiunt: ipse aëris per fauces transitus collaris minus arctam ligationem poscit: manus vacillantes, cumprehendere quid tentant, cautione prouida opus habent, ad recte prehendendum: pedes, qui ante sub ingressu bene leuati, terram firmiter premebant, iam minus fortiter id agunt, sed casum corporis facile admittunt: ideo non solum attentius ingrediuntur senes, terendo fere humum, dum pedes promouent, sed et scipionis opem requirunt, ne vel ex debilitate propria,

propria, vel venti impulsu prosternantur, et periculose cadant.

§. XXI.

Habent certe, cur senes de casu grauiore vereantur, cum in illis periculosior sit ob ossium maiorem fragilitatem, et si in caput labantur, cerebri rigidioris concussionem violentiorem, quam quae continet in iunioribus, cerebro molliore gaudentibus. Notatur in *Comment. Acad. Scient. Paris.* octogenarium, statim hora dimidia post lapsum mortuum fuisse, licet non indigitetur, quod in caput cecidit senex, quod tamen valde verisimile. Sic de Asclepiade quodam memorant historiae, illum ad extremam senectutem sanum vixisse, lapsu per scalam autem vitam finivisse: eundem vitae exitum habuisse medicum seneum Berolinensem, BONTEKOE, docuerunt relationes. Porro incessus senum antea erectus, nunc incuruatus est, tardus, et tarso pedum magis innitens, quam plantae anteriori: cum in sellam desidere cupiunt, id cum prouida mora nunc exequuntur, ne subito id agendo, corpus extra aequilibrium, non adeo celeriter, uti antea, reparabile, agant, et in terram ruant: cum autem de sella post moram surgunt, quantae in osse sacro molestiae ad corpus rursus erigendum? qui pueri, desidendo, pedes, ad os reflectere, et illos osculari poterant, nunc vix genu eosdem imponere valent; nisi LINNAEI Lappones excipias, quorum sanguis, a sebaceo sanguiferorum lacte, quasi sebaceus, pedes illorum non solum ad itinera agillimos, sed et in ipsa grandaeuitate, talos suos collo sibimet imponere permittit. Conf. quae in Praefat. de agilitate seminarum, et humoribus illarum pinguioribus leguntur. Porro sensus

sensus in senibus grauem patiuntur mutationem: vi-
sus acies saepe imminuitur, nec perspicillis iuuanda:
auditus qui acutus fuerat, fit obtusus, etc. Quae
omnis in deformitatem abeuns corporis, et actio-
num mutatio interdum tanta est, vt infantes, seni-
bus adeo mutatis obuii, terrefacti exclament, et illo-
rum adspectum fugiant, imo ad valetudinis labefa-
ctionem usque terreantur.

§. XXII.

HORATIVS primarias morositates senum, infantib-
us etiam infensas, sub nomine *incommodorum* se-
quentibus indicat versibus:

Magna senem circumueniunt incommoda; vel
quod

Quaerit, et inuentis miser abstinet, et timet uti:
Vel quod res omnes timide gelideque ministrat:
Dilator, spe longus, iners audiusque futuri,
Difficilis, querulus, laudator temporis acti
Se puer, censor, castigatorque minorum.

Obseruantur, sane, haec communiter in senibus,
et in incipiente grandaeuitate; in adhuc proue-
ctiore autem aetate, haec incommoda, quae sub
morisitatis titulo veniunt, rursus deficiunt, ob
corporis auctiorem labem, quam tranquillior sen-
suum inactio excipit. Cum enim in senio rappescat
sanguis, minus elasticus ita redditus, pristino caret
motu intestino; hinc notabiliter deficiens eius ad
organa distributio, hinc et elater illorum debilita-
tus: imminuuntur consequenter in cerebro vegeti
illi motus, qui animi alacritatem, hilaritatem et gau-
dium pariunt: formatur e contrario displicantia er-
ga res, quae in praecedente aetate gratae fuere, ob
satietatem in ante acta vita ex illis captam: insur-
git

git odium erga nouiter inuenta, quibus si non timet
vti, tamen, ceu non adsueta odit, et auersatur: di-
lator fit actionum, quia omnium simul membrorum
promptitudo ad actiones deficit, et eius loco inagi-
tas et segnities adest: sperat semper, ex comparata
sibi experientia circa rerum mutationes, et ad muta-
tiones futurarum ipsi auida est circumspectio: diffi-
cilis etiam est ex suspicione eiusdem futurae muta-
tionis, causarum et circumstantiarum forte contin-
gentium: querulus de valetudine labente, et tempo-
rum mutatione, laudans praegressa, ceu meliora vi-
sa: commonefaciens, docens pueros, illosque repre-
hendens, partim ex autoritate, per aetatem acqui-
sita, partim ex benignitate, vt viam ingrediantur,
felicioribus commodis, fertilem.

§. XXIII.

Displicuit certe haec senilis morositas semper iu-
nioribus, in primis liberam freno vitam amantibus:
hinc ex vitio iuuenili, et moribus suis incompositis
indulgentes iuuenes, saepe licentiam senes vitupe-
randi sibi sumserunt. Specimen huius valde iniu-
riosum apposuit *Baco de Verulamio*, in Historia vi-
tae et mortis, quod de iuuene Gallo se accepisse in-
nuit, hoc modo: Cutis senilis ariditatem, signum
impudentiae declarat: duritiem viscerum aequipa-
rat immisericordiae senili: lippitudinem oculorum,
inuidiae: corporis incuruationum Atheismi symbo-
lum facit, quia senes incuruati coelum non amplius
respiciant: tremores manuum inconstantiae tribuit:
digitorum inflexionem, rapaci auaritiae: genuum
labescentiam timiditati: rugis senilibus callidam
obliquitatem, etc. Haec *Verulamius*, cum tanquam
iocosa allegauit, minus decora talia reputans, seria,

ut loquitur, quaedam propositurus, sequentia affert:
Iuueni adest pudor et verecundia, seni paululum ob-
duruit: Iuueni benignitas et misericordia, seni oc-
calluit: Iuueni aemulatio laudabilis, seni inuidia
maligna: Iuueni inclinatio ad religionem et devo-
tionem, ob feroorem et inexperientiam mali, seni
deferuescentia in pietate, ob charitatis temorem et
diutinam conuersationem inter mala, nec non ob
credendi difficultatem: Iuueni valde velle, seni mo-
deratio: Iuueni leuitas et mobilitas, seni grauitas
et constantia: Iuueni liberalitas et philanthropia,
seni auaritia, sibi sapere et consulere. Iuueni con-
fidentia, et bene sperare, seni diffidentia, et plurima
habere pro suspectis: Iuueni facilitas et obsequium,
seni morositas et fastidium: Iuueni sinceritas et ani-
mus apertus, seni cautio et animus tectus: Iuueni
magna appetere, seni necessaria curare: Iuueni re-
bus praesentibus fauere, seni anteacta potiora habe-
re: Iuueni superiores reuereri, seni censura in illos
vti, et quae pauca adhuc addit, meo iudicio, etiam
minus decora, miscendo laudandas senum proprie-
tates, opprobriis iniustissimis. Addere liceat hic in-
ficitas illas antiquas appellations senum, quibus
SILICERNII, forsan, quia ob tutum ingressum, silices
grandiores cernendo, sibi eligere solent, et *Depontani*
appellabantur: posterius nomen autem ipsis daba-
tur, quando viribus suis multum fidentes, se dele-
ctui militum immiscebant, et sic a iunioribus, mili-
tiae destinatis, quando hi per pontem, ceu delecti,
secedere debebant, ex petulanti ludibrio, et coarcta-
to ingressu, de ponte trudebantur.

§. XXIV.

Interim *Verulamio*, *Polyhistori*, et *Philosopho* magno, indignum esse iudico, quod venerandae senectuti, cuius sapientia, et ecclesia, et res status gubernantur, infamiae notam generalem imprimere iuuerit, hocque modo illam etiam sibi inusserit, et quorundam insita, et non coercita vitia, senectuti in genere attribuerit; quae, si cum aliquibus creuerunt, et consenserunt actiua vitia, in illis speciatim sunt culpanda, quibus insident, et inhaerent. *HORATIUS* sane modestius allegauit defectus illos seniles, sub titulo *incommodorum*, nec illis notam indecentem inussit. Florida grandaeuitas, tam ob raritatem, quam, ob morum grauitatem, certe magis arridet oculis, non friuolis, vel animo vituperiis non addicto, quam florida iuuentus. Si facta est aliquibus faciei eminens deformitas, illis certe in praegressa aetate non adfuit oris venustas: quibus autem faciei adfuit formosa praestantia, his grandaeuae aetatis rugae parum detraxerunt;

sed saepius illis

Grata iuuentutis facies internitet annis.

HEBENSTREIT.

Senum multorum adspectum venerabilem olim reddebat caesaries, (quem vel ipsa vox inculcat) in illis temporibus, in quibus nimia iuuenilis mollities capillamentorum hodiernorum usum nondum iusserat.

§. XXV.

Obrepens senectutem corporis deformitas, et sensuum, per aetatem insontissimam, et virtutibus abundantissimam, superuenientia vitia ineuitabilia, nos potius ad commiserationem, quam ad vituperationem

niem

nem excitare deberent. Quid, quod de patria bene merendi studium indefessum, saepissime senilis animi facultates frangit, et ex hoc capite, si morositas, animi lapsus, iudiciique imbecillitas sequitur, a iuuenibus, et qui reipublicae intersunt reliqui, ut bene meriti magis colendi, et miseratione venerabunda respiciendi erunt. Ecquis enim illos, quibus in virili aetate, et sub animi vigore, ob res reipublicae bene gestas, statuae erectae sunt, ob senium viuperiis et infamia afficeret?

§. XXVI.

Interim, rem penitus considerando, videtur inesse nobis pueris aliquid connati horroris, vti erga mortem, ita etiam erga senectutem, mortis prodromum, in primis, si in senibus aliquid eximie deformè appareat. Speculum nobis sunt tales senes, in quo praesentem nostram venustatem et alacritatem, cum rugosa deformitate et morositate, mutatam iri, cum dedignatione cernimus. Rara est spontanea reuerentia puerorum erga senes, communiter ex praeceptis exsurgit, et in multis praeualeat ille rithmus germanicus; Neunzig Jahr Kinderspott, hundert Jahr gnade Gott, i. e. nonagenarius puerorum risus, centeniorum misereatur Deus. Recordor exempli in Doctore quodam medicinae Petropolitano, cuius Observatt. medicae, Amstelodami 1689, impressae in Actis Eruditor. Lips. recensentur, qui nonagenarius tanto ludibrio et vexationi puerorum, in plateis obnoxius erat, vt milite quodam pedissequo ipse opus esset. Cum regimini rerum medicarum proponerer, narrabatur mihi adesse medicum quendam, qui olim trecentis rublonibus officia medica classi marinae fecerat, nunc autem illum per multos

annos, absque stipendio viuere, et ex parcissima medica praxi vix vitam trahere. Edocebar simul adesse in scriniis Cancellariae leges, secundum quas, qui ab officio remouentur, fauentibus causis et rationibus, Archiatro liceat tertiam partem solarii in remotos ab officio erogare. Cum iam inter scripta Cancellariae, nullae rationes, factae eius remotioris, reperirentur, causam in senium eius reieci, et tertiam partem pristini salarii, quotannis, ipsi numerari feci; quin augere §0 Rublonibus decreueram, illum nouo officio et titulo *medici pauperum* ornans, qui pauperibus, ad pharmacopolium imperiale quotidie conuolantibus, consuleret, nisi anno 1741 stationem meam mutasse: ad hoc augmentum autem, leges statutas transcendens, speciale mandatum mihi exorandum fuisset. Si, quae hic adieci, senium non tangunt, ignoscere Lector, lectu tamen non indigna sunt.

§. XXVII.

Perspecta sic forma externa senum, et consideratis, quae ex illa iniuste nata sunt, iniuriosis praediis, progredimur ad illorum *formam internam*, ex cuius scrutatione facilius illa, quae ad animi ipsius mutationem contribuerunt, nec non, quam morbis senilibus originem dederunt, eruentur. Cumque forma interna senum non, nisi in demortuis lustrari potest, praenotandum censemus, senes plerumque tempore hyemali, et quidem illo ad finem properante, dies suos obire. Aequinoctii appropinquationi communiter hoc adscribitur, et hac quidem ex ratione, quod eo tempore vapores terrae, per hyemis frigus retenti, eleuentur, et naturam grauent verum, haec ratio valeat quadantenus in regionibus austra-

australibus: in borealibus autem est nullius valoris, in quibus, communiter, totum, post aequinoctium, mensem, frigus intenso regnat, et terrae superficiem constringendo, nulos vapores adsurgere permittit. Causa potius termini vitae senilis, durante hyeme, frequentioris in absentia radiorum solarium, atmosphaeram minus irradiantum, et consequenter defectu aetheris, sanguini senili parce affluentis, quaerenda venit, quam rationem, tam in regione australi, quam in boreali valere puto.

§. XXVIII.

Vt iam *formam senilem internam* ob oculos ponam, opus erit sectiones cadauerum senilium, et quantum possibile, grandaeuorum et longaeuorum producere. Erunt, quos adducam, aliquae ex propria inspectione acquisitae, pleraque autem ex Auctoriibus collectae. Summam autem solum omnium relationum comprehendam, vt prolixitatem euitem.

§. XXIX.

Sistitur in Transact. Philosoph. Angl. Anni 1706, et ex his in Actis Erudit. Lips. A. 1709, ex KEILII relatione, *sectio viri longaeui 130 annorum*, sequentibus: Fuit statura paruae, et ad vicinas nundinas pedestris iuit, paucis vltimis annis exceptis. Corpus habuit valde emaciatum, et carnem adeo duram, ut musculi externi per cutem transparerent. Visceria abdominis in legitimo fuerunt statu, paulo tamen pallidiora, omentum exile, ventriculus flatibus ditentus, eiusque fundus, ubi lieni adhaeret, valde tenuis, membrana autem interior omnibus destituta pilicis. Hepar pallidum, sanum tamen: vesicula ellis ampla. Lien vix renem magnitudine aequans. Renes sani, nisi quod in dextro granulum sabuli ad-

esset. Intestina sana: mesenterium pinguedine refertum. Cartilagines sterni iustam duritatem habebant: costae admodum fragiles. Pulmones pleurae affixi, spongiosi, albicantes, nigris autem notati maculis. Thoracis cavitatis ampla. Cor magnum, crassum, pinguedine obsitum: diameter aortae, ante carotidum exitum, duos aequauit pollices, id quod sector nunquam ante viderat: aorta in abdomen, nec non arteriae iliaceae maximam partem cartilagineosae. In interiore durae matris parte, prope falcem, parua ossificatio. Cerebrum praeter morem solidum et siccum, ut vix culter humectaretur: in eius ventriculis serum. Membrum virile, genitalia, sat ampla. Maxima pars sanguinis, eaque non parua, in arteriis haesit, cum in aliis cadaveribus in venis reperiatur; tradiderat scilicet ultima cordis systole sanguinem arteriis, hae autem ad venas illum propellere non valebant. Idem phoenom. repertum fuisset in vetula, Cap. II. §. LXII. si investigatio licita fuisset. Viuus pulsum habuit intertum intermittentem. Alui obstructionem saepe ad 10-12 dies. Caecus per multos annos vixerat: auditus vero ipsi ad finem vitaे saluus extiterat. Per aliquot annos solum ex cereuisia tenui, butyro et saccharo vixerat.

§. XXX.

Ponimus porro sectionem viri 109 annorum a SCHEVCHZERO in *Annalibus phys. med. Vratislau. Tent. XXIV.* communicatam. Abdomen defuncti aliquid seri rubicundi continuit: intestina tenuia omnia cum rubore inflammata fuere, e quorum numero duodenum totum putridum et sphacelatum fuit: omentum consumptum, ut vix pernosci potuerit: pancreas contractum: hepar saluum: folliculus

Ius fellis felle repletus, vti etiam ductus biliarii: omnes circa intestina et mesenterium adiacentes partes viridi colore tinctae, licet exitus bilis in duodecimum non inueniretur. Prope pylorum expansio fuit flatulenta, nuce iuglante maior. Renes sani, vt et lien, cuius superficies eminentiis cartilaginosis albidis obsita erat. Cartilagini sterni osseae: pulmones costis adnati, et maculis viridibus distincti. Cor amplum, auriculae valde extenfae, et cum cordis thalamis sanguine concreto repleti: arteriae magnae valuulae semilunares cartilaginosae. Aorta ipsa descendens diametri duplo maior quam gula, circiter pollicis Parisini. Oesophagus glandulis lenticularibus obsitus. Cranium valde durum, eiusque futurae, in primis sagittalis, disparentes, nec utramque lamellam penetrantes, indicio succum nutritium debuisse inter futuras haerere et offere. Dura mater triplo crassior solito, fere coriacea; pia facilime separabilis: cerebrum lympha abundans, vt et eius ventriculi: substantia cerebri laterum flaccidior solito. Quoad vitae genus huius longaeui narratur, illum, cum annorum 20 esset iuvenis, in metalli fodinis fuisse terra obrutum per 33 horas, et eductum, cum iam mortuo similis esset, ex quo ipsi ani procidentia, et vrinae incontinentia remansit. Post interfuit obsidionibus, et variis expeditionibus bellicis; in senio reliquum vitae per eleemosynas sustentans, et cibos sic acquisitos semper bono cum appetitu comedens. Ceterum fatuus fuit per aliquot annos, ultimis autem vitae diebus a fatuitate liber.

§. XXXI.

Ex TIMMII *Obseruat. anatomico-pract.* adduco vi-

rum, 94 annorum, qui per octiduum asthmate la-

borans obiit, antea autem optima semper gauisus est valetudine. Sectio eius praebuit abdominalis viscera omnia sana. Vasa spermatica, testes et vesiculae seminales nullatenus aridae, sed similes illis subiectis, quibus aetas adhuc viget. In thorace pulmones costis adhaesere: in cordis dextro ventriculo polypus digitum crassus, et in sinistro ventriculo etiam parui polypi. Occasione bonae constitutionis generatiuae huius longaeui, adducendus est, ille, inter Angliae longaeuos memorabilis Thomas Parr, qui 152 annos vixerat, et vxoratus qui erat, tamen anno centesimo quinto, adulter factus, ad scandalum in ecclesia tollendum, publice peccatum hoc abluere coactus fuit: sine omni dubio enim hic idem Parr, huic nonagenario, quoad vasa spermatica, testes et vesiculas seminales totus fuit similis. Forsan etiam ille longaeuuus §. XXIX.

§. XXXII.

In Comment. Acad. Sc. Paris. et quidem A. 1699. mentio fit viri centenarii, ex cuius inspectione sequentia tantum producuntur memorabilia: nempe, quod nouem torsi vertebrae in unicum os fuerint coalitae, et quod omnes illarum cartilagines fuerint ossificatae. Praeter apophyses transuersales ordinarias aliae adfuere transuersales anteriores, in quolibet latere articulationis vertebrae sitae; quae in dextro latere fuerunt, maiores erant, rotundae, et pulcherrimo novo, recenter adcreto, osse tectae, quae adcretio affusa apparebat, ceu metallum, inter quamlibet apophysin, ut tanto facilius coniungetur. Quae in sinistro fuere latere, breues, ad instar mammellarum, ad idem propositum nouae ossificationis iam formatae fuerunt, indicio, Naturam intentam

tentam fuisse, hominem reiuuenescendi, eodem modo, quo in regno vegetabili nouus cortex lignum arboris aridum contegere solet.

§. XXXIII.

In memoratis Acad. Parif. Comm. A. 1706. sequens reperitur casus: Octogenarius moritur, dimidia hora post lapsum. Lien ipsi valde exilis, membrana eius autem tota ossea fuit, liene ipso, de reliquo, sano existente: tunicae arteriae splenectae, et arteriae infimi ventris, et extremitatum inferiorum, ossificatae fuerunt: cartilago laryngis, et annuli cartilaginei tracheae, et pars bronchiorum plenariae osseae fuerunt: notandum autem, vascula partium superiorum non fuisse ossificata, exceptis coronariis cordis. Cor fuit valde magnum, et arteriae, ex corde exeuntes, ad diametrum 2 pollicum et 5 linearum, in latum compressae fuerunt, sanae de reliquo.

§. XXXIV.

Supra notatus TIMMIVS adhuc sequentem nobis largitus est obseruationem: Femina 97 annorum fit hydropica; sanatur taliter qualiter, per purgantia et stomachica, moritur tamen hoc aetatis anno: dissesto abdomine, intestina, tenuia dicta, reperiuntur crassa et magna; et crassa dicta, apparent tenuia. Arteriae et venae naturalis constitutionis fuere. In cavitate thoracis magna seri quantitas, et in dextro cordis thalamo polypus, digitum longus, et duos transuersos digitos latus. In abdomine serum nullum. Eidem TIMMIO sequentem debemus obseruationem: Femina 70 annorum bono gaudebat appetitu, ad vitae extremum usque; nihilominus lasitudine, et marasmo laborabat, et moriebatur: ab-

domine dissecto, arteria magna descendens, in exitu ex corde sacculum referebat, 4 transuersos digitos capientem: interna eius superficies, tam in sacculo, quam inferius, vsque ad arteriam iliacam, eiusque bifurcationem, et huius bifurcationis ramorum superficies, totae osseae erant. Pulmones costis non adhaerebant. Cor valde magnum, sed sine polypo. Cerebri ventriculi, sero repleti.

§. XXXV.

Haec est constitutio et forma longaeuorum et grandaeuorum interna, quam mihi obuii Auctores surrogarunt: addam ex meis duas grandaeuorum sectiones, longaeuos enim dissecare nunquam datum. Prima obseruatio facta in viro 76 annorum, mane mortuo reperto, et forsan syncope extincto, memorabile hoc praebet, quod cerebrum eius admodum densae constitutionis repertum fuerit, et quod in adducto primo longaeuo non memoratum, compressum magis, quasi in minorem molem, quam in iunioribus: cor simul magnum, et aortam valde amplam, simulque ossificatam: pulmones vero sanos, nec non viscera abdominis omnia bonaे constitutionis. Fuerat vir quadratus, non admodum procerus. Idem obseruare licuit, fere circa omnia in viro 72 annorum, tussi per multos annos vexato: hinc pulmones non solum pleurae affixi, sed et eorundem vesicularis substantia in multos sacculos distenta, et tetra pituita repleta. Glandulae tam mesenterii, quam reliquae obuiae, induratae.

§. XXXVI.

Proferam iam obseruationes quasdam de *forma senum interna, nondum grandaeuorum*, vt appareat, an et qualis intersit differentia, et quidem vnice ex proba-

probatis Auctōribus, proprias meas non allegando. TIMMIUS rursus ex suis obſeruationib⁹ primum largietur casum. Vir annorum 66 sub potu vini in rixas delabitur iniuriosas, mox inde pallescit, respiratio fit difficultis, pulsus intermittens, manus frigidae, labia liuida, et mors inſequitur. Facies, nec non reliquae partes, post mortem tumidae. In aper- to abdomen, omnia sat bene constituta: pulmo- nes pleurae accreti: in ſinistro cordis ventriculo po- lypus valde magnus, crurum quinque, quorum mi- nimus magni digiti longitudinem referebat; corpus polypi pollicem longum erat, crassitie terribili, flavi coloris.

§. XXXVII.

Non rarae ſunt de polypis Auctōrum relationes, interim hanc inprimis allegasse liceat, quia mortem ſubitaneam hic polypus induxit. SCHÄRSCHMI- DIVS in *Annalibus med. anni primi*, ſexagenarium ſi- ſtit, mortuum repertum, in cuius thorace pericor- dium valde expaſum et diſtentum inuenit, quod, cum diſsecaretur, coagulato ſanguine fuit repletum, et quidem effuso, per foramen dextri ventriculi cor- dis, digiti introitum facile admittens: ſimul in ve- na caua, vbi cor ingreditur, apertura adſuit, duobus digitis peruia: ſubſtantia cordis iusto mollior fuit, hinc dubium remansit, an extenſio vel paulatina eroſio, haec fecerit foramina.

§. XXXVIII.

Supra memorata oſſificatio artiarum occaſionem mihi dedit, ſequentem caſum ex *Annal. med. phys. Vratisl. A. 1726, mens. Decembri* muuandi, quia haec, ante ſenium, in homine ſenefcente reperta fuit. **Viro** annorum 56, saltus ex alto modicus, tendinis

Achillis

Achillis rupturam fecit, (vti alii, cui ex saltu in altum vterque tendo Achillis ruptus, memorantibus id *Comment. Academiae Sc. Paris.*) Secutus est rupturam sphacelus pedis, qui amputationem requisiuit, quae praeter solitum fuit incruenta, ideo pes recensus examinatus, arterias omnes, ad extremitates digitorum vsque, quoad interiorem tunicam nerueam, ossificatas praebuit: venis omnibus saluis. Anglus fuit natione, nauta. Hinc relator putat, ossificationem illam arteriarum ex potu Anglo Pontsch, cibisque nauticis, nec non a morbis praegressis, viro euenisse. Supra recensiti casus autem illorum, qui tali vitae genere non vni sunt, demonstrant, in crasi sanguinis naturali, et in senio arteriarum ossificationem radicari.

§. XXXIX.

Vtile iam duco, primaria in casibus recensita momenta formae internae corporis senilis, in primis grandaeui et longaeui, ob oculos ponere, vt inde ediscatur, quae primario longacuitatem comitentur, et in quantum illa vitae finem promoueant. Primaria sunt 1. cordis et arteriae aortae amplitudo. 2. arteriarum descendantium ossificatio. 3. cerebri densitas, et glandularum durities. 4. pulmonum incolumnis status. 5. lienis cartilaginositas, et 6. ossium nunc arida frangibilitas, nunc vegetativa virtus: Addo, 7. hepar in plurimis saluum.

§. XL.

Vt posito hoc ordine incedamus, 1. causam proximam magnae capacitatis cordis et arteriae aortae, a sanguine cor distendente petimus; cum enim ex virtute musculorum cordis, sensim cum annis remittente, cor non adeo valide sanguinem per arterias

rias proiicere valeat, necesse est, ut haustus per dia-
stolen sanguis moram necat, donec per systolen
proiiciatur, qua ipsa mora latera ventriculorum cor-
dis distenduntur: moram autem illam satis indicat
pulsus senilis rarius, cuius supra mentionem feci-
mus, dum adeo frequenter non iteratur, quam in
praegressa aetate; durus simul et fortis, ossificata-
rum arteriarum rigiditatem, eo ipso indicans. Grandior
praeterea cordis moles, ut ad mouendum in-
eptior, ita accepto ad motum impulsu sufficiente,
fortior in motu est, segnior autem eius ad redditum
repetitio; quid, quod, qui in senibus saepe obserua-
tur pulsus intermittens, moram plane praeternatu-
ralem, duplo vel triplo maiorem, sanguinis in corde
existere indicet, ut facilis sit coniectura, cor, quod
SCHAARSCHMIDIVS ruptum vidit, forsan naturaliter
gracili ventriculo gaudens, ex tali mora rumpere
potuisse. Praebet mors Regis Hispan. per literas
publicas, ante paucos annos, nuntiata, nouum exem-
plum rupturae cordis senilis, quod extensionem fer-
re non valuit. Haec dilatatio cordis senilis senibus
est naturalis: praeternaturalem autem legimus in
Comment. Acad. Berol. Anni 1750, quae angusta-
tione arteriae aortae descendentes originem habuit,
et quidem in femina 18 annorum.

§. XLI.

Cum autem, in quantum augetur cordis disten-
sio, in tantum diminuatur virtus elastica fibrarum
cordis et aortae, necesse hinc est, ut haec ipsa dimi-
nitio virtutis fibrarum cordis sensim vitae finem
inducat: quo amplior enim in origine erit aortae
capacitas, eo imperfectior erit projectio sanguinis
ad arteriarum extremitates, hinc exarsescatia et con-
tabe-

tabescentia solidarum partium et organorum, et ex his cordis motus, et sanguinis circuli, successiue insequens, sufflaminatio. 2. arteriarum, descendentiū in primis, ossificationem, quod attinet, illa a qualitate vitiosa sanguinis oritur, vti cordis distenta capacitas ab eius quantitate, moram necente. Certe, quod in massa sanguinea innatum est salsum primogenium, in infantum, nouiter natorum, sudore, per gustum facile percipiendum, successu annorum fit muria concentrata et crassa: sanguinis crasis sponte ruit in destructionem saltam; secedunt ex tali sanguine, qui, pro individuis falsedine abundat, particulae salinae, lymphae crassae particulis mixtae, ad proëminentias parietum tunicae arteriarum, quas, vbi fibrae neruarum tunicarum, una p[ro]altera magis viuax est, sale irritant, et impraegnant, et facta impraegnatione, ad vegetationem aliqualem cogunt: hinc est, quod inaequalis reperiatur tunica illa ossificata, sub squamularum forma; vix alio modo, quam vti in canalibus fontium mineralium metallico-lapideae materiae ad latera illorum fit adpulsio, maxime ibi, vbi inaequalitas quaedam facilior[er] adpulsui et adhaesiōni locum praebet. In venis autem, talis ossificatio locum non habet, licet per moram facilis foret, quia pars salium, quae superabundat in massa sanguinea, iam per destinata colatoria secreta est, antequam venas intrat; accedit, quod ipsae venarum tunicae sint laeuiores. Dicidauit egregie Ill. de HALLER hanc arteriarum ossificationes, postquam obseruauerat, partes illas duras osseas, liquorem quendam luteum in membranam cellulosam, fibris musculosis, et tunicae interiori intertextam, effluentem continere; hinc decla-

rat, tales ossescentias, et tubercula indurata, ab hoc liquore effuso generari; praeterea senilium arteriarum duritiem magis, a fluidorum defectu, quam a solidorum rigore esse petendam, huiusque mutationis in fluidis causam eo redire, quod vel sanguis serum plus terrae contineat, vel cordis vis debilior fiat, relinquanturque hae terrestres particulae molibus et cedentibus particulis appositae, quas velocior sanguinis fluxus secum rapuit.

§. XLII.

Meretur autem adhuc notari, 1. quod ossificatio perfecta iam obseruata sit in viro 56 annorum, quem supra in scenam produximus: consentimus hinc referentis opinioni, quod in hoc subiecto, homine, ut simul refertur, bilioso, i. e. sanguine crassiore, terrestri praedito, et cibis salinis, potuque spirituoso abutente, praecocitas haec contigerit; quemadmodum casus extant, ex dispositione morbosa iam infra hanc aetatem talia contigisse, 2. Quod femina 97 annorum, cuius etiam mentionem fecimus, non habuerit arterias ossificatas: suspicio hinc nobis nascitur serum hydropicum, quod in morbo eius abundauit, falsam materiam sanguinis omnem imbibisse, et sic tunicas arteriarum ab eius accretione liberas reddidisse. Nec improbatum est, dari crases massae sanguineae a copia nimia salium liberas, in quibus etiam arteriarum ossificatio facilem locum non inueniat. Admittenda praeterea est illa probabilitas, variare tunicas arteriarum in laevitate, et asperitate, et, pro re nata germinationem illam ossificationis admittere: hinc forsan est, quod rarius arteriae ascendentes reperiantur incrustatae, dum purior ad capitis organa aduertitur sanguis. Interim exemplum singu-

Singulare huius raritatis legitur in Annal. med. phys. Vratisl. A. 1725. Mens. Jun. Cl. IV. secundum quod, carotides et vertebrales arteriae cum suis subtilissimis ramificationibus, osseae et induratae percurrerint piam matrem vetulae 68 annorum. Magis propria itaque est cordis senilis distensio et amplitudo, quam arteriarum ossificatio: illa enim ob rationes allatas non potest non esse, haec autem ex diuersitate sanguinis abesse potest.

§. XLIII.

Notandum interim, quod in arteriis talibus interne incrustatis appellamus ossificatum, magna ex parte nuncupari possit petrificatum, ex illa ipsa materia lymphatico-salina, quae calculos renales et vesicales producit, sat duros, et petrosos interdum: et hinc talis nuncupata ossificatio euenire potest in iunioribus ex morbofa constitutione, quae in senibus successiue oritur ex declinatione aetatis in cacochymiam salinam. Sic allegatur in Ephem. Nat. Cur. D. I. Anni I. Obs. 70. casus pueri, ex febre phthisica mortui, in cuius arteriis arenaria materia fuit inuenta, et cuius cor etiam fuit stupendae magnitudinis. Talem arenosam materiam, ante paucos annos inuentam fuisse noui, in viro 76 annorum, in eiusdem aorta, vbi cor egreditur, sed de ipsius ossificatione nulla fiebat mentio, forsan ex minus attenta sectione. Consentientem mecum circa materiam ossificatam, quod constet magis ex concreto lapi-deo-calloso, quam osseo, in venio Obseruat. 127. A. I. D. I. Ephem. Nat. Cur.

§. XLIV.

Vti haec senii producta circa fontem vitae hydraulicum consideratione digna sunt, ita admiratio-

nem

nem meretur, 3. cerebri senilis constitutio. Quis crederet, cerebrum, quod in infantia adeo humidum et pulposum est, ut vix cohaereat, ad tantam duritatem, et siccitatem peruenire posse, ut pro lubitu in partes distinctas secari possit, cultro inde non madesfacto, vti in longaeuo 130 annorum legimus. In tantam siccitatem non induruerat cerebrum grandaeui, de quo ego mentionem feci: intererat autem inter haec subiecta spatium 50 annorum. Mirandum insuper, cerebrum, viscerum omnium nobilissimum, et ratione structurae artificiosissimum, in tam statum potuisse reduci, absque officii labe, cum de illa nulla facta est mentio, quemadmodum de proxime, post hunc, allegato longaeuo 109 annorum illa memoratur, quod nempe per aliquot annos pueriliter fatuus vixerit, exceptis vltimis vitae diebus: inuenimus autem simul rationem adnotatam, nempe, quod cerebrum fuerit iusto mollius, et praeterea ventriculos eius sero repletos: hocque sine dubio ex malo vitae regimine. Quod autem vltimis vitae diebus fatuitas cessauerit, exinde factum esse iudico, quod aestus auctior febrilis inflammatus humiditatem in quibusdam cerebri partibus, quae imaginationi ordinatae inferuiunt, temperauit; non aliter, quam multi aegrotorum delirium, vltimis vitae diebus, ad imaginationis rectum ordinem loquuntur. Est itaque siccum durumque cerebrum senile bonae mentis domicilium, ex quo etiam facile emigrat, vbi concussione fores ruditer pulsantur, vti supra legimus de illis, qui ex lapsu perpresso subito obierunt: fibrae enim non amplius molles, sed duriusculae, et inflexiles, in se inuicem, et in cranii parietes, licet meningibus tectae, colliguntur.

sae, friabilitatem fere inde patiuntur, organum totum destruentem.

§. XLV.

Magna est inter Anatomicos de *substantia cerebræ* disputatio: *vasculosam* esse utramque, medullarem et corticalem plurimi credunt: sed si daretur sagaci alicui Anatomico liberior et otiosior indagatio in cerebrum talis longaeui, certe decisionis non foret magna opera. Quanta est illorum desudatio in fabricandis cera cerebris, ut mollem eorum texturam audaciter, et absque laesione prehendere possint! Natura hominis longaeui, multorum annorum labore hoc praestitit in homine viuo, illaeso nobiliissimo rationis officio. Effectus hic est intimae penetrationis portionis subtilissimae oleoso-salinae sanguinis in cerebri fibrillas constitutivas. Indurantur sic canaliculi subtilissimi, et coarctantur, ita tamen, ut transeat vapor subtilissimus, pro sustinendo officio sensuum, tam internorum, quam externorum. Indurantur eodem modo glandulae corporis reliquae, et coarctantur ita canaliculi colatorii, ut sanguinis portio depuranda, vel secernenda non adeo copiose et sufficienter illos intrare possit, quae impeditio non solum defectus nutritionis, sed et morborum senilium primaria est causa. De cerebris petraefactis, repertis apud Auctores, fit mentio: sane, constitutio indurata cerebri longaeuorum applaudit istis relationibus, et grandaeuorum, si non longaeuorum fuisse cerebra innuit, quae cum tempore plane petraefacta fuere. Evidem dum reuoluo dubius (quantum possibile enim vera proferre decet.) Naturae Mysteriarum Ephemerides, in D. I. A. I. de bouino cerebro solum sermo est; bouem autem longaeuum fuisse

fuisse quis asserere poterit. Interim in longaeui humani cerebro contingere posse petraefactionem, ex tali dispositione, creditu facile est. In glandula pineali saepe materiam calcaream inuentam fuisse notum est; eadem talis materia subtilior systemati cerebri se insinuare potest. Conf. D.I. A.I. Obs. 27. Ephem. Nat. Cur. nec non carundem Vol. III. Obs. III.

§. XLVI.

Quartum momentum, in longaeuis reperibile, est pulmonum *incolumis status*, a statu naturali minimum recedens, licet in memorata sectione octogenarii, casu interemti, appareat, arteriam asperam et bronchia in grandaeuis iam ossificari: vigebit hoc non obstante commodus transitus sanguinis per pulmones, (modo non sint lacerati, vel muci decubitu oppressi) qui ad longaeuitatem maxime est necessarius: respirationis enim negotium, quantae sit necessitas, tam ad circulum sanguinis bene promouendum, quam ad ipsius sanguinis ex aëre nutritionem, quis aescit? Quae autem in longaeuis obseruatur leuis per filamenta pulmonum ad pleuram adhaesio, nullius est momenti, quia liberam respirationem non impedit: ubi vero multa superficies pulmonum pleurae firmiter adhaeret, ibi sub tali adhaesione multum morbosí subest, vti res docet.

§. XLVII.

Quintum formae internae primarium phoenomenon est *membranae lienis cartilaginositas*. Qui absentiae lienis possibilitatem citra sanitatis iacturam probant, dum animalibus lienem excindunt, eaque ostrea adhuc viuere vident, certe de longaeuitate non cogitarunt: nec de illaesa sanitate, post exse-

Etum lienem, a canibus, qui de illa documentum esse debuerunt, data est relatio. Indignum sane artificiosissima aeterna sapientia patratur opus, dum viscus in oeconomia animali superfluum putatum resecatur, et quod illa perfectum fecit corpus, refectione reformatur. Manu vtraque, crure vtroque, testibus amputatis hominem viuere posse, quis non vedit? sed quam imperfectissime, nec ad senectutem longaeuam. Symbolum itaque suum fonticum confert lien, tam ad sanitatem perfectam, quam ad vitam longam. Viscus est sanguine abundantissimum. Membranam eius cartilaginoso - osseam posse fieri absque sanitatis detimento, in senibus, vidimus, et nihilominus officio vacare suo auxiliari, vel depuratorio, vel conseruatorio sanguinis, qui ex aetate imminuitur.

§. XLVIII.

Sextum notabile momentum formae internae senilis est *ossum aridura et frangibilitas*, interdum tamen redeuns *vegetatio*. Aridura ossum, et cum illa extenuatio molis illorum, in omnibus reperitur senibus, eaque eo maior, quo proiectior senectus; nam, cum partes flexiles succulentae, musculi, tendines, cartilagini nutrimento deficiant, et extenuentur, quidni durae corporis partes, ossa, quibus nutritiis crassior pars sanguinis destinata erat, et cui nunc minus peruvia sunt colatoria? Edocent praeterea illorum frangibilitatem casus serum, quibus ossa facilius franguntur, quam iunioribus: facilis autem simul fracturae illorum callo reparantur (exceptis communiter grandaeuis et longaeuis) quam iuniorum; nam, licet in his vegetior sit natura, et abundantior lympha pro condendo callo, tamen materia;

teriae actiuitas ad putredinem maior, quae est in iu-nioribus, febris, inflammationibus, aliisque gra-uibus insultibus admodum fauens, consolidationem retardat. Interim, vt in malis contingentibus gra-dus dantur, minus periculosi censendi sunt casus se-num, qui artuum fracturas inducunt, quam qui sal-uis ossibus, capitis grauem percussionem coniunctam habuere, de cuius funesto effectu supra diximus.

§. XLIX.

Quod attinet *nouam in senio ossium vegetationem*, illam plane singularem nobis monstrauit sectio ter-tia longaeui centenarii, quod nempe in lateribus vertebrarum dorsi noua, et pulcherrima ossis accre-tio inuenta fuerit, quemadmodum in pluribus long-aeuis inueniri daretur, si ad haec loca animus et scalpellum dirigeretur. Quemadmodum subtractio-nem alimenti, ligamentis vertebrarum debiti, illa-rum inclinatio introrsum, versus abdomen sequitur, et aliquando tanta, vt impossibile aliquibus sit fa-ciem in altum vergere; eadem inclinatio non so-um cartilagines vertebrarum, altera alteram terere propius, et sic affrictione, vti in eodem casu nota-rum, coalescere facit; sed et eadem affrictione fit, vt in qua parte cartilaginis ossescientis particula ve-ge-tatiua abundat, eadem facili vegetatione luxuriet, et nouum os producat, vix aliter, quam caro luxu-iens in vulneribus. Notatam illam vertebrarum pinae dorsi inclinationem non rigiditati vertebrar-um, sed potius flacciditati ligamentorum senilium ccensendam esse discimus ex obseruatione, quam Innal. phys. med. Vratisl. A. 1726. mense Febr. no-is de hortulano quodam tradunt, qui cum in vita

summopere esset incuruatus, mortuus rectilineus factus est. Conf. Cap. III. §.

§. L.

Vti de tali noua ossescientia paucae prostant historiae, de *regeneratione dentium in senio* eo plures reperiuntur. Ossium praemonita luxuriatio interim non adeo stupenda est, quoniam solus impulsus materiae vegetatiuae per calorem ad illam sufficit; dentium vero in senibus regenerationem maiorem poscit admirationem, quia staminum latentium et obliteraterum vegetationem producit. Docent autem hoc historiae medicae permultae, inter quas memorabilissima est illa VALVASSORIS, in descriptione Carniolae suae: memorat nempe, inter incolas eius regionis, Vsgoki dictos, quos communiter longaeuos fieri censet, Turcam quendam 190 annos impleuisse, et ipsi, paulo ante obitum, dentes renatos fuisse. Credibile interim est, illos imperfectos renasci, et, vti addunt Historici, mox rursus cadere. Interim MENZELIVS, in Ephemeridibus N. C. narrat Berolini fuisse Germanum, Clivis natum 120 annorum, cui per regenerationem niuei dentes contigerant, non meminit, per quot, nec paucos, annos durantes. Idemque contigisse Anglo cuidam eiusdem aetatis. Via de Ephem. D. II. A. III. Obs. 15.

§. LI.

Septimum memorabile, in longaeuis obseruatum, fuit *Hepar saluum*, quod ab aliquibus disertis verbis refertur, ab aliis autem sub relatione, quod omnia abdominis viscera fuerint salua, implicite declaratur. Quantum sit hepatis officium tam ad sanguinem animalis particulis depurandum, quam ad superflui impetr venas, ad venam cauam reducendum, omnibus

notum.

notum est. Non potuit itaque non, concurrentibus reliquis oeconomiae corporis commodis, ab hepate, officio suo constanter respondentem, symbolum sanguicium ad longaeuitatem prouenire.

§. LII.

Examinauimus ita momenta et phoenomena, in senibus grandaeuis et longaeuis reperibilia, quantum a statu naturali recesserint, simul tamen vitam longam, licet minus commodam, et a praegressa aetate multo dissimilem, permiserint.

§. LIII.

Quemadmodum autem partium solidarum mutantam formam internam perlustrauimus, ita nunc opus est, de mutatione, quae massae humorum senili contingit, aliquid monere, cum illam a massa humorum, quae in iunioribus est, multum differre necesse sit, quia humores corporis mutati primario mutationem partium solidarum inducunt. Qui venaesctionibus educitur *sanguis*, florido colore sat abundant, et similis est illi adolescentum; crassi autem magnopere dissimilis est, quia, qui est floridus color in adolescentum sanguine, ab abundantia optimae lymphae rarefactae et spumescentis oritur; cum ille qui est in senili sanguine, a seri copia, lympham vappidam paucamque multum superante, oriatur; hinc est, quod, cum grandaeui sibi scalpello, forte, cutem lacerant, sanguinem serosum et pallidum e vulnusculo exstillare videas. Interim, hoc non obstante, sanguis senum simul vnguinosus magis est, quam iuniorum, teste sudore senili, maxime ex pinguedinis et bilis, nunc minus, quam antea, fiente ex illo secretione. Sale etiam volatili porro sanguinem senilem abundare, non solum a priori, ex crassi

Spissiore sanguinis iudicare licet, sed et ex experimen-
tis, chymica arte cum sanguine arthriticorum insi-
tutis, aperte patet; nam licet non omnes senes fiant
arthritici, et calculosi, tamen sanguinis crasis in ple-
risque senibus conuenire, quis negabit? Praeterea
elasticus non adeo est sanguis senilis, quam iuueni-
lis, quippe crasis eius, longo attritu sui ipsius, fracta
vappescit, eoquo ipso aetheri, per respirationem hau-
sto, vix sui insinuationem permittit, ex quo etiam
est, quod solidarum partium, et fibrarum elasticita-
tem sustinere non valeat. Interim non negandum,
sanguinem senum bene valentium aequa feliciter
consolidationi vulnerum velificare, idque mitiore
cum suppuratione, quam in iunioribus.

§. LIV.

Addendum adhuc momentum quoddam corporis
senilis, in primis macrioris, seu habitus stricti, pro-
prietatem singularem, minus attentam, praebens, nem-
pe *Leuitas*. Certe illa tanto magis est consideran-
da, quod neglecta eius consideratio pessimorum praे-
iudiciorum fuit causa et ansa. Exitiosissima illa in-
primis fuit vetulis, in quas, prae maribus (causa hu-
ius praeferentiae incognita) beneficii suspicio ceci-
derat. Notum est ex historiis, impositas fuisse ta-
les aquae, et cum obseruaretur, illas mox fundum
non petiisse, sed super aquas notasse, sagas illas, et
beneficii reas, iudicatas fuisse, quasi id ope diaboli
praestiterint, ideoque igni traditas, quia pro iudi-
cum opinione aqua interimi non potuerint: quasi
diabolo tantae non fuerint vires in coërcendis flam-
mis, quam in suffulciendis vndis. Euiuit, per Dei
gratiam, in Europa ad minimum, haec caecitas; in-
terim casum recensebo lepidum, hanc rem diluci-
dantem,

dantem, natatum nempe corporis senilis, viri, cui
diabolus instinctum dederat, se per vndas necandi,
nec pro assequendo fine adstiterat: ducebatur ali-
quando fur senex per pontem, incumbente in fluui
sat largo, et mediocriter rapido; cum in medio pon-
tis esset, ex metu poenae se influuium praecipitat,
margines pontis enim sepimento non erant muniti;
vix dimidium corporis in fluuium penetrauerat, cum
super vndas caput hominis rursus appareret; rapit
tunc, et prouehit illum fluuius sua superficie; hoc
cum nautae nauis Hollandicae, in naui sua, non
procul distante, viderent, et hominem contra suam
voluntatem Tritonem agere putarent, subito in cym-
bam descendunt, et remigiorum multiplicatis icti-
bus, ad illum saluandum properant; quod cum ne-
quam videret, caput vndis submergit, et fundum pe-
tere, frustra tamen, studet; mox enim nautae ap-
propinquant, et arreptum in cymbam trahunt, stu-
pentes, quod loco gratiarum, vituperia a saluato da-
rentur. Alius, hic aliquando, contigit fere similis
casus, de difficiili submersione corporis, ex morbo le-
uioris facti: miles ex morbo conualefcens, vitae ge-
neris pertaesus, dicto adstantibus commilitonibus
vale, in eundem se proiicit fluuium, vix totus sub-
mersus redit ad auras, et cum commilitones ipsi fu-
nem proiicerent arripiendum, respuit auxilium, po-
tius vehendo super vndas ad spatium sat distans,
aquas haurit, et deglutit, hocque modo pondus
suum augendo, submergitur.

§. LV.

Causae huius leuitatis corporis senilis facile pa-
tent: ossa arida, quorum structura porosa et cauer-
nosa, nunc tota simul exsucca, et aere vaporoso so-

lum repleta est, pulmonesque spongiosi, mole minoris, eoque ipso cavitatem thoracis magis vacuam reddentes, huius phoenomeni primariae sunt causae: taceo, aortae capacitatem maiorem, a sanguine, neque illo in senibus copioso, per momenta vacuam, et ventriculi et intestinorum in senibus extenuatorum, et flatibus repletorum, distensionem. Mentionem obiter, in praefatione, feci opinionis Aegyptiorum, quod primus homo ex ligno factus fuerit: certe, si quid huius erroris origo esse potuit, ex hac senum super vndas natatione, condita est. An autem Lappones et Dani antiqui ideo se in aquas praecipitauerint, ut diu supernatantes, iniurias aquarum et aëris perferant, non ausim adstruere, cum vitae finem, ob eius incommoda non amplius ferenda, per submersionem petere animus fuit.

§. LVII.

Haec de phoenomenis quoad formam externam, et internam senum sufficient. Considerabimus nunc paulo amplius *mutationes actionum*, tam *vitalium*, quam *sensualium* in senibus, et quidem quatenus solummodo differunt ab aetate praegressa, ex labentibus annis, non quatenus ita depravatae sunt, ut morbi titulum mereantur, de qua depravatione postea speciali capite agemus.

§. LVIII.

Prodeat itaque *respiratio senum* in scenam. Organon respirationis sunt pulmones, quorum actionem, aërem nempe inspirare, et exspirare, musculi thoracis facilitant. Hanc respirationem in senibus citatiorem sub motu corporis esse obseruamus, idque non solum ex bronchiorum nata rigiditate, et minore flexibilitate, sed etiam ex muscularum thoracis

racis per senectutem imminutis viribus. Cum enim ex sanguine vappido flaccidiores facti sunt, tendines illorum, ob defectum nutrimenti, ex sanguine minus elasticō natum, rigidiores facti, officium non implant: ipsae costae actioni muscularum renituntur, nec non sterni cartilagines, quae duriores, et *communiter* magis inflexiles factae, pristinam thoracis dilationem impediunt.

§. LVIII.

Qui peragitur sub respirationis actu *motus cordis*, arteriarum pulsu se manifestans, quantum ille differt a pulsu iuuenum, ne dicam infantum! quae enim ante adfuit ictuum cum blanda mollitie, et celeritas, et frequens repetitio, in talem transit mutationem, quod celeritas ictus nunc fiat cum vi maiore, tardius tamen, i. e. cum mora; frequentia vero nunc rarior sit, i. e. pulsus pulsum non adeo pressus sequatur. Causalitas huius mutationis ex data constitutione cordis et arteriarum senum facile eruitur: quod enim de muscularum omnium senilium ad actiones acquisita ineptitudine valet, id etiam de corde, muscularum rege; nam nec huius fibrae a flacciditate immunes manserunt. Taceo impedimentum ex arteriae magnae rigiditate. Dictam cordis flacciditatem non solum autopsia facile monstrat, sed et ex eius indulgentia ad memoratas enormes dilatationes iudicari potest; arteriae magnae autem rigiditatem allegata eius ossificatio docuit. Sub his circumstantiis flacci cordis musculi longiore mora ad systolen uti necesse habent, unde ictus tarditas; ossificata autem aorta ictu duro proicit sanguinem per conum suum, unde pulsus durities; absentia vero pristinae frequentiae pulsuum inde est, quod,

quod flaccidiores cordis musculi ad diastolen agendum se tardius accingant, qua mora pulsus minus frequenter repeti possunt. Ne dicam de pulsu cordis intermittente, senibus familiari, ex remora cordis praeternaturali, circa diastolen haerente, per se tamen grandaeuitatem non recusante.

§. LIX.

Subiungimus actibus vitalibus, nunc alios oeconomiae animalis, per quos ipsi actus vitales reliqui-que sustinentur, nempe *appetitum* ad cibum et potum, et quae ex victu, secundum naturam, sequitur, *nutritionem*, et tandem, quae haec omnia necessaria insequi debent, *excretiones* reliquiarum inuti-
lium.

§. LX.

Adpetitum ad cibos in senibus multis languesce-re obseruamus, exceptis illis, quibus longaeuitatis fundamenta non parca in ipso ventriculo posuit na-tura. Certe ventriculi incolumitas, i. e. liquoris gastrici per tunicas ventriculi robustas peren-nis secretio, punctum absoluit primarium, non solum ad bonam digestionem ciborum, sed et ad inde capiendam nutritionem, et simul ad illam sustentandam, quo modice in senio recedat, nec simul et semel macies et atrophia senem corripiat. Hinc videoas saepe grandaeuos, qui in antece-dente aetate liquore gastrico bonaे conditionis gauisi sunt, etiam in hac aetate illo gaudere, et inde ad edacitatem pronos esse; non semper tamen abs-que insequente incommodo; non respondet enim amplius pristina fibrarum ventriculi fortitu-do a cori liquoris ventriculi perduranti. Per ven-triculi bona officia reliquis visceribus et membris

omni-

omnibus, ad functiones suas recte praestandas vires distribuuntur, quas, si sub ventriculi bona constitutione non peragunt, sed morbida fiunt, ex propria et domestica, in fibrarum teneritate, vel alio defectu quaerenda labe, aegrotant. Quando autem ventriculus cum intestinis aetate debilitatur, sanguine nempe successive fatiscente, et tunicis ventriculi flaccidis redditis, ut ex his liquoris gastrici secretio impediatur, tunc primo intestina, et mox illis annexa abdominis viscera aegrotare incipiunt, et machinæ reliqua fundamenta corruunt, licet, ventriculo saluo, longaeuitatem promiserint; id quod in utroque longaeuo, illo nempe annorum 130 et altero 109 annorum vidimus; cum enim reliqua viscera omnia salua constarent, fibris licet per aetatem existentibus flaccidioribus, ventriculus alterius per flacciditatem, vel liquoris gastrici inertiam defecerat, et in altero duodenum reliquis intestinis grauem labem contraxerat. Minus communiter deficit appetitus ad potum in senibus, quam ille ad cibos, cuius eximum exemplum vidi in longaeua quadam 95 annorum, quae cum careret omni appetitu ad cibos, praeter illo ad panem, potu viginti librarum cereuisiae tenuis, per diem, se per ultimos vitae annos sustentauit, sanguinis nempe defectum resarciendo, et eius circulum continuando.

§. LXI.

Senum supra descripta forma externa *nutritionem* in illis deficere docuit. Male nutriuntur et marcescunt senes, vel ex ventriculi laeso officio, vel ex sanguinis nimia salina vappescientia, et inde nata viscerum abdominis, et glandularum constitutione difficulter peruia, vel ex habitu corporis iam ante senium

nium ad maciem vergente. Quomodo ventriculi laesum, vel imperfecte praestitum officium nutritiōnem impedire possit, iam vidimus: quomodo autem sanguinis salina vappescentia maciem admittat, facile adparet; cum notum fit, ad bonam nutritionem chylum dulcem et lympham roscidam requiri. Deficiunt autem communiter hae qualitates chyli et lymphae in senio, quando ex sanguine per aetatem et attritum fatiscente, liquor gastricus adeo perfecte secerni et elaborari nequit, hinc ipsa, quae inest sanguini, naturaliter, crasis salina, aequilibrium superat, et dominans fit, et omne pingue dulceque nutribile corrodit, et ad loca excretoria secum rapit, quidni inde fibrarum marcescentia? imo dum senes ad ventriculi segnitiam leuandam saepissime cibos salitos appetunt, et sic, vbi ipsa sanguinis crasis extremitate salina est, malum malo augent, non potest non sub hac sanguinis crasi crudiore, in ipsis glandulis mesenterii, per quas colatur lympha, nutritioni impedimentum formari: excipias autem hic illos, qui a iuuentute iam tali sanguinis crasi donati sunt, quae diaetam talem salsam sibi naturalem fecit, ut illa, ad minimum in grandaeuitatis plurimos annos feliciter visi sint, nec eius mutationem bene tulerint. Vbi autem ipse habitus corporis ad maciem per se iam ante inclinat, quid mirum, si haec omnia ad marcorem corporis facile colludant.

§. LXII.

Interim, quemadmodum macies fere proprium est senum, ita tamen dantur interdum senes, in quibus nutritio, ad minimum in primo senii stadio, augetur, (nam in grandeuis et longaeuis semper illam in superficie corporis minui obseruamus) id quod maxime

maxime crasi sanguinis, a bonitate sua non recedente, debent: largitur, enim bonus sanguis adhuc bonum liquorem gastricum ad ventriculi organa collatoria, et recipit inde post bonam digestionem ciborum bonam lympham, ex qua humores debitos, et pinguedinem, circulationis ope, pastibus destinatis tradit: augetur autem simul ideo in illis nutritio, quia fibrae peripheriae corporis, nec non vasorum extremitates, in aliquibus, cum annis minus tensae redundunt, vnde quasi collapsus illarum, et maior capacitas, qua mediante sanguinis particulae pingues magis in superficie morantur, et adhaerescunt. Allegandus hic est senex *Ephem. N. Cur. Dec. II. A. V. App. p. 66.* qui infantem mammis suis saepe admouendo, glandulas suas mammarias lactiferas fecit, ἐυσταχος autem fuisse dicitur, i. e. bene nutritus: id quod magis rem praeter naturalem esse censeo, quam lactationem infantis recens nati, a vetula octogenaria, ultra dimidium annum, cum infantis bono nutrimento, factam, cuius mentionem faciunt *Acta Liter. Suec. 1733.* Redundat ex eadem causa etiam pinguedo ad viscera interna, ibique diutius conservatur, ut in aliquibus ad seram longaeuitatem perfestet, quemadmodum sectio longaeui 130 annorum id nos docuit, cuius cor pinguedine fuit obsitum, et cuius mesenterium pinguedine fuit refertum. *Conf. §. XVI.*

§. LXII. *

Bene notandum autem hic simul, ut haec nutritio ad fouendum habitum corporis facit, illam tamen ad robur corporis augendum, vel sustentandum, parum vel nihil facere: quae enim carere incipit in sanguine senescente elasticitas, successive magis

magis deficit, hinc praeualet imminutio secretionis perennis liquoris spirituosi neruei, qui robori systematis neruosi conseruando debetur; quo deficiente influxus elasticitatis in muscularum partes tendinas imminuitur, et senes taliter nutriti nihilominus ad quasuis actiones virium defectum sentiunt. Cum iamiam grandaeuis et longaeuis talem nutritionem denegauerimus, non possumus non rarum exemplum in contrarium allegare: referunt nempe *Annal. med. phys. Vratisl.* 1725. mense Sept. de femina quadam 105 annorum, quae non solum menstruationem ad annum 62 dum passa fuerit, sed et varia obsonia, frigida tamen, comederit, et simul bene nutrita fuerit, multumque sudauerit.

§. LXIII.

Superest, ut consideremus *excretiones reliquiarum inutilium in senibus.* Excernuntur crassae maxime per aluum, fluidae tenues per vesicam vrinariam, et tenuiores vaporosae per cutem: de ceteris minoribus excretionibus, per nares, fauces, aures etc. in senio mutatis, breuitatis causa nulla fiet amplior mentio. Per *aluinam excretionem* eliminantur fæces e corpore, quae ab ingestis cibis post chyli separationem remanent, et una cum reliquis e massa sanguinea, ad canalem intestinorum, secretis recrementis, deiiciuntur. Haec excretio in vegetis senibus et grandaeuis, habitus adhuc succulenti et nutriti, saepe saepius solet esse liberior, ob sanguinis abundantiam, ex ventriculi bona conditione sustentatam, ex qua recrementa mucosa simul secerni possunt. Fauet etiam liberiori tali alio intestinorum senilis flaciditas, nec non bilis superstes bona conditio, quae

inte-

intestinorum motum peristalticum languescere non sinit.

§. LXIV.

Aliter autem se habet excretio aluina in illis, qui stadio longaeuitatis prope sunt, et in ipsis longaeuis: hi ob humorum corporis factam inopiam ex inertia et penuria liquoris gastrici natam, non solum parcus cibos in ventriculum ingerunt, vnde recrementa aluina generari possent, sed et sanguis illorum minus muci recrementitii ad intestina delegat; bilis vappidior et viscidior facta, intestina magis flaccida ad motum peristalticum agere minus valet, hinc excretio alui imminuitur, huiusque molesta segnities succedit; imo ad multos dies obstipatio, vti in longaeuo 130 annorum vidimus: accedit flatulentia, et retentio recrementorum, quorum mora ardorem et siccitatem, tam in intestinis, quam in ventriculo et faucibus parit, vt solenne sit senibus has molestias frigidis potu et cibis temperare. Sie nota mihi fuit femina 85 annorum, quae cum sub alui segnitie, a potu vel tepido, vel calido flatus augeri sentiret, cum sitiebat, (sitiebat autem ex alui obstipatione frequenter) vnicum tantum haustum cereuisiae frigidissimae, quavis vice, e cella sibi ad portari faciebat, et illum statim bibebat. Idem recensent Ephem. Nat. Cur. de vetula nonagenaria, quae frigidissimam potauit, D. II. A. VI. Obs. 145. Quam allegaui supra longaeuam, bene nutritam, frigida obsonia pro cibo sumsisse legimus.

§. LXV.

Excretio renalis per vesicam vrinariam reliquiarum fluidarum massae sanguineae communiter multo magis a statu pristino in senibus recedit, quam illa aluina: variat enim haec pro bilis statu et con-

cursu: quando enim illa vappescit, et chymum in transitu non alte satis penetrat, non solum sanguis inde euadit iniustae craseos, sed etiam secernitur postea ex sanguine per renes copiosum serum limpidum, vnde vrina plus iusto limpida euadit, non sine metu retentae cruditatis in visceribus. Quando autem ex bilis nimio concursu, eius copia sanguini miscetur, vrina crassior et rubens secernitur: licet non negandum, talem vrinam in quibusdam grandaeuis, ex sola per aetatem inspissata crasi bona sanguinis saepius reddi. Vti vero excretio aluina ex allegatis causis in senio fit rarer, ita excretio vrinae eo frequentior illis existit: omnes enim fere, repetitis per diem vicibus, ob vesicae in senio corrugationem, et minorem capacitatem, frequentiores excretiones urgentem, vrinam reddere coguntur, quae simul ex deficiente vesicae robore minus pressa effluit: ne dicam, quod excretionem vrinae interdum difficultem reddit causa fontica membra virilis, e.g. Phymosis, ex cartilaginositate praeputii, de quo casum praebent Annales Vratisl. 1726. mense Febr.

§. LXVI.

Excretio cutanea, quae sudoris nomine venit, non minoris est in senio momenti. Excernitur per cutem serum falso-vrigninosum, tenuius, vaporosum, aibile etiam participans; quae excretio, vti in consiente aetate larga est, ita parcius fit sub aetate senili, et quo magis aetas in seros vehitur annos: sub grandaeuitate enim prouecta, et longaeuitate, sudor vel parcissimus, vel nullus, communiter, in obiecta corporis peripheria adest, exceptis rarissimis exemplis, quorum vnum supra adduximus, in longaeua 105 annorum. Aliter autem se res habet, cum il-

lis partibus, quae nudae tenentur, facie et manibus, quarum vtraque, tam ob quotidianam squalidi sudoris, per aquam, cum vel sine sapone, detersionem, et hinc pororum patulum, et ad perpetuam, non impeditam, sudoris excretionem, paratum statum, quam speciatim in facie ob vasorum in illa magnam abundantiam, ad sudorem proclivior est: nam in his partibus sudoris excretionem, maxime nocturno tempore, maiorem factam esse obseruamus, cum euigilamus. In obiecta corporis superficie, cum raro sudor extergatur, spissescit, et ex parte poros ad copiosiorem excretionem obstruit.

§. LXVII.

Praeter has superficies corporis non obiectas, crinitam capitis superficiem allegandam duco, ceu magnum in senibus sudoris excretorium, in primis in illis, qui boni adhuc sunt habitus corporis. De femina illa 95 annorum, quam ob potus assumti copiam supra allegaui, hic adhuc memorandum, quod huius loci est, quod nempe quotidie, ob sudoris capitis copiam, capillos pectere necesse habuerit, ad euaporandum morantem sudorem, nisi visus aciem illo die imminutam habere voluerit; debilem enim visum sentiebat, cum capitis pectinationem neglegret. Notandum etiam, quod omnis sudor senilis, ante inualescentem fibrarum ariditatem, pinguior sit, quam ille consistentis aetatis, vti illud maiorum opera detersionis cum sapone indicat; quae arcto pectine ex capillis pectinatur vnguinostas idem demonstrat. Id ipsum in reliquo corpore etiam apparet, in hominibus, vt vocantur, biliosis, i. e. sanguine pinguiore praeditis: apparet hoc praeterea, in reliquis, aliis habitus seniculis, si induasis utantur

laneis, ex linteo laneo, Anglis FLANELL. dicto, paratis; haec materia enim non solum fouet arcte cutem, sed et eius fibras blande fricat, eo ipso autem sanguinem allicit, ad sudoris se- et excretionem, adeo, ut vix praeterlapso triduo, sudor pinguis cutem circum ambiat, qui si non abstergitur, sequentibus diebus pruritu insequente, cuius sit originis, demonstrat. Quod experimentum adminiculum praebet senibus, quomodo cutis ariditatem praeservare, et consequenter nutritionis in habitu conservationem retinere possint. Multum enim facit ad hanc et senum sanitatem cutis perspirabilitas, integrum circulationem sanguinis in peripheria indicans, et sanguinem ab inutili sero vappido purificans.

§. LXVIII.

Addamus his considerationibus duas contemplationes alias, vnam circa *somnum senilem*, et alteram circa *vires generandi* in senio, in primis quia de his rebus supra mentionem fecimus.

§. LXIX.

Quo luculentius differentia *somni senilis* a iuvenili appareat, somni naturam prius considerare expedit. Consistit autem somnus non solum in remissione sensuum, sed et omnium viscerum, ut sub illa nutriantur et reficiantur novo pabulo, per vigilias et labores consumto: augetur sub hac remissione massae sanguineae motus intestinus, ut remissis placide a tono fibris omnibus refectione et nutritio eo melius peragatur. Sensuum refectione in somno maxime cerebri labor est, vtpote elaboratorii humoris, vel potius vaporis spirituosi, maxime elastici, et ad sensoriorum instrumentorum, et totius corporis fibras nerueas, perpetua nutrione conseruandas neces-

sarii.

farii. Vti enim cordis motus in somno etiam remissior est, et quoad frequentiam fere idem, qui in senibus vigilantibus, ita tamen ictus celeritas minor, impetuositas minor in somno obseruatur, sub qua moderatione facilior penetratio massae sanguineae, vti ad peripheriam, ita ad viscera, et cerebri intimos recessus: et quemadmodum meninges, sub somno, etiam in remissione toni existere debent, ita longior in cerebro sanguinis mora efficit, vt vapor ille spirituosus medullarem substantiam cerebri, et neruorum sufficienter impleat, pro exequendis, sub vigiliis crastinis, cum vigore, officiis. Hoc vt perfecte fiat, sanguinis crasis bene debet esse constituta, i. e. elastica, quae vti infantibus valde talis est, et in iunioribus, pro usibus, sufficienter talis, in senibus nunc eximie deficit. Hinc est, quod senum somnus breuis sit, et leuis et insomniorum ferax; quae enim in sanguine supersunt particulae elasticae, facile in cerebro consumuntur, pro coquendo illo vapore spirituoso roscido, ad usum neruorum per totum corpus, quibus utiliter consumtis, remissio illa toni corporis continuari nequit, hinc somni breuitas. Euigilant autem senes horis matutinis, cum iuniores adhuc alto somno sepulti iacent; abest in senibus post euigilationem omnis somnolentia, cum iunioribus post euigilationem labor restat omnem somnolentiam excutiendi: appareat sic protractionem somni iuuenilis ex abundantia materiae elasticae in sanguine illorum oriri, senilis, somni leuitatem autem, qua vel sponte, vel ad qualemcumque sonum euigilant, ex neruorum parca remissione oriri; facile enim, quod a tono parce remisit, ad tonum reddit, quando non adest, quod remissionem toni fotu

blando sustentat; cum e contrario in iuuenibus toni remissio maior sit, quam saepe subsultus spasmodicus totius corporis praecedet, quia in illis adest, quod plus et intimius neruos nutriat, ex quo illorum somni profunditas. Excipiendi autem hic sunt senes, qui somno diuturno reficiuntur, et quibus inde spes longaeuitatis adfulget. Viuit talis quidam floridi, fere laxi, medii, habitus, grandaeuus, annorum 81, ante quemuis pastum vncios duos spiritus vini sumens, qui octo horarum placido somno fruiatur, sed non nisi cum bene coenatus lectum petit; non bene replete ventriculo enim, insomnia patitur dapifera, esuriente quasi mente. Conf. Cap. II. §. XXVII. in fine.

§. LXX.

Quod tandem senibus sub somno pro vnu crastino corporis elaboratum est spirituosum, parcum simul est, et paucum; vespera enim vix accidente lassitudo et somnolentia illos occupat, quia consumtum est virium pabulum, sub nocte praegressa collectum. Deficit autem interdum in senibus plane somnus, quae res de magna penuria materiae elasticæ ad cerebri usum testatur, nisi forsan alia incommoda in causa sunt, e. g. intestinorum flatulentia, illorum motum tumultuarium excitans, et plexuum neruorum quietem et remissionem non permittens, ex quo impedimento et reliquum systema neruosum per consensum turbatur; quin saepe flatulentia, premendo diaphragma, ipsius cordis motum et respirationis organa a necessaria remissione auocat. Ut taceam plura alia incommoda, quae senibus somnum saepe impediunt, vel turbant, e. g. tussis, mictio crebra, de quibus infra, sub morbis.

§. LXXI.

§. LXXI.

Quod attinet *generandi vires* in senio, magna etiam circa illas existit mutatio. Ante senectutem mari adest potentia prolem gignendi, haec vero, praesente senio mutatur in impotentiam, si non omni seni, tamen multis familiarem: quae enim senibus multis superest, et viget adhuc generandi potentia, illa respectu aetatis praegressae valde diminuta est, et communiter in grandaeuis et longaeuis tota deficit, licet exempla allegentur, quod in his non solum potentia procreandi sobolem, sed et salacitas viguerit. Mentionem supra fecimus salacitatis in Anglo longaeuo, sed adducere placet adhuc duo exempla nationis Danicae. Primum dat Bartholinus in Actis Med. Haffn. Vol. III. IV. de viro centenario, qui in hac aetate testis puellae alicuius in baptismo fuit; hanc puellam, cum annis nubilem, in vxorem duxit, et ex illa tres suscepit liberos, ipse tandem anno aetatis 127 mortuus: secundum dant Ephem. Leop. Carol. Vol. X. p. 406, de viro plebeio, staturaem mediocris, temperamenti cholerici, qui anno aetatis 96, virginem vetulam, annum aetatis 93tium agentem, duxerat, et quavis nocte, bis, saepius ter, perfectissime, et vix interiecta mora, cum illa concubuit. Addamus hic tertium multi potentiae grandaeuum 72 annorum, Russum, de quo litterae publicae anni 1755, mentionem, mense Martio fecerunt, illum cum duabus in successu matrimonio, vxoribus, septuaginta genuisse liberos, communiter gemellos, saepe trigeminos aliquando quadrigeminos. Singularissimus autem est casus, et ad morbos potius referendus, quem dant Ephem. Nat. Cur. D. II. A. II. Obs. 121. quo refertur, septuagena-

rium Satyriasi correptum, iuuenculam suam, quotidie quindecim, interdum viginti vicibus compressisse. Causam impotentiae principaliter seminis defectui adscribere vetant, non solum haec adducta testimonia contrarium probantia, sed et **TIMMII** supra data de viro 95 annorum obseruatio: vedit enim in longaeuo hoc, vasa spermatica, testes, et vesiculas seminales nullatenus aridas, sed illis subiectis similes, quibus vegeta adhuc est aetas. Comprobat hoc simul senum quorundam septuagenariorum vegetorum relatio, quod sub somno interdum polluantur, cum de reliquo impotentiam agendi confiteantur. Cum praeterea facile credendum sit, non restare omnibus grandaeuis iamiam notata naturae beneficia, statuendum sane, impotentiam generandi illis venire ex flacciditate muscularum organi, hanc vero ex inopia sanguinis elastici ad illud viuificandum necessarii.

§. LXXII.

Alleganda praeterea hic sunt pericula, quae subeunt senes, cum generationis officium praestare cupiunt. Terreant sane isti casus, quos **Ephem. Nat. Cur. PLATERVS, FORESTVS, WEDELIVS**, aliique de obitu senum in amplexibus venereis, et mox ab illis, sine dubio sub accidente syncoptico affectu, recensent. Horrenda sane res, ex voluptatis naturalis complemento mortis amaritudinem haurire et animam reddere. Lentam mortem grandaeus quidam, ex cohabitatione cum arcta, aliquando reportabat: phymosi enim afficiebatur, quam, cum negligere, et contra frigus hibernum non bene munitret, inflammatio gangraenosa sequebatur, et hanc sphacelus lethifer excipiebat. Quae in vetulis adest

conciendi impotentia, illa iam communiter, ante senium adfuit; vtilis ipsis ad prolongandam vitam, quia continua foecunditas vires corporis penitus pessundaret; vtilis etiam natis et marito, ut vacare possint educationi natorum ultimorum, et mariti commodis. Casus, qui prostant de foecunditate veterarum, adeo rari sunt, ut inter raro contingentia, et simul malo cum successu, acta, numerari debeant. Fructus immaturos, post nouam menstruationem, feminam quandam peperisse, docent Ephem. Nat. Curios. Cent. IX. X. et paruum monstrum triceps, cum duplicato collo, eadem, in Cent. V. VI. Vetulas autem non carere appetitu venereo, multi docent casus. Nouellae Gallicæ Leidenses, 1755 mense Februar. referebant, vetulam quandam 82 annorum, nec infimae sortis, nupsisse viro 30 annorum. Taceo casus illicitos; sic olim nihi iuuenis retulit, se a grandaeua quadam, variis glanditiis ad concubitum allectum fuisse, et inde gonorhaeam reportasse; postea etiam audiuisse, hanc vetulam diu hoc malo conspurcatam fuisse, et credidisse, se vnice ex concubitu cum iuuene liberam ore, hoc transplantationis modo. Alia vetula, orphanotrophii ministra, pueros duos pubescentes ad frequentem congressum secum allicuerat, qui glandis vitia cum glandularum faucium inflammatione inde sibi acquisiuerant. Sang, topicis Ranchinianis non opus ipsis fuit: vide Sciagraph. Ranch, Parte Ida therapeut. Sect. I.

§. LXXIII.

Progrediamur nunc ad mutationem sensuum exteriorum et interiorum in senibus fientem: in tantum tamen vnice, quatenus adhuc satis salui sunt,

nec ab incolumitate pristina valde declinauerunt
quod si enim in tantum mutati sunt, ut morbi titu-
lum mereantur, nondum sunt huius loci.

§. LXXIV.

Inter sensus externos principatum tenet *Visu*.
Visus organon in senibus singulares subit mutationes, quantas reliqui sensus non subeunt. Versatim autem haec mutatio, vel solum circa locum et distantiam obiecti videndi, vel etiam circa debilitatem ex senio. Prior minoris est momenti, quam qua debilitatem inuoluit, et defectum. Dependet autem mutatio, circa distantiam obiecti versans, ab oculi partium constitutuarum mutatione locali, scilicet vel ab humoris crystallini remotione a pupilla, vel eius appropinquatione versus illam, vel ab ipsius globi per aetatem coarctatione, vel eius relaxatione positionem variam humoris vitrei, imo crystallini virtut subtilissimam, causantibus; vel tandem ex tunicae corneae, pro constitutione individuali, maiore vel minore reddita conuexitate: quae, et plura, visum pro mutatione loci magis vel minus perfectum reddunt, semper tamen in hoc statu saluum seruantur e contrario debilitas seu hebetudo visus senilis nullatenus visum diu per se saluum manere simili quia acies eius sensibiliter, ex tunicae nerueae, vel ipsius nerui oculi atonia, vel ex corruptione humorum, sensim sensimque magis se manifestante, minuitur.

§. LXXV.

Notissima est obseruatio circa visum senum, quod plurimi illorum visum acutorem ad obiecta rem possideant, cuius rei primariam causam esse censent, tunicae corneae maiorem enatam esse conuictatem

tatem, per quam anguli incidentiae radiorum magis coarctantur, quo per oculi humores acti, omnes retinam feriant, id quod in praegressa aetate, ob planiorem corneae rotunditatem non factum: res propinquas minores autem senes non adeo distincte et commode vident, quia multitudo radiorum, per conuexitatem corneae irruentium, confusionem parit, non nisi per specillorum refractionem tollendam. Interim, quam parit mutationem cornea, illi multum ponderis venit ex humoris crystallini obstetricalatione, et appropinquatione ad pupillam. Non enim ipsa tunica conuexior fit, nisi ipsius globi allongatione, quae simul humorum vitreum, non potest non, in longiorem, et sic etiam antrorsum primere. Causam allongationis huius in fibrarum omnium totius globi relaxatione, et orbitae oculi ex senio coarctatione ponimus. Memorabile autem maxime omnium circa visum senilem est, quod dentur senes, quibus notata visus mutatio, iam ante senium facta sit, sub qua, absque perspicillorum operis minutis propinquas distincte videre non potuerint, elapsis autem aliquot annis, in ipso senio, tamen pristinum vigorem visus, ad res minutas absque ope perspicillorum videndas, receperint. Conf. Acta N. C. Vol. II. Obseruat. 47. Rediit enim humoribus et globo pristinus situs, qui non amplius indiget radiorum per perspicillos irruentium actionem.

§. LXXVI.

Quod attinet ad debilitatem visus, ex senio, illa debilitati nerui optici speciali adscribenda est, vel originis et systematis neruosi communis debilitati, ex sanguine minus elastico. Durat haec interdum per annos, et vix perspicillis siue concavis, siue conuexis

uexit iuuatur: leuatur tamen interdum quibusdam
remediis, ideo eius ampliorem mentionem sub mor-
bis senum faciemus. Addendum autem huic ser-
moni de vitio visus senilis hoc mirandum, quod li-
cet multis senibus visus vario modo laedatur, imo
plenarie tollatur, multis nihilominus longaeuis visus
perstet incolumis, vti id multa testantur exempla.
Quanta perfectio in hoc nobilissimo et artificiosissi-
mo latuit organo, per tantum temporis spatium du-
rans! Nec hoc solatii genus hic sicco pede praetereun-
dum, quod quibus in iuuentute phantasmata quae-
dam, sub telarum aranearum complicatarum forma,
obuolitarunt, licet in senii annis augeantur, tamen
in grandaeuitatem vsque visus aciem non destruant.

§. LXXVII.

Auditus organon in senibus nullam singularem
mutationem subit, nisi communiter in peius, *difficul-
tatem nempe audiendi*, vitio tympani aridi primario
accidentem, et facile in surditatem transeuntem, de
qua ideo in capite sequenti.

§. LXXVIII.

Gustus et olfactus nerui communiter immunes
manent in senibus etiam longaeuis. Gustus illorum
omnium sapidorum usum ad longaeuitatem vsque
amat: delectantur autem in primis dulcibus; prae-
terea etiam salinis, aromaticis, spirituosis, nec non
acidis moderatis; amara vero, in hac aetate magis
auersantur senes. Verum, vti nihil tam generale,
quod non speciale exceptionem patiatur, sic me-
mini grandaeuae, quae quotidie absinthii comulam,
vnam vel alteram, in pane, pro ientaculo sumebat.
Circa olfactum, senes odoriferis humidis magis de-
lectantur, ex herbis scilicet, et floribus, vaporibus
que

ne aliis fragrantibus humidis, quam quae ex lignis resinis adustis hauriuntur, utpote quae magis ex ados faciunt meatus olfactorios, nares: humidum item blandum magis conuenit marcescentibus s partibus, quam siccum.

§. LXXIX.

Si tactus sensum examinare placet, facilis est conjectura, illum minus exquisitum esse in senibus, nam in iunioribus, senesque minore cum dolore ferre vulnera et cruciatus varios, quam iuniores: quod agis enim fibrae sunt viuidae et elasticæ, et sanguis vegetus fibras laceratas expandens, eo maior dolor; dum autem ex fibris minus viuidis, et minus elasticis senioribus, et sanguine senili vappido, nulla vel minor potest fieri fibrarum laceratarum expansio, eo minor senibus erit dolor. Probat hoc experientia, nam bellica, quam forensis; siquidem senex miles ulnera, quae animo intrepido exceptit, forti patientia ferre obseruatur; et senex maleficus poenarum ericula vilipendens, etiam grauitatem illarum vilenet. Frigoris sensus quidem in primis humili, et sic et siccii intensi, non solum molestus, sed et periculosus est; proteritur enim per illud, quicquid adhuc supereft elasticæ in corporis peripheria, et sic viæ vitae afficit. Notatu autem dignum est, senes frigore, quem saepe obseruare licet, fere conuulsum, non conuelli, quemadmodum iuniores: causa in elasticitate peripheriae neruosa corporis immunita aperte latet. Interim extremitates artuum, ligiti nempe manuum pedumque, insensibiliter, incautis, labem a frigore acquirunt, ceu partes magis exsangues, hinc perniones, sphacelus, paronychia.

§. LXXX.

§. LXXX.

Mutationes, quae fiunt in corpore senili multivarias iam considerauimus; sed restant adhuc, quae sunt p^rae omnibus magis fonticae, nempe, quas patiuntur sensus interni. Omne sane reliquum, quod ab hominibus expetitur bonum et beneficium fleabile est, quando sensus interni a vigore suo multum mutantur. Cum enim in horum vigore nobilis illa p^rae brutis existat differentia, certe hac, per labem insignem sensuum internorum sublata, brutescimus. Sunt autem sensuum internorum, post perceptionem, seu sensationem passam, *Imaginatio*, *Judicatio*, *Memoria*, seu imaginum formatarum et iudicatarum repetitio. Perceptio omnis sensuum externorum ope perficitur, qui vbi sunt vitiosi, perceptio, imago impressa, iudicium de imagine, et imaginis repetio erunt vitiosae, et falsae: quae res cum facile ex vitiatis sensibus externis oriri potest, dolenda quidem est; attamen tantae miseriae speculum non praebet, quam si sensibus externis perfectis, sensuum internorum debita ministeria animae perficiant.

§. LXXXI.

Contingunt autem hi defectus in senibus, vel cerebri quodam vitio, vel ex intensione nimia illarum facultatum; nec valde rara sunt exempla senum, ex hoc defectu plusquam brutescentium. Horreō, dum reminiscor exempli, quod praebuit vir apud Nostrates, olim vitae actiuae, iudicii acris, et per totam vitam bene valentis, qui, dum in senio variis aerumnis praemeretur, grandaeuus factus, non solum insignem memoriae labem incurrebat, ut infantesceret, sed ultimis annis plusquam brutam, i. e. omnijudicia

dicio et memoria vacuam ageret vitam: sensibus
internis ipsi saluis, stupore adeo enormi afficieba-
tur, vt etiam ipsi naturales interni sensus, esuritio-
sitis carerent; non cupiebat cibum nisi oblatum,
ne potum, nisi propinatum: omnis cupiditatis et
pluntatis expers: deerat ipsi simul potentia ambu-
ndi, ideo immotus sedebat, nec moueri desidera-
bat: loquela ipsi rara, eaque müssitabunda: errans
ore mortis pallor: excrementorum omnium, si
non insensibilis, tamen non indicata excretio, res do-
mesticis molestissima. O miseranda hominum con-
ditio, quando actiones mentis vel furiunt, vel ces-
sent, vita superstite! Perit in tali cerebri senilis la-
te seria rerum imaginatio, vnde videoas, senes facile
dere, circa res non ridendas: memoria facile illis
excidunt res nouiter exceptae, nec reminiscuntur
eae, nisi rerum in vita ante acta perceptarum. Mi-
serum exemplum vidi in foemina sene, aerumnis
tracta, cui perceptio, ab obiecto, e. g. illam visitan-
te amico quodam, adeo nullam actionem in sensus
internos ingerebat, vt quem, eodem momento, gra-
ulabunda, de aduentu eius, salutabat; post eius di-
cessum, et eodem momento factum redditum, de no-
to, cum gaudio, vt diu non visum, salutaret. La-
borabat simul habituali stranguria, quae seri vrina-
ii retensio sine dubio, cerebri inundationem, et ta-
tem in sensibus internis effectum produxit. In cau-
a communiter sunt vel flacciditas cerebri, vel inun-
datio eius a sero, vel nimia oneratio imaginationis
et idearum. Quemadmodum enim in statu cerebri
integro phantasia imagines, motu speciali ineffabili-
ta impressit, vt aliquando, imo pro lubitu repeti-
possint, per motum reminiscendi, iditem ineffabilem
et

et secretum, ita ex allegatis causis, nunc ad omnes
hos mentis actus impotentia adest. Prostant in Ge-
rontotrophiis Hollandicis, aliisque, sat tristia homi-
num exempla, sexus vtriusque, ex quorum senio ho-
minum fleabilem conditionem considerare, et quid
intellectum, et animi omnes facultates ad mortem
vsque seruatas habere, beneficii excellentis sit, per-
pendere licet: cuius excellens exemplum hic allega-
re iuuat, quod literae publicae, anni 1755, de ve-
nerando Sueco, Episcopo Linciopingense, septua-
ginta et octo annorum grandaeuo narrabant, quod
nempe oratione quadam inaugurali, synodali, tre-
centos versus heroicis, latinos, memoriter et ele-
ganter recitauerit. Venerabile ornamentum in
grandaeuo venerabili.

§. LXXXII.

Quae post perceptionem primam animae tumul-
tuarie et praecipitanter oriuntur *Judicii* actiones,
passiones eius communiter appellantur, cum respectu
primario *actiones* nuncupari debeant. Interim re-
spectu incommodi, quod has actiones saepissime se-
quitur, passionum titulo insigniendae erunt. Raro
autem in senibus illas tantas obseruamus, quantas
in iunioribus videmus: ut enim sanguis, eiusque
motus in iuuentute agilior et velocior est, ita etiam
in illa animi motus sunt vehementiores. Largi-
mur etiam interduin vehementiam animi senilis
commotionibus, tamen frequentia commotionum
praeualeat in iuuenibus. Vti enim, e contrario in
senibus sanguis adest minus agilis, eiusque motus
moderatior, ita etiam animi motus illorum sunt ra-
riores et minus vehementes. Certe ob valetudi-
nem labescentem senibus magis est necessarium ani-
mi

mi aequilibrium seruare, ne ex eius commotionibus corpori debilitato maiores superueniant turbae et noxae, quam quae iam adsunt: hinc ex commotionibus animi vehementioribus plus periculi nasci quam junioribus, cognitum satis est; saepissime enim illas sequuntur apoplexiae, paralyses, imo interdum ipsius cordis flaccidi ruptura, vti supra in allegatis casibus legimus, siue illae commotiones originem debeant terroribus, siue iracundiis. Ipsa lenta et perpetua animi molimina, e. g. ad odium, metum, cupiditates acquirendi, cet. neruosum illud elasticum consumunt, somnum tollunt, appetitum destruunt, et sic resarcitionem virium per nutrimenta et somnum impediendo, plus noxae corpori senili afferunt, quam si per labores excessiuos vires exhaurentur; superstite enim animi tranquillitate, somnus et victus subito illas redderet. Nuper octogenaria, debilis quidem, at sat bene valens, ex iracundia in tremores corporis incidebat, qui, licet mox euanscerent, generi nerioso tantam debilitatem inflixerant, vt corpus ad pristinum robur non rediret, sed lecto ex hinc ad fixam aegram, sensim aliquot septimanarum intervallo, morti traderent.

§. LXXXIII.

Maxime autem animi senilis commotionum vehementia, et huius conlectaria funesta, vel etiam eaurundem moderatio, a cerebri conditione dependet, utpote quo organo mediante, vel praeceps, vel lentum iudicium, et secundum hoc actus contingit, nisi vires prudentiae intercedant et praeualeant. Ex cerebri conditione fit, vt actus animi, qui insurgebant praecoces et vehementes antea, in lenes nun-

mutentur, et successiue adeo, vt plane fatiscant, et
illorum loco interdum stupiditas succedat.

§. LXXXIV.

Lenitatem actionum animi communiter comita-
tur leuitas curarum corporis senilis, quin eius ne-
gligentia. Rara ideo est senibus coniuncta cura de-
ornando illo per vestimenta; licet occurrant ali-
quando exempla in contrarium, pro diuersitate con-
fuetudinis et temperamentorum, seu affectionum
naturalium, nam, qui in praegressa aetate multum
curarum in luxu adhibuerunt, illis in senio ex impe-
rio consuetudinis difficile erit ab illo abstinere: nec
hic aliter, quam in reliquis ex temperamento natis
consuetudinibus, dum qui in praegressa aetate pro-
pensum erga sexum sequiorem habuerunt animum,
illi certe et in senio ex eius blanditiis voluptatem
cipient: qui pecuniis congerendis ante operam na-
tarunt, perpetuos de parsimonia ducent sermones;
et qui annis praegressis iracundiae dediti fuere, mo-
rosi valde erunt per senium, et sic de reliquis. Per-
pensis sic mutationibus, per aetatem factis, addamus,
colophonis ergo, elegantes HEBENSTREITII, in pri-
ma parte Physiol. C. tertio, easdem etiam pingen-
tes versus:

Perpetuum nihil est, versatque volubile fatum
Omnia, progressuque suo corrumpitur aetas.
Ergo per aetatem procedit vita virilem
Ipsaque continuo durescunt robora motu.
Non tamen ad certos aetas adstringitur annos
Vtque vigor natius ineſt, ſic corpora durant,
Vt quoque quisque bonae ſe rexit lege diaetae,
Sic valet, et seros robustus viuit in annos,
Sed quicunque vigor validos durabilis artus

Actuet, et contra, vitali robore, fatum
 Militet, haud tamen esse potest durabile robur,
 Intereunt vires sensim, florensque senectus
 Prima venit, virtus pro vitae sufficit usu:
 Vmbra iuuentutis superest, est vmbra senectae.
 Sic, ubi labentem nox frigida temperat annum,
 Sole tepent luces, et adest aestatis imago:
 Non aliter vegetae dantur confinia vitae
 Mensuratque gradus, veniendo sera senectus,
 Prima libido fugit, veneris fit frigidus ardor,
 Canities niueos tingit candore capillos,
 Membra tremore fluunt, vacillant robora motus,
 Defluit alveolo molitor, curuataque spina
 Pendet, et incerto procedunt crura meatu.
 Nec virtus animi, quo plus processerit aetas,
 Ingeniumue manent, sensusue, memorue facultas,
 Sed, cum decrepitam metitur vita senectam,
 Organa durescunt animae, tunc neruus hebescit,
 Ipsaque per proprios soluuntur corpora motus.

§. LXXXV.

Consideratis itaque, forma omni, et actionibus
 ariis, quibus senes se distinguunt a iunioribus, non
 utile fore duco, similitudinem allegare, secundum
 uam senes ad aetatem praegressam, dit post se re-
 tam, puerilem nempe, reuertuntur, verbo repue-
 scunt, vt inde proverbiu*m senes bis pueri* ortum
 teneat. Pertinent enim haec ad historiam
 enii.

§. LXXXVI.

Redeunt itaque in multis senibus, in grandaeuis
 primis et in longaeuis, proprietates, infantili aeta-
 propriae. Quemadmodum autem haec proprie-
 tes duorum sunt generum; ita etiam non sunt

omnes in omnibus senibus: diuidendae autem sunt in illas, quae *animi actus* vocari possunt, et in illas, quae *mutationem valetudinis* in sene sequuntur, et tandem, in quo secundum morbidum statum conueniunt. Ratio conuenientiae in organorum conditione, ex prouecta aetate nata, haeret.

§. LXXXVII.

Notanda autem hic sunt sequentia. 1. *Propensio animorum reciproca*, quam senes erga pueros plus produnt, quam quando iuuenes fuerant, et puerorum erga senes affectus, modo senes ipsis parum sint familiares. 2. Quis nescit *iudicium* in infantibus esse erroneum, pro cuius nutu celerrime agunt, quod intendunt; sic in grandaeuis iudicium est erroneum, nec adeo acre, ut antea, licet executio intentionis tardior sit, quam in infantibus. 3. *Rerum incuria* obseruatur in infantibus, quippe de futuris non solliciti; idem contingit in senibus multis, qui ex curis praegressis lassi, iam de futuris incurii redditи sunt. 4. In teneris infantibus ex sensuum nondum exercito vsu *soporofitas* et *stupiditas*: ita in senibus ex nimio exercitio sensuum, tam internorum, quam externorum, hebetudo, et ex cerebri, per lymphae extrauasationem, vel aliam labem, nascitur stupiditas, quae non solum infantili aequat, sed saepe illam superat. 5. *Risus* in pueris facile excitari potest: et senes admodum sunt risibiles. Quemadmodum etiam pueros ad *lacrymas* et *fletus*, per iniurias reales, vel praesumptivas concitare facile est, ita senes facile, vel ob iniurias, vel ex commiseratione quaedam, ad lacrymas commouentur. Haec de animorum similitudine. Videamus nunc in quibus senes conue-

conueniant cum pueris, pro mutata valetudine secundum.

§. LXXXVIII.

Conueniunt autem 1. *in imbecillitate corporis*, qua infantes erecti sedere nequeunt, sed teneri dependent, et quidem prona facie incuruati, quia debilia adhuc sunt spinae dorsi ligamenta: idem obseruare icet in multis grandaeuis, ex eadem spinae dorsi ligamentorum flacciditate, ipsam spinam incuruante. Eadem impotentia hominis grandaeui mundum egreditur, quam hominis mundum ingredientis. 2. *In necessu* infantum, thorace ductorum: hic plerumque ab initio in pedum digitis fit, quia calcanei tendines adhuc infirmi sunt, ad molem corporis plano pede sustentandam: idem apparet in multis senibus grandaeuis, qui, dum corporis moles, ob spinae dorsi incuruationem, recta in linea sustineri nequit, vnicore digitis pedum, ministrante baculo ingrediuntur; dum in primo senio, e contra, magis calcaneo innibantur, vti supra dictum. 3. *Manu ducendi* saepe sunt senes, ceu pueri, ne cadant, vel in obuia ilidant, ne venti flatu prosternantur, ne a multitudo hominum proterantur, etc. 4. *Impotentes* sunt infantes se ipsos *vestiendi*; illi ob vires nondum latus, hi ob amissas. 5. *Immundities* ex mictione, in infante et sene grandaeuo saepe eadem est: rterque enim, nisi in hoc opere adiuuetur, eius rei rotas gerere non euitabit: ne dicam de vrinae stilicidio, senibus grandaeuis familiari. 6. Conueniunt senes cum infantibus in *dentium carentia*; illi, quia ex aetate edentuli facti sunt, et cibos pullos edere coguntur, hi, quia ipsa prima minorenitas dentes ipsis nondum dedit. 7. Aequantur in

balbutiente loquela, quae adest in infantibus ob nondum factum sufficientem linguae usum, in senibus autem ob defectum dentium. 8. Conueniunt in *anbelo ingressu*, qui in infantibus existit ex pulmonum opplatione, et muscularum thoracis nondum acquisita firmitate; in senibus autem ex pulmonum, et arteriae asperae rigiditate, ad mollem inspirationem inhabili. 9. Eadem similitudo in *loquela* et *cantu*. 10. *Capillorum color* saepe seni et infantis idem est: illorum enim permultis, in primis borealis, albi sunt, ex abundantia subtilis, teneraeque lymphae; in senibus canitie albescunt, ob capillorum radices variatas, serum crassi mutatum, haurientes. (§. XVIII.) 11. Conueniunt in *cibis*. Lac est cibus infantum, quem prae aliis amant, et etiam ferunt, quia sapidiores cibi linguam teneram feriunt, et simul, ob ventriculi infirmitatem, concoctu difficiliores esse possent: senes grandaeui, licet ventriculum communiter sapidis falsisque reficiant, saepius tamen etiam lacte vescuntur, ad temperandam sanguinis falsedinem, et ad ariditatem fibrarum, in quam ex senio ruunt, si non evitandam, tamen demulcendam. Dulcibus delectantur infantes, ob eandem causam, lingae nempe teneritatem; senes itidem ob demulcendas linguae papulas arefientes, nec non ob oleum et pinguedinem balsamicam demulcentem, quam possident saccharata; hinc solennis est sacchari et fructuum dulcium usus senibus, qualis ipsis non fuit in praegressa aetate. 12. *Seri excrementitii mucosi fluxus per nares*, ex eius abundantia ad membranam pituitosam ruit in infantibus, nec non salivae, tam in statu morbofo, quam extra illum; in senibus autem idem contingit, ex eiusdem membra-

membranae flacciditate, et quoad saliuam etiam, ob debilitatem orificiorum ductuum saliuale, ad tantam interdum copiam, ut inde debilitatem corporis sentiant: et quae possent praeter haec allata adhuc allegari plura, in quibus senes bis pueri sunt, pro mutata valetudine senum.

§. LXXXIX.

Conueniunt tandem in morbido statu. e. g. *Ophthalmia*, qua infantes saepe laborant, ob serum salsum abundans, senes vero ob eius abundantiam ex glandularum palpebrarum impedita secretionem: hinc et senibus per noctem palpebrae conglutinantur, vti infantibus. *Aurium excoriatione*, infantibus ex abundantia seri, senibus ex glandularum sebacearum obstructione. Huius conuenientiae non attenta consideratio, aliquando senem fecit curam luis venereae sustinere, quia olim lue venerea laborauerat, et haec excoriatio pro residuo luis habebatur. *Torminibus*, quibus infantes molestantur ex lacte acescente, et flatulento: senes iisdem doloribus colicis ex flatulentia nata ex flacciditate intestinorum. *Diarrhaea* ex iisdem causis. *Scabie*, quae infantes infestat, ex abundantia seri salsi, senes vero ob serum salsum sub cute retentum. *Calculo vesicae*: vide Cap. II. §. CXXX. *Catharro suffocatio*, infantibus ex lymphae abundantia, et bronchiorum arctitudine; senibus ex lymphae spissitudine, et pulmonum atonia obrepente etc. *Dissimiles* autem quoad morbos sunt, quod febribus et conuulsionibus minus obnoxii sint senes, quam infantes, ut potestate quorum sanguis, ob crasin compactiorem, non adeo enormiter exaestuat, nec in putredinem vniuersalem, fermentatiqam, adeo subito transit, vt infan-

tum sanguis: quod, praeterea senum organa nobiliora cerebrum, cor, pulmones et hepar, fibris gaudeant durioribus, nec ad destructionem, quam ex-aestuatio sanguinis inducere posset, adeo pronis. Conf. Cap. II. §. CLXXIX.

§. XC.

Quemadmodum autem omnis recensitus relapsus ad pueritiam commiseratione dignus est, ita naturae autocraticae beneficio interdum contingit ad feliciorem *reiuuenescientiam* redire senes. Sed, prohdolor! de hac extant casus rariores, quam de ipsa suprema longaeuitate, quae naturae proprietor est, quam reiuuenescientia. Memini ex LOTICHIO aliquibi allegatum casum legisse, recensem, seni cui-dam, post perpeccam febrim acutam, rediisse habi-tum, et vires iuueniles, crines canos mutatos fuisse in pristinos nigros, dentium vacua spatia fuisse re-pleta nouis dentibus, etc.

§. XCI.

Vltimam tandem scenam historiae senii aperimus, quae *regimen vitae senilis* spectandum praebet; rem totius tractationis fere primariam, ytpote, qua plu-rimi longaeui usi sunt ad reddenda leuiora incom-modâ senectutis. Plurimorum regimen proferre opus est, illorum autem primario, qui caute et pro-uide pro naturae viribus, vitam secundum res non naturales, vel alio commodo modo, et ex proprio instinctu duxerunt, mentio facienda; nec producan-tur hic, pro norma, illi pauciores, qui neglecto regimine, imo pessundatis naturae viribus, longaeuitatem acquisiuerunt.

§. XCII.

§. XCII.

De prioribus *duae classes* formari poterunt. In primam locabimus illos, qui natura debiles sunt, et qui ad conseruationem sui ex naturae instinctu ab infantia se abstinuerunt, ab illis rebus, quas valetudini noxias obseruarunt: hinc rachiticos et gibbosos factos esse grandaeuos non rarum. Ipsam autem talem, naturae et fabricae corporis debilitatem, velificare interdum ad obtainendam prouectam senectutem, exinde censemus, quod subiectis teneris, quoad partes musculosas imo osseas, talibus, natura saepius neruos eminenter validiores praebuit: videas enim infantes, e. g. rachiticos, mole capitis grandi communiter praeditos esse, et consequenter mole ipsius cerebri grandiore; cum iam tales infantes per annos pueriles a morbis periculosis immunes evaserunt, moles cerebri, cum annis condensata, egregiam oeconomiam pro largienda copia materiae elasticae neruis corporis dabit, et reliquos resarciet defectus: quid, quod sanguis talium puerorum, quibus viscera quaedam sunt debilia, ut inde imperfecte valeant, non sit semper craseos tenerae et delicatae, sed saepe crudioris, et a falsedine magis imbutae; quo ipso autem talis sanguis minus subiectus est destructioni per contingentes stagnationes, vel ex alia causa; cum e contrario notum sit, quam quod notissimum, infantes et iuuenes optime valentes, et quibus optima crasis sanguinis, cum qua optime et robuste valent, occasione febrilis morbi facile obire.

§. XCIII.

Quae nunc tali constitutioni valetudinis aequinoctiae accedit vitae cautio, vitando ea, quae ipsi ob-

seruantur contraria et noxia, tunc talis vacillans valetudo, ex labore cerebri incremente, et ipsius sanguinis, per nutrimenta conuenientia, meliori acquisita crassi, firmior crescit, ad senium proiectum usque. Sufficit enim in talibus subiectis, ad grandaeuitatem attingendam, et corporis et sanguinis deterior, at bene cultus, status. De debilibus autem, qui ad longaeuitatem proiecti sunt, per pauca dantur exempla; nam in grandaeuitatis stadio multum de sanguine, per bonum regimen meliorato, rursus deteritur; praeualet enim denuo vitiosior pars, et relabitur ad prima vitia, quae ipsa senectus auget, et sic corporis plenaria destructio succedit. Interim exempli loco hic mentio facienda famosi illius Itali, CORNARI, qui aegrum corpus, exactissima diaeta, et vitae regimine, sibi electo, conueniente, prouido, adeo correxit, et coluit, ut longaeuitatem sibi adscisceret.

§. XCIV.

Ad secundam Classem pertinent illi, qui optimum habitum corporis, et quoad omnes partes solidas perfectum, simulque optima crassi sanguinis gaudetem, caute, temperanter, et sobrie conseruarunt, eoque ipso vitam in seros annos protraxerunt. Horum sunt plurima, quae prostant, longaeuorum exempla. Prodeat inter illos, quos supra adduximus, Vngarus ille Petrus CZARTAN, qui prout *Annal. phys. med. Vratislav.* aliaeque de illo datae relationes publicae asserunt, 185 annos impleuit, et consideremus eius regimen: resertur autem, illum quotidie bonum haustum spiritus vini sumfisse, de cetero lacte usum fuisse et pane triticeo; ieunia autem rigorosa ecclesiastica, quae in Vngaria obseruantur, Graeca, simul obier-

obseruasse, i. e. lacte tunc abstinuisse, et vel ex pisci-
bus, vel ex farinaceis, vel leguminibus vixisse. Anglus
ille annorum 130, vltimis annis ex pane, butyro et
saccharo vixit, quod autem aliquid spiritus vini sum-
serit, non memoratur. Anno 1748, de longaeuo
Anglo 116 annorum, mortuo, referebatur, illum in
vltimis quinquaginta annis solum cibum illum fa-
rinaceum, Pudding, in brandio edisse, et quoquis ma-
ne infusum melissae, cum melle edulcoratum bibisse.
Quis hoc regimen ad longaeuitatem serio commen-
daret? Animalia fastidiunt perpetuos eosdem cibos,
et varietate delectantur. *Transactions Philosoph.*
Angl. docent, virginem, ex esu salis perpetuo, pica
vrgente, ceu caro salita, inflexible redditam fuisse,
quis non ex perpetuo farinae esu metueret, se in
massam redditum iri pistoriam. Mira sane instin-
ctus naturalis dictatura, principiis medicis a priori
repugnans. Repetenda hic sunt breuiter regimina
longaeuarum seminarum, quarum supra mentionem
fecimus, et quarum vna 105 annorum, ex obsoniis
frigidis viuebat; alia nonagenaria frigidissimam bi-
bebant; alia solum ex pane et multa cereuisia vitam
prolongabant. Addamus feminam anglicam, quae
secundum datam 1748 relationem, anno aetatis cen-
tesimo octauo obiit, et temperantiae semper dedita,
per vltimos vitae sexaginta annos, solum ex pane
biscocto, et pomis pro victu, et lacte cum aqua pro
potu vsa erat. Quibusnam ex regulis diaeteticis, se-
cundum res non naturales, conditis, hoc regimen
sibi sanciuit, et sacrum tenendum duxit, cum non-
dum esset quadragenaria? CORNARVS nondum qua-
dragenarius, valetudinarius, legem sibi sanciuerauit,
ultra 12 uncias, ex carnibus, ouis, piscibus per diem

non edendi, et potus tantum vncias 14. Seuera lex ante senium; in grandaeuitate et longaeuitate indulgens, quoad cibos; quoad potum autem etiam seuera; non enim sufficit ad sanguinis fluiditatem conseruandam. Verum, non obtrudamus illis nostra consilia; ipsi res suas dirigent et in suam salutem peragent. Anno 1749 moriebatur in Nosocomio Berolinensi longaeua, etiam 108 annorum, quae quolibet mane, non admodum modicam portionem potus Caffee absorbferat: quis ideo has das ad longaeuitatem commendaret, cum non defint, qui per hunc potum empyreumaticum vitam abbreviari declarent. Illum autem in nutrientum huic feminae cessisse incredibile est, neruinum potius ipsi fuisse certum est. Nouimus enim feminas bona constitutione neruorum gaudentes, hoc empyreuma, ceu roborans in deliciis habere, et bene ferre eius actiuitatem in neruos; simulac autem nerui imbecilliores ex morbo facti sunt, vehementius in illos hoc empyreuma operari, vt illud ferre nequeant: hinc practicis prognostici loco est.

§. XCV.

Referunt praeterea allegati *Annal. Vratislav.* de pluribus longaeuis, illos quotidie haustum spiritus vini, vel frumenti, in primis oleo quodam dulci, e.g. anisi, foeniculi, imbuti, sumfisse, cibosque molliores dulces, insipidos. Notandum etiam, has relationes solum docere, quomodo hi longaeui vltimis vitae annis victum sibi parauerint, (exceptis in praeced. §. duobus longaeuis anglicae nationis) cum iam emarcuerat fere fons liquoris gastrici, qualem in grandaeuitate, et ante tantum annorum numerum, sine dubio nullatenus adhibuerunt: indomita enim

enim ultimis annis, vel non emendabilis amplius
psis fuit ventriculi reprobatio circa cibos solidiores.
Perhibent relationes simul de his longaeuis, quod
fuerint plebeii, rustici, et vilioris conditionis homi-
nes, de quibus iudicare licet, illos cibos simplices,
viliores, solidos, ut ipsis solenne, in usum tantum
traxisse, idque temperanter, nec immodice: non da-
tur enim luxuriei et intemperantiae locus circa sim-
plices et simpliciter paratos cibos; simplex, et in-
curia est illorum praeparatio, quin saepe crudiores,
absque omni, vel parco igne parantur. Memini
hic responsi, a rustica, quae sibi rapas cum sale co-
quebat, mihi forte adstanti, dati; vix enim feruida
aqua incaluerant rapae, cum catinum ab igne re-
moueret, et ad prandium ex illis parandum propera-
ret; mirans ego festinationem, cum rapis insuffi-
cienter coctis, hoc tuli responsum: Oh! si nos ple-
beii cibos nostros adeo fortiter coqueremus, vti vos
opulenti, adeo imbecillos foremus, vti vos: mira-
bar, et probabam tacite hoc responsum, nec habe-
bam, quid regerere.

§. XCVI.

Certum itaque est, qui fuerunt longaeui, vti ex
plebeiorum genere plerique fuerunt, ita victu simpli-
ci, pro regionis commoditate, vel ex carnibus, vel
ex piscibus, vel ex vegetabilibus, addito, vel absque,
sale usos fuisset; corpus praeterea motu laborioso,
pro exigentia vitae generis, exercuisse. Interim vti
fuerunt secundum nostram relationem, qui modera-
te spiritu vini, vel frumenti, usi sunt longaeui, ita
fuerunt etiam, qui illo abstinuerunt. Illa supra al-
legata longaeua, multum cereuisiae bibens illo non
utebatur; et sic de grandaquis. Octogenarius qui-
dam

dam tussi graui saepissime decumbens, nullatenus illum sumebat, sed potum frigidum miscebat saepe cibis frigidis, e. g. brassicae muriaticae crudae, et similibus; de cetero autem interdum calida lacticia pro victu adhibebat. Brassicam muriaticam frigidam edere, in his regionibus, multis solenne est, et noui longaeuum 93 annorum, hominem opulentum, qui illam inter lautissimas suas dapes numerabat. Non vereor in hanc classem includere Lappones et Calmuccos, (nam aliarum gentium, in reliquis mundi partibus degentibus, vitae regimen hue trahere vix licet) qui ex cibis crudissimis, temperanter sumtis; illi ex radicibus variarum plantarum, pulpam farinaceam praebentibus, baccis, piscibus et lacte ceruino, vitam longaeuam trahentes; hi ex carnibus crudis, pariter absque sale, longos viuunt in annos.

§. XCVII.

Senes omnes fere potus amantes esse, plerosque autem frigidam potare, iam supra innuimus, exemplis, additis aliquibus rationibus; hic addamus, quod plurimi senum, iuscula calida in victu auer-sentur, in primis versus noctem. Eadem ratio, quae frigidam bibere iubet, iuscula calida sorbere vetat, quia, ut frigida pota fibras ventriculi et intestinorum roborat, et aestum sanguinis in venis flaccidis, et semiuaricosis stagnantis temperat, ita talia contrarii sunt effectus, et flatulentiam, cum inquietudine, somnum impediente, pariunt; repletur enim et extenditur magis ventriculus a calidis iusculis et a calido potu, nec nisi in robustis ventriculis, qualis in senibus rariores sunt, licet saepe edaces sint, locum inueniunt: onerant ventriculum saepius ul-

a vires resistentiae, explicando rugas et plicas ventriculi, validi signum: et quod maximum est, parum liquorem gastricum diluunt, et obtundunt, copiose sumta; parcus enim illorum usus, in primis insuetis et iis, quos instinctus ad illa fert, et nihil incommodi inde nascitur, non est adeo noxius.

§. XCVIII.

Effectus copiose assumpti iusculi non in congrue equiparari potest, illi, quem, e. g. aqua calida, vescae bouinae infert, si haec illa impletur; sequitur nim infusionem aquae in vesicam, licet siccum et orrugatam, huius subitanea distensio circa omnes bras, qualis non contingit, si frustis rerum solidum impletur. Interim, quando videmus senes cios solidos, fumo induratos, salitos, aromate imbudos facilius concoquere, hoc non attribuendum est obori ventriculi senilis forsan aucto, quin potius lebilitati ventriculi documentum est: Fert enim et abet instinctus ad haec, ut acuatur ipse liquor gastricus, ad concoctionem meliorem, salitis, fumi sae volatili induratis carnibus, piscibus, aliisque ita conditis eduliis, modice sumtis: ipse sanguis a chylo inde parato refectus a visciditate seruatur, et virtutem acquirit aperitiuam, qua colatoria penetrat, et tam secretiones quam excretiones melius perficit; ventriculus, et intestina quorum motum peristalticum promouet, a flatulentia praeseruantur, nec audias renes et vesicam, a cibo hoc, per fumum lignorum fere ammoniacalem, facto muco abundanter onerari. Oportet autem, ut talis caro fumata, sit, 1. pinguis et succulenta, 2. sale antea sufficienter penetrata, 3. fumo longo non exsucca facta, nec 4. rancida. CARLIUS in monitis suis medicis allegat

allegat virum 84 annorum, qui spatio 24 annorum a carne abstinuerat, recenti et fumata: largimur hoc verum et possibile esse, ex quo autem victum ceperit, si bene memini, non addit; forsan ex piscibus et regno vegetabili. Qui pisces aere exsiccatos, absque incommodo, comedunt grandaeui, quales dantur, illis de robore ventriculi et liquoris gastrici gratulandum. Verum enim vero, bene hic animaduertendum, non omni nationi Europae nostrae tale, in senio, vescendi regimen suaderi posse: variat enim hoc pro conditione regionum, et eius variae fertilitatis. Multum dominii in hoc sibi possit consuetudo a teneris, et haereditarius sanguis. Certe Hispani, Galli, Italique adsueuerunt cibis multum tenerioribus, carnibus recentibus, pane hordeaceo, piscibus delicatis, fructibus saccharo conditis, vel non conditis frugibusque terrae vario modo paratis, nec multis artificiis, nisi conditura simplici, correctis, potu plerumque aquoso; et ex his sibi longam conseruant vitam.

§. XCIX.

Consuetudini, secundum quam victum nobis paramus, et ex hoc, sanguinem, magnum est imperium, illudque maxime apud aegrotos attendendum est. Qui gradaeuos, quando aegrotant, a cibo solito duriore, quorum usu gradaeuitatem affecuti sunt, in totum arcent, et illum cum alio teneriore mutare iubent, facile peccant. Exemplo sit vir annorum 79, robustae, non tamen plebeiae, conditionis, et huc usque optime valens, qui ex contusione tibiae, eius ulcerationem incurrebat, quae vel ex continua ambulatione cum refrigerio, vel ex Chirurgi mala cura, lentam minabatur gangraenam.

Aduo-

Aduocatur itaque alius Chirurgus, qui mutationem diaetae, ab haetenus cum florentissima aegri sanitate usitata et carnis salitis et fumatis, talibusque piscibus, leguminibus constante, ad delicatorem, iuscula nempe cerealea, et ex carne recenti parata, similiaque, seuere suadebat; alias enim consolidationem ulceris fore impossibilem. Obedit aeger, morose licet, et cum res nihilominus mane cederet, quiritat perpetuo, se ex novo mortis genere, nempe ex eupeptis moriturum. Moriebatur etiam sub his cautelis diaeteticis. Si nunc iudicium aequum de hoc casu formare licet, dubito quidem, aegrum sub pristina diaeta reconualiturum fuisse, non quidem vitio diaetae, sed quia gangraena in partibus senum exsanguibus, ex minore influxu, et penetratio sanguinis nutritii in illas, vitam, per senectutem debilem, facile destruit: interim per diaetae mutationem mortem eius adfestinatam fuisse, credere licet; liquor enim gastricus, qui per diurnos annos, alimenta solida, fumata, et leguminosa, cum magna euphoria oeconomiae corporis, ceu validum fermentum, in optimum succum et sanguinem vertebat, et simul ex tali victu vires proprias conseruauerat, nunc ex nouis insipidis, tenerioribus alimentis obtusus factus, non aliud, quam a natura aegri totum diuersum, semicrudum chylum, parare potuit: hinc autem diuersum et semicrudum sanguinem, particulis viuidis, volatilibus, elasticis vacuum, nasci necesse fuit: hinc nulla porro affinitas, nulla cohaerentia noui sanguinis, cum particulis corporis solidis, a pristino sanguine nutritis; e contrario subsequens, uti totius humorum massae noua, inconueniensque crasis, ita partium solidarum mala nutritio,

Iabes et fatiscentia. Magis locum inuenit diaetae qualis cunque mutatio in illis, qui delicatae selectiori- que diaetae assueti sunt; quia liquor illorum gastricus multiuariis, aequiuocisque cibis est assuetus: in se- nibus autem vegetis, quamdiu ipsis vigor supereft, nec ipsi, instigante natura, sua sponte, a diaeta con- sueta recedunt, id quod tamen, accedente longae- uitate, ipsis, medicis inconsultis, optimis regulis per- petrant, periculosa est mutatio. Nec animalia qua- uis a consueta esca, licet cum meliori commutaue- ris, remouenda sunt; sic equi, gramine tantum, qui pasti sunt, et inde bene valent, si hoc negato, aue- nam foenumque, simul et semel, obtuleris, successi- ue aegrotabunt, donec sanguis illorum, huic nouo chylo assueuerit; qualem mutationem adhuc minus ferent equi senes.

§. C.

In duas diuisimus classes illos, qui caute et pro- uide, pro naturae viribus, vitam secundum res non naturales rexerunt; et locauimus illos in primam, qui natura debiles, et teneri sunt, et in secundam illos, qui optimum corporis habitum caute et tem- peranter sibi conseruarunt: cum autem reperiamus, naturam in suo systemate vbiique gradus obseruare, et vbiique inter extremitates medium tenere, licitum nobis sit, medianam, tertiam classem formare, et in illam reponere istos, quibus inter teneros et robu- stos medium habitum dedit natura, et qui ex selecto et conueniente regimine, si non ad longaeuitatem, tamen ad grandaeuitatem peruenere. Regimen ho- rum historice describere, vti titulus huius classis po- scit, difficile erit, quia quas habemus de grandaeuis et longaeuis relationes, in fidem veritatis accepi- mus.

mus. Cum autem in illis talis obseruatio, circa habitus mediocritatem, nullatenus detur, nec nobis licitum erit talem fingere, et historiae fidem poscere. Iudicatu interim facillimum est, illos mediū habitus, medio regimine vbiq[ue] cauto et prouiduos fuisse.

§. CI.

Peruenimus tandem ad illos, qui *vita regimenter, regulas et cautelas ad longam vitam neglexerunt*, et tamen longaeui facti sunt. Absonum, et rei naturae contrarium esse videtur, illud negligentia, imo opera contranitente assequi, cuius plurimi multo labore participes fieri nequeunt; sanitatem et vitam, res adeo fragiles, pessundare, et tamen illis frui inferos annos. Interim experientia illud docet. Probabunt hoc, qui longaeui facti sunt milites: quis enim nescit vitae illorum regimen irregularissimum? premuntur mox inopia victus, imo fame et siti, carent rebus, quibus negatis natura dolet, ut id exprimit HORATIVS: mox abundant victu, cibis potuque ad intemperantiam usque: corporis labores, absque interpolata requie, itinera, sub aere maxime iniurioso, patiuntur, et emetiuntur, et quae sunt alia grauia vitae incommoda, quibus plurimi succumbunt; dantur interim, qui, perpessis his omnibus, feliciter emergunt, et longaeui fiunt. Ut exemplis probetur vitae neglectio, cum insecura nihilo minus longaeuitate, prodeat iterum miles ille 109 annorum, cuius sub titulo formae senum internae supra mentionem fecimus: procidentia ani, et viriae incontinentia, quibus laborauit, de exitiosis eius laboribus docebunt, et militare vitae genus, quod iam adumbraui, de reliquo vitae regimine testabitur.

Vitae genus eleemosynare, quo se postea sustentavit, aequo irregulari, quoad diaetam, sine dubio fuit, quia nullas, ex rebus non naturalibus, admittit cautelas. An spiritu vini usus sit, non refertur, fuit autem eius suspicionem quandam de abundantia eius usu praebet; qui enim ostiatim eleemosynas petunt, aliquibus vicibus, per diem, illo donari possunt. Potuit autem etiam ex senectute in hanc cerebri labem ruere, ut id exempla demonstrant.

§. CII.

Verum enim vero, non inter huius fortis homines solum dantur, qui ex necessitate, neglecto vitae regimine, in longaeuitatem senescunt; dantur melioris fortis homines, qui gulae intemperantiam vitae, et longaeuitati praferunt, et tamen ita, posthabitis his bonis, praeter intentionem illis fruuntur. Noui enim virum, qui vitae commodis sufficienter beatus factus erat, quibus temperanter, et decenter usurpatis, firmissimum, quo Creator ipsum donauera, corporis habitum, procerum, licet non quadratum, in viridem longaeuitatem conseruasset, nisi ad dissolutum omnibus regulis vitae regimen, ad quod etiam militare, quod gerebat, officium occasionem praebebat, maior ipsi propendisset amor, quam ad sanitatem et longaeuitatem, idque tanto propensius, cum robor perenne corporis, ex malo regimine non labefactari sentiret. Inter reliquos enim errores potui spiritus frumenti se tradebat, destruebat autem huius abusu sensim, sensimque, non solum, ventriculi facultatem appetendi, et cibos digerendi, adeo ut tandem grandaeuus factus, nil nisi panem et pulmenta quaedam ferre posset, sed et sanguinis calor et

clater,

elater, ita inde diminuebatur, ut sustentandis fibris
 corporis impar fieret. Pabulum itaque vitae et san-
 guinis, vnice ex spiritu frumenti haurire necesse ha-
 bebat, adeo, vt vltimis circiter 15 vitae annis, qui-
 bus numerum centenarium complebat, praeter pa-
 nem et tenuissimam cereuisiam, qua siccitatem fau-
 cium interdum leniebat, non nisi, ex spiritu frumen-
 ti, cuius ad sex fere libras, quotidie non sorbebat,
 sed potabat, exsangue et aridum suum corpus vi-
 uum seruabat. Ex mala itaque consuetudine, non
 autem ex naturae instinctu, hoc pabulum ipsi neces-
 sarium redditum erat, quod, si anno aetatis octoge-
 simo forsan ipsi substractum fuisset, haec substractio
 ipsum vix per quinque annos adhuc superstitem esse
 fuisset: nota enim sunt exempla, quod, si substra-
 hitur talibus, spiritui vini vel frumenti diu assue-
 tis, hoc vitae lampadis oleum, mox grauiter aegro-
 tent, et moriantur. Vires ad equitandum ipsi ad
 annos nonaginta restiterant, reliquos autem pedes,
 et quiete transigebat. Quid? si hic fortunatae sua
 constitutionis indignus, vitae prodigus, sobrietatis
 fuisset amans, annon *Czartanum* annis tandem su-
 perasset? Huic vitae et longaeuitatis incurio lon-
 gaeuo, addam alium magnae opulentiae virum se-
 ptuagenarium, regiminis spirituosi amantissimum,
 Obesior licet, vitae lampadem ad tot annos lucidam
 seruare, absque spiritu frumenti, vel nolebat, vel
 non poterat: consueuerat illum, ad grandaeuitatis
 initium, frigidum, pro more, potare, sed nunc inde
 non satis calefieri sentiebat interiora corporis et san-
 guinem, ideo illum calefactum bibebat, ad tres cir-
 citer libras per diem. Verum nec haec methodus
 ultra quatuor annos sufficiebat, quum frigidae mor-

atis falce, quod habebat adhuc spiritus vitalis reliquum, praescindebatur.

§. CIII.

Mutuemur recentissimum parallelum, priora superans, exemplum ex nouellis publicis, anni 1759. Mens. Ianuar. Februar. Obiisse, in illis dicitur, in Gallia, in Gasconiae pago de la Barthe de Riuere, in Dioecesi Comminges, Chirurgum, nomine Espagno, centum duodecim annorum, longaeum, quotidie ebrium, qui officio suo ad ultimum vitae diem praefuit; nunquam antea aegrotans, sanguis absque usu venaesectionis et medicinae. Non additur, ex quo potus genere sibi ebrietatem compaurerit: cum autem faciliori opera ex spiritu vini, quam ex vino producitur temulentia, ex illo creditur hanc sibi comparasse. Recordor, ante plures annos, me legisse libellum, encomium ebrietatis dictum, gallice conscriptum, sub titulo: l' Elogie de l' yvresse, in quo, quantum memini, res, ab ebriis praecclare gestae, recensebantur. Verum, quantum pondus cumulatarum laudium ebrietati deberetur, si ad vitam longam nos duceret, et officiis simul cum debita prudentia vacare sineret; de quo quidem iuste dubitandum. Dolendum sane, quod defecerit tandem, anno 172mo, lampas vitae hoc nutrimento frui; vel quod, pro hypothesis, hic vir spiritum frumenti mitiore non biberit. Interim his casus duorum longaeuorum ebriorum, quorum alter duodecim annis priorem iam superauit, spem faciunt posteris de proiectiore quadam longaeuitate, ex spiritu vini vel frumenti quaesita, in subiectis maiore robore natura donatis; a sanac mentis hominibus tamen non imitandis.

§. CIV.

§. CIV.

Sat testimonii dedisse puto, his casibus, de iis, quibus firmiter sunt structa corporis organa, et sanguinis massa debite et intime est mixta, et qui sub enormi vitae negligentia grandaeuitatem et longaeuitatem nihilominus acquirunt. De vsu potuum spirituorum hoc solum addere placet, quod obseruatio docuerit, illos, qui spiritu vini abutuntur, facilius et citius in corporis varias aegritudines, anorexiam, tussim, phthisin, etc. labi, quam qui spiritu frumenti abutuntur; ratio facile inueniri poterit, considerando, spiritum vini facilius in stomacho et sanguine extricare, quod a vino possidet acidi, et olei magis subtiliter vrentis, quam spiritum frumenti, cuius particulae magis pingues a frumento euentur, quae sanguinem minus exagitant, nec in fibras corporis adeo impetuose agunt. Potus certe spirituosi abusus omnis noxius est sanitati et vitae, licet longaeuuus noster centenarius, vltimis annis, vitae suae filum vnice ex spiritu frumenti nexerit. Flebile reuera adiumentum, ipsi oeconomiae animali repugnans, nec, nisi violenter corporis organa in actionibus suis conseruans, magnetismi et machinarum instar, vi impetuosa, ad motum actarum; haecque omnia cum hominis eo certiore interitu, et cum interiectis multis molestiis, quicquid praecedens §. in contrarium dixerit.

§. CV.

Modestus, e contra, eius vsus corpori senili innoxius est, quod ventriculi segnem liquorem gastricum animet, et cum cibis super ingestis fermentet, et simul potui, quem senes ex naturae instinctu amant, quo sanguis fluidior per viscera vchatur, se societ,

et quodammodo suam naturam communicet. Interim et illo carere posse credimus, et videmus; etenim grandaeus ille, quem antea narraui frigidam brassicam muriaticam, etc. edisse, a potu spirituoso abstinebat; nec Lappo ille centenarius, ob egenam patriae frugalitatem, illo usus est, nec nouit forsitan spiritum frumenti; ut adeo appareat, virtutem ad longaeuitatem saepe in longaeuis vigere absque spiritu ciusmodi adminiculo.

§. CVI.

Inter plebeios et vilioris conditionis homines reperiri plures longaeuos, supra monui, ex quo suspicio nasci posset non incongrua, hoc ideo contingere, quod sint plebeii multo numero plures praemelioris conditionis hominibus. Verum, licet hoc ita sit, certe plebeiorum vietus simplicitas, vestitus leuis, labores, animus sua sorte contentus, patiens tolleratae per interualla iniuriae sunt, quae connatum corporis robur firmant, fibras corporis indurant, et sanguinis circulum nunc peripheriam corporis penetrare, nunc ex illa recedere faciunt, absque debitae transpirationis dispendio, multo minus aliarum excretionum ad sanitatem et vitam necessariarum. Talia sunt, quae in plebe plures longaeuos numerare faciunt, et non simpliciter maior numerus. Tale vitae regimen certe ditioribus delicatulis non arridet, licet magis inhient longaeuitati, ob vitae comoda, quibus plus fruuntur, quam plebeii, qui absque curis eo directis, imo sub ipsa vitae negligentia longaeui fiunt. Opulentis itaque vnice conscribuntur Gerocomicorum volumina, his, quid edant, bibant, quo in loco habitent, commendatur, his, quid dietim,

dietim, quid horarie agant, praecepta dat RAN-
CHINVS.

§. CVII.

Restant adhuc quaedam circa usum spiritus vini
monere praetergressa. Primo, quod senes, nisi sibi
circa illum caueant, non solum facilius, quam iu-
uenes inebrientur, sed et magis proni ad studium
ebrietatis prolabantur: neruorum enim systemati et
principio blanda illa osciliatio, quam spiritus vini,
exagitando spirituosum illud neruorum, in ventricu-
li neruis excitat, facilius cerebro communicatur, ob-
corundem neruorum cum cerebro acquisitam soli-
ditatem, et ex hac ad oscillationis maiorem aptitu-
dinem, quam mox remissio illa placida systematis
neruorum ad somnum insequitur. Inuitantur au-
tem senes ad studium ebrietatis, communiter vigilia-
rum et morositatis senilis causa, quae duo incom-
moda somno placido, omnium curarum et molestia-
rum sepulchro, saepius sepelire student. Insequitur
hinc mala consuetudo potu tali saepius utendi, et
ebrietatem amandi. Exoritur autem secundo, ex
habitu tali inebriatio, aliud calamitosum interdum,
reuera in senibus ebriis saepius, quam in iuuenibus
ebriis obseruabile, nempe autocheiria. Non adeo
infrequentes sunt isti casus, in primis, si a vitae mo-
lestiis variis simul vexentur, et sint natura rixosi et
impatientes, tunc absque rei examine, et ex mentis
inebriatae impotentia, suspendio, aliquo spontaneo
modo, vitam finiunt.

§. CVIII.

Incidit sub ipsa clausula huius capititis *annorum
climatricorum recordatio*, quorum in senectutis
perillustratione iniustum foret non meminisse, uti, de-

illis multum differere, inutile. Reformitantur hi anni a multis senibus, licet illos omnis malignitatis et periculi inanes esse, quam saepissime, innumeris exemplis obseruauerint, et quod, qui mortui sunt in climactericis senes, casu, et ex natura sui corporis obierint, non ex natura numeri climacterici anni, facile iudicare potuerint. Duos magnos numerant in senio annos climactericos formidabiles, primum, qui componitur ex concursu septenarii, et nonarii numeri, nempe annum aetatis sexagesimum tertium: secundum, qui ex numero duplicitate nonario exsurgit, et annos octoginta et vnum componit. In numerorum certa dispositione, et concursu aliquid va-
ticinii, et sotici latere, sunt quidem, qui credunt. **Mystici**: pro mea autem sententia illis nihil tribuo.



CAPV'T II.

De morbis senilibus, eo- rumque curatione.

§. I.

Ipsam senectutem morbum esse, commune est dicterium. Late autem ita sumtum esse morbi vocabulum mox apparet, et sic per illud indicari vire vitae deficientes, eiusque paulo molestiorem, quam in annis praegressis oeconomiam. Nos, rhetoricae seponentes, veros senum affectus perspiciemus, quoniam neque fractam ex senio vitae oeconomiam magis frangere solent, et vel viscerum, vel fanguinis speciali labe eius plenarium interitum minantur. Extiterint licet, et existant adhuc hodie grandaeui, im-

longa

longaeui, viribus animi, et corporis valentes; attamen computum cum illis faciendo, quibus haec deficit felicitas, illorum vix perexiguus comparandus exsurget numerus. Docet abunde illa in praefatione allegata solennis senum autocheiria, quantis incommodis senectus communiter prematur. Rarissimi sunt illi senes, quibus non concusserit aetas, secundum Senecam, mentem, et sui aedificii putridas partes. Gaudeant illi, quibus haec salua in series annis mansere. Certe omnes adminimum sentiunt defectum pristini vigoris ad motum, et ad respirationem.

§. II.

Consideranda autem venit et hic, illa nostra senii in tria stadia facta diuisio. Certe numerus morborum in primo senii stadio, et in initio secundi, grandaeuitatis nempe, maior se sistet, quam in reliquis grandaeuitatis annis, et in longaeuitate, tertio senii stadio. Dantur senes, qui ante primi senii stadium, et in ipso hoc stadio, haemorrhoidibus fluentibus, calculo et podagra laborarunt, ab his malis autem partim medicina, partim bono regimine, et absque medicinae concursu leuati, grandaeuitatis stadium, absque his incommodis, et optime valentes absoluerunt, non alio beneficio, quam ex parcitate et minore copia humorum, et primiorum corporis colatoriorum superstite immunitate.

§. III.

Morbos senum enumerando, ordinem a nobilitate partium capiemus. Pertractabimus nempe, primo *morbos capititis*, secundo *thoracis*, tertio *infimi ventris*, et ultimo *morbos artuum et superficie corporis*, non multum de Pathologia ampla, pro eu-

tanda.

tanda prolixitate, tanto magis autem de Therapia concisa morborum tractandorum solliciti.

§. IV.

Ad morbos capitis recensendi veniunt primo, *via sensuum externorum*, visus et auditus. Molestissimi hi sunt affectus seniles, primario ille, qui afficit *visum*; animum enim perpetuo moerore lacerat, vitam autem nec frangit directe, nec destruit, quam tamen alio morbo finiri optant senes, ut moeroris, quem ex visu imminuto, vel deperdito perpetuo hauriunt, optatus fiat finis.

§. V.

Producimus *ex affectibus visus*, primo eius *priuationem totalem*, tam *ex gutta serena*, quam *ex cataracta*. Prior non adeo familiaris est senibus, quam posterior; si accidit tamen prior, sponte sua, nec violentia vel casu (id quod tamen semel accidisse in viro obseruauit) prodromus communiter est apoplexiae in senibus. Non immorabimur eius recensioni ulteriori, et hoc tanto minus, cum in tali casu vnicce de auertenda apoplexia omnis sollicitudo versabitur, deque hac sub pertractatione Apoplexiae sermo crit.

§. VI.

Agemus itaque solum de visu, per *cataractam* perditto, nec hic excurrendo in campum pathologicum cataractae, nec in dissensus Auctorum circa eius naturam, vel differentias; multo minus in doctrinam de modo cataractam deponendi, ne rebus sat cognitis paginas repleamus. Id vnicce hic monstramus, quibus senibus communiter accidit cataracta, et quid ex cura, per varia medicamenta, sperandum.

§. VII.

§. VII.

Familiarior est cataracta senibus, habitus laxi, repleti, quam habitus stricti, ideo, quod in illis vasa omnium organorum sint magis tenuia et angusta, et ex hac proprietate facilius obstructiones patiantur, quam in illis, qui vasis gaudent magis amplis; hinc fit, quod in prioribus humor crystallinus facilius pelluciditatem amittat, eoque ipso coecitatem ex cataracta inducat. Cum initio obscurationis visus senes de coecitate infecitura iuste anxii et solliciti sunt, varia a medicis commendata in usum trahere solent, sed communiter frustra.

§. VIII.

Primarium, quod a quibusdam commendatur remedium, est *saliuatio per mercurium*. Non licet uidem illorum experientiae temere contradicere, cebit tamen etiam mea, circa hoc remedium, obseruata adponere. Proni vti sunt coeci miseri, minia patienter, ad recuperationem visus, patiendi, a communiter Medicos de festinanda cura omniodo sollicitant, et lacessunt, nec ipsis interdum ant, nec sibi sumunt sufficiens tempus, vires, humores, an facile mobiles sint a mercurio, an caco-nymia quadam laborent, etc. explorandi; hinc fit, saliuatio, vel vehementer, vel laboriose procedat, lues et glandulae, in senibus induratae, nimis roantur, quo sanguinem ex mercurio aestuantem, im lympha fundant, vt inde vitae saepius nascatur periculum. Euenit hoc aliquando in viro 64 annorum, qui cum et Medicum et Chirurgum uigeret, ipsis humorem crystallinum dextri oculi, iam perfecte obscurum, per saliuationem mercuriale rursus pellucidum redderent, in tale periculum subita-

neum inciderat, ex quo, licet pro tempore eripetur, nihilominus valetudinarius, paucis elapsis septimanis, febre tertiana intermittente corripiebatur, cum tanta virium destructione, ut quarto sub paroxysmo vitam finiret, absque illa antea, circa visum percepta melioratione. Eodem modo aliis sexagenariis, robustior, cataractam perfectam saliuatione resoluere satagebat, antequam acus ministerium admitteret; tanto paratior ad saliuationem, quod illa iam olim, in morbo venereo, usus fuerat; sed uti sunt tales experti Heroes, omni periculo se superiores credentes, ita iste, sub ipsa saliuatione, pro voluntate fortiter acta, succumbebat.

§. IX.

Ne autem quis putet, me summae imprudentiae casus solum allegare, necesse est, ut adducam exemplum feminae sexagenariae, quae cataracta nondum perfecta laborabat, et quo omnimodam coecitatem euitaret, se saliuationi tradebat, sed ecce! vix ipsa saliuatione finita, perfecta aderat coecitas. Et certe, vix aliter fieri poterat; nam, cum quae ad pelluciditatem humoris crystallini faciunt viae subtilissimae, et humores, qui illum in perfecta pelluciditate sustentant, non obrui debent aliis humoribus inadaequatis, sed allui tantum ab adaequatis, quam moderatissime, ut vaporis sub forma absorbeantur; quid in tanto omnium humorum corporis tumultu, qualis in saliuatione adest, aliter fieri potest, quam plenaria obstructio meatuum, ad humorum crystallinum ducentium: ne dicam, de iuste presumenda impossibilitate resolutionis cataractae iam perfectae per saliuationem. Sane, si quid est in medicina virium ad cataractas plenariam exarescentiam inhibendam

bendam, subtilissimis et blandissimis, nec massain
sanguineam exaestuantibus auxiliis, qualia praeberet
saliuatio, id tentetur; nempe oleis penetrantissimis,
et simul blandissimis destillatis, e. g. anisi, foenicu-
li, vel quod omnia superat, croci, ad guttas X. vel
XII. mane et vesperi in frustulo sacchari, cui, post
tardam resolutionem in ore deglutito, scutella infusi
igni Sassafras vel Thee, superbibatur; interpositis
errhinis sternutatoriis, et excluso omni capit is, in-
primis faciei, refrigerio.

§. X.

Conueniunt certe errhina sternutatoria, eaque
interdum fortiora, saepius autem mitiora, simul ta-
men roborantia. Inter posteriora non satis laudari
potest cubebarum puluis, absque alio additamento
adhibitus. Laudem, quam a multis Medicis ob vir-
tutes singulares meruerunt cubebae, hic ob virtutem,
quam ceu sternutatorum possident, augere necesse
est: nam puluis illarum, naribus attractus, non so-
rum blanda sternutatione magnam quantitatem mu-
ti per nares educit, sed post hanc euacuationem,
meruos visus, imo cerebrum roborat, id quod a re-
iquis sternutatoriis frustra exspectatur; aromaticus
enim illarum volatilis halitus vbique penetrat, et
quod ex illo penetrat, confortat: haec autem pro-
prietas, sternutatorio iuncta, in obscuratione visus,
ex imminentे cataracta, aliquem vsum habere pot-
est. Sexagenaria quaedam de visus obscuritate que-
rebatur, pupilla vtraque apparente paululum turbila;
suadebam puluerem cubebarum, naribus attra-
endum, sed recusabat, quia nunquam consueuerat
puluerem aliquem tabaci naribus haurire; malebat
esicatoria, imo scarificationes scapulis sibi applica-
ri,

ri, et medicinas purgantes sumere. His per tres septimanas adhibitis, optatum effectum frustra expectabat; puluerem itaque cubebarum pro errhino sternutatorio adhibet, et ecce! vix quatriduo claps, acies visus confortata redit.

§. XI.

Recordor equidem casus in *Ephemer. Acad. Leop. Carol. Cent. I. Obs. 7.* dati, quod grandaeus quidam visus aciem vsu pulueris nicotianae sibi conseruauebit, et dantur senes, in primis mulieres (quibus vitia oculorum frequentiora veniunt, quam viris) quae nicotianae hanc virtutem tribuunt, vt adeo cubebis solis haec gloria non competit: verum fructuosior audiet vsus pulueris cubebarum, vbi eius vsus inualebit. Sunt quidem, qui ob plethoricam capitum succulentiam, vel ob aroma cubebarum singularis naturae, vel ex praeiudicio illas non ferunt, et magis stimulante salino puluere tabaci delectantur; interim, sunt etiam, qui huius acredinem, neruos violentius vellicantem, non ferunt, sed simulac illum naribus attraxerunt, vel vertiginem, vel conatus vomendi sentiunt. Noui grandaeum, longe uitati proximum, qui non solum ob visus vigorem conseruandum, sed simul ob capitum et pectoris amuco liberationem, mane, et qualibet nocte ex puluere liliorum conuallium se sternutare facit, et magnum inde sibi parat beneficium.

§. XII.

Dictis itaque oleis blandissimis, et sternutatorie blando roboranti, subiungatur camphora, mane et vesperi ad aliquot grana exhibenda: praeterea oculi cantho illinatur, semel vel bis de die guttula pinguedinis viperarum, vel asciae piscis tenuioris, quia
vngui

vnguinosa talia subtilia, intime per oculum penetrare rationi consentaneum est, praetereaque vitiis tunicae corneaæ, quae senibus obrepunt, e. g. corrugatio, imminutio, obscuratio, vtut leuibus, et vix visilibus occurrere valent: hinc legimus iam allegatis Act. Acad. Nat. Curios. Vol. II. pag. 451. senem visus debilitatem illitione cervinis aurium, acris et natura subtilis, sustulisse, quod maxime in tunica cornea effectum suum exercuisse credibile est, cui non solum robur, sed quod notandum, pristinam reddidit simul figuram, quia virum a perspicillorum vsu vacare fecit. Iungenda his omnibus sollicita capit, iam commendata copertio, et eiusdem mane et vesperi facta frictio et pectinatio, quo aucta capit transpiratione, affectui metuendo, remote etiam, obuiam eatur. Non abs te etiam est, ad scopum tam resolutionis humoris alieni, quam roborandi fine, expositio oculorum palpebris tectorum, radiis solaribus; mira enim inest vis aetheri solari, tam ad resoluendum, quam ad confortandum. Memorabile itaque est, quod in Eph. Nat. Cur. D. III. A. III. Append. p. 110. referatur, paralysin palpebrarum a calore solis forti ad tempus sublatam fuisse, a calore fornacis non item. (Liceat mihi allegare puerum sexennem, cui a variolis tendines crurum contracti erant, qui per multam apricationem, in monte arenoso, paucorum dierum spatio, remoto baculo, ambulandi potentiam sibi acquirebat.) His diligenter adhibitis, si fiens non dissipatur cataraœta, perfecta acus ministerio erit tollenda, quod, vt feliciter succedat, non solum ipsius cataractæ consistentia et pupillæ mobilitas, sed et reliqua oculi et aegri constitutio perpenden-

da erunt. Licebit etiam, pro re nata, hodierna tentamina cataractam nondum perfectam tollendi, sequi.

§. XIII.

Omnibus recte perpensis et peractis, dubius tamen erit successus et euentus operationis, si aeger senex laborat cephalalgia, imo vnicet, si succis abundant circa caput et oculos, nam licet deprimatur apte et feliciter cataracta, ipsa acus punctura per tunicam albugineam inflammationem parere solet difficulter discutiendam, idque tanto certius, si valde infarctas, ex senio, habet sanguine venas haec tunica; hanc inflammationem communiter sequitur cephalalgia, nisi illa iam adest, moeroris augmentum, anorexia, prostratio virium, et successiue mors. In macilenteris autem subiectis, quae adeo molles, irritatibiles et succulentas fibras circa caput non habent, res ut plurimum felicius succedit, modo cataracta et pupilla debita habeant requisita, puncturam minor sequitur humorum affluxus, inflammatio inde minor, et visus restitutus saluus manet, quantum a depositione cataractae restitui potest. Leuior, vel nulla post cataractam depositam oculi inflammatio, bona res est, grauior autem spem videndi minuit. Haec de plenaria coecitate.

§. XIV.

Hebescit autem saepe visus in senibus variis modis, ex inflammatione, epiphora, humorum desiccatione, retinae vitio vario, eius leui atonia, vasorum turgescentia ipsius tunicae albugineae rugis, corneae siccitate, obscuratione, etc. Ut breuibus moneam, quae primaria sunt contra haec visus mala, auxilia, in *inflammatione* et *epiphora* valebunt purgationes

per

per epicrasin, venaesectiones, repetitae pro renata, scarificationes in superciliis, et in temporibus, lotio faciei cum sapone ante somnum, et superciliarum cum sapone, in spiritu vini camphorato soluto, cum insequente capitis frictione: valebit seri per vesicatoria temporibus applicata, euacuatio: proderunt fotus, nunc siccii vaporosi, ex speciebus lenibus non morsicantibus, prunis iniiciendis, nunc humidi vaporosi, ex herbis emollientibus, cum aceto parati, oculis admissi, quibus etiam dolor, si forte adiunctus est, sopitur. Fortiore, si opus est sopiente, veterum sief, cum opio in aqua solani, solutum leuamen dabit. FLOYERV^S commendat vrinam, in propriis oculis expertam, in rubore oculorum.

§. XV.

Vbi autem visus aciei diminutio ex ipsius oculi humorum desiccatione, vel macie oritur, in primis cum hectica quadam totius corporis consumtione, ibi, vti haec, debitissimis internis humectantibus, et causam huius febrilis consumtionis ferientibus pellenda; ita oculis fotus humidi tepidi, ex miscela specierum emollientium et roborantium admouendi, e. g. ex malua, bismalua, meliloto, flor. verbasci, rosis, euphragia, etc. nunc cum vino oligophoro, vel cum aceto lymphato, nunc cum lacte et mucilaginibus.

§. XVI.

Retinae praesumtam, aut suspicatam, atoniam, camphora diligenter masticata, oleum anisi, foeniculi, croci mane et vesperi sumtum, nec non externus horum oleorum in vertice et nucha adhibitus usus leuabit: caput a refrigerio caueatur, et cubebarum puluis frequenti sit in usu, pro errhino scili-

cet; addita, si placet radice valeriana, quae ipsa etiam non inutiliter, vna cum cubebis masticabitur. Cum autem *vasorum retinae turgescencia*, et inde eius tonus auctus ex calore interno iudicabitur, praeter sanguinis varias euacuationes, etiam apophlegmatizantia per os et nares adhibeantur. Iudicantur autem haec incommoda ex sensibilitate oculorum a luce, absente inflammatione externa, idque magis sole splendente, et oculi internum dolorem augente. Ex hoc oritur, quod multi senes ament chartis coerulescentibus inscribere, et in talibus scriptas legere literas, quia radii lucis in illis minus resplendent, quam in albis. In senibus sane sensibilitas tunicae retinae maior est, quam in infantibus, et iuuenibus, qui rerum resplendescientia impune delectantur.

§. XVII.

Si ipsam *corrugationem retinae* in causa imminuti visus esse suspicari licet, ibi auxilii sufficientis aliquid commendare ardua res est; nec aliquid commendare audemus. Sic non minoris momenti est, *corneae tunicae exarescentiam* impedire velle; tentanda interim sunt auxilia, quae in ipsius oculi humorum desiccatione iamiam commendata sunt. Confidentius commendamus in *tunicae corneae superficie obscuritate*, ex crasso eius nutrimento nata, piscium pinguedines, solis radiis in oleum deliquatas, vel solas, vel cum pauxillo zinziberis puluerisati ante deliquationem mixtas: huius ita paratae pinguedinis guttula vna, vel altera, cubitum eundo, corneae ipsi, vel tantum oculi cantho maiori, illita, eius pelluciditatem, successiue, ad obiectorum meliorem distinctionem reuocabit. Notandum interim

illam

illam zinziberatam pinguedinem, ibi tandem valere,
vbi albuginea non est inflammata.

§. XVIII.

Quando autem *Trichiasis*, i. e. palpebrarum pili
inuersi, corneam lacerant, ibi quantocytus illorum
euulsione opus est, et quidem cum in sequente cau-
terisatione, mediante bono lapide infernali, in ipsis
locis, vbi pili euulsi sunt, quo noua illorum succre-
tio impediatur: quae methodus recisione marginis
palpebrarum melior est. *In visus senilis debilitate,*
ex neruorum, speciatim optici, leui atonia, venam se-
care non licet, terret enim Obs. 144. Dec. II. Anni
V. Ephem. Nat. Cur. Concordat etiam experien-
tia, secundum quam nimias haemorrhagias, in primis
in feminis, visum debilitari videmus.

§. XIX.

Antequam visus senilis vitia deseram, de terrifico
illo phoenomeno, telas aranearum formante, cuius
supra mentionem feci, si non, ut dixi, solatii ergo,
certe doctrinae causa, quae in me ipso expertus sum,
addere fas erit. Nascebantur mihi iuueni annorum
22, saepissime tussi catharali obnoxio, primo, niger-
rima puncta ante oculos, quos Natura mihi dedit,
caesios; mox circuli quidam accedebant grysei, qui-
bus sensim succedebant aranearum telae, et fugax
quaedam nebula visum turbans; tandem obiecta
secundum longitudinem seu perpendiculariter ocu-
lis opposita, duplia mihi apparebant, maiora, e. g.
truncus arboris ad distantiam 10 vel plurimum pas-
suum, minora, e. g. calamus, ad unius vel plurimum
pedum. Lunam falcatam, quoad corpus, duplicem
video, cuspides autem eius quadruplices imo multi-
plices mihi apparent. Per telescopium omnia re-

ete video. Perspicilla oculos dolere faciunt, sine dubio, quia pupilla sub his coarctatur, radus simul multiplicatis: sub telescopio autem pupilla dilatatur: dilatatur etiam connuentibus oculis, sub quibus etiam obiecta apparent simplicia, non duplicita. Fax ardens, longa distans, rotam magnam igneam mihi format. Cum connueo oculos, simul per subtilissimum textum telarum video, maxime contra lucem, vel cantelam ardentem. Telae istae araneastrum volitantes, in senio multum auctae, et complicatae, ascendunt, cum obiectum, in altum positum, oculis peto, descendunt autem pedetentim, manente oculo in altum defixo. Puncta ista nigra, quae dixi, in senio mihi rarissime obuiam venere, horam loco autem flammulae quaedam, rarius tamen, ante oculos obuolitarunt. Interim abhinc elapsis nunc 51 annis, tanta, per D. gratiam, gaudeo visus acie, ut absque perspicilli ope, per telarum conglomeratarum perpetuos saltus, tam ad diem, quam ad uniacam candelam (non ferunt enim oculi plurium, nec solis splendorem) interdum, voluptatis historicae capienda causa, tabulas geographicas CLVVERII, editionis Traiectinae ad Rhenum, in forma 12ma, non obiter, ad pedis fere distantiam, percurram oculis: minoris autem characteris literas forsan nemo vidit, quam illas ibi reperibiles. Iuueni mihi, anxie ubique auxilium petenti, omnes cataractam futuram declarabant. Ienae 1707 versanti, b. m. g. w. WEDELIUS usum externum adipis viperinae Italicae genuinae, Herniariae herbae internum, et setaceum in nucha suasit. Obediui in omnibus, sed frustra. Frustranea fuerunt Medicorum oculariorum in Battavia et Anglia, medicamenta et consilia. Parisiis

WOOLHVSIVS arteriae temporalis cum ferro canden-te amputationem, ob certissime, alias, aduenturam cataractam suasit; magnam autem differentiam hu-
ijs remedii a setaceo perpendens, non arrisi huic consilio. CHIRACIVS t. t. adhuc Ducis Aureliensis medicus, et simul ophthalmiatriae clarus, duplicatorum obiectorum causam in axis lentis remotione haerere putabat. Nihil ita fructuum, ex consilio aliorum capiens, ipse oleo anisi tempora et supercilia, leuiter inunxi, oculos contra aërem frigidum muniui, a lectione fatigatos, per quadrantem horae clausos tenui, tusses irruentes modico opii compescui, quin felicius granulo camphorae comestae, quia ex opii non bene determinata dosi stuporem leuem sensuum, et telarum augmentum obseruaui, camphoram autem et oculis robur quoddam largiri firmiter credidi. Forsan congeries talium accurate depictarum, huius affectus, historiarum, tandem item de eius causa feliciter dirimet. Conf. Tentam. Edimburg. Tom. V. ni fallor. Interim licet data haec historia, iuuenis, cui haec visus passio insurgit, animum erigere possit, paulo minus id valebit in sene sexagenarius quidam, militum Dux generalis, queritur de telis et muscis oculos obuolitantibus, et obiecta ipsi duplia apparent: licet visus ipsi minuatur, tamen solis splendor ipsi valde molestus est: facis ardantis flamma capitinis leonini simulacrum euadit, et post triennium completa ipsi formatur cataracta, quae acus ope ipsi quidem deponitur, sed infausto cum successu, sequitur enim grauis oculi dolor, et pedetentim mors. Alius septuagenarius, diu a vertigine vexatus, ante oculum sinistrum telas aranearum et muscas sibi obuolitare putat, et inter-

dum umbram, quasi a latere oculi recedere. Anno inseguente subito affectu quodam apoplectico afficitur, et eodem die obiecta ipsi apparent duplia; die inseguente, cum ex affectu apoplectico melius haberet, omnia haec phoenomena duplia, cum tesis, etc. disparuere, successiue vero rediere. Qualis tandem fuerit huius affectus exitus, ob abitum viri rescire non potui.

§. XX.

Quae circa *auditum* senibus obtinunt mala, tam quidem momenti non sunt, cum vel alta voce locuta intelligent, vel, si plane surdi sunt facti, literis mediantibus, vel alia methodo aliorum sensum capere possunt: interim res molestia non caret. Nascitur surditas, vel ex *retento et obdurato cerumine aurium*, vel ex *vitio tympani et ossium auditus*, vel etiam *ipsius nerui acustici*. Prius cognoscitur facile ex eo, quod aeger parcitatem ceruminis successiue obseruauerit, vel quod ex propria negligentia, copiam eius secretam non evacuauerit. Si parcitatem fieri obseruat senex, id quod in multis, ob secretorum omnium languorem, contingit, non solum modesta expurgatione abstergendus est meatus auditorius, sed et ipsi interdum linteum carptum, oleo amygdalarum imbutum, immittendum, ut emolliantur pori glandularum excretorii. Quod si autem retentum esse in vicinia tympani existimat, et inquirens cerumen ibi reperit, oleum ouorum, cui parum saponis nigri, cum pinguedine balaenarum parati, vel boni alecantini cum semigranulo camphorae animati, mixtum, auri calide instillari faciat, et sic mediante linteo carpto aurem expurget, huncque modum per dies aliquot repetat, donec auditum sibi melio-

meliorem esse sentiat, et postea diligentius aures suas curet, ne vti in Collect. Vratisl. memoratur, a circumforaneo, decem thalerorum pretio, aures purgare discere cogatur. Quod cerumen magna medicina ocularia sit vidimus in §. XII.

§. XXI.

Quod si vero *ex vitio tympani*, vel *officulorum auditus* vario modo affectorum, surditas, vel subsurditas facta aestimatur, quae aestimatio multum circa frustranea opera circa reliquias indicationes pendere debet, tunc reparatio auditus maioris est difficultatis. Si enim corrugatio, vel aridura tympani, seu tendinum ossium auditus facta, etc. quis medelam spondebit? Atonia equidem simplex tympani, quam hariolari ex habitu corporis, ex praegressis fluxibus catharralibus, et ex inani cura surditatis pro indicationibus aliis, licebit, non desperare iubet de surditate, inde nata, pellenda. Valet enim contra atoniam tympani multum oleum succini album, ad guttas duas, alterna luce, auri immissum, nec non vertici, mane et cubitum eundo, ad plures guttas illatum. Antequam autem oleum hoc vertici illinitur, plana quasi via, ad intimo rem penetrationem, ipsi paretur, per quotidianam inunctionem, saponis nigri, praे aliis saponibus, ob piscis teneriorem pinguedinem cum alculi maritatem, in tali passu commendandi: cui vel soli de bono effectu confidere licebit, cum Obs. 146. A. V. Dec. III. Ephem. N. Cur, talem virtutem de butyro maiali, vertici et temporibus illito in auditu diffcili senili, praedicet. Quae autem cruditas, et minor penetratio butyri prae hoc sapone! Multum valebit etiam guttula

vnica olei succini, sali volatili cuidam maritati
P' eau de Lyce appellati, gossypio excepti.

§. XXII.

Nec soli oleo succini inest vis elaterem donand
tympano nouum. Succedunt ipsi efficaciter casto
reum, camphora, crocus et balsamus Peruuianus ge
nuinus, nec non oleum anisi et croci (quod vltimum
omnium subtilissimum) gossypio auri indita. Ne
omitti debent fomenta, vel vaporoso-humida ex pa
ne, cum aniso, foenic. bacc. lauri, rad. valer. angel
cubebis, etc. pisto et cocto, et auri sub calore tole
rabi applicato; vel sicca, ex fumo succini, casto
rei, mastiches, etc. mediante infundibulo admissa.
Si nerui acustici relaxatio in causa esse videtur, ex
profundissima surditate aestimanda, nec non ex ab
sentia aliarum notatarum, et suspicione agnitarum
causarum, tunc quidem ipsa antecedentia commen
data remedia vsum suum habent, adhibenda autem
simul sunt sternutatoria ex cubebis, vel aliis, modc
simul neruinis, vvisualibus, quae neruorum sistema
excitent et huius nerui tonum reparent. Caput in
primis, vti in omni obauditione et surditate, ita ma
xime in hac specie contra frigus bene tegendum.

§. XXIII.

Recensetur in Ephem. Nat. Cur. D. III. A. VII.
Obs. 337. remedium contra surditatem senilem,
quod malum ipsum malignitate multis parasangis
superat. Fuit nempe in septuagenario surditas vnius
auris, quae auditum recepit, ex perfecta paralyse
eiusdem lateris; quam surditatem ex nerui acustici
relaxatione fuisse pro certo habeo, considerans, post
omnimodam neruorum eiusdem lateris relaxatio
nem, neruo acustico redditum fuisse tonum; vti
saope

saepe vna parte relaxata, altera tono maiore, imo spasmō afficitur,

§. XXIV.

Obrepit saepe senes *tinnitus aurium*, qui, si grauior est, et saepe recurrens, vel vertigine iunctus, periculum Apoplexiae minatur. Periculo obuiam itur, externe vertici, nuchae et spinae dorsi illinen-do olea destillata, e.g. galbani, anthos, lauendulae, succini etc. interne autem camphora exhibita, calam. arom. cubeb. ol. anisi, liqu. C. C. succin. Sp. C. C. et similibus, formula conueniente adhibitis. Si plethora, et senis vegetus adest status, venaefectio celebranda, imo verticis scarificatio. Capitis frequenti pectinationi eadem laus manet, in hoc auditus incommodo, quam quae ipsi fuit in visu debili. Tinnitus aurium neruorum affectum esse, non solum superueniens interdum in senibus Apoplexia docet, sed et ille hystericas lypothymias praecedens tinnitus et susurrus aurium.

§. XXV.

Tinnitui huic aurium, interdum periculoso, addere placet minus pericolosum, spurium grylli-sonum, senes tamen et iuniores interdum terrens, (nullus enim fere, affectus senio solum proprius est, exclusa praegressa aetate; senilis enim audit, quia senibus est familiarior). Est autem tinnitus ille grylli-sonus, qui stridorem grylli domestici imitatur. Duo mihi conquesti sunt grandaeui (plures forsitan passi et non conquesti sunt, vel aliis) de hoc tinnitus stridorem grylli mentiente; cum autem simul de sic citate insolita meatus auditorii conquererentur, facile illis persuasi, hunc pseudogryllum existere in fibrarum atidarum nisu et motitatione, et ut oleo amygd.

amygd. dulc. extergant aures suasi. Interim prae-
ludere videtur hic tinnitus auditus debilitatem, seu
obauditionem, in senibus. Addam autem cum ve-
nia lectoris, tres alias casus, breuiter tamen, quos
nuper inter antiquas meas annotationes inueni, de
his pseudogryllis, aurem intrasse creditis. 1. Ru-
stica quaedam gryllum noctu aurem suam intrasse
pertinaciter adseuerabat, et absque ambagibus pete-
bat, vt ipsi suturas capitis, pro arte mihi competen-
te, ita ab aliis edocta, resuerem, gryllum caperem,
et suturas in pristinum redderem statum: haec cum
mihi risum vehementem soluerent, illa irata abiit,
neque spatium rationes reddendi mihi dedit. 2. Vir-
go nobilis, habitus pleni, floridi, rure vrbem petit,
queriturque de gryllo, qui noctu, sub auris subito
dolore, aurem intrauerat: laborabat autem simul
faucium quodam tumore. Meatum et remeatum
grylli ad suturam sagittalem iam fieri praetendit,
et ne in cerebrum penetret, illam a gryllo vt libe-
rem anxie petit: addit a sternutamento quodam for-
tius cantillare gryllum. Cum de cerumine aurium
quaererem, hoc non amplius ex illo tempore secer-
ni dicebat: huius itaque retentam secretionem cau-
sam grylli sui esse dixi, et illam anxiam et in cre-
dulam licet, dimisi, addens consilium, de olei amyg-
dal. vsu. 3. Femina nobilis, multorum liberorum
mater, etiam ruricula (in quorum domibus haec in-
fecta frequentiora sunt, quam in vrbibus) sub dolo-
re hemicranico, gryllum aurem sibi intrasse narrat,
et liberationem ab hoc hospite petit. Pullum sub
ingressu fuisse dicit, nunc autem adoleuisse, forsitan
mox parituram, et familia sua caput repleturam.
Cum esset de reliquo Matrona iudiciosa, cedebat
aliqua-

iquatenus argumentis meis, de impossibilitate rei, terim mirabatur, quod nemo aliis grylli cantum in ore sua audire possit, cum tamen foetus in vtero vaens ab aliis audiri possit. Obstupui ad haec verba, interrogans, an audiuerit vagientem in vtero etum? audiui, respondebat: regessi, sine dubio e sonus eodem modo te fecellit, quo hodie te auctor sonus fallit, ad haec simul subridens; tunc illa, sum tuum iam per aliquot annos euitaui, (familiaris enim mihi erat) diu enim est, quod audiui hoc prodigium, sed silui, bene noscens, me tibi risui fons; addidit simul, ne numeres hoc inter res plane tristissimas; mulieres enim talia tacent, partim ipsae certae de natura sonus huius, partim et primario, quod istum sonum pro prodigio praeternaturali terriblico, mali ominis, habeant, ut omne insolitum contingens, et partim, ne rideantur ab incredulis, et ui similibus. Sed, extra oleas vagor: debuisse haec addere ad obseruationem de Singultu et Varietu vterinis, insertam Ephem. Nat. Cur. Vol. X. Obs. 75, et additam. Obs. 99. Huic feminae tamen crama quoddam concretum siccum auriscalpium, quod tamen pro exuuiis grylli sui laetabunda excretionaciter habuit, excretum est. Non optimae dei itaque credo esse Obseru. 39. Ani II. D. II. arrantem, vetulae aurem intrasse gryllum, ibique ullos generasse cum eius interitu. Vide Dec. I. A. V. V. Obs. 50.

§. XXVI.

Ponderatis ita affectibus, qui sensus externos secundum communiter occupare solent, ad illos affectus, qui *sensus internos* secundum afficere solent, progrediuntur, qui unice fere in memoriae debilitate, et, si

vis, in debiliore impressione obiectorum, seu phantasiam consistunt. Vti vero haec non adeo anima uerti potest in senibus, ita illa tanto magis. Cautriusque maxime recondita est in cerebri muta structura: condensatur enim per aetatem cerebrum, qua condensatione facile, in aliquibus subiectis culus lymphae impeditur, ut nunc partibus quibdam magis affluat et abundet, nunc illis exundet. Quicquid ex remediorum censu, in primis in *membra debilitate*, commendari potest, sunt laxantia petita, et diuretica, quae lympham superfluam sanguini subtrahant, et simul eius crasim roborent, quilia sunt, aloes, rhabarbarum, et si locum habent fortiora: tinctura antimon. acris, anisata, tinctura succ. balsam. sulph. terebinth. anis. etc. Praeterea haec aromatum usus hic valet, tam in cibis, quam in forma medica, masticatio cubebarum, camphora anisi, etc. Porro illinitio ol. succini, anisi, etc. vertice, seu iuxta suturarum cranii ductum. Absenteant simul senes a curis, et laboribus magnis, tanimi, quam corporis, quibus neruofsum systema labefactari possit: nec abutantur potu spirituof memoriae vera peste.

§. XXVII.

Cephalalgia, et *Hemicrania* saepius laborantes, plerumque et sanguinis detentione circa caput, quae etiam meninges, vel vniuersaliter, vel partia ter distendit. Interdum autem serum acre cranio perostium rodit. Non facile suaferim venaesectionem largam, nec in his, nec in aliis affectionibus serum, venaesectionem indicantibus, in primis grandaeuis et longauis, licet multi extent casus, quibus venaesectio grandaeuis nil periculi attulerat.

qu

quin bonum ediderit effectum, vti id legitur in Ephem. Nat. Cur. D. III. A. IX. de octogenaria, venaesectioni adsueta, et in iisdem Cent. III. Obseru. 14. Terrent nihilominus etiam isti casus, qui sat funesti in senibus fuere: ita Zaceutus Lusit. in Praxi med. admir. Lib. III. Obs. 54. recenset casum septuagenarii, in ipso venaesectionis actu extincti, Medico fustibus et stimulis fugato. Act. Erud. Lips. 1692, Rama-zino referente, recensent de Nonagenaria pleuritica mox a venaesectione exspirata. Ephem. Nat. Cur. D. I. A. IX. Obs. 166. duas producunt matronas, quarum vna sexagenaria, post venaesectionem aphona, paralytica et memoria priuata facta. Conf. ibid. D. II. A. I. Obs. 97. et A. V. Obs. 140. Alia sexagenaria statim a venaesectione in pede fit paralitica, ibid. Obs. 141. Alia septuagenaria ruit in conuulsiones triduanas, ibid. Obs. 142. CARL in suis *monitis vel commentariis medicis*, ita sentit: iuuenes a praematura venaesectione sunt arcendi, non autem octogenarii, cum huic fuerint adsueti. Valeat, cum circumspectione tamen, et absque audacia. Quidam octogenarius factus, habitus laxi, floridi, bene valens, prophylactica venaesectione sex consuetas vncias sibi euacuari faciebat; sentiebat autem eodem die torporem quendam insolitum, quem aucta in lecto transpiratione fugabat: increscentibus autem pluribus annis, non nisi vncias tres exsilire faciebat. Lege de illo §. LXIX. Cap. I.

§. XXVIII.

Si circulatio sanguinis semper, aequali cursu, omnes corporis partes, absque interpolata mora permearet, talia non euenirent: eueniunt autem, quod *vasa venosa* non sunt ubique sanguine repleta, sed alicubi

alicubi paucō sanguine, et vapore referta; cum iam
sanguis ex ramo venaefectae ruit, et simul et semel
euacuatur, tunc non solum syncope, vti in allegato
septuagenatio, lethalis, sed in aliis, ob venarum col-
labescentiam, vel illarum a vaporibus distensionem,
notati motus conuulsiui oriuntur: generantur enim
spasmi, secundum Veteres, vel exinanitione, vel ex
repletione. Contigit mihi ipsi aliquando in sexagenario, cui sanguis e secta vena fluebat, tremores
conuulsiuos videre, qui tamen subito, dato vino ca-
lificato, euaneuerentur. Non est quidem de nihilo ali-
quid confidere, in hac re, aegri consuetudini, quae
Medicum audacem facere possit, in venaefectione
senum; circumspectione interim opus est, tanto ma-
gis, quia aduersa talia, etiam in iunioribus contin-
gere possunt. Recordor viri vix 40 genarii, Galli,
venaefectioni maxime adsueti, cui in pede sanguinem
mittere iubebam, ipse praesens, et adstantis; huic,
cum sanguis e vena prosilire inciperet, statim con-
uulsiones insurgebant, cum contorsione capitis et
oris, vt Chirurgus cogeretur illum e pediluuio pro-
trahere, et in lectum proiicere, in quo mox ad se
redibat; mentis quidem, in conuulsionibus, totus
impos factus non fuerat, quia, cum conuelli incipe-
ret, et ego, in homine venaefectioni adsueto, hanc
scenam, verbis semi-indignabundis mirarer,
haec ipsa mea verba, in conuulsionibus audierat, et
de iis sui compos factus, et rursus ambulans, ride-
bat, adseuerans simul, tale quid ipsi nunquam antea
contigisse. Utile itaque postea, ad tales casus eui-
tandos, duxi, aegris pro re nata, vel etiam iis, qui
praeseruatiue venaefectione vti gestiunt, haustulum
vini generosi, ante venaefectionem praebere, quo
aequa-

aequalior vbiue fiat circulatio, et tales tragediae, quantum possibile, euitentur. Hirudinum applicatio repetita, ad tempora, maxime in Hemicrania, vel si Clauus dolorosus adest, in ipso loco dolente, et securior est, et aequa valens; nec non scarificatio, in temporibus, in vertice, et in scapulis. Nec negligenda sunt purgantia per epicrasin instituta, et pediluuia ante noctem, post quae immediate largae frictiones pedum instituendae sunt. Spinae dorsi frictio saepe repetita, multum etiam valet.

§. XXIX.

Quando cephalalgia non a pertinaci infarctu sanguinis, in vasis capitis, et speciatim cerebri, dependet, sed leuior est, extensione, e. g. meningum, illi mederi interdum licet per consensum, neruos ventriculi demulcendo. Potus Thee viridis, cum guttis aliquot Spir. salis ammon. saepius cephalalgiam sopiuit, quae non in ventriculo causam suam habuit: probat hoc praeterea Obs. 88. Vol. I. Ephem. Nat. Cur. de vetula haemorrhagiis narium adsueta, quae potu Coffee matutino cephalalgiam suam curauit, absque venae sectionis auxilio. Tentanda itaque sunt talia sopiaentia, et quidem sub vehiculo potus calidi aquosi, e. g. castoreum, galbanum, camphora, nec non alia, sale narcoticō miti praedita, et parca dosi: non enim nisi ex narcoticō empyreumate potui Coffee inest virtus sopiendi. Iungunt quidam ipsum opium volatilibus quibusdam, sed, pro praegnantia causae cephalalgiae, cautius cum illo mercanduī. Alui segnities communiter his passionibus se iungit, ideo laxantia, mannata, rhabarbarina etc. interpositis clysmatibus, conueniunt. Quoad prognosin, sciendum, cephalalgias et hemi-

cranias idiopaticas indomitas, principium nervorum diutino decubitu humorum premendo, vel extrauationem sanguinis vel lymphae, inducendo, saepissime apoplexiarum causas fieri.

§. XXX.

Haemorrhagia narium praesupponit sanguinis accumulationem in vasis capitis, per membranam pituitosam exitum quaerentibus. Haeret sanguis senilis, magna ex parte elasticitate sua priuatus, nunc in capite, nunc in thoracis, nunc in abdominis visceribus: hinc est, quod senes saepius, successiue, variis haemorrhagiis narium, pectoris, vesicae et affiant obnoxii. Non dissuadeo autem, in hoc passu, nempe in haemorrhagiis, cautam venae sectionem, multo minus scarificationes: interim opii usui prouido, et aluum efficaciter subducentibus hic plus tribuo. Potio mannata cum cremore tartari, pulpa tamarindorum, rhabarbarum, cum nitro largiter sociatum, hic locum habere debent. In victu valet acidorum usus, et gelatinæ variae. Stercus suillum recens pro odoramento. Vesicatoria, vel fortiter rubefacientia, applicentur manuum carpis et poplitibus. Totum corpus fricitur linteis calidis, ut resorbeatur sanguis ad extremitates et peripheriam. Mira certe res est, etiam in senibus, sanguinis ad exitum quaerendum commoti, fiens translatio ad caput. Vetula grandaeua, floridae faciei, haemorrhoides saepe per annum habebat fluentes, et quidem per triduum; biduo autem ante illarum fluxum, narium haemorrhagia leuior antecedebat, haemorrhoidum fluxu apparente cessans. Ephem. Nat. Cur. D. III. A. IX. Obs. 186. recensent de octogenario, cuius haemorrhagia narium non cohibita fuit,

nisi apertione ulceris cruris exsiccati. Euporistom vulgi est non reprobandum testes inuoluere linteis frigida sola vel aceto mixta, madidis.

§. XXXI.

Vertigo senilis a meningum pressione aut commotione, in cerebrum et neruos opticos redundante: quam saepe stagnans in capite sanguis efficit, vti id in capitibus inclinatione experimur. Est affectus somnitus, saepe Apoplexiam praecedens, in primis, si coniuncti sunt conatus vomendi, ex eadem commotione deriuandi: vomitus enim ex commotione cerebri oriri notissimum est, ex casibus concussionis cerebri, a vi externa. Hic neruorum consensus viam monstrat, qua vertigini occurritur. Vertigini obnoxii senes etiam a commotione capitibus pertussim male habent: quin saepe pileus oneri ipsis est, et motus ad vertiginem creans, quia cranium, sub hac aetate, elastica resistentia, vt plurimum caret. Ex his facile appareat ratio mortis subitaneae, quae sequitur concussionem capitum, a lapsu, in illud. Quidam sibi vertiginem inducebat, spinam dorsi contra murum premendo. Dicta haec commotio meningum ad spasmos est referenda. Interim meninges atonia quadam affici posse ad vertiginis generationem non dubitandum. Differentiam iudico capiendam ex mora vertiginis: diutius morabitur, simulque periculosior, et apoplexiae proprior erit, quae ex atonia exsurgit; quae autem spasmus pro causa habet, citius transibit. Prioribus commendando salia volatilia, vt vocant, macra, aromatica tonica, cinnamomum, calam, aromat. et quas iam antiquitas vertiginosis dicauit, cubebas, imo camphoram, nec non vini spiritum his aromatibus imbutum: postea

rioribus crocum, castoreum, theriacam. Vtrique speciei frictiones spinae dorsi, et extremorum sunt necessariae: vertici et nuchae olea destill. galb. Lauand. maior. menthae, succini etc. Qui vertigine matutina, a somno, vexantur, illi antequam lectum deserunt, guttulam vnam vel alteram olei destill. menthae, foeniculi, vel etiam terebinth. vnicam insaccharo sumant. Aura temperate frigida conuenit sub capitib tamen sufficiente coopertione.

§. XXXII.

Non negandum, sanguinis stagnationes in vasis intestinorum haemorrhoidalibus facere saepissime ad vertigines: hinc sexagenaria quaedam, cum haemorrhoidum fluxum, cui adsuetam habebat natum, sentiebat morantem, vexabatur vertigine, non aliter quam illa, cuius sub haemorrhagia narium mentionem feci, cui, hic instans fluxus, haemorrhagiam narium creavit. Septuagenarius quidam, robustus, floridus, vertiginem saepius, septem, vel octo hirudinibus, ad anum applicatis, fugabat. Afficiuntur etiam interdum senes vertigine ex affecto ventriculo, et ita per consensum. Quidam de vertagine, cum fulgidis maculis, ante oculos stipatis, a pastu, ex repletione conqueruntur, ut decumbere necesse habeant. Vir annorum 79, vegetus, et cibis durioribus huc usque assuetus, habitus corporis strictissimi, vertiginem sentiebat a repletione ciborum, quam vomitus mox soluebat: idque ipsi certissime ab esu cancrorum, duriuscule coctorum contingebat. Alius ex potu Coffee, licet adsueto, tandem vertiginem incurrebat, ut ipsi valedicere cogeretur.

§. XXXIII.

§. XXXIII.

Interim non sunt adeo familiares hae, per consensum, vertigines senibus, nec adeo periculosae, quam illae idiopathicæ, ex cerebri et meningum affectione ortae. In primo capite, sub titulo animi passionum, allegavi breuiter effectum iracundiae funestum in octogenaria; sed hic ob circumstantias huius loci illum repetere necesse est, addendo hanc, ibi omissam circumstantiam, et symtoma, quod mox post iracundiam vertigine corriperetur, comitantibus tremoribus: quibus debilitas tanta successit, ut per diem ultra horulam extra lectum esse nequiret, comite anorexia: praeterea binis ante mortem septimanis homines ad lectum sedentes duplices vidit (§. XIX.) pulsus erat plenus, tardus et rarus, somnus multus, et mox mors placidissima. Apparet ex hoc phoenomeno circa visum, quantum noxae tulerint cerebrum et nerui optici, ex ista animi commotione, et insequente meningum affectione nunc spasmo, nunc atonia.

§. XXXIV.

Quando vertigini obnoxii senes detentionem humorum circa caput, e. gr. ex coryza sentiunt, tunc maius animaduertunt periculum a somno euigilantes, et extra lectum actiones animales recipientes. Nerui, qui sub somno primario actionibus vitalibus inseruierunt, ad motus animales simul et semel religi non possunt, quin saepe, quae inerat illis leuis omnifera atonia in totalem abeat, et apoplexiā, enibus a somno familiarem, formet. Non enim deo ad subitam obedientiam reducuntur nerui senuum, a somno, quam illi puerorum, qui a lecto surgentes vertigine quidem tentantur, sed illam mox

fugant, et superant. Non solum pueris haec vertigo est familiaris, sed noui virum fere quadragenarium, qui quoties matulam, extra lectum, comprehendere tentat, in terram prolabitur: redditio autem pedibus tono, surgit, et libere vesicam exonerat. Ideo cum sentiunt senes vertiginosi tales circa caput stagnationes, et eius extraordinariam incalescentiam, et simul somnia molesta, tunc vel oriluuuiis frigidulis, aquosis vel vinosis, vel odoramentis paululum actiuis, vel lauatione faciei frigidiuscula, ad analepsin neruorum, se leuent. Omnia sub continua alui, si opus est, modesta subductione, nisi instans apoplexia efficacius referandam esse iubeat.

§. XXXV.

Syncope et Lypothymia sunt affectus senum gradu differentes, periculi tamen praesentanei. Generis neruosi affectum esse, quis dubitet? primario tamen viscerum nobilissimorum, cerebri et cordis. Relaxantur nempe subito et grauiter nerui horum viscerum in syncope, remanente raro, in senibus, pauxillo virtutis elasticae, ad recapessendum tonum vitalem, pulsu cordis cum respiratione semper euanscente, et facie mortis formam monstrante. In lypothymia autem tanto gradu non fit neruorum relaxatio, nec pulsus plane deficit, nec omnis respiratio, et si deficiunt, communiter citius recurrent. Cerebri et cordis neruis adscriptissimus hunc affectum, et certe nunc huius, nunc illius magis pati obseruamus. Cerebrum patitur, si oculi, mox ante ingruentem affectum caligant, si aures tinniunt, et si supinus decubitus molestus est, vti de his hystericae loquuntur et queruntur: porro, quando odore cuiusdam rei aduerso oriuntur, vel ex adspectis rebus nau-

nauseosis, ex terrore, etc. De illa ex cordis adfectione inferius.

§. XXXVI.

Causa proxima magis in obscuro haeret. Quae in brutis arte factae sunt syncopes lethales, illam in distensione vasorum maiorum venosorum, et ipsius cordis consistere docent: vena iugularis et cruralis canum insufflata canes subito necauit. Conf. Eph. Nat. Cur. D. II. A. V. et VII. Obs. 53 et 132. HARDERVS in scholio *Apiarii* sui duo allegat experimenta, quibus vena iugularis, fortiter inflata, mortem subito induxit: corda illorum valde inflata fuerunt, et exiguum spumosi sanguinis exhibuerunt, cumque ante illorum dissectionem, vulnere solum pertunderentur, statim collapsa sunt. Haec experimenta facilem reddunt syncopes et lypothymiae pathologiam, et docent, illarum causam communiter esse subitaneum defectum sanguinis in vasis maioribus, et in ipso corde; unde ex residuo, per proprium intestinum calorem, vaporosa illorum inflatio.

§. XXXVII.

Saepissime grandaeui mox ab ambulatione, syncope moriuntur. Dabo casum, cum subiuncto viso et reperto: Reperiebatur ante multos annos, ad viam, vetula quaedam mortua, quae ante pauca temporis minuta, aestiuo tempore, ex itinere pedestri lassa ibi venerat, et in terra quietem quaeſuerat. Rogabatur a me, t. t. ciuitatis Physico, absente Collega, vt de cadavere medico-legaliter renuntiarem. Cum in aperto cadavere viscera omnia reperirentur sana, vasa autem maiora venosa et arteriosa, una cum corde, tota effent a sanguine va-

cua, syncope sic dicta, hysterica illam mortuam esse renuntiabam, licet distensionem cordis et vasorum, ob praeterlapsam moram, non inuenirem: solus enim defectus sanguinis, in minimis vasculis viscerum et peripheriae retenti, ad cordis motum autem necessarii, vaporoso solum humore, vasa maiora et cor distendente, ad syncopen sufficit. Hoc modo enim ex graui haemorrhagia, et ex nimio sudore, in debilibus oriuntur lypothymiae, quia ex his circuatio, sanguinem ad cor deferens, impeditur, dum interim vaporosum quid vasa maiora distendit. Quid iam magis naturalis sequelae, quam systematis nervosi contingens subita, vniuersalis, resolutio, cum cor non habet, quod tradet cerebro sanguinis? licet mors per cordis insufflationem ad speciem suffocationis reduci possit. Illa consueta, in lypothymia, facilis per adspersionem aquae frigidae in faciem, vel per fortem compressionem digitii minoris, vel per intrusionem salis in os, facta reuocatio, nervos reuocari per haec indicat. Quando autem, lypothymia insurgente, illa per haustum frigidae repellitur, vapores, loco sanguinis sufficientis, in vasis dominari, in aperto est. Hinc a calido potu communiter hae lypothymiae fouentur. Supra allegata vetula ex itinere pedestri a syncope correpta fuit; corripiuntur autem ab illa etiam, qui, ambulando, paruam viam emensi sunt, respiratione aucta, lassifacti sunt.

§. XXXVIII.

Relaxationem magnam sub lypothymiis fieri animaduertimus in puerperis debilibus, quae, si non, sub profluvio lochiorum excessu statim a partu mortem subitaneam subeunt, lethaliter vulneratorum instar,

instar, certe diu ab illis anguntur, et debilitatem corporis, visus imminutam aciem, nebulas, etc. ad menses aliquot patiuntur. Facit autem ad lipothymiarum inquisitionem multum, retentio spiritus, respirationis inhibitio. In pensitationem hinc vocandus status grauidarum plethoricus, sub quo vasa omnia, et cerebri, et cordis maiora, ipsumque cor necessario distenduntur, consequenter etiam cordis nerui, et totius systematis neruosi origo, cerebrum. Accedit iam necessaria ad partus nifus promouendos spiritus retentio, sub qua motus pulmonum inhibetur, hoc inhibito, autem progressus sanguinis commodus per cor motam necit; sanguis autem copiosius accumulatus distendit cor et eius neruos, quae distensio equidem, sub mora, ex copia sanguinis non pernitiosa est, quia et nerui a copia sanguinis fouentur, et animantur: dum autem per partum copia sanguinis celerrime subtrahitur, nerui debilitatem, a subtracto subito sanguine acquisitam, lipothymiis produnt, sub quibus cor, ob subito enatam neruorum debilitatem tremulat, et obscure vacillat, quia per factam haemorrhagiam, vix aliquid sanguinis cordis thalamos intrat. Remanet autem saepe illa neruorum cordis debilitas per aliquot tempus, unde redeuntium lipothymiarum fundamentum et recursus.

§. XXXIX.

Prodit vero haec allegata causa se clarissime, quando ita affectae feminæ se pro lubitū in latus alterum vertere nequeunt; mouere enim se non possunt, nisi spiritum inhibendo; simulac autem ille inhibetur, progressus sanguinis e corde inhibetur, cor denuo distenditur, tinniuntque aures cerebrum

in consensum rapi, et adesse lipothymiam denunciantes; et licet interdum tanta non adsit debilitas, ut sub illo motu, lipothymiae insultus, in lecto experiantur, tamen illos saepissime, quando ad aluum exonerandam extra lectum sunt, dum alui exonerationem, spiritum comprimendo, promouent: recidiuant tunc insultus lipothymici, toti sopiti crediti, et aegrae docentur aluum in lecto exonerare, tuncque solo tinnitus aurium, sub nisibus exonerationis, terrentur.

§. XL.

Certe, haec eadem est causa mortis subitaneae quorundam senum, de alui segnitie, et aurium tinnitus ante querulorum, quos in loco exonerationis alui mortuos repertos fuisse, aliquando audias; imo iuniorum, morbo quodam chronicō, in primis hydrope, vbi communiter sanguinis defectus adest, laborantium: tales aegri debiles, ast ab agonibus mortis, pro apparentia, multum remoti, quando se ad somnum in alterum latus vertunt, vix ac ne vix quidem, in illo decumbentes, ex facta spiritus sub motu inhibitione, subito exspirant: retentio enim spiritus, ad motum necessaria, motum cordis a nervis laborantibus iam debilem, totum supprimit. Haec etiam vera est causa mortis subitaneae scorbuticorum, sub motu corporis, in primis gestatorio, spiritum plus comprimente, morientium: Cuius phoenomeni, qui de scorbuto scripsere, mentionem faciunt. Ex his interiectis causam syncopes in senibus inuenire difficile non erit. Retrogrediamur ad formam internam senum, quam in primo Cap. dedimus: inuenimus senum corda ampla, distenta, raccida, auriculas extensas. Genus neruosum illis per

er se est debile, tanto magis nunc in corde: mo-
vis cordis est, per se, illis rarer, et debilior; arte-
ae valde ampliae, et vix sanguine replenda: quid.
nrum iam, si, sub defectu aliquali sanguinis, solus
apor elasticus cor flaccidum amplius distendat, et
eruorum virtutem sufflaminet, vel si, sub retenta
espiratione, sanguis detentus neruos cordis debiles
latere suo in totum priuet. Dilucidationis ergo
abo sequentes breues casus. Vir annorum 50,
ydropticus factus, fit asthmaticus: cum simul vires
itae valde laberentur, cordisque actio imbecillis
uaderet, sub respiratione paululum compressa, vi-
ae finem ad futurum metuebat, hinc cum ipsi cre-
itus ventris emittendus instaret, famulo suo impe-
abat, ne illum desereret, instare enim crepitum, et
ub illius emissione se moriturum: comprimebat eo
pso spiritum, ad emittendum crepitum, et simul ex-
pirabat. Alius annorum 66, per aliquot annos ex
hypochondriis, et pulmonum infarctu, asthmaticus,
obesulus, vitae finem ex debilitate instare obserua-
bat: cum tamen ad ambulandum adhuc vires vale-
rent, suasu Medici haustum cereuisiae Anglicae fortio-
nis bibebat: refocillebantur inde subito vires ad ae-
gri ipsius gaudium; committebat se lecto, et suaui-
ter per horulam dormiebat: ex parte factus rursus
haustum cereuisiae sumebat, et currum adscendebat,
in quo fere per milliaris spatium extra urbem vehe-
batur: sumferat autem secum in currum ampullam
cum cereuisia hac, ipsi mire analeptica, et extra vr-
bem adhuc eius haustum potauerat. Redux domum
factus, aluum deponebat fluidorem, et post horu-
lam altera vice, cum tortinibus, quae omnia ex ce-
reuisia, et quidem ultimo, post succussionem in cur-

ru pota, accidebant, quia feces communiter quae-dam infundo ampullae restitant: Cum autem tertia vice aluum deponeret, exspirabat. Vir annorum 67 habitus laxi, ex multo aquae vitae potu, hydro-pe thoracis, et polypo videbatur laborare; nihilo minus apparenter valebat: cum scalas ad capessendum officium adscenderat, et ad scribendum pen-nam iam inter digitos tenebat, absque mortis piaeuiis signis, de sella in terram mortuus cadit.

§. XLI.

Interim non excludendae sunt aliae causae Syncopes et Lipothymiae, quia haec relaxatio neruorum non semper in corde, vel in cerebro incipit, et quidem non semper vel a defectu sanguinis in corde, vel a spiritu retento. Docemur id variis casibus aliis. BERNABEVS, Medicus Romanus, in Tractatu *de morbis improuisis*, tradit de sexagenario quodam, quod, postquam sanus surrexerat, ex parco aquae vitae haustu, grauissimis ventriculi doloribus correptus sit, cum insecuto sudore frigido, et morte. Aquam, mortis veneno tinctam, illum hausisse putares, nisi Appendix A. I. D. II. Eph. Nat. C. nobis casum daret colicae grauissimae, a parce sumto spiritu vini natae. His addam casum alium, docentem, quae incommoda ex spirituoso medicamento interdum assurgere possunt. Proiiciebatur quidam, tempore hiberno, ex traha, in stipitem obuium, quo ipso sinistrum latus sub costis spuriis contundebatur: sequebatur mox leuis dyspnoea, et paulo post mictus cruentus. Cum sanguinis quas-dam stagnationes superesse posse iudicarentur, ad illas resoluendas tincturae tartari non admodum saturatae guttae 50 aegro dabantur: sequebatur au-tem,

em, fere immediate, anxietas cum leuibus lypothy-
niis, et artuum frigore, quae per horam durabant,
et in verticis immanem pruritum finiebantur, ab
osso aegro scalptione ambarum manuum, ad illarum
assitudinem tandem domatum.

§. XLII.

Interim spiritus vini non solum, non semper tri-
es hos et mortiferos excitat casus, sed secundum
phem. N. C. D. III. A. V. Obs. 145, effectus eius
iam est euidentissime plane salutifer: recensetur
nim ibi, feminam quandam, quando Syncopes, vt
i appellatur, cardiacae insultus sensit, sub colore
aciei emortuali, exclamasse, *morior*, *morior*, et
post subito haustum spiritum quendam apoplecti-
um, mortem syncopticam in instanti fugasse. Ap-
aret itaque ex his, affici primo et primario, in eius-
modi casibus, ramum sexti paris neruorum, orificio
ventriculi insertum, et surculos ad cor mittentem.
Quod autem in quibusdam haec grauis affectio a
spiritu vini excitata sit, in aliis autem iam excitata
opita, id discriminis adfuisse puto, quod in priori
us inopia succi viscidi, tunicas ventriculi et intesti-
orum, secundum naturam tegentis, adfuerit, vnde
erui illorum, ad spasmos proni, facile ita irritati
erunt, vt accedente spiritus vini elasticitate, illos
raviter distendente, paralytici inde euaserint, et re-
quos cordis neruos etiam tono suo priuauerint.
In posteriore autem casu, mortem subitaneam mi-
ante, hoc neruorum par, ex parte orificio ventri-
culi insertum, ex propria debilitate, sui relaxatio-
em intendit, quae spirituosis nempe aromaticis,
contra apoplexiā, tonum vitalem fulcientibus, iu-
abatur. Coincidit haec syncope, cum illa lipo-
thymia,

thymia, quae aliquibus ex esuritione accidit, sole pastu fuganda. Similiter in Ephem. N. C. recentetur de femina, quae saepe comedendo syncopari auertebat. Nonne similis diuersitas appetit in venaefectione circa lipothymiam? aliquibus enim lipothymiam inducit, aliquos autem a lipothymia resuocat.

§. XLIII.

Quoad illam, quae a spirituosis assumtis oritur in mentem mihi incidit alius casus hic memorandus, docens consensum neruorum ventriculi per totum corpus improuise et insolenter redundantem et quidem ex leui causa: senescens quidam robustus, appetitus imminutione laborabat, quam a viscido multo, stomacho inherente, natam esse iudicabat: formidabat vomitorium chymicum, vel officinale sumere, et eliebat hunc in finem aqua tepidam, sale communi salitam, successive, copiose ingerendam: cum iam multas eius liberae biberat mediante penna, in fauces intrusa, ventriculi motum anotericum excitabat. Eiiciebatur sic multum viscidus; superbibebatur rursus aqua, iterum pennam adminiculo euacuata: Verum, mox, sub hoc labore aeger digitos manuum sibi dolere sentit; pergit interim bibere et euacuare: ecce autem digitus per dum dolore etiam corripiuntur, qui dolores ita vobisque increscunt, ut aeger exclamare, et Medicum ac cersere cogeretur; hic cum nihil medicamentorum ad manus esset, iubet aegrum pedes manusque aqua calidae immergere, qua immersione subito omnipasmus dolorificus sedatur. Sed, historiae et pathologiae satis: quid senibus consilii?

§. XLIV.

Ardua sane res erit, in primis, cum grauissimam morbi huius speciem senes communiter insultare iudicemus, nempe quae ex corde ampio, flaccido, arteria magna, ultra naturam capace, a sanguine fere vacuis, neruisque praeterea debilibus oritur. Efficacissimum et subitae operationis debet esse remedium, quod simul ad manus sit, cum mors fores pulsat. Quid autem adeo paratum haberi potest, quam spiritus quidam ab herbis balsamicis abstractus, qualis ille feminae fuit, quo *moriōr*, *moriōr* suum fugauit. Noui feminam, quae olim, cum esset viginti aliquot annorum, quorundam liberorum iam mater, ventricosa, syncope aliquando corripiebatur, adeo subito, ut non temporis superesset, hoc *moriōr* pronunciandi, multo minus spiritum vini poscendi; simulac vero ad se redibat, post elapsu 3 vel 4 minuta, statim aliquid spiritus vini postulabat, et sub facie adhuc emortuali, vitam totam reuocabat. Praeter spiritum talem balsamicum, extra paroxysmum, etiam commendabilis est masticatio camphorae, et gummi galbani iis, qui hunc morbum metuant. Affectu irruente, facies cum aqua apoplectica, Hungarica, vel alia spirituosa, vel ipsa aqua communi frigida madefacienda, ut nerui faciei abundantissimi, sic agitati, reliquos motitent: artus fricandi, scrobiculus cordis introrsum premendus, sal ori ingerendum, digitus auricularis fortiter comprimentus, clyster fortiter euacuans primo, et mox alias vireso-oleosus iniiciendus. Venaesectionem adhibere in lipothymia, quid solennius? bene autem constare cum supra notata syncopes aetiologya, quilibet dubitabit. Cum interim consideremus, in
hoe

hoc affectus genere, circum sanguinis quidem in paroxysmo non subsistere, vasa tamen reliquorū viscerum et extremitatum sanguine esse referta, et motum sanguinis circulatorium, per eius subtractiōnem in actum reddi posse, eoque ipso cor motum suum, respirationem autem pulmones repetere, non incongruum esse videtur hoc auxiliī genus in usum trahere. Qui autem irruentem hostem tempestive sentiunt, pro re nata, vel haustu frigidae, vel haustulo liquoris spirituosi, cum cautione mox dicenda sumant.

§. XLV.

Qui timent senes hoc mortis subitaneae genus. et ex insultibus leuibus timere necesse habent, consilium capiant, 1. ex supra recensita diaeta longae uorum, qui quotidie haustulum spiritus vini sumserunt, vel bibant vinum generosum, vel manducen- quotidie, in primis cubitum eundo, granum unum vel alterum camphorae, ut vigor neruorum conseruetur, ex vigore sanguinis, nec iustus gradus motus intestini, seu irritatiui, ut hodiernae scholae loquuntur, ipsis ad cordis motum deficiat. 2. Alii segni tiem euitare studeant, ne eius difficilis deiectio spiritus diutinam retentionem poscat; segnitiem autem euitent, vel clysteribus emollientibus; vel pilulis aloëticis, vel iusta diaetae, ad hunc scopum directione, et regimine; sit autem illa, de reliquo, aromaticate tota non carens. Quo tragicus autem casus supra allegato romano similis, quoad spiritus virūsum, non accidat, spirituosa talia non bibant, ni bene saccharata, vel comedant prius aliquid pati vel alias cibi, et si quid accidat cardealgici, statim cibū

cibum quemuis obuium deuorent, vt detur spiritus
absque mora, quo eius violentia temperetur.

§. XLVI.

Claudamus huius affectus pertractionem quibusdam casibus memorabilibus, ad illum pertinentibus. Primus sit ille ex HOFMANNI Med. Conf. Part. VI. Cas. X. Dec. IV. grandaeui, qui sensibus externis et internis subito priuatus, pro moribundo, vel pro mortuo habitus, tertio tamen die ad incolumitatem rediit. Secundus grauior adhuc, sumatur ex CARLII monitis medicis (medicinischen Bedenken) p. 335, viri, a cephalalgia habituali vexati, qui suos monuit, ne, si forsan lypothymia corriperetur, illum sepelirent, exspectando ad diem de cimum quartum usque. Contigit etiam, quod a lypothymia vel syncope per octiduum durante, ad vitam redierit. Tertium praebent Ephem. N. Cur. D. A.

Obseru. de quodam, fratrem suum, quem dicit non viderat, inuisuro, cum autem illum mortuum, et a Medicis praesentibus dissecatum inueniret, instantam incidit Syncopen, vt omnibus ante adhibitis frustra auxiliis, ad vitam reuocare inane et frustaneum futurum censerent Medici; proficuum itaque ducunt, pro informatione de morte hac subitanea, remoto cadauere fratri, illum dissecare; sub audiens autem talia, in imis cerebri latebris occultis syncoptici anima, hoc propositum eludit, oculos aperiendo, corpus mouendo, et cum illo celerrime auolando. (Fidissima mihi, hunc casum suggessit memoria, locum obseruationis autem, festinante abhinc tabellario, in tot Ephemeridum Voluminibus, reperire non potui.) Quartum exhibent Comment. Acad. Paris. A. 1748. Cum grassaretur ibi rheuma-

tismus, cum excretione erysipelatode, transeunte in philicenes serosas, venaefectio, pro febris vehementia repetita, ptisanae, et tandem purgationes, omnibus sanitatem reddidere, senibus autem haec cura non fuit sufficiens ; nam exsiccatis philicenibus, retrogradus a cute ad massam sanguinis prauus humor, illos lipothymia affecit, cuius lethalem effectum vnice cauteria applicata eluserunt. Prauus ille humor vel neruos stupore affecit, vel vapore lethali repleuit venas. (Notandum interim, lypothymias senum, licet morbo incongruas, semper suspectas esse.) Ultimus sit viri senescentis, qui ex debilitate generis neruosi, et remora quadam circa aortae principium, per spasmum sensibilem manifestata, noctu post somnum quatuor horarum, insultu syncoptico, mediante tussi anxia et curta, excitabatur, vix se sui compotem sentiens : inueniebat in carpo manuum pulsum quasi euanescensem, et simul intermittentem, sinistram autem manum, et facie partem sudore frigido affectas ; refocillabat autem se subito camphorae manducatione, et vino rheno crocato calefacto, et tunc securius somnum capiebat, absque metu noui insultus. Vsu camphorae autem et gummi galbani praeseruatio se immunem postea fecit ab hoc incommmodo. Nerr debiles, sensim in somno, ultra iustum modum relaxati, cordis motum tollere tentabant, unde insultus syncopticus ; sub euigilatione autem ad tonum recuperendum cogebantur, qui roborantibus fulciebatur.

§. XLVII.

Restat adhuc ponderanda *mors senum subitan per gaudium*, cum non desint exempla, ex inopinata acceſſu.

cesssa fortuna, vel re gratissima improviso oblata, mortuorum. Sic anno 1754, mense Octobr. dentibus literis publicis, moriebatur Martisburgi, anglus grandaeuus, octoginta annorum, paucis his, post nuntium, cognatum quendam in Anglia, si magnam pecuniae summam, praeter opinionem estatam esse. Flebile, et stupendum diuitiarum beneficium. Taceo praeter hunc recentem, casus re quos, in historiis reperibiles. (Cap. III. §. XXXI.) Difficile autem reor dilucidatu, qua praecise ratio ne, ex gaudio vires vitae adeo cito suffocentur, ut essent plane ad cordis motum. Ad syncopen cere referendus est mirus hic affectus. Quemadmodum terror comprimendo neruo fluidum nerueum sufficiente influxu arcet, et ita cordis motum superimit; ita gaudium neruos adeo suauiter, ad ato iam usque, videtur mulcere, ut ex abundanti influ u fluidi neruei, idem motus vitalis extinguitur, cera ex affluxu nimio cerae. Voluptatem quam se sensisse interdum praedicant, qui a lypothyiis reuocantur. Cum in praeced. §. de syncope iuturna reuiuiscentibus quidam casus allegantur, merito hic signa de vera morte syncoptica, et totalitae destructione, scitu quam maxime necessaria producenda sunt, ne restitante adhuc vitae scintilla, syncoptici tales terrae mandentur. Sunt vero primario haec tria verae mortis signa. 1. perdurans frigescentia corporis, cum liuore simul notati. contabescentia muscularum, et tendinum, simu lidorum. 3. oculorum fortis marc. Evidem btingit, ut, qui ex gangraena interna subito inuascente, febrili horripilatione coniuncta, cum cororis refrigerescentia, improviso citius moriuntur,

pauco ab exspiratione elapso tempore, insignites ex sanguinis motu intestino, nullam resistentiam periphericam iam paciente, recalescant: sequitur tamen mox liuor partium, coniuncta rigiditate, et oculorum marcore. Conf. Bruhier de non festinanda sepultura.

§.. XLVIII.

Paralysis est morbus senes saepius, et grauius affligens, quam iuniores. Varia est, occupans nunc partem separatam corporis, nunc dimidium, a vertice ad calcem, nunc truncum medium inferiorem cum artibus, nunc totum, capite solum saluo. Prior nomen adoptat ex parte, quam occupat, secunda *Hemiplexia* audit, tertia *Paraplegia*, qua communiter ex violentia externa ortum sumit, rarius ex interna causa.

§. XLIX.

Paralysis particularis corripit interduin subito partes, interdum successiue. *Hemiplexia* autem communiter subito inuadit, et vt plurimum sub paroxysmo apoplectico, nunc leuiore, nunc grauiore. *Paralyses* particulares, quas senes patiuntur, sunt communiter *linguae, vesicae et crurum*. Raro *paralysi linguae totalis* est, nisi ex paroxysmo graui apoplectico relictâ, qualis aderat in grandaeua quadam quae ex paroxysmo apoplectico hemiplexiam retinuerat, et per quadriennium, vsque ad mortem, tota muta erat; balbutiunt enim communiter ex lingua paralytici, nec toti aphoni sunt. In considerationem hic veniunt miri effectus neruorum, ex longinquuo ad officia linguae et vocis. Docent enim experimenta facta in canibus, per paris vagi raruos ligationem, subitaneam in illis oriri mutita-

tem. Raucedo pertinax saepius vitio horum nerorum tribuenda: vnde etiam ex colica raucedo? qualem dant Ephem. N. Cur. Dec. III. A. III. Obs. 13. nisi neruorum horum enata labe. Non negamus interim, quin et paralysis linguae ex debilitate, pressione, vel alia labe proximorum ramulorum, qui inguam animant, et eius motum ad articulationem dirigunt, oriri possit. Sic sexagenarius quidam, ex iutumnali frigida aura autumnali, capiti admissa, prima vice memoriae labem solum sentit, curatam calore, oleis destillatis inunctis, essentias aromat: umbrae, etc. sequente anno, eadem ex causa paralysin linguae incurrit, illaesa memoria: laxantia iloëtico-salina repetita, vina aromatico-amara, vniuersitatim ter in die pota, et etiam pro collutione oris adhibita, nec non venaesectio in brachio instituta, rem rursus restituunt. Proficua sunt in hoc casu porro, oris et linguae frictio cum cubebis puluerisatis, et pulu. herbae rosmar. nec non oleum anisi, et succini albi in saccharo detentum, vti talibus cuncta legitur octogenaria in Ephem. Nat. C. D. III. A. VII. Obs. 91. Colluatur praeterea os vino calido generoso, in quo praedicta simplicia, nec non baccae iuniperi macerata sunt. Vesicae paralysin enum perlustrabimus, cum de vitiis vesicae et vriueae incontinentia sermo erit.

§. L.

Paralysis crurum senilis oritur, tam ex nerui cruralis propria labe, e. g. tenuitate, in senio se manifestante, etc. vel ex terrore coniuncto; nam quae sunt in corpore humano partes imperfectae, vel debiles, sub animi passione, prae reliquis, magis sufficiuntur: vel vitio neruorum mesenterii, aliarum

abdominis partium, per consensum oritur. Sic, quoad prius, vir annorum 65, habitus stricti, Veneti et Baccho adhuc strenue litans, in crurum paralyticam impotentiam incurrit, cum linguae, ex naturae vitio iam balbutientis, leuiore paralyfi. Adhibebantur supra in casu sexagenarii recensita remedia, spina dorsi autem illinebatur oleo succ. maior anthos, cum oleo amygdal. temperatis; quae remedia mox sanitatem reddiderunt. Fatendum autem simul, motum solum his partibus fuisse ablatum non sensum. Quoad posterius autem, ex vitio nervorum abdominis, hoc non solum apparet ex Pare si colica nata, sed et hoc recens docuit casus vir annorum 61, qui sub doloribus vehementibus sini stri hypochondrum, cum insequente stranguria, absque omni indicatione ad calculum vel praesente, ve in praeterita aetate, successive in dextri cruris inua llescentem paralysin incidebat, cum sensus et motu partis priuatione; sinistrum crus quidem motus defectum mox etiam experiebatur, sensus autem perfectus ipsi manebat. Licet hi dolores, non perpetui, aliquando recurrerent, tamen cedebant frequenti usui essentiae pimpin. albae, et laxantibus aloëti cis plenarie. Nihilo minus haec paralysis crurum obstinata, toti neruoso systemati communicabatur et quidem primo nervis thoracis; incipiebat eniræger tussi ferina corripi, et ab illa adeo grauite affici, ut crescentibus, cum effuso sudore, ad oculum debilitatibus, altero die, integris et perfectis sensibus, tam externis, quam internis, oculos, propri manibus, sub ultima respiratione, claudendo, inter proprias et suorum preces, mundo valediceret. Praeclarus vitae exitus! Varia, et mire differens const

tnti.

tutio individualis systematis neruosi, varios praebet casus.

§. LI.

Paralyses omnes corporis purgationem exigunt repetitam, non tamen ex draſticis, sed ex illis quae fibris magis amicae sunt, et se sanguini insinuant, vti sunt rhabarbarum, aloës, manna, nec non sen- na etc. Proſunt infusa vinosa ex speciebus aroma- tico-aperitiuis, roſmarino, ſaluia, rad. Angel. enu- lae, calami arom. etc. Artus laesi fricentur manu potius calida, quam linteis, ad recipiendos ſuffitus ex ſuccino, aliisue pro ſuffitu uſualibus speciebus, ſuccedente intuolutione cum linteis ſuffitu imbutis. Affricentur interdum ſpiritus formicarum, lumbri- cor. terreſtr. etc. ſaponati tamen. Spina dorſi, et os ſacrum perlinantur oleis deſtillatis iuniperi, aliis- que, mixtis adipi ſuillae purae potius, quam oleis expreſſis, vel etiam ſaponi nigro. Saepius praeter- ea, haec olea, ſic temperata, adhibeantur, quam for- tes illi ſpiritus abſtractitii, niſi ſapone ſaturati ſint: vrunt enim valde cutim, poros eo ipſo deſtruunt, et partes inde indureſcunt. Vnctuosa autem talia po- ros ſimul extergunt; id quod appetet, quando a partibus afflictis rurſus exterguntur, quod ſudori lar- giori dent locum. Proderit etiam vertebris lum- baribus emplaſtrum imponere, cum oleis dictis con-ueniens, e. g. de Galbano, etc. cruribus autem tale applicare minime congruum eſt, inprimis, ſi aliquid oedematosi adeſt. Ventrēs animalium, dum a iu- gulatione adhuc calent, paralyticas manus et crura roborare notum eſt: cum hi ad manus non ſunt, fotus cum muria carnium, in qua roſmarinas, ruta,

absinthium, tanacetum etc. macerata sunt, aliquid
valent: praeualent autem thermae naturales.

§. LII.

Hemiplexia, vel *Hemiplegia* est dimidii corporis
solutio, cum sensus et motus defectu: communissi-
me ex apoplexia non subito lethali, remanet; ocu-
lus lateris relaxati conniuet, lingua balbutit, oris la-
bia distorquentur, vomituritio adest ab initio, mul-
tum viscidi ex faucibus simul relaxatis euomens;
respiratio communiter impeditior, suspiriis mixta;
pulsus durtus, celer et frequens; memoria vacillans;
excretio et fluxus saliuae in latere relaxato; extre-
mitates artuum relaxatorum, inprimis manus, intu-
mescunt, et quod maxime singulare in hemiplecti-
cis, etiam non grauiter affectis, anxietates hypo-
chondriacas incurruunt, ad eiulatum vsque. Graui-
ter affecti crus et brachium sani lateris perpetuo
agitant.

§. LIII.

Causa hemiplexiae, quae apoplexiae originem
non debet, est neruorum dimidii corporis, a materia
elastica, tonica priuatio, qua interdum successiue
priuantur; saepius autem subito, ex apoplexia, de-
qua mox. Hemiplexiam a stranguria vide §. CL.
Causa occasionalis varia: ira, terror, frigus, etc. il-
lam producunt. Senex rusticus, ebrius, sub frigo-
re hyemali rigido, corruit in niuem ad viam, per-
noctat in hoc loco, alto somno sepultus: mane
euigilans sentit illud corporis latus, quod aëris ri-
gori expositum fuit paralyticum. Sola capitis re-
frigeratio, vel reliqui corporis, minus vehemens,
quam haec, sufficit ad hemiplexiam, imo apople-
xiā illis, qui non sunt naturae rusticæ.

§. LIV.

§. LIV.

Qui ex vulnera capitis sunt hemiplectici, tales ex corruptione extremitatum neruorum, structuram suam usque in oppositum latus cerebri interfecantum, sunt, ut illud doctissime PETITVS in rarissimo, (ob paucitatem exemplarium impressorum, ut docent Comment. Acad. Paris. in vita eius) tractatu epistolari Gallico, Namurci 1706, edito, cum figuris demonstrauit. Transit haec corruptio, descendit, et relaxat totum dimidium oppositum. Cerebelli vero vulnera, vel aliae labes, si hemiplexiam inducunt, haec in ipso eodem contingit latere.

§. LV.

Conuulsiva neruorum conuassatio, stantibus, vel sublatis sensibus, interdum hemiplexiam parit, et quidem in illo latere, in quo oculi conniuere incipiunt. Ex arthritide fixa, annosa, nec non, ex suppressa excretione haemorrhoidalii saepe oriuntur hemiplexiae; de hac nunc proferam casum, post de illa. Vir 77 annorum, habitus corporis valde exsucci, ideo, tempore hyemali, hypocausto calidissimo vtens, iam per $1\frac{1}{2}$ annum fluxum haemorrhoidalem, quem antea per frequentia interualla abundantem habuit, non experitur. Vertigine iam, et tremore artuum a sex mensibus tentatur, quando iracundia parum mouetur animus. Incidit tandem in Hemiplexiam dextri lateris. Post decubitum 4 vel 5 septimanarum, sub alui adstrictione, redit fluxus haemorrhoidalis, parce licet; redit successivae loquela, ante turbata, distinctior, et post usum spiritus formicarum redit etiam motus brachii et pedis. Quaerit aeger, haec literis referens, an oleo spicae, in vertice, pro more, ipsi adsueto, ut possit?

quod probatur. Prognosis, bona vel mala, ex aegri vigore, sensuum internorum et externorum statu, deglutiendi difficultate, ex respiratione, nec non a pulsus conditione est haurienda.

§. LVI.

In cura Hemiplexiae prima quaestio est, in quo corporis latere vena sit secunda? sunt enim qui non nisi in latere sano venaesectionem admittunt, quod altera pars corporis omni vigore iam priuata sit. Experientia autem edocuit, et stabiliuit, in utroque latere venas aperiri posse, utrumque, eum in finem, quo stagnatio, et lentior circuitus sanguinis in latere affecto, ob relaxationem nervorum natus, mutetur in melius. Approbat id venaesectio raninarum, de quibus, in utroque latere secandis, nulli dubitamus. In latere sano eadem subtractio sanguinis, illud in motum reuolutum, quod in latere affecto stagnat. Repetita itaque fiat sectio in plethoricis, et huic ventilationi adsuetis, robustis: quibus vero ex praegressis morbis, vel alia ex causa vires vitae fractae, in iis rarer fiat venaesectio. Bene enim notandae sunt morborum circumstantiae, ut medela iuste applicetur. Instruit de hoc casus sequens: sexagenarius, ab annis octo, circiter, iam hemiplecticus, memoria inde adeo priuatus, ut, cum e. g. pecuniam, vel aliud quodvis numerare incipit, vix ad octauum numerum perueniat, prioris numeri obliuiscens: orthostadius iam per aliquot annos erat, simulque manum morbidi lateris habebat relaxatam, liuidam, tumidam, et frigidam. Suadetur ipsis a Chirurgo venaesectio in brachio relaxato, spe restitutionis manus in statum meliorem; paret aeger, sed insequuntur mox fortes insultus apoplectici,

ci, et omnia in peius relabuntur. Vixit interim per biennium adhuc, quo elapso, ad plures abiit. Docemur forsan hoc casu, venam non secundam esse in brachio affecto, diu iam paralytico, manu simul existente liuida, frigida. Hinc aliquando seni, cui post vertiginem, et illa adhuc leuiter durante, brachium sinistrum paralyticum factum erat, manu simul existente tumida, liuidaque, et cui, cum in scapula sinistra, ob comitem ibi dolorem, sibi scarificari fecerat, nullus sanguis educi poterat, venaefectionem in illo brachio, quam intendebat, dissuasi, eundem metuens casum. In principio enim in affecto latere educendus sanguis, dum adhuc neruorum vigor non totus sublatus, et dum sanguinis circulus non valde diminutus est.

§. LVII.

Vasa, quae communiter pertunduntur, sunt veneae brachii et pedum, et sublinguales, nec potuit multorum practicorum, ex experientia nata, persuasio ad venarum iugularium, et arteriarum temporarium sectionem, pro communi usu, inualescere. Ut autem harum sectionum fructus appareat, enī casum sequentem, supra promissum: sexagenarius, robustus, plethoricus, per multos annos podagricus et chiragricus, tandem hemiplexia tentatur: leuatur malum, vna et altera vice, quasi sponte, utpote haec tenus leue, et mediocre. Redit tamen cum aliquali sensuum stupore apoplectico, non autem diutino, adeo, ut edicere possit, artus ipsi valde tendi, et hinc dolere: ingrauescit autem, uno et altero die post, hemiplexia dextri lateris, cum linguae balbutie. Secatur mox vena brachii sinistri: continuat autem non solum balbuties, sed insequitur etiam aphonia.

Spiritus

Spiritus C. C. cum oleis quibusdam destillatis mixtus, et plumacele sub lingua reconditus, loquela per aliquot horas reuocat, quae vesicatorio in nucha ante locato reuocari non poterat. Aeger de reliquo se mentis compotem esse, noctu capit is, ad interrogata congruo, monstrat. Suasi venae iugularis et arteriae temporalis incisionem, sed frustra: metus de nouitate, vel infructuose, vel male cessura, consilii executionem differebat: tentatur potius auxilium varium, ex clysteribus, aliisue acribus irritantibus sumtum. Tandem tertio die, cum pulsus existeret febrilis, celer et frequens, ex arteria temporali dextra, circiter decem vnciae mittuntur, et ecce! post horam articulate loquitur. Durat haec loquendi potentia per quatuor horas; postea autem, respiratio, quae aegro, dum de reliquo bene valebat, non admodum commoda erat, fit magis stertens; ideo elapsis ab arteriotomia horis duodecim, vena iugularis dextra secatur, et sanguinis circiter octo eliciuntur, quo facta non solum ille oppletius stertor minuitur, sed elapsa vix hora, aeger exacte rursus loquitur, cum minore tamen duratione; nam aphonía, cum pectoris oppletuō paralytico stertore, post horam redit; et licet aliqualis mentis potentia, et auditus die quarto adhuc persistaret, visus tamen emori incipit, et aeger die quinto, post pulsum debilem, vndulantem e vita emigrat.

§. LVIII.

Educto, ex hemiplectico sanguine, clysteres iniciendi sunt, ex speciebus carminatiuis cum cereuisia, vel vino leuiori parati, vel cum aqua ex oxymelle scillitico, duo vel tres, horae spatio: eodem tempore, si deglutiendi aliqualis adeat potentia, per os purgantia

gantia dentur, primas vias fortiter abstergentia, nec sanguinem valde commouentia, e. g. salis Ebsham. vncia vna et semis; vel troch. alhandal gr. v. vii. cum tard. vitriol. prius deglutitis, superbibendo solutum sal Ebshamense. His effectum suum praestantibus, diebus insequentibus, vomitus excitetur, vel ex rad. Ipecac. sola, vel cum tartaro emet. vel infuso Card. B. vel alio quoquis, quod sufficit, pluribus iam vomiturientibus aegris, ut viscidum faucibus inhaerens, et in ipsa arteria aspera collectum, foras protrudatur; ipsaque per vomitum facta systematis neruosi concussio illud erigat; in quem finem, et cubebarum puluis, vel aliud simile, pro sternutatorio naribus insufflandum. Hemiplecticum vnice vomitoriis fere restitutum, lege in Actis Academ. Suecicae, Vol. I.

§. LIX.

Vesicatorium nuchae imponatur, et vertici; nisi animus sit tentare, quid ferrum intense calidum valeat ad tonum meningum restituendum. Totum corpus fricetur linteis calidis, vel ipsis manibus, ut excitentur nerui languidi, et peripheria fiat magis perspirabilis. Os colluatur mediante syringa, vino calido, anthosato, iuniperino, anisato: sub axilla lateris affecti, gossypium, oleo succini, et axung. castorei imbutum locetur: de die Eff. ligni sassafras, tinctura antimonii acris, liqu. C. C. succin. sal vol. oleos. Sylu. et spiritus Bezoard. Bussi dentur. Si autem aestus sanguinis adest, his sepositis, conchae praepar. ex vino rhenano exhibeantur, cui vehiculo, aqua temperato, guttulae quaedam spiritus salis ammon. vrinosi instillentur. Versus noctem Theatiace Androm. dosis, astatati et viribus congrua exhibea.

hibeat, tam ad transpirationem augendam, quam ad placidum somnum (quo durante, sub placido sanguinis motu intestino, neruorum systema maxime robatur, et nutritur) conciliandum.

§. LX.

Apparet hic effectus aliquando luculentur in paralyticis, quando, simulac euigilant, manus pedesque per momentum temporis extendere valent, mox autem harum ex somno acquisitarum virium iacturam, cum moerore, experiuntur. Ex hoc etiam, sine dubio, est quod quidam usum pilularum Wildegansianarum, ex opio participantium, in paralysi proficuum viderint. Frictionibus supra notatis siccis misceantur vnguetosae ibidem doctae. Fotibus vix usus cedatur, nisi in malo recenti, mediocri, et in habitu corporis stricto: emplastris autem adhuc minus fidatur: obesi enim sexagenarii pedi pallido, paralysi laboranti, cum emplastrum miraculosum imponeretur, quatridui spatio cutem reddebat sphacelatam.

§. LXI.

Hauriant Hemiplectici aerem serenum, nullis crassis vaporibus, vel capiti aperte obnoxiiis referatum, simulque caueant ab usu narcoticorum, sensus obtundentium. En casum nouum. Phlegmaticae constitutionis senex, 60 annorum, hemiplexia corripitur forti in latere dextro: redit post adhibita remedia, usus linguae et pedis paralytici, tandem manus, aliqualiter. Consuetus erat a multis annis tabacum fumigare, itaque sanitati in tantum restitutus, illum fumigare tentat. Euacuata autem vix dimidia fistula, vertigine et lipothymis corripitur: reuocatur spirituosis et phlebotomia. Elapsis 4 se-

ptima-

optimanis, ad tabaci fumigationem appetitus redit, credit autem tragedia fortior, pristina enim remedia effectu suo carent, sinistrum latus fit paralyticum, et elapsis vix 6 horis aeger moritur. Qui impune, restituti hemiplectici, tabacum fumigant, sunt communiter fortioris temperamenti, et potu vinoſo, corroborante vtentes.

§. LXII.

Apoplexia, morbus senum familiaris, grauior sane affectus est, saepissime Hemiplexiae parens. Differt a Syncope, quod in hac pulsus nullus, in illa autem praesens sit, ad extreum vsque vitae halitum, imo interdum, in repente Apoplexia necatis adhuc post extreum halitum; contigit enim mihi semel, nouem ictus arteriae in carpo numerare, post sublatam respirationem, in vetula robusta, 70 annorum, quam apoplexia, post subitaneum in tempore sinistro dolorem, horae spatio sustulit: (conf. Cap. I. §. XXIX.) in syncope pallida mortis imago, in apoplexia facies florida; in syncope silens vel nulla respiratio, in apoplexia respiratio fortis, licet impedita etc. Differt itaque in forma et causa syncope ab Apoplexia et affectibus soporosis. Stertor pectoris, spumans saliuia, oculi rigidi, sub palpebris connuentibus, facies rubicunda, sensuum internorum confusio; externorum defectus, excepto interdum auditu, et motus omnis carentia, sunt signa perfectae Apoplexiae. Senes interdum horae spatio iugulat, saepius tridui spatio, tardius, oxyus; sub qua mora in hemiplexiam transit, tuncque hic dicta phoenomena paululum remittunt, non tamen absque metu mortis insequentis. Haereo itaque circa assertum celeb. Medici CARLII, in iam allega-

tis eius commentariis, dicentis: *non metuant senes apoplexiā, quia subito necat*, quia non omnis apoplexiae est proprium subito necare, magis haec proprietas Syncope et catharro suffocatiuo conuenit. Non praetereunda tamen silentio est relatio nouellarum publicarum (si illis in re medica credere fas est) anni 1755, recensentium, Neapoli, ab initio mensis Septembris anni 1754, vsque ad Martium anni 1755, octingentos homines apoplexia mortuos esse, morte adeo subitanea, quasi fulmine fuerint tacti. Diram accusares hyemem huius anni, quae et ibi viguit, sed illa solum mensibus Ianuarii et Februarii magnae vehementiae in Italia fuit.

§. LXIII.

Non adducam multos, et alienos casus, quos maxime WEPFERVS in egregio suo Tractatu *de Apoplexia* suggerit: duos vnicē meae experientiae adducam, licet tantum de insultu apoplectico, non de perfecta apoplexia agentes: nec non quosdam ex Ephem. N. C. omnes materiam bene dilucidantes; postea quae, cum aliis in cura duco obseruanda, inculcabo. Vetula septuagenaria, robusta, et sanguine repleta, mense Februario, post perpessum quendam animi moerorem, conqueritur de sinistri brachii torpore, qui, cum tridui spatio non remitteret, sanguinis vnicas septem, e dextri brachii mediana sibi euacuari facit. Elapsis 4 horis, sellae insidens fit somnolenta, et post leuem capitis motitationem, supina cadit: redit mens post morulam, sed visus deficit, lingua balbutit, vomit. datur vinum calidum deglutiendum, pro tono systematis neuorum reuocando, et simul ad os colluendum, quo facto, post horulam visus redit: applicatur clyster squilla acuatus,

acuatus, addito sale gemmae in vino calido soluto, cum effectu sufficiente. Queritur nunc aegra de viscido, in faucibus haerente, et de deglutitione paululum impedita; quae incommoda mox potiuncula ex aqua apoplect. Langii, aquis quibusdam de stillatis mixta euaneunt: brachii sinistri torpor sit minor, adest autem adhuc molestus susurrus aurium, cum pulsu paruo: delirat versus noctem, et somnolenta artus perpetuo iactitat. Secundo morbi die, mane et vesperi, aloës hepat. gr. j. cum rad. aron. et calami arom. aa. gr. viii. dantur, vnde binae deiectiones: tertio die multa suspiria, cum susurru aurium perpetuo: quarto die iidem pulueres aloëtici, ex quibus plures alui deiectiones cum suspriorum fine, et praecordiorum magno leuamine. Anorexia interim adhuc adest, et defectus virium, ambulare non permittens. Conualescet tamen successive. Elapsis vero vix quatuor septimanis, multas narium haemorrhagias experitur, et quod, ob controuersiam, in Hemiplexia solennem, de feligendo venaesectionis oco, notabile esse iudico, unice ex nare sinistra, in cuius latere torpor paralyticus se manifestauerat.

§. LXIV.

Vir vere septuagenarius, diu vertigini et vomitus obnoxius, tempore australi humido, corripitur vertigine, cum tinnitus aurium, et motu quodam spasmodico, ut aiebat, sub ipso cranii vertice; deficiunt simul sensus, ex quo in humum cadit. Leuatus, nox quidem sensus sat bene recipit, sinistrum autem atus valde torpidum, et visum in sinistro oculo obscureum sentit. Post venaesectionem, in dextro brachio institutam, vires ad motum et ad visum redeunt, omiturit, et tandem euomit materiam biliosam

cum multo leuamine; cumque conatus vomendi continuarent, infusum Thee iterato exhibetur, inde adhuc vomitus cum maiore leuamine sequuntur. Praescribitur ipsi potiuncula ex aqua apopl. Langii cum aqua flor. tiliae, coenam s. vino etc. temperata, addito parce sale volat. oleof. S. nec non spir. salis ammon. cuius remedii beneficio paucis diebus conualescit. Hic casus clare docet, menin- gum spasnum, in atoniam vergentem, aliquando esse causam Apoplexiae: (conf. BAGLIVIUS et Acta Med. Berol. D. I. Vol. VIII.) Secundo, usum eximium, quem vomitus praestant, in affectibus apoplecticis, si excitari possunt, in primis vomititione praesente. Breves itaque hi casus usibus didascalicis non carent.

§. LXV.

His adiungam obseruationes quasdam ex Ephem. N. C. petitas, de apoplexiis senilibus, quarum summa primariam, absque dispendo tamen, prolixitatis cuitandae ergo, ab oculos ponam. D. I. A. IX. Obs. 166. prostat vetula 72. annorum, a symptomatibus grauibus apoplecticis restituta, et quidem mediante specifico cephal. officinali Lips. spiritu salis ammon. anisato, et Ess. succini: Exhibita etiam fuit salis vitrioli drachma semis, absque effectu vomitio, cum aliquali leuamine tamen. Rediit post tres menses idem affectus, tunc mitigatus a superueniente enormi haemorrhagia vteri. (Eadem res, vteri haemorrhagia, aliquando feminam 40 annorum, subito gutta serena, et apoplexia, in hemiplexiam desinente, afficiebat. Tanta varietas effectus, unius eiusdemque causae, ex circumstantiis, non semper clare cognitis, et aetate variantibus.) In D. III.

A. IV. Obs. 94. narratur, sexagenario, post venaefectionem, salis vitrioli drachmam semis datam fuisse, absque insecutis, nec conatibus vomendi: post exhibitam mixturam, ex aqua saluiae cum vino, et apoplectica, anatice ad vnciam vnam sumtis, Eff. Saluiae, lili. conuall. aa, drachmam vnam, spirit. sal. ammon. scrup. vno, et ol. succ. gutt. octo, clyster acrior iniectus. Illitum vertici, temporibus, ceruici et carpis manuum oleum succini, et colophonis loco clyster cum Elect. hierae picrae cum agarico adhibitus, cum aegri conualefcientia.

§. LXVI.

Ephem: Nat. C. Cent. X. Obs. 61. sistunt octogenarium apoplecticum, simul conuulsum, sanitati restitutum, ope venaefectionis in pede, vesicatoriorum in brachiis et nucha applicitorum, castorinorum, cephalicorum, balsamicorum et spirituosisorum externorum. Ephem. Vol. IX. Sistunt senem 77. annorum, repetita venaefectione, curatum, repetitis vicibus. Possem adhuc curas apoplexiarum insignes adducere, sed sufficient hae pro doctrina: 1. ipsis grandaeuis restare spem emergendi ex apoplexia 2. decantatam gloriam salis vitrioli deficere communiter 3. spirituosis neruinis, et oleo succini inesse magnam virtutem ad tonum generi neruoso reddendum, ex causa quacunque, modo non sit grauissima, et acutissima apoplexia, nec paruae efficaciae erit ol. succini, cum alcali volatile intime combinatum. .. In venaefectione repetita maximum haerere praesidium. Recordor hic moniti, ad Cephalalgiam duci, de caute secanda vena senum, cum prostent togafus in apoplexia largiter emissi sanguinis, quin normis haemorrhagiae uteri proficuae (§. praeced.)

Verum differentia attendenda inter praeceps periculum, quod est in apoplexia, et morbos non adeo acutos; praeterea, in apoplexia enormiter sanguis in capite et thorace stagnat, id quod in aliis affectibus non fit. Nihilominus, sunt Practici, qui putent, apoplecticos interdum iugulari per venaelectionem, interdum saluari. Experientia stat pro maiori numero saluatorum.

§. LXVII.

Causam apoplexiae agnoscimus triplicem. 1. Sanguineam, ex sanguine extravasato natam. 2. Serofam, ex diluvio seri, cerebrum inundante 3. Meningeam, nempe a meningum atonia, cerebrum et medullam oblongatam comprimente. Ad *prognosin* bonam pertinent haec pauca: si aeget se mouere incipit, simulque melius respirare, et loqui, et quidem haec, cum aliquali eminentia, et continuatione. Oculi vero contorti, magnus pectoris stertor, et oris spuma grauitatem mali indicant.

§. LXVIII.

Vt iam memoriae ergo, in paucas regulas contraham, quae, et quo ordine agenda sunt, cum apoplecticum ex orci faucibus eripere cupimus, haec posso: 1. Ex arteria temporali, ex vena iugulari, et ex mediana, paucō, vel aliquot horarum, temporis spatio, sanguinem esse mittendum, et quidem ad vincias decem, in latere quo commodum, maxime tamen in recenter affecto. 2. Post haec statim clysteres iniiciendi ex aceto squill, et elect. hierae picrae, diac. (quod SCHVLZIVS in *praelection.* ad *dispensat.* Brandeb. etiam iustissime commendat) participantes: vel ubi haec ad manus non sunt, parentur solum ex cereuisia et sale, vel ex vino oligophoro et sale.

Sale, vel aceto, aqua temperata, et sale, clysmata,
 eaque repetenda bis vel ter horae spatio, ad largas
 euacuationes vsque. 3. Praebeatur aegro, si deglu-
 titionis restat quaedam potentia, oxymellis scillitici
 repetita dosis, vel etiam rad. Ipecacuannae drach-
 ma, cum grano vno vel altero tartari emetici pro
 stimulo. Nec hic spernendum monitum CARLI in
 suis comment. medicis, foliolum tabaci, in aqua ca-
 lida maceratum, infusum dare, citius apoplecticum
 reuocans, cum $\alpha\nu\omega$ et $\kappa\alpha\tau\omega$ facta euacuatione mul-
 tae faburrae mucosae, quam emetica antimonia λ et
 venerea. 4. Oleum succini cum camphora, et pau-
 ca pinguedine animali, vel etiam ol. amygd. dulc.
 vertici, nuchae et carpis affricetur. 5. Scarifica-
 tiones in capite plus vno loco fiant, maxime supra
 suturam coronalem, et postea rubefacientia ex sem.
 erucae, sinap. applicentur. 6. Manus pedesque
 aceto calido fricentur, nec non ori, mediante sy-
 ringa iniicietur acetum calidum, cum sinapi, vel pi-
 pere, non puluerisatis, coctum, et mellitum. 7.
 Sternutatorium tabacinum, vel ex flor. lil. conuall.
 naribus insuffletur; cubebae hic sunt debilioris vir-
 tutis. 8. Post excitatos vomitus, vel illos frustra
 tentatos, purgans deglutiendum detur, vel senna-
 tum, vel colocynthiacum, sale quodam neutro, vel
 simplici, nitro, sufficienter acuatum. Elect. Lenit.
 Florenz. vnciae duae, adiecto nitro, solutae in aqua
 calida. 9. Denique spiritus illi apoplectici, essen-
 tiae, spirit. salis ammon. et quae experientia proba-
 uit, in usum sunt vocanda, modo antea, per seue-
 ram et asperam methodum, aeger ex sopore apople-
 ctico excitetur, et sui compos factus sit. 10. Sunt
 qui testiculos vino tepido fouere docent, quia virtu-

Vis vitalis illis multum insit. An vetulis apoplecti-
cis haec topica? vide Part. II. Therapeut. *Sciagraph.*
Ranchini. Valent et reliqua, quae sub haemiplexia
commendaui, nempe in momento illo apoplectico,
i. e. quando stertor pectoris remittit, sensus et mo-
tus lateri cuidam redduntur, cum mentis lucidis in-
teruallis, tunc omnino cum medicamentis allegatis
internis, continuandum, et corpus aloëtico-salino
laxante, utpote modico et sufficiente, saepius eu-
candum.

§. LXIX.

Restat adhuc consilium, grauem hunc affectum
praecauendi. Si inuento nupero Gallico, sacculo il-
li Berolinensi ant-apoplectico fides danda, certe ope-
ra leuissima auerti poterit, gestando solum sacculum
speciebus quibusdam repletum circa praecordia.
Evidem considerandum, concurrere in praecordiis
quasi centrum quoddam nervorum, quorum refe-
ctio ipsam mortem subitaneam fugat, ut supra, ad
Syncopen vidimus, an autem adeo penetrans virtus
iis speciebus insit, ut sanguinis infarctum, vasa tan-
dem rumpentem, et seri secretionem excessiuam, in
cerebri ventriculis, auertere possit; porro meninges
in perpetuo aequilibrio toni seruare, ne vel conuel-
lantur, vel relaxentur, de eo tamdiu dubitandum,
donec experientia illud ulterius probet. Appenden-
di sunt hi sacci senibus, in quibus, si non prodro-
mi apoplexiae primi iam obseruati sunt, tamen ex
constitutione corporis hic morbus est metuendus,
e. g. qui collum habent breue et amplum, vasa iu-
gularia itidem ampla et capacia, etc. ut experientia
probentur.

§. LXX.

Si quid ex rationibus plus luculentis et minus secretis, cautelarum haurire licet, consistunt illae in sequentibus: 1. venaefectione, bis vel ter per annum instituta, moderata, pro aetate. 2. in quotidiana, ante somnum facta, corporis frictione. 3. in quotidiana illinitio olei succini, vertici et nuchae. 4. in alui quotidiana exoneratione. 5. in interno vsu quotidiano olei succini ad guttas tres vel quinque, vel olei anisi ad decem, facto. 6. in capitis frequenti pectinatione, mediante pectine arcto, quin menstrua eius prouida lotione cum miti lixiuio. 7. in valde frigidæ aurae fuga, maxime circa caput. 8. in irae cohibitione. 9. ciborum, difficultis digestio-
nis repertorum, vel flatulentorum, remotione; imo omnium non immodica ingestione. 10. modico vsu
vini generosi. 11. veneris vel nullo vel parco vsu,
caput afficiente, et somnum altum inducente. Cum
praeterea notum sit, apoplexiā sub somno, vel
mox a somno, communiter contingere, monemus.
12. capitis sub somno eleuatum situm, praesupino
praestare, simulque a somno diutino abstinentiam.
13. surgentes de lecto aliquid eleosacchari anisi ca-
piant, vel grana quaedam sinapeos, a longo tempo-
re decantati masticatorii praeseruatiui. 14. si tussi
serina corripitur senex, illam quantocyus coērceat
remediis efficacibus, quia concussio capitis, et eius
detentio per tussim facta, eius extrausationem pro-
ducere potest, et aliquando produxit. 15. collum
etiam nulla ligatura coarctetur, eadem ex causa de-
tentiois sanguinis, et impediti circuli. 16. aërem
vitent vaporosum, crassum, de quo iam §. LXI.

Nunc reliquos morbos capitis, latius sumtos, seniles producere ordo poscit.

§. LXXI.

Cum in Hemiplexia *saliuae excretionis*, seu phoenomeni huius morbi facta sit mentio, de illo incommodo, senes quosdam, non solum vexante, sed et illorum vires interdum frangente, agere conueniens duco. Noctu tantum, sub somno excernitur, copiose, senibus quibusdam et grandaeuis, aliquando adeo copioso fluxu, ut vires inde frangantur, testibus Ephem. N. C. D. II. A. IV. Obs. 108. Certe saliuae liquorem inter nobiliora corporis secreta numerandum esse, vel ex hoc apparet, quod eius superflua excretio corpus debilitet; cum de cetero constet, illam inseruire faciliori manducationi, deglutitioni, et tandem deglutorum ciborum digestioni. Ex debilitate ductuum saliualium hunc saliuae spontaneum sub somno fluxum oriri, manifestum est: generatur praeterea in senibus eius copia, ob peripheriam corporis magis obstructam et densatam, quae minus permittit serum per poros sudoriferos exhalari; simul, in usum faucium et ventriculi; illae enim in senio saepius aridae fiunt, et irrigatione saliuali opus habent; ventriculus autem eget liquoris digestio auxiliari, quia domesticus ille gastricus vappescere incipit. Hunc liquorem itaque saliuelim relaxata orifica ductuum saliualium, omniumque innumerorum, per somnum relaxatorum vasculorum excretiorum, oris et faucium irrigationi inservientium, in os euacuant serum, qui ore, ipsis in somno, plerumque aperto facile effluit. Viuit adhuc grandaeuus, qui, per biennium, vlcere cruris ex etyfipelate laborat, cui saliua copiose, dum somnum

mnum capit, per os effluit, et quidem copiosius, quando vlcus cruris non abundanter serum vlcerosum fundit, indicio, ex copia seri alicubi retenti, et saliuam abundare. Hoc incommodum, quando simplex est, nec cum vlcere, etc. colludit, leuatur robورantibus, vinosis, aromaticis, amaris, cort. au-rant. et peruv. vino rubro infusis: falsa autem, tam in diaeta, quam in medicina, parca sint, quia saliuam hoc stimulo magis agitatur. Alius sexagenarius, in oris latere dextro primo dolorem, mox tumorem experiebatur, quem saliuatio diurna et nocturna se-quebatur, tanta, quanta ope mercurii excitari possit.

§. LXXII.

Dentium vitia in senibus nunc veniunt perlustranda. Primum est *vacillatio*, post illorum *lapsus*, quo edentuli fiunt. Molestia et incommodum non leue. Perit enim voluptas alacriter manducandi, et edendi cibos solidiores, sapidos, quid? quod haec non absque passionibus et doloribus quibusdam contingent. Nascuntur enim communiter ante lapsum dentium, *parulides*, pus generantes, imo interdum fistulosae. Distinguendae autem hae parulides sunt a laxitate ginguarum continua, in primis post motum corporis, lympham inspissatam ad dentes secernente. In parulide enim tumor, isque liuidus adest, qui non adest in simpliciter laxis ginguis. Sciendum autem est, his incommodis, et casui dentium plus obnoxios esse homines habitus laxi, vel fibrarum teneriorum, quam qui sunt stricti: hinc est, quod prioribus, saepe diu ante senium haec dentium vitia veniant: eademque ex causa feminae plus laborant dentium vitiis et citius edentulae fiunt, quam mares. *Parulides* feliciter interdum resol-

auntur, quando excretio muci naris, eiusdem lateris, per calorem et errhina, copiosior obtinetur; alias facile ipsam maxillam grauius infestat. Quibus fibra ginguarum est robusta, et sanguinis bona crasis, illis post casum dentium ginguae fiunt callusae, dentium sat bene vicariae; de qua re vetula in Ephem. N. C. allegatur, quae duras panis crustas osseis quasi ginguis confregit. Infausta sorte damnata fuit octogenaria, circa hoc manductionis organon, secundum Eph. N. C. D. I. A. II. Obs. 279. ipsi enim dextra pars maxillae inferioris, nullatenus cariosa, vna cum dentibus, a musculo temporali ex ginguis ipsis, post diuturnam defluxionem separata fuit, nullo inde redundante incommode, nisi quod in ea parte difficulter audierit.

§. LXXIII.

Primarium, quod ad *dentium conseruationem* attinet, est illorum et ginguarum frictio, cum pane adusto et rad. ireos florent. vel cum cubebis puluerisatis, gingias eximie simul roborantibus. Exulent dentifricia ex duris partibus, nitorem dentium laedentibus, constantia. Os post morulam colluat cum vino rubro puro, vel lymphato, adstringente. Parulides, si nasci incipiunt, non solum earundem, sed omnis relaxatae ginguae modesta, repetita tamen, scarificatio necessaria est, euacuatur enim hac mediante, sanguis in torpidis vasculis stagnans, ipse torpidus et foetidus; qua euacuatione vascula constringuntur, nec se postea a vappido sanguine facile extendi patiuntur. Opus praeterea est, in tali dentium scorbutica conditione, herbis acidulis, amaro-aromaticis, antiscorbuticis vti. Cibi valde pingues, oua, et similia non edantur. Bonum vinum rubrum,

ruberum, Rhenanum, Mosellanum, aqua, si opus est, temperatum, plus conuenit, quam cereuisia fortis: praefstat potius acidula, secundaria. Si ceciderint nihilominus dentes, ginguarum induratio, ope collutionis cum vino rubro, et austeriorum fructuum frequenti manducatione promouenda est, vt, quantum possibile, manducationi inferuant. Euulsionem dentium, ob enata quaedam incommoda, illam suadentia, in grandaevis, minime suademus, ob dubiam maxillae firmitatem, et in senibus frangibilitatem, in primis si a parulidibus tentata fuerit: terrere enim potest haemorrhagia, quam octogenaria, in Commerc. liter. Norimb. 1742, post euulsionem dentis canini passa est, per biduum; quam non semper aequo cum successu, allegata ibi fortis buccae compressio, digitorum ope facta, sisteret.

§. LXXIV.

Pertinent ad affectus capitis seniles, adhuc duo, quorum iam ante meminisse fas fuisset, *Vigiliae* nempe, et *sopores*. Vigiliae sunt morbus senum molestissimus, simulque vires admodum depascens: cum enim non solum totum corpus, sed et sensus externi et interni per usum diurnum fatigati, mediante somno refici debeant, vigiliae hanc necessariam refectionem impediunt. Senes enim tanto magis illa refectione indigent, quanto magis vires corporis et sensuum vigor, ex solo senio labuntur.

§. LXXV.

Vt vigiliarum causa eo magis elucescat, quae in Cap. I. §. LXIX. de natura somni diximus, breuibus repetamus. *Somnus* est remissio placida toni totius corporis, quo sub illa motus intestinus sanguinis augeatur, pro humorum utilium et inutilium inti-

ma secretione. Redditur sub hac secretione sensibus et reliquo corpori illud utile et necessarium, quod usus diurnus illis subtraxit. Cognoscitur autem remissio toni maxime ex pulsu, durante somno, rariore et pleniore, nec non ex facie, et partium musculosarum succulento rubore, et blanda inflatione, quae remissio in plurimis placide et insensibili-ter fit, in aliquibus autem, eodem, quo obdormiunt, momento, subsultu spasmodico totius corporis. Motus itaque intestinus sanguinis in cerebro auctus demulcendo illud, somnum efficit, et sub somno secretionem liquidi neruei spirituoso-vaporoso perficit. His positis, Vigiliae sunt absentia remissionis toni placidi naturalis corporis, et motus intestini sanguinis nullum factum placidum augmentum, nec fiens tanta, in cerebro, liquidi neruei secretio, sed sensuum, tam internorum, quam externorum perdu-
rans tensio et actio.

§. LXXVI.

Quemadmodum itaque motus placidus intestinus somniferus absque remissione toni esse nequit; ita reciprocce haec remissio toni a placido motu intestino allici et inuitari potest, ad somnum capiendum et vigilias fugandas. Dantur quidem impedimenta quaedam vigilias nutrientia, e. g. aerumnæ, et cunæ animum edentes, ipse sanguis minus elasticus, et ad placidi motus intestini eleuationem ineptus; ne dicam de morbis quibusdam, tussi, flatulentia, stranguria, senibus familiaribus, somnum interrum-
pendo vigilias causantibus. Aerumnatum reme-
diū raro in manu Medici est, ergo aliunde quae-
rendum. Qui remedium palliatium, potum in-
ebriantem, in usum vocare amant, coque curas fu-
gant,

gant, et sepeliunt, illi vires vitae simul fugant, et sepeliunt. Flatulentia est saepe saepius causa vigilarum, quae vel ex ventriculi et intestinorum inaniōne oritur, vel ex cibis flatulentis in coena sumtis. Utī ventriculi et intestinorum oneratio cum cibis, ex pondere, molestias creat, et motum peristalticum retardat; ita inanitio illorum motum peristalticum celeriore, simul vero inordinatum et praecipitatem generat, qui vapores mox includit, mox emitit, eoque ipso intestina, varia gyratione, sonora facit, quae omnia neruorum systema in placidam et omniferam remissionem componi non sinunt. Datur autem praeter hoc adhuc aliud flatulentiae genus, somnum impediens, quod in intestinorum speciali tensione, nata a sanguine, vasa viscerum distendente et vrente haeret, sub corporis inquieta iectigatione, et plantarum pedum, cooptationem reculantium eximio calore: malo haemorrhoidariis sonniore.

§. LXXVII.

Quo his vigilarum impedimentis obex ponatur, turae, omni possibili ratione, rectoque modo ex animo eliminentur. Flatulentia evitetur, coena sit parca, et constet ex cibis ratis, et pro constitutione gratis. Supra vbi de regimine vitae senum egimus, obseruauimus, illos magis cibos solidos, salitos, et uromate conditos, p̄ae liquidis sumere; et insequenis inde somni rationem, ex blanda oscillatione, quam tales cibi in neruis ventriculi excitant, et his medianibus systemati neruoso communicant, stauere annisi sumus: inhaeremus itaque huic sententiae, et cibos tales salitos vel tales supra denominatos, in coena parca, multis commendamus. Miram
saepe

saepe deprehendimus salis culinaris, in coena, cibis debite mixti, virtutem hypnoticam.

§. LXXVIII.

Licet autem talis diaeta non conueniat senibus omnibus, in primis longaeuis et grandaeuis, et linquendum sit multum naturae instinctui, consuetudini et viribus, hocque modo non sit remedium universale contra vigilias; attamen certum est, parcum ciborum salitorum, sumatorumue ciborum superingesto modico haustu vini generosi, vel pro regionum consuetudine, bona cereuisia lupulata, modice superbibita, saepius eximium fructum contra vigilias praebere: nulla ex his oritur flatulentia, sed ventriculi et intestinorum nerui, ita roborati et refecti, silentio suauissimo somnum profundum inducere iuabant. Noui senes non paucos, qui ita vigilias arcent, et quidem, quando cereuisia bona, vel vinum vinosum, elasticum ipsis deest, cochlear modicum spiritus cereuisiae addunt, et pro haustu hypnotico, post coenam, cum optato euentu hauriunt: qui autem ipsis spiritui vini adsueti sunt, illo ad eundem scopum modice vtuntur. Sunt etiam, qui ex pota frigida in coena, auxilium contra flatulentias, vigilias impedientes habent; et hoc auxilii genus maxime illis prodest, quibus sanguis in vasis intestinorum haeret vrens, vti iam iam illos notauimus. Credibile est, populos orientales, qui nec supra notatos cibos, nec potum fermentatum spirituosum, sed vnice aquam pro potu, et varios fructus pro cibo, vtuntur, ex tali victu natas vigilias, narcoticorum usum in solamen vocasse.

§. LXXIX.

§. LXXIX.

Habent contra vigilias etiam amara suum usum. Vinum absinthites egregium in vigiliis senum praetat officium: et cum flatulentia primum sit symptomata mali hypochondriaci, cui facilime iunguntur vigiliae, ex virtute amarorum variorum, illud ingredientium, hypochondriacis magnum est solanum in vigiliis. Cum iucunda recordatione memini, saepe pertinaces vigilias hypochondriacorum uno vel altero grano aloës hepaticae, tartaro vitriolato cuatae, quasi experimento, si non totas fugasse, tamen interuallis somniferis fregisse, idque tanto celerius, ubi sextam vel septimam partem grani laudani piati addidi, vel guttulam unam et alteram olei absinthii veri.

§. LXXX.

Interim sciendum, vigilias, quae, ut supra monui-
tus, ex sanguine in visceribus abdominalibus infarto,
et vasa sanguifera distendente oriuntur, hisce
emediis non cedere, quin ex illis noxam potius ca-
ere. Conueniunt magis nitrofa, et multae alii
modestae subductiones, ex rhabarbaro et senna: cly-
steres nitrosi, oscula excretoria intestinorum emol-
entes, et aperientes, quo sanguinis massa, hoc mo-
do, a viscido, quod stagnationes generat, liberetur.
Cum etiam haec stagnatio optime per excretionem
osius sanguinis, per venas arteriasque intestinorum
aemorrhoidales tolli possit, aloeticis, interdum, eo
laborandum, vel infessibus, vel ad hunc finem, ap-
licatio repetita hirudinum ad anum, et venaefectio-
nes in pedibus, ambobus simul, in auxilium vocan-
ae. Noui equidem duos casus, ubi methodo ap-
arenter contraria, excretio sanguinis obtenta fuit,

in senibus vegetis, a flatulentia et inquietudine summa nocturna vexatis, nempe in vno, largo potu vi- ni Hungarici, versus noctem, suasu Medici, exhibito; in altero vero, bono haustu spiritus vini, ex aromate, oleosi; quibus, excretione sanguinis per anum in larga quantitate obtenta, noctes postea habuerunt somniferas. Verum, vti tentamina talia non semper feliciter cedunt, ita non sunt secure commendanda.

§. LXXXI.

Quod tandem attinet vigilias, ex crasi sanguinis vappescente oriundas, certe illae senio sunt maxime naturales, vtpote non immodicae, et a senibus, a reliquis morbis liberis facile ferendae. Et licet sanguinem, in vappescentiam ruentem, in totum corrige nequeamus, tamen per adhibita aromatico amara, diaetam conuenientem et potum spirituosum fermentatum, vltra modum necessitatis non adhibitum, excessum eius cohibere studeamus.

§. LXXXII.

Senes coniugio fruentes, et illius quodammodo potentes, habent ex illo remedium clinicum contra vigilias: dicunt ex illo caput et faciem sibi incalescere, et tunc sequi somnum placidissimum, cum inseguente maiore alacritate mentis et corporis, quam a somno sponte et tarde irrepente, vel alio modo comparato.

§. LXXXIII.

Cum iam aliquoties meminerim aloës hepaticae, opus esse videtur, vt rationem reddam eius usus, cum apud Practicos hodiernos maxime absoleuerit; manlunt enim aloën optimam succotorinam, cariorem, lucidam, secundum WEDELIVM, aliasque, in usum
trahe-

trahere, et nihilominus lotionibus, et inspissationibus corrigere, quam hepaticam non correctam, nec correctione indigentem adhibere. Nec, quod mirum, ipsam correctam aloēn, securi usus esse proclamat. Mihi ab initio praxeos medicae aloē hepatica, pura, nec arena et quisquiliis inquinata, visa est sufficere, tam scopo aluum subducendi, quam per subtilem, et magis penetrantem suam gummosam amaritiem, humorum visciditatem corrigendi; reputans, illam minus efficacem esse sanguinem ex-aestuandi, cum in illa minor quantitas resinae haeret, quam in succoterina, nobiliore iudicata. Gauis etiam valde sum, cum tam HERMANNVM in *Cynosura materiae medicae*, quani HOMBERGIVM, in *Comment. Acad. Scient. Paris.* a meis partibus stare inuenierim, quod hepaticam succotorinae ad usum medicum praetulerint. Multas liberas aloēs hepaticae consumsi, ex quo tempore praxi medicae meledi, nunquam tamen ultra tria grana, saepius ad uno grana, et non raro ad granum unicum prodigiando, semper tamen in connubio tartari vitriolati, scrupulo dimidio vel ultra, et magnesiae albae liquot granorum, ubi intentio fuit aluum certe subducendi; nam ultra myriades exemplorum, non nemini ter vel quater intentionem laxatiuam sefuisse, sed semper cum optato aegri commodo effectum dedisse. Ideo, ipsi, gloriosissimae memoriae imperatrici, ANNAE, (cuius valetudini, nunc podara, vel chiragra, nunc renum, vel capitis dolore, et taeniae molestiis fractae, per septennium solus rae fui, exceptis ultimis vitae eius sex mensibus) sae ssime, hunc puluerem laxatiuum propinaui, quae, us amaritiem sat benigne ferens, tamen subito,

vnum vel alterum cochlear vini Hungarici superbibere solita erat. Erat quidem plurimis delicatulis hic puluis, ob salinam amaritatem, nauseosus, lenissima tamen, et certissima eius operatio, non solum illum, p^rae pilulis aloëticis, segnius operantibus, commendauit; sed cum ob euitandum, pro quo quis aegro, nouum dispensandi laborem, formulam eius sub titulo: *pulueris polychresti laxatiui*, pharmacopolio traderem, Practici quidam illegitimi, bonis verbis, vel alio modo, a pharmacopolii ministris, eius compositionem ex piscati sunt, et ipsi domi, aegrissuis, dispensauerunt hunc puluerem, cuius usum polychrestum adeo laudabilem, sub praxi mea, obseruauerant.

§. LXXXIV.

Inductus autem fui hunc aloëticum puluerem concinnandi, ob taedia, quae multi aegri ex pilularum aloëticarum usualium, ob ingredientium multiplicem farraginem, multoties segnium, diu suspensam, imo saepius fallentem operationem, capiebant. Elegi itaque aloën hepaticam, facile solubilem, sale aperitiuo acuatam, nec huc usque eius rei me poenituit; licet bonis pilulis aloëticis, in quibus subiectis illae intentioni satisfaciunt, ut, non solum non noxiū, sed et utile duco. Aloën hanc hepaticam melius cruditates ventriculi non solum resoluere, sed et euacuare, postea autem, vel simul, ventriculum et bilis crasim roborare, et magis corrigere, quam reliqua amara, certum est: hinc asseuerare possum, quosdam aegros, post interpositam morulam a summo isto puluere, se se quasi ex languore refectos sensisse. Taceo eius virtutem somniferam, quando versus noctem sumitur, licet laxantibus, p^rae vigiliis:

liis communiter militantibus, lenibus associetur. Laete recordor responsi feminæ cuiusdam, diarrhaeæ habituali obnoxiae, cui aloës hepat. gr. j. rhabarb. gr. xii. et bals. peruv. gutt. 2. in puluere dederam versus noctem sumendo, vt per aluum educeretur, collecta in intestinis colluuies, et postea roborentur intestina; cum illam sequenti mane, de effectu huius laxatiui interrogarem, et illa ridens mihi responderet: loco alui subductionis, quam et a morbo meo, et a tuo laxatiuo exspectaui, cum futuris, pro more meo, vigiliis, per totam noctem bene dormiui, nec nisi hodie mane, vnicam sedem habui.

§. LXXXV.

Cum venia Lectoris, recentem, de virtute aloës somnifera addam casum. Consulor a rustico, de uxore sua, infantem semestrem lactante, nunc autem post sextiduum, quo febre laborat acuta, phrenitidem paciente. Quarto morbi die, dicebat, ipsi fuisse venam sectam, insurgente tunc primo phrenitide, cum eiusdem aliquali remissione; nunc autem adeo vehementer insurrexisse, vt a viris robustis, quos pugnis et dentibus petit, teneri non possit. Interrogo, an infans a mammis remotus sit, quod annuitur; an forsan alui fluxu labore, quod negatur. Iudico alui subductionem proficuam futuram, et praescribo pulueris polychr. laxatiui gr. xxv, vesperi sumenda, nec male remi cessuram autumo, si insequente mane, et horis pomeridianis, aloë salibus non acuata, super ingereretur, ad recrementa in visceribus abdominis haerentia, pedetentim euacuaria: praescribo itaque, aloës hep. gr. 4, myrrhae gr. xx, et ne gustum rusticæ peruehementer laede-

rem, ipsique pulueri maior moles accederet, addo
Sacchari canar. gr. 40. Fiat puluis in 2 doses ae-
quales diuidendus, quarum altera sumatur mane,
altera meridie; et sic in urbem ad pharmacopolium
ablego rusticum, simul imperans, ut post absorbtos
omnes pulueres redeat, altero die. Redit autem
tertio, nuntiatque vxorem, bihorio, vel trihorio post
absorbtum puluerem polychrestum laxat. Tranquil-
liorem factam esse, et mane insequente, cessato de-
lirio, sponte alium puluerem expetiuisse, copiose su-
dasse, medicinam pretiosam, et sibi salutarem pae-
dicasse, tertiumque puluerem sibi dari mandasse, so-
mnum autem nullum inde habuisse; rogit itaque
maritus, ut medicinam ad somnum praescribam.
Interrogo, quot sedes ab his pulueribus sint secutae,
respondet nullam, et vxorem iam per sextiduum al-
uum habere obstructam. Clyisma ordinasse, si
huic genti rudissimae applicabile iudicari potuisset.
Praescribo itaque rursus pulu. polychr. laxat. gr. L.
diuidenda in 2 doses, vnam hora 10 noctis, et alte-
ram hora 5 ta matutina, diei insequentis sumendam,
vtque redeat vir iubeo; non rediit autem nisi tertio
die, et quidem vocatus, licet per milliare a me di-
staret, desiderabam enim valde vltiorem relatio-
nem de hac aegra. Venit itaque: interrogo, an
sumferit vxor vltimos duos pulueres, et an aluum
inde deposuerit? respondet sumfisse, et tres largas
sedes inde secutas esse, cum insequente magna debi-
litate, delirare autem illam rursus leniter, et nullam
amplius medicinam velle vxorem, nisi analepticam,
quam praescribo, de euentu huius morbi, nisi post
tres circiter menses, a consanguinea aegrae, certior
factus; haec narrabat, aegram illam, ante aduen-
tum

tum medicinae analepticae, horrore quodam febrili valido correptam fuisse, quo finito analepticam potionem sumfisse, ex tunc rursus incaluisse, dormiuisse, et sic pedetentim conualuisse. Liceat mihi superaddere, breuissimis, alium, lectu non indignum, recentissimum casum. Adducitur mihi, iuuenis 30 annorum, mense aestiuo calido, melancholicus subito factus, nunc maniae initiis ferocibus tentatus, dedi aloës hepat. gr. xxx, camphorae gr. xx pro dosi versus noctem, prima vice, et cum somnolentiam inde nasci viderem, auxi dosin camphorae 10 granis, et additi ol. absinth. dest. gutt. 10. simulque iussi, ut elapsa, post sumtum puluerem, hora, versus noctem, pediluuio frigido vteretur; somnolentia in pediluuio iam apparente, pediluuio frustum glacie addere iussi, cum inseguente somno profundissimo, et post repetitam ter vel quater hanc methodum, aegri insecura perfecta sanitatem. Tantam vim, adeo sotnicas vigilias pellendi, sola camphora non habuisset; debetur itaque, primario, haec virtus aloë, in primis cum virtutem laxandi aluum amiserat, ligata a camphora; vti etiam in casu priori, quia aluum non euacuauerat, agram ad tranquillitatem duxerat. Frigida pediluuia mirum valent in tali casu; id quod olim in aliis duobus casibus expertus sum. Felix est iuuantium combinatio.

§. LXXXVI.

Non comprehendo, quomodo veteres, quibus laus circumspetionis denegari nequit, aloën, non ad grana, sed ad scrupulos integros dare potuerint, absque suspicione mali inde euenturi, et absque observatione mali inde enati. Scopo purgandi, sine dubio, excessiuam illam dosin non dedere, cum igno-

tum illis esse non potuit, tres vel quinque grana eundem edere effectum, quam viginti; ideo credendum, illos humores viscidos sanguinis corrigendi scopo, in tanta quantitate eam praebuisse, idque aequa aetati virili ac senili, quo Aloë illos attingere ficeret annos Noae, vti fert proverbiū rythmicum: nec apud illos fuit metus magnae exaestuationis sanguinis, vel fluxus haemorrhoidalis inde endemii futuri, vti nostris temporibus, de illa, valet terror panicus. Excitare interdum aloën fluxum haemorrhoidalem in dispositis, certum est; sed certum etiam, quosdam illa per annorum lustra, in plurimis aloëticis visualibus vti, nec inde vel conamina ad haemorrhoides sentire. Sit itaque Aloë non adeo damnata, non solum ob beneficium, quod ventriculo languido, et sanguini viscido largitur, et quod sanguinis et intestinorum cruditates blande euacuat, sed et ob virtutem eius somniferam.

§. LXXXVII.

Non reiicienda interim sunt reliqua, quae direcete magis operantur ad somnum. Ipsum *opium* et pharmaca opiate usurpata, amaris, imo vino mixta huc faciunt, modo cum circumspectione ad causas vigiliarum animus aduertatur. LOCHNERVS, senex Medicus Norimbergensis, vigilias suas, post multa alia, tandem papauere vicit, et gratitudinis ergo hanc plantam historice, philologice, et medice illustravit, illamque Dissertationem Ephem. N. Cur. inferuit. Medicus grandaeuus, quondam Lubecensis, HANNEKENIVS, vigilias suas seniles tandem summo tabaci edomuit, vti mihi olim narratum: et nuper senex quidam mihi recensebat, se per trimestre sere fuisse insomnem, tandemque ex usu nasturtii somnum

somnum recuperasse; indicio, ex ventriculi affectu, et ex flatulentia ipsi ortas fuisse vigilias, quod et annuebat. In Ephem. N. C. D. III. A. IX. Obs. 253. docetur, essentiam Ambrae, cum succo rosarum fermentato paratam, plus valere contra vigilias, quam opium, et similia. Nec camphorae deest virtus hypnotica, vbi sub ingressum lecti, aliquid eius masticatur. Quanta in efferis vigiliis sit, in maiore quantitate adhibita, vidimus §. LXXXV.

§. LXXXVIII.

Vltimo addimus; vigilias excludere et somnum inuitare valet corporis lassitudo per vecturam corpus commode, vel paulum incommode succussantem, inducta, si per horam vnam vel alteram ante horas somni durauerit. Liberi hac via manent pedes seniles a fatigione, vt ambulationi felicius inseruant interdiu; ad hanc praeterea mane et ante somnum fricandi.

§. LXXXIX.

Licet vigiliae senibus sint magis familiares, quam altus somnus et sopores, illae tamen, vtut molestae, non adeo sunt periculosae, quam perpetua somnolentia, nec hanc adeo feliciter pellemus, ob causae eius grauiorem rationem. Vti enim iuuenibus somnolentia, et somnus magis naturalis est, ita ex natura cerebri senilis, vti supra monuimus, vigiliae senibus magis propriae sunt. Indicant hoc Hollandi prouerbio quodam rythmico, huius tenoris: cum iuuenis non amplius poterit dormire, nec senex amplius vigilare, ambo mox viuere cessabunt. Oritur autem *sopor continuus*, isque varius, et periculi differentis, quando cerebrum senile, quod pro gradu senii certum gradum soliditatis habere debet, in illo

vel excedit, vel a soliditate ad mollitiem recedit, ut
inde nunc inflammationes, nunc abscessus, nunc seri
diluuia, nunc putrilagines gignantur. Quando se-
num sanguis exaestuat, ex febre, in primis plethori-
corum, et sanguis aestuans contracta iam vasa cere-
bri distendere nimis intendit, soporositas, cum obtu-
sa cephalalgia adest, et cerebrum periclitare indicat.
Accedit, soporositati senum omni, anorexia, imo
interdum vomitus, ex cerebro consensualis, et tunc
lethargus metuendus, vel apoplexia grauissima. Pul-
sus sub hoc statu est plenus, rythmi naturalis, si non
rarius.

§. XC.

Quae ad medendum conueniunt, sunt masticato-
ria, apophlegmatizantia macra, radix pyrethri, se-
men sinapeos et talia nodulo inclusa, et aceto ma-
cerata. Venaefectio in pede, et pro rata, in bra-
chio: capillorum derasio: scarificatio repetita in
vertice, et in futura coronali, qua interdum serosi-
tas sanguinis detegitur, qua detecta, vesicatoria in
ipsis cranii integumentis, et in nucha ponenda erunt.
Interne acidula conueniunt, et diuretica salina neu-
tra, spiritus salis ammoniaci, spiritui nitri nuptus.
Potus sit tenuis, aquosus, frigidus; exulet omnis
fortior. Frictiones artuum inferiorum prosunt, et
pediluuia in aqua, primum tepida, post frigida, in-
sequentibus nouis frictionibus. Clysteres iniiciantur
squillitici, vel colocynthiaci, quales in apoplexia
commendauimus. Senna, rhabarbarum, cum sale
tartari, tartaro vitriolato, imo cum grano trochi-
scorum alhandal iuncta, repetito dentur. Testicu-
li inuoluantur frigida, vti in haemorrhagia narium
doctum est.

§. XCI.

§. XCI.

Descendimus nunc a capite, per collum, ad partes inferiores, examinando, in transitu, duos affectus seniles, *deglutitionem difficultem*, et *anginam*. Deglutitio senum difficilis est duplex: vna contingit ex ipsa faucium coarctatione, per senium facta; altera ex relaxatione et debilitate oesophagi.

§. XCII.

Quoad primam, ex ossium in senectute ariditate, et molis eorundem decremento, patet, faciem senum minus amplam, quam antea, esse: hinc maxillae superioris cum osse palati subsidentia adest, quam cartilagines articulationum, etiam ad osseam naturam exarescentes, promouent: fit autem, eo ipso, ut maxilla inferior minus firmiter articulationibus inserta, collineante adhoc muscularum debilitate, in senibus promineat, quae positio faucium fretum minus patere facit transitui bolorum masticatorum pristinae molis, senesque necesse habeant, cibos minoris portionis deglutire, nisi velint illos circa laryngem haesitare, et suffocationem minari. Situs et capacitatis faucium haec mutatio, vel ex ipsa arteriae asperae, cui annexitur oesophagus, foras facta prominentia apparent, quae senes simul impedit, ut collare ad modum consuetum constringere non valeant. Observatur etiam eadem arctitas faucium, circa mucum, qui per asperam arteriam ex pulmonibus eiicitur, quem in tanta, ut antea, mole, se non expectorare posse fatentur senes, quod laryngem facile tegat, et suffocationem minetur, nisi statim intenso nisu eiiciatur. Hui defectui vix aliud quoddam opponi potest remedium, quam prouida

masticatio, et per paruos bolos deglutitio. Praeterire autem hoc incommodum senile noluimus.

§. XCIII.

Alterius speciei deglutitionis causam, ut eo facilius rimemur, duos de illa praemittam casus. 1. Sexagenarius robustus, qui a multis retro annis, molestas illas vomituritiones matutinas habuerat, de difficulti deglutitione queritur: aluus ipsi est obstruta, pedes et manus frigidae, sentitque simul interdum horripilations et formicationes in artibus. Vinum adustum, quo moderate vti consueuerat, iam non fert, quia ventriculum morsicat: laborat interdum soda; constat tamen appetitus. Reclinato corpore in lecto decumbens, suffocationis leues insultus, et strangulationis speciem sentit, vt caput erigere necesse sit. Difficulter deglutit esculenta et potulenta, in primis potum frigidum. Prima vice hoc incommodum a copiosa ingurgitatione lactis acidi coagulati sensit. Accidit ipsi talis strangulatio interdum extra pastus tempus subito tamen eualescens. Ex cibis fumo induratis et salsis, ex quibus huc usque feliciter victum habuit, nunc cardialgiam leuem sentit. Bibere incipiebat contra hoc malum aquas minerales Emenses, sed asthma inde mox succedens continuationem disuadebat. Sanabatur tandem sub usu continuato pilularum aloëticarum, nunc Beccherianarum, nunc Francofurtenium, et remediorum quorundam carminatiuorum, grandaeuus factus. Alius sexagenarius debilioris corporis constitutionis, cum iuscula farinacea, mucilaginosa, ex auena, etc. imo ex lacte parata, edebat, musculos oesophagi deglutitionem recusare obseruabat, ut nisibus repetitis ad illa deglutienda impellere

pellere opus haberet. Cereuisia frigida difficillime deglutiebatur, calida autem, vel vinum calidum solitae facilis erat deglutitionis. Cibos salsos, solidos etiam, licet frigidos, facile deglutiebat.

§. XCIV.

Licet haec deglutitionis species illi appropinquet, quae suffocationem hysterica comitatur, quia tamen hoc vnicum, separatum symptoma hypochondriaco-hystericum, absentibus reliquis, in his duabus senibus inueni, ad affectus seniles numerare placuit. Apparet autem ex nocentibus et iuuantibus, morbi naturam in neruis et neruosalae tunicae oesophagi haerere; hinc frigidus potus et iuscula in salsa farinacea officiunt, proficiunt autem, calidus potus ex cereuisia et vino; salsa, amara, aloë, non tamen indiscriminatim, conducunt, uti casus docent, sed pro constitutione individuali ventriculi, etc. Regimen diaetae non vnum idemque senibus omnibus esse idem, sed variare, variantibus circumstantiis debere, docemur. (Alius generis deglutitionem difficultem lege in §. CLXXVII.)

§. XCV.

Alter colli senilis affectus, *Angina*, maioris est momenti, non quod etiam deglutitionem difficilem reddat, sed quod inflamatio sit faicum, et maxime oesophagi, absque eminente tumore partium vel glandularum: respiratione communiter salua, cum febre tamen. Oesophagus senum, iam pro senii natura, praebet oculis insipientibus vascula flaccida, rubicunda, et tota sanguine distenta; nunc accedente inflammatione magis marcescit, et lenta gangraenae fit obnoxius, quae, cum ventriculi orificio communicata, post aliquod dierum singultum, senem

senem necat. Grandaeuis communiter lethalis affectus. Quicquid interim auxilii est, in his affectibus, illud ex venaesectione moderata, et ex deglutitione vini rubri, pauxillo spiritus vini animati, vel non animati, petendum: quod remedium tamen si valde rodens sentiatur, vehiculo quodam mucilaginoso, saccharato miscendum. Praeterea, haec talia, etiam gargarisatione et syringatione faucibus applicari possunt. Aluus vnice per clysteres emollientes ducenda.

§. XCVI.

In *thorace* senum, qui nascuntur morbi, communiter sunt, 1. *Tussis*, 2. *Phthisis*, 3. *Asthma*, 4. *Catarrhus suffocatiuus*, 5. *Polypus*, 6. *Hydrops pectoris*, 7. *Haemoptysis*, 8. *Pleuritis*, *Pleuro-peripneumonia*.

§. XCVII.

Tussis adeo propria est senibus, ut, referente STRALENBERGIO, in relatione sua de Russia, quidam Siberiae populi, aliud nomen senibus dare nesciant, quam *Tussiens*, illudque quidam ex sono tussis sumtum. Quid mirum, quod, cum transpiratio corporis senilis diminuta est, omnes humores magis ad intra vergant, et organa indurescentia secretoria corporis adcubitu onerent; illa autem ita onerata, vti in tussi sunt pulmones, decumbentem humorem, omni vi eiificant. Adsunt praeter hanc generalem causam, et aliae, nempe seri falsi ad musculos laryngis decubitus, communiter vehementiorem et ferre spasmodicam tussim excitans, quam illa, quae ex bronchiorum congesto muco oritur, et cum sibilo coniuncta est. Corripit et senes tussis, quae cum subiraneo bronchiorum, et arteriae asperae muscu-

lorum

orum violento spasmo, cum diaphragmatis contractis conuulsiuis agitationibus, et hypochondriorum tumultu illos turbat; saepius sub laborioso insultu, et paroxysmo. Tusses haec plerumque *siccac* sunt, et si non facile cedunt, periculosae euadunt, uia simul caput turbant, tam concussione, quam ongestione sanguinis, titulum *conuulsiuarum* merentes, vel *ferinarum*. Lugebatur, ante paucos annos, celeb. Prof. Göttingensis, grandaeuus, qui post uam ante noctem tussi ferina correptus fuerat, male in lecto mortuus repertus est. Apoplexia sine iubio obiit, vel cordis ruptura; valde enim quatuor debile, ad officia segnius redditum hoc primum vitae organum: vel cerebrum, neruorum principium officio suo fungi amplius non valuit. (vide ussim ferin. §.L.) Ex tussi tali nuper viro grandeuo bubonocele in sinistro inguine. Si etiam haec tusses, interdum diu durantes, apoplexiā non inducunt, virium tamen prostrationem, anorexiā, et grypniam causantur. Quibus sic tussientibus, mucus sanguinolentus exscreatur, illis, praeceteris, venaesectio conuenit; conuenit autem fere omnibus, interpositis laxantibus. Bona etiam sunt olea expressa, amygd. lini etc. sperma Ceti, et pinguedines, gallinacea, imo decantata illa canina, pane tosto exceptae, adsperso sale, interdum superinstrata pulpa pomorum, ad gratificiendum stomacho: demulcent et delinunt irritatas et sero acri turbatas fibras nerueas. Nec carnes pingues, recentes, et fumatae hic exulent, ventriculo gratae; similiter pisces pingues, quorum pinguedo se intimius sanguini miscet. Omnia pro consuetudine aegri. Quantum enim sub diaetae schemate seni aegro subuenire licitum est,

est, tantum medicinae fastidiosae derogatur. Profundunt lacticinia, crocata, anisata, saluiata: iuscula carnium pinguia: infusum saluiae, addita glycyrrhiza pro euehendis particulis seri nocentibus per vrinam. Nux moscata, et lacrymae olibani masticatae temperant saepe subito serum fauces occupans; omnia autem superat hoc intuitu granum camphorae masticatum. Quae, per masticationem praeterea, ad ventriculum et sanguinem abit medicina, menstruo saliuiali praeparata, naturae est convenientissima.

§. XCVIII.

Tussim humidam mucosam, leuant succus Citri, oxymel squillit. nec non Eff. pimpin. alb. Succini, et alia G. ammon. Syr. de Erys. Lob. etc. Si autem aliquid febrilis accedit, magis profundunt ex cort. Cascar. parata remedia. Inter aromata valet crocus et zinziber, ille infusis, vel cibis additus, hoc impuluere, cum sextuplo vel septuplo sacchari mixtum, et absque vehiculo deglutitum. Valet interdum spiritus vini multo saccharo dulcificatus, balsamus sulph. anisatus, ad massam pilularem, leni igne, inspissatus, et ad grana iv. vel v. pulueri glycyrrhiae mixtus, itidem solaminis est: ructus, quos creat, male sapidos, macis masticatio temperat. Terebinthina in vitello oui soluta, addita pauca aqua menthae. Ipsa aqua menthae sola, saccharo paululum edulcorata, mucum egregie resoluit, ventriculum, et reliqua viscera roborat.

§. XCIX.

Ad tussis saepius memoratae spasmodicae curationem pertinet etiam opiatorum prouidus usus, e. g. pilulae de Styrace, vel de Cynoglossa parcus datae,

itae, comitantibus infusis vel decoctis pectoralibus
et speciebus leniter incrassantibus et diureticis, quo
er calide bibita simul transpiratio augeatur, et sic
er poros et renes acre serum eliminetur. Tran-
spirationi multum fauebit indusium ex panno laneo,
m supra memorato, Flanell dicto: quod tamen
ponendum rursus, simulac tussis eminenter remisit,
e assuefiat natura huic fortiori transpirationi, et
nposteriorum hic effectus eludatur, cum nouus decu-
itus seri ad pulmones fuerit factus. Sane opii usus
in omni fere tussi, quae aegris rara dat interualla,
maxime conuenit, vt interuallis inde longioribus
effectis, vigiliae edomentur, et corporis concusso-
nes, vires admodum frangentes, moderentur, somnus
et quies e contrario vires restituunt, quae mediante
usus moderata, post somnum, facilius ex pectore
eliminabunt, quod secretum est. Praeterea eius co-
bia tunc minor erit, quia sub somno multum muci-
nd alia organa secretoria amandatur. Inter anodi-
na valet etiam quaevis fermentata opii medicina,
quae iusta dosi, spir. vini camphor. cum saccharo
sufficienter edulcorato, instillari potest, e. g. drach-
mis duabus vel tribus, quod ita opiatum vehiculum,
sensim, per drachmas, vel minus, absorberi potest.
Pediluuiorum usus, ante ingressum lecti adhibitus,
saepe anodinorum vicarius esse poterit. Anody-
num etiam est serum lactis cum vino canariensi iu-
sta proportione paratum. Pectori anteriori, et co-
stis ad hypochondria usque, saepe bono cum effectu,
calide inunguntur pinguedines tenerae gallinaceae,
caninae, vel tales, post horulam rursus extergendae.
Plebeii nostrates in balneo calido, has partes fo-
uent, scopis ex ramis betulae paratis, feruentibus.

§. C.

Pthysis inter primarios senum morbos in Actis Med. Berolin. numeratur, licet senes a plurimis Medicis a Phthisi immunes censeantur. Pro mea sententia non adeo familiarem agnosco Phthisin senibus; quam enim auctores attribuunt senibus Phthisin, illam apparentem tantum fuisse, et in insigni flacciditate, et marcore pulmonum extitisse, verosimile est, quem perpetua ex massa humorum muci ad pulmones secretio, cum inde coniuncto infarctu, effecit: hac autem continua deplectione muci, vasa corporis sanguinea insigniter euacuantur, et corpus senile emaciatur: adsurgit tandem febris, et anorexia, quae omnia, comite tussi, Phthiseos formam induunt, et senem, saluis de reliquo pulmonibus, interficiunt. Tales Phthises in senibus curatas legimus in Ephem. N. C. D. II. A. IV. Obs. 17. potu aquarum Freyenwaldensium, et ibid. Vol. I. Obs. 173. senex Phthisicus acidulis Deinacensibus curatus est. Contra mucositatem pulmones aggrauantem, et cum tussi, sensim dicta symptomata, apparet phthisica, generantem, commendamus, quae in tussi humida commendauimus, acidula, amara resoluentia, oxymel squilliticum, etc. nec non rad. aron. trifol. aquat. et nasturtium; rad. enulae condit. zinzib. condit. etc. Quod si vero placuerit usum aquarum soteriarum tentare, ut bibant mane, in lecto, primas portiones, suadeo, quo per calorem corporis, omnia colatoria imi ventris peruria teneantur, donec pota aqua diuerticula sua ad renes commode nacta sit: senes enim, dum motu corporis pertinaci, hunc scopum obtinere cupiunt, per virium pefundationem, et corporis refrigerationem, illo fruſtrantur

strantur facile. Nec iuniores hoc temnant consilium. Sanabuntur senes a tali Phthisi, nisi aliquid scirrhosi vel in ipsis pulmonibus, vel in glandulis meseraicis subsit, quod diarrhaeas, et febres marasmodes pertinaces inducat, et aegrum iugulet.

§. CI.

Asthma est difficilis aëris inspiratio, ob pulmum, thoracis et hypochondriorum vitia contingens. Est vel *humidum*, catharro suffocatiuo accedens, vel *siccum*, hocque 1. vel ex pulmonum et muscularum arteriae asperae, quin thoracis per nervos intercostales constrictione conuulsiua, inde *conuulsiuum* dictum, vel 2. *hypochondriacum* ex flatulentia, vel ex mesenterii turbis conuulsiuis. vel 3. ex polypo et hydrope pectoris enatum. Addi posset. 4. *pinguedinosum*, quale seniculae obesae fuit in Ephem. N. C. Vol. I. Obs. 90. Asthma humidum familiarius est senibus, quam siccum, excepto illo flatulento, diaphragma extendente, ad respirationis impedimentum. Senibus hoc malum facile accidit, cum iam absque causa morbida, et ex solo senio sint anheli, et fractae respirationis, cum mouent corpus. Asthmatis species ex tussi coniuncta facile dignoscitur. Praecipitata sicca tussis conueli bronchia, pulmones, thoracem imo diaphragma indicat: talis etiam a flatulentia vexatum hypochondrium comitatur. Paroxyzant hae species interdum et remediis locum dant. Quod hydropem pectoris et polypum pro causa habet, tussim serosofluuidam, communiter coniunctam habet. Misserrimus est aegri status, strangulatio perpetua interdum, facies liuida et frigida, nec non manus; visus obscuratio, carotidum arteriarum subsultus, et au-

rae, eucto collo, cum sibilo difficilis respiratio. Thorax robore muscularum propriorum priuatus, colli et humeri muscularum auxiliis eleuatur, vt arteria aspera aurae arripiat particulam: in hunc finem nares siccas perpetuo madefaciendo. Ex his omnibus cor ad enormem magnitudinem amplificatum reperitur. Orthopnoeam constituit hic astmatis summus gradus, reliqui sunt paulo mitiores.

§. CII.

Asthmati humido eandem dicamus medelam, quam tussi humidae; addimus tamen adhuc vomitorium, vel ex sulphure antimon. aurato, tertiacæ praecipitationis, vel ex squilla. Asthamati flatulento damus remedia, quae sub flatulentiae pertractione proficua habebimus. Conuulsiuo contraibunt eadem remedia, quae in tussi conuulsiua nominauiimus, adiiciendo inunctionem pectoris cum oleo populeo camphorato, vel impositione emplastri cuiusdam roborantis antispastici, e.g. de Galbano, si malum a musculis thoracis et intercost. oriri putemus. G. Galbani usus internus valde proficuus est, vt et asae foet. nec non flores Benzoës. Praeterea, vesicatoria brachiis et cruribus apponantur, pedesque pediluuiis salinis, vel lixiuiosis emollientur, nisi ad sint oedemata. Quod ex polypo et hydrope pectoris nascitur Asthma, iis cedet remediis, si possibile, quae sub eorum titulis commendabimus.

§. CIII.

Catarrhus suffocatiuus est oppletio pulmonum cum magna illarum atonia, subiectis habitus laxioris inprimis contingens. Est affectus senibus periculosissimus, vti infantibus repletis, quibus etiam, vti supra, Capite primo monuimus, familiaris est, quando

quando de conuenientia morborum, vtrique aetati communium, sermo fuit. Maxime habent, de quo sibi caueant, qui simul podagrae et erysipelati, laxi habitus familiaribus malis, sunt obnoxii, quia, quando extremi artus, humorum consuetas stagnationes et decubitus non sufficienter admittunt, eo vehementiores decubitus ad pectus reuertuntur. Inuitentur itaque in tali casu inflammationes ad loca consueta, vel scarificationibus, vel venaefectionibus, in dorso pedis (quia hae saepius, hoc in loco, absque dispositione ad tales inflammationes, inde inflammantur) vel aliis modis. Si autem haec feliciter et cito non succedunt, vel de eorum successu desperatur, remediis efficacissimis contra catharrum agendum erit, e. g. oxymelle, vel aceto squillitico, ad dosin vomitiuam dato; vel etiam alio vomitorio efficaciae non drasticae, e. g. rad. Ipecacoannae, vel, quod omnia plus vna virtute superat, sulphur antimon. tertiae praecipitationis, tam ad scopum vomitiuum, quam resoluentem, cuius virtutes diserte, et indice experientia, in casu exponuntur, in *Annal. med. phys. Vratisl. A. 1721. Mense Jun. p. 665.* Praeter haec conueniunt clysteres stimulantes, vesicatoria ad brachia et suras; nec non frictiones totius corporis. Feliciter autem mitigato, vel fugato paroxysmo, exhibeantur diureticæ et resoluentes herbae pro infuso, crocus, pulmonum, secundum **WEDELIVM**, anima, sperma ceti, et pinguedines animalium, in iusculis, radicibus et herbis diureticis et resoluentibus conditis, interposito vsu spiritu salis ammoniaci tonico.

§. CIV.

Polypus est lympha in corde, et proximis cordis vasis concreta, sanguinis liberum meatum impediens. Laborare illo quosdam senes, examen de forma serum interna docuit. Credibile praeterea est, plurimos senes hoc affectu laborare. Quando polypus mole grandis est, asthma inducit, imo hydropem pectoris, quin subitaneam mortem, uti in casu illo, de sene post iracundiam subito mortuo, supra vidimus. Periculosorem iudicamus polypum, qui in dextro cordis ventriculo nascitur, quia urgentem a tergo sanguinem plurimum venosum retardat, et sic per eius moram viscera abdominis infarctibus et obstructionibus variis tradit. Pulsus in polypo magno est exilis et interruptus, transit enim parum sanguinis per sinistrum cordis ventriculum, cuius motum polypus simul interrumpit, et cor palpitate facit. Quid consilii? certe parum. Vbi de hydropis absentia iustum est iudicium, venaesectio repetita, in brachio, leuamen praebet. Omnes praeterea senes fugiant animi motus excessuos maxime iram; nec sanguinem potu et cibo valde exaestuantibus exagitent: perspiratio corporis autem salua seruetur, et leniter promoueatur. Conf. Obseru. patholog. therap. de Polypo, Ephem. N. C. Vol. IV. Append. In iisdem Ephem. D. III. A. III. Obs. 24. refertur casus feminae, a multis annis dyspnoea labrantis, quae asthmate, et tandem orthopnoea labravit, et obiit. Medicus illam polypo laborare praedixit, licet nunquam pulsum intermittentem obseruauerit. Post mortem cor inuentum est ingens, cum vasis coronariis valde tumidis, repletum non tantum,

tantum, intra sinistrum thalamum, concreto sanguine, sed et polypo valde tenaci intra valuulas et columellas firmissime radicato, multos pollices longo. Quicquid remedii adhibitum, omne incassum datum. Sensus dolorificus cordis, cum eiusdem palpitatione et pulsu intermittente, etiam quidem polypum adesse credere faciunt, interim bene attendendum, an non illa cordis palpitatio, a diaphragmatis atonia, vel palpitatione dependeat; indicatur posterius, si cum oscitatione accedat palpitatio cordis et adsit extremonrum, nasique refrigerationis sensus; hocque tanto certius est, si aromatica, et spirituosa, parce adhibita, medelam afferunt. Leuatur etiam haec palpitatio a corporis variato situ, quae polypum pro causa non habet. Causalitatis differentia etiam adest, quando sub somno et post somnum pulsus cordis non intermittit, sed solum post pastum tantum, id quod cor, a diaphragmate, per ventriculum repletum presso, tangi indicat; tanto certius nunc pulsus intermittit, quando arteria magna, et auriculae ossificatae, et ad motum inceptiores redditae sunt. Quando autem sub somno, vel post somnum non intermittit pulsus, aperte elucet, massam sanguineam peripherica vasa et habitum periphericum abundantius repleuisse, admittente hoc toni sub somno remissione, facilius, quam sub statu diurno vigili, sub quo musculorum systema ad motus voluntarios corporis paratius semper existere debet: hinc est, quod senes a somno nocturno placido euigilantes, manus suas blande tumidas, et digitos ipsos complicationi renitentes saepe inueniant: in hoc statu somnifero, cor, ab abundantia sanguinis, ex dicta causa liberum, placidius agit, licet et vitio do-

mestico, ossificatione arteriae vel auricularum, vel ipso polypo, modo non magno, non careat.

§. CV.

Hydrops pectoris sua signa habet ex asthmate, tussi vel sicca, vel seroso-sanguinea, tumore manuum, pulsu exili, et interrupto, quando polypus cordis simul adest, et ex volutatione seri ad latus, in quod corpus conuertitur. Oritur hydrops pectoris vel ex polypo, circulationem sanguinis in pulmonibus retardante, ut vasa lymphatica, quae comitantur venosa, rumpantur, vel ex lymphae universalis spissitudine, et in hoc casu, (licet primordialiter, ex speciali constitutione, et dispositione, pulmones occupauerit,) ad abdominis viscera postea transit, et interdum asciten format. Quando de polypo suspicio adest, minor spes auxilii erit, quam si solus est hydrops pectoris, contra quam remediis agendum, vsu felici iam probatis, maxime gummi ammoniaco et squilla, nec non diureticis vegetabilibus, enula, pimpin. petrosel. apio etc. de quorum felici operatione, lege in variis casibus Ephem. Nat. Cur. et in Actis Med. Berol.

§. CVI.

Haemoptisis senum, eandem vasorum debilitatem, imo circa valuulas venarum ortam varicositatem, in pulmonibus, pro causa habet primaria et proxima; quam similiter in examine haemorrhagiae nostrum allegauimus. Hoc in serum haemorrhagiis singulare est, quod non fiant subito funestae, vti id in iunioribus saepius accidit; interim hoc periculo, plenarie, non carent, in primis in grandaeuitatis annis, vel si varicosum quid grande, vel aneurismatum in culpa fuerit. Praeterea, serum haemorrhagias

gias immodicas facile hydrops sequitur. Colludit magis fere haemoptysis, quam narium haemorrhagia, cum pathematibus haemorrhoidalibus, et inde natis affectibus hypochondriacis. Hirudines itaque tunc, anno applicatae, prosunt, vbi per aloën, vel suppositoria conuenientia, et fatus prouocari nequeunt. Certe, quae cum sinistro hypochondrio consentit haemoptysis, stagnationem sanguinis in liene et hepate manifesto indicat, et haec est eius causa maxime familiaris.

§. CVII.

Feliciter sane, et maxime congrue fluxus haemorrhoidum illam sanat. Vbi autem hic fluxus non contingit, discussionem huius stagnationis per concussionem vasorum viscerum, mediante vomitorio prudenter adhibito, propono et suadeo, dum absque febre adhuc sunt haemoptyici, et orthostadii, et quidem vnicē ex radice Ipecacoanhae. In iuuenibus plus vna vice, quam felicissime, hoc remedio usus sum: quoad senes, fateor, me vnicā vice sexagonariae cuidam macrae, et de cetero bene valenti, hoc vomitorium, bono cum effectu dedisse. Inductus fui talia tentare, ex obseruationibus, quod haemoptysis saepissime colludat cum infarctibus viscerum abdominis, stagnationes sanguinis in pulmonibus causantibus, et secutus sum aliorum experientiam fortuitam, et inde, de nato bono effectu, mihi formatam ideam. Sic in Ephem. N. C. D. II. A. V. in App. prostat casus felicissimus, ex vomitorio improuide catharticis iuncto, et ibid. Cent. VI. Obseru. §7. nec non, Vol. II. p. 444. Haemoptysin, licet recurrentem, non obstare semper progressui senectutis, et scimus, et legimus in dictis Ephem.

Vol. IV. Obs. 117. Ideo, si vomitoriam methodum
reiiciendi ratio adest, nutrientibus, subausteris, mu-
cilaginosis, agendum esse, cum Obseruatore, statui-
mus. Quin, cibis glaciatis, in haemoptysi effera;
cum circumspectione autem, ne vel singultus, vel
lypothymici quid superueniat, cardiaci, spasmus, vel
atonia. Ferre quosdam senes, imo amare frigida,
circa potum et obsonia, supra vidimus. In sene-
scente quodam, pectoris torosi, stupendum scimus
effectum, in haemoptysi effera, ex absorbtis copiosis
glaciei particulis, ex aqua fluuiatili, glaciata hau-
stis; interposita simul venaesectione. Valet adhuc
per triennium bene hic haemptyicus, nullam cere-
uissiam, sed vinum Pontac, parum lymphatum, bi-
bens. Quantum auxilium tulerint cibi glaciati in
vomitu cruento, prima vice, lege in Commercio
Lit. Nor. 1733.

§. CVIII.

In *Pleuritide* vomitoria usum habere legimus
apud multos Auctores, de qua re variarum senten-
tiarum collectionem habemus in Annal. med. phys.
Vratisl. A. 1725. mense Mart. p. 294. et A. 1726,
mense Iul. p. 49. quo ultimo loco casum quendam
instructuum quidem, at pro re ibi nata, non imitan-
dum habemus. Vomitoriorum usum, si bonus effe-
ctus sequitur, ille non, nisi discussione stagnationis
deducendus erit. Mihi, in pleuritide, ob febris in-
flammatoriae discussionem iam parantis, praesen-
tiam, vomitoria adhibere nunquam arrisit. Interim
lege §. sequ. De cetero effectus vomitoriorum in
his morbis idem est, qui sternutatoriorum: quis
enim, mediante omnium resoluentium medicamen-
torum farragine tantum muci in pectore, et circa

caput resolueret, quantum sternutatoriis extrudi obseruamus: nec sola promotio stagnantis sanguinis, vel protrusio muci rem absoluit, sed simul illud, quod tunc feliciter succedit, toni partis affectae pristinum robur. Polypum quidam dicebat se sentire, interdum, ex ventriculo cordis sinistro in auriculam promoueri, et palpitationem cordis tentare, quem, per tussim concutiendo, in pristinum locum semper repellebat. Concussionem viscerum abdominis, in morbo affini, Phthisi, SYDENHAM, cum multis aliis Practicis, per equitationem commendat, nec male; respondere autem hanc raro grauitati infartuum, in abdomine, in hoc malo semper praesentium, quis non obseruat! Interim, quibus usus vomitoriorum in pleuritide non videtur imitandus, illis venaefectio est commendanda, (attendendo ad longaeuos, vel prope tales, §. XXVII.) et quidem, pro mea sententia, in latere affecto, (nam et hic dissentunt Practici) attendendo tamen simul ad monitum, quod reperitur in Annal. Vratisl. Erfort. 1729. non esse secundam venam, quando primo die sputum cruentum plus minus liberum iam adest. An laxans primis viis conueniat per os sumendum, vel an clyster habeat usum, pro re nata iudicandum erit. Oleum paregoricum camphoratum loco dolenti competit illimum, vel cataplasma quoddam conueniens. Spem salutis dant: bona respiratio, sputum cruentum flauescens, pulsus magnus, leuiter febrilis, et urina cum debito sedimento. Interdum inflammationem sequitur suppuratio; quae si magna est, et si pus coctum per circulationem ad massam sanguineam non mox amandatur, ut per organa excretoria abdominis, alium vel vesicam, eliminetur, malum:

empyema enim inde nascitur. Crisim talem purulentam, cum stranguria, aliquando obseruauit in sexagenario.

§. CIX.

Pleura - peripneumonia multi senes robusti, quadrati, et plethorici pereunt. Sanguinis accumulatio ex victu, quem ventriculi bona conditio appetit et digerit, arteriarum senilium solidescens, et venarum laxitas, imo varicositas, facile colligere faciunt, quomodo stagnationes sanguinis, ut in abdominis visceribus, ita in pulmonibus et circa pleuram nasci possit. Est morbus senum saepissime acutissimus, in primis, quando exscreatio copiosa muci, flrido sanguine tincti, cum febre vehementi coniuncta est. Nisi venaesectio tempestiuia, et pro re nata, iterata, vel feliciter adhibitum vomitorium ex Ipecac. vel secundum casum Ephem. Nat. Curios. Vol. II. p. 144. ex fulph. aurat. antim. tertiae prae cip. clysterisque, euidens suggerant auxilium, aegri quinto vel sexto die moriuntur. Sociatur enim interdum catarrhus suffocatius, et tunc vomitoriorum usus valet, quae in pleurite simplici dare haesi, ne febriles naturae motus turbarentur, et quia in pleurite tale symptoma virgens communiter non adest. Quando autem etiam in hac imminet suffocatio, ut in Ephem. Nat. Cur. Cent. X. Obs. 41. in pueri adfuisse, et vomitorii usus, vomitum purulentum, cum infecuta sanitate aegri, excitatum fuisse, refertur, tunc etiam in pleurite suffocante, vomitorii usus non erit reiiciendus. Per diarrhaeam purulentam pleuro-peripneumoniam terminatam esse, Ephem. Nat. Cur. Cent. VIII. Obseru. §6. docent.

§. CX.

Transeo nunc ad *imi ventris viscera* per senium vitiosa et morbida redditā. Ventriculus senum laborat interdum *Anorexia*, quae quando cum symptomate soporoſo coniuncta est, ex cerebro consensualis et symptomatica iudicanda erit et periculosa: quando autem ex vitio idiopathicō ventriculi nata est, e. g. liquoris gastrici vappiditate, cruditatibus, et atonia ventriculi, etc. medælae tunc est amplior locus. Faciunt hic egregie varii muria conditi, et aromati sati fructus, sinapi, succus citri, berberes, acetosa, imo acetum squilliticum, spiritus salis guttulae quaedam, ex vi- no Rhenano haustæ, Elix. Vitrioli Myns. et talia. In victu sint interdum tenerae carnes, linguae bouinae fumatae, imo pisces pingues fumati. Aliquoties in anorexia, cum vomitu, in qua nulli a ventriculo ferebantur cibi, rhombos nostros fumatos proficuos vidi; et qui testem huius virtutis rhomborum nostrorum cupit, legat ELSHOLZIVM in Diaetetico. Porro nodulus ex rad. enulae, pimpin. alb. armoria, herba nasturtii, cochleariae etc. cui addatur rhabarbarum scopo laxatiuo; qui nodulus in cereuisia, vel etiam in vino per aliquot dies digeratur, et pro re nata de illo bibatur, mane, vel hora ante prandium. Nec reiiciendæ sunt pilulae aloëticæ interpositæ, vel aloës hepat. tartaro vitriolato iuncta. Qui senes haustum frigidae matutinum capiunt, et ferunt, minus illi ab anorexia tentantur; ad longaeuitatem etiam conferre quidam volunt, roborando ventriculum et cruditates resoluendo. Non equidem, supra, circa formam internam senum, indicatus est ventriculi et intestinorum specia-

Iis status; attamen, facile appareat, quod, quando haec, in gradaeuitatem vsque, temperantia in victu obseruata, in statu exquisite bono conseruantur, iis bene ministrantibus, sanguinis perdurans bona crassis longaeuitatem sperare faciat. Opus autem est, ut sub bona liquoris gastrici conditione, quae saepe in grandaeuis latrare facit ventriculum, hunc plus iusto latrare caueant, ne per latratum sopientes multos cibos incipiens fibrarum atonia augeatur, liquor gastricus alteretur, et ciborum indigestioni ansa praeparatur, vnde anorexia et qui sequuntur morbi. Immensa frugali salubritas senum. Anorexia diu persistans, marasimum inducere solet.

§. CXI.

Vomitus, qui senibus ex cibis concoctu difficultibus, nouiter ingestis, vel ex potus quantitate, vel insalubris cuiusdam qualitate oritur, bonus est: ubi vero cum anorexia iungitur, eiusdem est periculi cum anorexia, ipsi consensuali, de qua iam diximus. Conueniunt remedia in anorexia commendata, nec non rhabarbari tinctura aquosa, aqua menthae, praemultis aliis autem, vinum Rhenanum, cinnamomo tinctum et saccharatum, cochleatim sumtum. Vomitus, si sunt biliosi, rhabarbarum cum cremore tartari, fine euacuandi sumatur, ut bilem exaestuantem, et in duodeno haerentem, euacuet: in hoc vomitus genere frigida pota prodest, parce hausta. Qui ex nephritide, et calculo oritur vomitus, suis indicatur signis, et partim remediis antispasmodicis, partim facta excretione calculi sistitur: non est autem directe huius loci.

§. CXII.

Flatulentia est incommodum senum santicum, ex quo non solum vigiliae, asthma, vti suo loco notauimus, sed et alii morbi, terrificaque insomnia oriuntur. Nascitur in senibus ex flacciditate ventriculi et intestinorum, nec non humorum, in illis, ad bonam ciborum digestionem, et chyli nutribilis, a feculento separationem destinatorum, inertia; vitio scilicet liquoris gastrici, succi pancreatici, bilis, et muci intestinalis, etc. Opus itaque est talibus remediis, quae fibris flaccidis tonum reddunt, quae inertiam humorum corrigant, et sufficienter illorum secretionem promoueant, vt in his omnibus naturalis officiorum gradus conseruetur, ne alia mala grauiora inde progerminent.

§. CXIII.

Non semper totus intestinorum tractus a flatulentia afficitur, sed saepissime vnum vel alterum intestinum, siue tenue, siue crassum, et tunc intestini vicini fibrae magis constringuntur, motus peristalticus fit irregularis, hic illic intensus, et dolorificus, sub colicae et passionis iliacaे titulo; quae omnis constrictio periculosior est, si intestinum rectum et eius sphincterem corripit, vt flatibus nullus plane pateat exitus. Quibus autem senibus, ani sphincter, vti communiter solet, laxior est, et flatibus fores pulsantibus obediens, illis raro nascitur graue a flatulentia incommodum. Notandum praeterea, quod, quemadmodum fibrae intestinorum ex flacciditate, a sanguine, et humoribus ex illo secretis inertibus nata, flatulentiam admittunt, ita e contrario, ex ipsius boni sanguinis in vasis intestinorum stagnatione flatulentia oriri possit, nam sanguis bonus,

elasticus, stagnando abundans, vasa distendit, et si
vrget, et vrit fibras intestinorum, vt in perpetua i
regulari actione et gyratione, ad spasmos dolorifi
cos vsque, sub *colicae haemorrhoidalis* nomine; cu
ius jam aliqualem mentionem sub vigiliis fecimus
mox amplius de illa acturi.

§. CXIV.

Quae in priori flatulentiae genere proficua es
scimus, sunt in primis amaro austera, e. g. poma au
rantiorum adhuc immatura, cortex peruu. cascaril
iae, rhabarbarum, variis formulis, pro aegri idiosy
crasia adhibita, vel in substantia masticata: haec
enim non solum fibras roborant, sed et vitia humo
rum corrigunt. Profundunt praeterea salia neutra, sa
lia herbarum alcalina, absinthii, Card. b. etc. ne
non tremor tartari, in primis chalybeatus, ex marte
praeparata varia, imo ipsa limatura martis, parce
sumta. Conducunt etiam spiritus quidam minera
les mitigati, e. g. ille de tribus, spiritus nitri dulcis
liquor min. anod. Hofm. qui pro re nata magn
vsus sunt. Valent etiam Tinctura tartari, antimo
nii acris, Eff. pimp. albae, et aliae sic dictae carmi
natiuae. Memori interim simul mente tenendum
quod de sensibilitate subiectorum, quoad medica
menta spirituosa in articulo de Syncope monui
quando de illa vel suspicio, vel indicatio adest, ad
hibeantur potius medicamenta cum menstruo aqueo
salino parata, vti Hofm. Elixir stomachale, ex extra
ctis amaris, liquore terrae fol. tartari, et aquis de
stilla constans.

§. CXV.

De usu oleorum destillatorum carminatiuorum
non multum laudauero, nisi parcum et prouidum
illo-

Ilorum usum, exceptis, oleo citri, ex corticibus, sub nomine *Cedro* elicito, et oleo absinthii destillato, genuino, tincturis alcalinis maritalis, vel solis in saccharo, pulueribus. Laxantium usus his omnibus addendus est, quando alui segnities adest, in primis rhabarbari et aloës; illud sub tincturae aquosae forma, haec in puluere cum tartaro vitriol. Tach. et magnesia, mea methodo, si pilulae Beccheri-Stahlianae vel tales, parca dosi sumtae, non sufficiunt. Clysteribus, si laxantium operationem promouere necesse est; illi autem quantitatem unciarum septem non superent, quia haec sufficient, vel stimulando intestinum rectum, vel relaxando sphincterem, cum largiores facile alte in intestinum colon absorbeantur, et quando hoc flaccidum est, molestias multas in illo creare valent, in primis si constent ex ingredientibus fermentantibus: sufficiet solutio Extr. Panchym. Croll. vel aliud purgantis, moderata dosi, in aqua facta, sale gemmae acuata, addito quodam oleo cocto.

§. CXVI.

Diaetae in regulis magna vis est in flatulentia. Cereuisiam, licet fortis, et bene cocta et lupulata sit, calore ventriculi et intestinorum, fermentatione noua inducta, flatus generare, a multis experitur; quin et vina dulcia, licet generosa, flatus, noua tali fermentatione producunt, pinguis enim, quae illis inest dulcedo, ex qua lac senum nuncupari merentur, facile nouam subit flatulentam fermentationem. Conuenit itaque potius vinum acidulum, generosum, lymphatum, imo ipsum rubrum Gallicum, Pontac dictum, vel aliud subausterum. Interim, qui cereuisiam bibere cupiunt, sat lupulatam bibant,

more

more Curonico et Liuonico coctam, i. e. silicibus magnis carentibus, malto iniectis, digestam, ut propter leuioris craseos inde fientem, quam illa, quae per coctionem concentratur, et inspissatur, antequam fermentationi traditur. Faciunt huc et semina camminatiua, anisi, carui etc. saccharo obducta, cibis reliquis supercomesta. Ante omnia autem modus tenendus in ciborum et potus ingestione, et reiicienda sunt, a quibus aeger flatulentiam vel minimam expertus est. Cibi sufficiente aromate, salino, vel alio, e. g. zinzibere, pipere, sinapi etc. parentur, non neglecto succo Citri, muria Limonum. Nec improbamus lactis modicum, simplicem usum pro cibo. Qui haustum spiritus vini ante pastum ferunt, illi flatuum generationem etiam ex hoc impediunt: cum enim cibi statim superingeruntur, omnis exastuans elasticitas mox a cibis mitigabitur. Potus aquosus calidus flatulentis non confert; nec iuscilla multa: conferunt magis cibi solidiores, saliti, euperti. Dilucidationis ergo, en casum santicum: Vir annorum 69, habitus laxi, a flatibus multum vexatus, tussi et angustia respirationis laborabat, bene tamen comedebat, et cereuisiam potabat pinguem: cum eructatio flatuum aliquando cessaret, dyspnoca augebatur. Tamen adhibita tonica, cum interpositis laxantibus, incommodum hoc leuabant, et sub hoc leuamine maior secretio vrinae fiebat, valde saturatae. Suadebatur ipsi potus vini Rhenani, vel Pontac lymphati, loco cereuisiae; ex hinc per aliquot menses ipsi melius, ut non nisi sub scalarum ascensu difficultorem respirationem sentiret. Interim rheumatismo leuiori humeri sinistri corripiebatur, musculum pectoralem in libero officio impediente:
suadeba-

suadebatur humeri scarificatio in balneo; fit hoc;
egressus e balneo, aluum vult deponere, deponit,
sed mox lypothymia corripitur, refocillatur ablui-
tione faciei cum vino Rhenano, aegerque proprio
consilio puluerem antispasmod. STAHLII sumit, quem
vomitus ciborum coctorum et crudorum sequitur:
optime inde aegro; victus regimen tamen postea
idem. Flatus ope pilularum Beccher. feliciter pel-
luntur: aeger nunc vinum, Eremitage dictum, nunc
Hungaricum, vel Lusitanicum, moderate tamen bi-
bit. Sub his omnibus tamen virium lapsus. Post
14 a dicta lypothymia dies, cum bono cum appeti-
tu prandium ederat, et cum amicis obambulauerat,
aluum depositurus sellam petit, deposita aluo, a su-
dore perfunditur, surgit, dicens: bone Deus, quan-
ta mihi cum sudore debilitas, mox autem conati-
bus vomendi corripitur, euomit cibi et vini rubri
parum, corruit in manus cuiusdam adstantis, et sub
repositione in lectum, exspirat. Conf. §. XL.

§. CXVII.

In BARTHOLINI Actis Med. Hafniens. Vol. I.
recensetur historia de ructibus, a leui frictione alicu-
ius partis corporis euocatis: quae encheiresis ansam
mihi praebet, non solum illius mentionem faciendi,
qua sinistri hypochondrii compressione manuali, in-
testini coli, tortuosi domicilii, flatus pelli solent,
sed et alias, qua manu admodum calida, ossi sacro
fortiter inducta, flatus ex intestino recto fugantur.
Sunt, qui tantam virtutem manui calidæ non per-
fecte confidunt, et hunc effectum, mediante sarto-
rum ferro complanatorio, intense calido, produ-
cunt. Alia adhuc apud Liuoniae Lettos, vicinos
que valet methodus, dum aegri, in dolore ossis sa-

cri, quem a flatibus oriri putant, quendam, in osse sacro, genubus sibi ambulare iubent, et quidem communiter in balneis, post adhibitum fotum: quam methodum Serenissimus quidam ita mutauerat, vt annani cuiusdam calcaneis os suum stringi fecerit, dupli titulo sacram. Credibile est, hac methodo euocari flatus ex ipso intestino colo.

§. CXVIII.

Colica saepe infestat senes grauissime et periculissime. Tono intestinorum deficiente, et substantia illorum extenuata, vt vasa sanguifera in illis adeo manifesto appareant, vti ipsis in oculi tunica adnata communiter apparent, quid mirum, si constringantur mox spasmo, mox distendantur flatibus, tanto saepe cum dolore, vt vires visibiliter destruantur. Sit autem spasmus, vel flatus, vel humor biliosus, vel feculentus, colicae causa, vel vti in §. praeced. monuimus, infarctus sanguinis haemorrhoidalis; vel sit colica nephritica, vel adhuc alia, caute est tractanda senum colica, et dolorum sopitio caute est instituenda; per euacuantia scilicet, per os et anum adhibita, quando vel flatus, vel humores in causa sunt, et per antispasmodica, vbi spasmus, nephritis et infarctus haemorrhoidalis colicam excitauit, licet et in his ipsius sanguinis euacuatio, per venae sectionem, necessaria sit. Ephem. N. C. D. I. A. III. Obs. 82. recensent casum notandum grandaeui cuiusdam, qui opiatis largiter tractatus, ex illis obiit, et, cum pancreate vlcerozo, sphacelum per omnia intestina post mortem praebuit. Evidem pancreati vlcerozo primariam mortis causam adscribimus; interim iusta suspicio manet de adproperata morte per immodicum opii usum, excretionem materiae vlcero-

vlerosae et biliosae sufflaminantem. Prudentius ibidem Obs. 150. aliis grandaeus a colica ex retentis fecibus, curatus est, nempe purgante ex colocynthide, in petia ligata, ol. amygd. d. et manna, post iniecta enemata, adhibitis. Certe, licet enemata, tam emollientia oleosa, quam stimulantia fortiora, ipsa aqua benedicta Rul. acuata, in colica ex fecum obstructione, egregii sint usus: tamen bonum et adaequatum purgans, ol. amygd. dulc. vel etiam alii expresso nuptum, totam rem adsoluit.

§. CXIX.

Aliter se res habet in *colica flatulenta*, vbi nec purgantia, nec elyteres repetiti multum valent. Melius agitur aloë et rhabarbaro, sali tartari, vel neutro, vel cremori tartari iunctis. Nec manna, ut pote fermentans, detur, nisi comite sufficiente cremore tartari. Exhibeantur praeterea essent: pimpin. scordii, cascar. cort. aurant. spiritus carm. de tribus etc. parce repetitis dosibus in vehiculo aquoso, tepido. Nec reiiciendum lac dulce, cum floribus chamomillae coctum, addito nitro, sufficienter. *Spasmodica colica* maxime castoreo, camphora, galbano, et talibus, parciter additis opiatibus; nec non clysteribus, a galbano, castoreo, a sa foet. parum animatis, curatur: ipsum iam iam commendatum lac conuenit. Nec reiiciendus est usus iuscotorum pinguium, crocatorum, imo oleorum expressorum, quin, quod omnia superat, in hac colica, antispasmodica, ipsius adipis liquidae balenae, cochleatim sumtae. Valent et hic, vti in omni fere colica, per diluua calida.

§. CXX.

Colica nephritica, stranguria, cum dolore tractum
vreterum sequente, notata, (nam omnem fere colicam interdum comitatur stranguria) acido citri, et
oleo amygd. dulcium, cum aquis appropriatis mi-
xtis lenitur: maxime vero illo, ab aliis iam com-
mendato clysmate, ex oleo lini, et vino generoso
dulci. Nitri usus et hic multum valet: conuenit
et venaesectio in pede; quam tamen primario po-
scit *colica haemorrhoidalis*, vti etiam hirudinum ap-
plicationem ad anum, cui interdum intrudantur sup-
positoria aloëtica, interpositis fotibus. Clysteres
simul debent iniici emollientes, nitroſi.

§. CXXI.

Enumerando (§. CXVIII.) colicae species, addi-
dimus haec verba: *adbac alia*, et ideo recorda-
mur adhuc alias, nempe *apostematicae*. Grauiſſima
omnium haec est, respectu periculi: bidui enim spa-
tio ſaepe hominem tollit, periculo, ſane, ſic reliquas
ſuperans. Formant hanc colicam abscessus lenti,
(et ſi quid licitum eſt in transitu dicere, puerperis
iunioribus ſaepe ex grauiditate tales abscessus rema-
nent, post paucos menses, ſub colicae larua praeuia
lethalis) in inflammationem praecipitanter ſuppu-
ratoriam tranſeunt. Vbi pus commodum exitum
per intestina acquirit, et simul vires vitae bene con-
ſtant, res interdum feliciter cedit: vbi vero vel ipſa
inflammatio ſuppuratoria imperfecte fit, et in gan-
graenosam abit, vel puri exitus non datur, res fune-
ſia euadit. Suspicionem autem huius colicae in se-
nibus facit Erysipelas crurum praegressum, vel ipſa
inflammatio podagrīa praegressa, et dolor colicus
fixus, in certa regione abdominis. Tales caſus in-
iunio-

inioribus obseruatos adducere facile esset, sed proferam casum in sene obseruatum, vbi de vesicae morbis sermo erit, quia funestus ipsi ex hac colica generabatur vesicae affectus, vel sub larua vesicae affectus (§. CXLVI.) Quae interim in tam graui morbo, ex vsu esse possint remedia, sunt valde ancipitia. Si non vrget affectus, venae sectiones in pede, proximis repetitae, profundunt; itemque nitrofa, largiter per os et anum exhibita. Pediluuia hic non valent, quia sanguinem exagitant, nisi sint valde tepida. Posset huius loci esse *passio iliaca*, quae senibus quibusdam herniosis conuenit, sed referendus est hic morbus ad praegressam colicam feculentam, et adhibenda sunt remedia, quae vires seniles permittunt, ex farragine ita dictorum remediorum heroicorum, in tali casu visualium. Conf. et §. sequ.

§. CXXII.

Alui obstructio in senibus, interdum ex parcitate muci intestinalis, et bilis coniuncta inertia oritur. Contingit communiter iis, quibus ante senium iam adfuit alui segnities: quin iis, qui a coena abstinent; conducibiles autem experti cibi, in primis ex carne parati, moderate sumti, sustinendo motui peristaltico fauent. Insolita scybalorum excretio obstructionem saepe praecedit. Si pertinax est obstructio alui senilis, sotica res est, quae, nisi lenioribus repetitis laxantibus, e. g. Electuario lenit. Medicamento non ingrato, parce, sed saepius exhibito, cum interpositis oleoso-dulcibus, et clysteribus largioribus colocynthiacis (oleo colocynth.) soluitur, quia intestina senum purgantibus fortibus, qualia obstructio alui pertinax requirit, non sunt paria, periculi est plenissima. Distenditur saepissime a fe-

cum infarctu intestinum colon, ad atoniam, sphacelum inducentem usque: sphincter ani tunc frustra laborat tenesmo, nec iniectos retinet clysteres, quin aliquando miseri vomitus iliaci, in primis in senibus ventricosis, quibus capacia sunt intestina, sequuntur: retinent enim, nati ex atonia, sacculi feces, foramina sphacelata in intestino saepe generantes. Quando ex sensu ponderis in regione coli sacculorum oritur suspicio, tunc non solum laxante blandissimo, Electuario lenitiuo, vel aloë, benignissima intestinorum amica, hepatica, vel experta alia in pilulis, parua, sed repetita dosi agendum, et corpus in rheda mouendum, sedendo, vel interdum decumbendo, quo sacculi, a laxante vellicati, facilius feces promoueant. Quae ex vitio vesicae, *stranguria* dicta, oritur alui obstructio, illa leuata, haec eualescet.

§. CXXIII.

Praeueniant senes itaque alui segnitiem, ne in Italia cadant pericula. Longaeuo 130 annorum, cuius cap. I. mentio facta, vel aliis talibus pauciorum annorum, obstructiones alui magis naturales sunt, nec periculosae; parcitas enim ciborum non aggrauant intestina; ex liquidis enim communiter vitam solum trahunt. Septuagenariis, et octogenariis itaque maiores parant insidias. Utantur itaque in victu oleraceis, atriplice, farinaceis, pane secalino, in primis ex secali aestiuo, quem lubricare magis aluum praedicant, qui alui segnitie laborant. Nec non brassica muriatica, cum pingui brodio carnis bouinae cocta. Cereuisiam bibant mollem, parum lupulatam, vel non lupulatam, triticeam, auenaceam: sumant haustum vini Hispan. dulcis.

Come-

Comedant in prima mensa, quae aluum lubricant, ficus, pruna macerata, poma assata, cocta: interponant cibis gelatinis fructuum horaeorum, et baccharum variarum. Abstineant ab aromatibus cibis que fumatis, siccis, piscibusque; halece salita recenti, sardellisque exceptis. Lubricant etiam pinguedines salitae, suillae, anserinae, etc. Valent et hic, ad tussim commendatae medicinae fastidiosae derogationes. Interponantur praeterea clysteres emollientes, adiecta 3tia, vel 4ta parte cereuisiae, pro amico stimulo.

§. CXXIV.

Diarrhoea senilis oritur in senibus *quibusdam* a muci intestinalis copia, ut huius iamiam indigita pars obstructions parit. Praeterea, orta ex senio, intestinorum laxitas ad diarrhoeam cooperatur; et hoc tanto magis, quando talis constitutio intestinorum, ex habitu individuali, iam ante senium adfuit. Separatur in aetate senili communiter maior muci copia e massa sanguinea ad organa destinata, quam in aetate praegressa: hinc in senio maior muci narum, faucium, bronchiorum, et intestinorum, pro individuali constitutione, separatio cui posteriori, si iusto tempore obex non ponitur, et eius moderatio non formatur, diarrhoea habitualis facile inde emergit, in primis in feminis, quae, ut varia oeconomiae corporis, per menstruationes et puerperia, vicissitudine, vita sedenteria, cum parco potu, ad obstructions alii pronae sunt: ita etiam saepius, ad muci intestinalis copiosas secretiones, et ad diarrhoeas proclives sunt. Taceo, quod ad illas magis disponantur, per potus acidulos refrigerantes, cibosque dulces et lubricos, quos prae-

maribus amant. Vetula quaedam tanta laborabat copia muci intestinalis, et quidem cum torminibus perpetuis, ut tres vel 4 clysteres non sufficerent euacuando muco, et moderandis torminibus. Mucus saepius aequabat illi pellucido, qualis interdum ex intestino recto, saepius autem ex intestini tenuibus secernitur: interdum tunicae intestinalis similes membranae cum multis torminibus deiiciebantur, et illam in Ephem. N. C. D. III. A. IX. Obs. 60. et apud Auctores alios notatam diarrhoeam carnosam formabant. Proderant interdum infusa herbarum, veronicae, melissae, agrimoniae: nocebat cereuisia.

§. CXXV.

Antequam medicamenta contra diarrhoeam commendamus, monendum, ut iudicetur, an diarrhoea senilis sit forsan critica, et maius forsan leuet malum, an symptomatica? notum enim est, diarrhoeam saepe fieri multorum morborum, e. g. melancholiae hypochond. haemorrhagiarum omnium, hydro-pis, in qua sunt viscera salua, arthritidis, etc. leuamen magnum. His animaduersis, extra notissimam methodum curatorialam, non habeo, quod expatiem. Post laxantia temperata, rhabarbarina, opiatis, et adstringentibus agendum, nec non aromaticis, in primis galangae radice, paucis granis admixta; quae vti communis, ita vtilis methodus est. Diaeta sit aromatica, et illi contraria, quam mox in aliui obstrukione commendauimus. Non omittendus hic casus Ephem. N. C. D. II. A. VI. Obs. 45. refens diarrhoeam senis lethalem, ex vlcere, intestinum rectum perforante. Vidi aliquando diarrhoeam lethalem pueri ex perforato intestino duodeno. Cui denique senum fors assignata est ex diarrhoea diem suum

suum claudere, ille tot atrocia non patietur symptoma, quam qui ex obstructione alui occumbit.

§. CXXVI.

Nephritis calculosa saepe infestat senes ex improviso, cum vel latuerit iam, per annos quosdam, calculus renalis, vel senio ineunte ex muco induratus fuerit. Digestione ventriculi in senibus imminuta, ut cibis acido-salinis illam reficere opus habeant, quid mirum, ex nato inde sanguine mucoso-salino remanere in organis secretoriis materiam calculi? crescit talis mucus facile in consistentiam calcaream, qualis in dentium superficie, sub *tartari* titulo, notus est. Ipsa sola mala digestio ventriculi, absque victu acido-salino, mucum, calculi matricem, generare potest. Accedit haec nephritis communiter, cum horrore febrili et aestu insequente, paroxysmo vehementi; accedunt dolores in regione renali, moxque vomitus, et stranguria ad calculum. Sciendum autem Erysipelas interdum Nephritidem mentiri; nec non stasin inflammatoriam sanguinis intestinorum, cum tenesmo, idem facere. Attentione itaque opus est, et signis pathognomonicis. Haec autem sub initiosis paroxysmi raro se produnt, in primis in aegro, morbo alterutri iam obnoxio, qui hospitem aduentantem, et tumultuantem facile agnoscit. Dolor cruris, mox ab aestu insequens, in crure erysipelas formari, et dolor renum, cum stranguria, calculum adesse indicat.

§. CXXVII.

Venaefectio in utroque casu conuenit. In nephritide autem calculosa hoc primarium est, omni studio calculi felicem progressum per clysteres, et remedia oleoso-acida, per nitrum potumque suffi-

cientem promouere, non autem per actiua pellen-tia, dum de calculi mole incerti sumus. Vbi, post medicamentorum vsum, nec calculi excretio facta est, nec paroxysmus nephriticus recurrit, abesse cal-culum non audacter asseramus, cum obseruationes doceant, senes calculum in renibus fouisse absque manifesto signo nephritico. Recursum autem pa-roxyssi retardant, et calculi augmentum impediunt, si illum non diminuunt, nunc tincturae antimonii acris, nunc autem spiritus nitri, imo spiritus salis parcus, frequens tamen, vsus. Nullum hydropo-tam fieri podagricum, raro calculosum, opinio et obseruatio est quorundam Medicorum. Rariores, et leuiores fieri paroxysmos, si vesperi cubitum eun-do, et mane surgendo, hauustum frigidae bibant cal-culosi, ego obseruaui. WEPFERVS in Ephem. N.C. D.I. A.II. Obs. 39. asserit, raro in Heluetia, vbi vi-na rubra bibuntur, colicam et nephritidem obserua-ri. Cogor, hac obseruatione occasionem dante, allegare Obseru. 155. eiusd. Dec. I. Anni III. quia §. XVI. methodi cereuisiam braxandi Liuonicam, mentionem feci, et in hac allegata Ephem. Obser-uatione refertur, in Liuonia raro reperiri calculo-sos, quia cereuisia ope silicum coquatur, quasi silices igniti impraeagnent cereuisiam virtute, calculosam materiem resoluendi, quo e corpore eliminetur. Verum hanc obseruationem referens, ex praeiudicio de virtute silicum anticalculosa illam consignauit. Adsunt nephritici calculosi et podagrifici apud nos et qui sunt, ex pingui cereuisia materiem calculi hauriunt, licet cum silicibus cocta. Tanta virtus non inest silicibus, nec, si esset, hac encheiresi tran-siret in cereuisiam, praeterea, dum ultima obsidio

Rigenfis,

Rigensis, incolas fragmentis innumeris globorum
gnitorum ditauit, ex longo illo tempore non silici-
bus, sed his fragmentis cereuisiam coquimus: in-
terim cereuisia, cum ferro hoc ignito cocta, non-
dum virtutes martiales aperitiuas anthypochondria-
cas, in hunc vsque diem, monstrauit. Verum de
his fusius, in mea mox rursus edenda, oeconomia
rustica.

§. CXXVIII.

Hoc probe adhuc obseruandum, vt de laxantibus,
paulo efficacioribus dandis in nephritide, sibi ca-
ueant Medici, quia facile inde Ischuria sequitur:
sufficit clysteribus, vel, si nihil obstat, aloë aluum
soluere, vtpote laxante omnium moderatissimo.
Spiritui tartari praeterea non parua inest virtus, cal-
culum soluendi: et sane, memorabilis est obserua-
tio Angli, HALES, in opere suo *Statistical Essays* nun-
cupato, quod cum innumera corpora, tam solida,
quam fluida, e. g. ligna, animalium partes, mine-
ralia, olea destill. etc. explorauerit, quanta in illis
forsan haereat aëris quantitas, in nullis maiorem
deprehenderit, quam in calculo humano, et in tar-
taro Rhenano.

§. CXXIX.

De variis lithontripticis lege obseruationes, a Me-
dico calculoso factas in Ephem. Nat. C. D. III. A.
VII. Obs. 116, et in earundem Cent. IX. Obs. 74.
Famosissimum est illud Anglicum, ex sapone Ali-
cantino, cochleis vstis, etc. paratum, quod, quia se-
rum vrinosum virtute sua resoluendi aptum reddit,
ad calculum, nisi durissimi generis sit, resoluendum
et excernendum, in senibus magis resoluens fieri
potest, quia illorum vrina salia habet concentratio-

ra, quam illa iuniorum. Interim, quia non solum rei nouitas transiit, sed et operatio huius remedii dolorifica, et simul lenta est, aliquot menses requiriens, nil fere de illo amplius, in obseruationibus medicis audire licet: τὸ cito enim, τὸ iucunde ipsi deest, ne dicam τὸ semper. Hinc est, quod lithotomis in hunc diem permaneat exercitium nobilissimae suae artis, quae, modo dextre sit instituta, aequo feliciter, si non felicius, in senibus contingit, quam in pueris. Testantur enim Comment. Acad. Paris. A. 1744, quod eodem anno, inter reliquos calculosos, qui lithotomorum auxilium implorarunt, duo fuerint senes, alter 65 annorum, et alter 78 annorum, qui ambo feliciter sanati sunt; testimonio, senes, modo gaudeant adhuc sanguine bonae craseos, lympha elastica adhuc donato, aequo feliciter ferre sonticas vulnerationes, ab inflammatione graui, aliisque symptomatibus magis immunes, quam iuniores. Certe horum subtilior sanguis fibras vulneratas, maiore saepius inflammatoria suppuratione lacerat, et ad periculosa symptomata disponit.

§. CXXX.

Supra indicaui, aequiparari posse senes pueris; et hoc ipso morbo iterum conueniunt. Frequenter enim pueri et senes calculo laborant, quam homines mediae aetatis; pueri ex abundantia lymphae, per addephagiam non optime elaboratae, senes ex mala concoctione alimentorum. Interim, non reprias pueros adeo feliciter, nunc superare hunc morbum, nunc leuamen et opem ex remediis adipisci, quam id in senibus interdum contingit. Docent enim obseruationes medicae, et in primis Eph. Nat. Cur. D. II. A. II. Obs. 180. Cent. III. Obs. 92.

Cent.

Cent. VIII. Obs. 24. octogenarios calculosos operis medicamentorum a calculis fuisse liberatos. Quid? uod interdum non solum absque incommodo, sed et si inficii, calulo laborent grandiore, tam renali, uam vesicali: sic ipsae Eph. D. II. A. VIII. exhibent pontificem, Innocentium XI. nunquam nephritide aborasse, nihilominus magnum renalem calculum in cadavere eius fuisse repertum.

§. CXXXI.

Diaetae meminisse iustum ducimus, quam obseruent senes, in primis, cum in examine regiminis ilorum, esum ciborum salitorum et fumatorum non reprobauerimus. Verum enim vero, praefterimus nunc hic loci usum iuscudorum, herbis aromaticis nostratis, cherefolio, rosmarino, maiorana, basilio, etc. conditorum; et, si cibus falsos et fumatos exigat, ipsis adsuetus ventriculus, parce capiantur, interposito potu sufficiente tenui, vinique aciduli adiuncto haustu, ut vehiculo commodo euacuetur per viscera, quod noxium esse possit. Innumeris sunt calculosi, qui cibos fumatos nunquam gustauerunt. Frigus arceant calculosi a corpore, maxime a pedibus.

§. CXXXII.

Mictus cruentus inter morbos seniles non est postremus. Illum autem intelligo, qui senibus saepe absque dolore e virga excernitur, ad quantitatem unius, vel aliquod unciarum, interdum absque comite vrina, et absque dolore et stranguria, nisi, quando coagulatus sanguis exitum quaerit, et sub lumbricorum forma tandem perrumpit, eo ipso autem in vesicae colli vasis sanguiferis se habitasse, prodit, vel transeundo per urethram ita formatum esse.

Stupent multi aegri, lumbricum esse putantes, ante iustum examen. Qui cum vrina foetente prodit sanguis, tardeque subsidet, vrina remanente clara et micante, ex renibus, a calculo putridis, exiuit: et qui cum perpetuo dolore vesicae talis erit, et cum sanguine grumoso, ex vlcere vesicae solo, vel coniuncto vesicae calculo manare declari debet. Conf. Ephem. N. C. Cent. X. Obs. 56. Quando mictus cruentus, qui nostri loci est, non saepe recurrit, senibus non multum molestiarum creat, terret tamen illos valde. Qui autem frequenter cum dolore peritiae, et cum stranguria recurrit, aegrum debilitat; vasa sanguifera, per totum corpus a tono delapsa, facile etiam in aliis locis, communiter in pulmonibus sanguinem stagnare, et haemoptysin nasci permitunt. Non raro cachexia, hydropem minitans, sequitur mictum cruentum indomitum. Notandum hic simul, vasa sanguifera vesicae, cum haemorrhoidibus ramifications, saepe iam ante senium, quibusdam, insensibiliter noctu, per virgam aliquid sanguinis stillare, antequam cum annis solennior mictus cruentus insurgat.

§. CXXXIII.

Haemorrhoidum fluxus est remedium validissimum in mictu cruento, quod, si non succedit, in hirudinibus et venaesectionibus quaerendum auxilium. Consentunt Eph. N. C. D. I. A. II. Obs. 222, in qua refertur, octogenario, ob mictum cruentum feliciter, i. e. cum medela insecura, venam sectam fuisse, frustra ante adhibitis aliis remedii. Interim, quoad remedia pharmaceutica, confirmo experientiam aliorum, herbam equiseti, inter alia commenda, praeualere: multum etiam prodest veronica,

cumi

um vino rubro infusa, macerata et expressa, cum
elle vel cum saccharo edulcorata, cochleatim sum-
i. Clysteres nitrati, oleosi iniiciantur, et intestina
interdum rhabarbarinis et tamarindinatis extergan-
ir. Hic mictus cruentus enim exigit laxantia, vt
le renalis respuit, pro nostro monito. Nitri usus
internus egregius est. Confert et moderata frictio
erinae, et crurum fortior. Diarrhoea si contingit
ritica, magnum inde solamen.

§. CXXXIV.

Haemorrhoidum fluxus quidem aetatis magis vi-
dis, et incommodum, vel commodum est, interim
t senes utriusque sexus interdum vexat. Sic senem
uendam fere semper vexabat, vel fluentibus, vel
oecis, haemorrhoidibus: prouocabat autem com-
muniter fluxum pro lubitu, anus forti deterione
ost alui exonerationem, quod cum negligeret, a
oecis molestias ferre cogebatur. Sunt interim se-
ies grandaeui, qui cum euphoria illarum fluxum
conseruant; sistunt enim Ephem. N. C. D. I. A. IV.
octogenarium et nonagenarium, qui fluxu haemor-
hoidum fruiti sunt, utrumque a prima iuuentute
hunc fluxui adsuetum: praeterea primum simul sala-
cissimum, alterum autem, mendicando victum qua-
entem. Testantur haec exempla robur et tonum ad-
suisse vas sanguiferis, siue arteriosis, siue venosis, ho-
rum senum, sanguineque illos praeditos fuisse elasti-
co. Certe, haemorrhoidum iusta euacuatio pletho-
ricis, aestuoso sanguine gaudentibus, maxime salu-
aris est; hac enim deplectione facta, viscera abdo-
minalia omnia officium suum exactius praestant.
Vbi autem in senibus debilibus fluxus contingit ni-
nius, tunc viscera debilitat, et cachexiam inducit.

Nitrosis tunc agere oportebit; et laxantibus, maxime rhabarbarinis; nec non opiatis.

§. CXXXV.

Menstruatio vetularum sane inter seniles affectus referenda erit, cum sit res magis praeternalis, quam fluxus haemorrhoidum grandaeuorum; in primis si contingit in grandaeuis vetulis, quibus ante, suo tempore, iam cessauit menstruatio: illas enim, quas ad primae senectutis annos adhuc comitata est, periodice et modeste, ad praeternaturales non refero; cum ab aestibus volaticis, sudore nocturno, flatulentia eiusdem speciei cum haemorrhoidalii, cuius supra mentionem fecimus, anxietatibus, verbo, malis, cessationem mensium insequentibus, hoc modo liberentur. Septuagenarias et octogenarias rursus fuisse menstruatas, recensent auctores Medicis et Ephem. N. C. ex quarum Vol. II. Obs. 184. produco septuagenariam, quae post menstruationem, ad annum sexagesimum durantem, adhuc sanguinis euacuationem per haemorrhoides experta est, mutato sic ramo vicino mesenterico hypogastrico, ab illo qui ad vterum pro menstruatione extenditur. Nonagenariam menstruatam lege in Dec. II. A. VI. Iuuat addere ex Ephem. harum Cent. VI. Obs. 74. vetulam 73 annorum, quae in nuptiis, animo et corpore exhilarata, postea bis menses experta est: post cohabitationem cum marito, emanent hi menses, abdomen intumescit, et elapsis nouem mensibus adsunt dolores ad partum, foetus autem nullus: praedicit Medicus molam, quae etiam post aliquot septimanas eiicitur. Sub sera tali menstruatione feminam quandam *ventricosam* concepisse, et embryonem anno aetatis 77mo demum exclusisse, cum in se-

insecuta perfecta sanitate, docet Commerc. hiter. Nor. A. 1742. ex comment. Acad. Parif. cum ratiocinio. Addo, feminam quandam, multorum liberorum matrem, etiam *ventricosam* ad annum aetatis 52num, menstruationem passam, et post ccessatos, per annum, menses, ingrauidatam fuisse, et vegetum peperisse filium. Viduam noui, etiam *ventricosam*, annum aetatis 54 agentem, floridam, tributum lunare hoc adhuc exacte soluentem: nec haec sterilis in matrimonio fuit. Militis inualidi, rude donati, fere 70genarii vxorem, aetatis 61 annorum, Berolini, vegetam peperisse filiam, narrabant, paucis elapsis annis, Nouellae publicae: patris nomen erat Wunderlich, i. e. mirabilis.

§. CXXXVI.

Memini, anno 1729, post hyemem rigidam, duas vetulas noua menstrua passas fuisse, per tres vel quatuor menses, cum insecuta debilitate; coaceruauerat frigus sanguinem in visceribus, peripheriam corporis perpetuo constringendo. Non sunt semper absque haemorrhagico periculo vetularum menstruationes. Laxantibus rhabarbarinis, tamarindinatis tunc agendum, nec non magnesia alba nitri, et opiatis in primis, vbi tormina adsunt: quo in casu Philonium Romanum commendare licet, est enim mulieribus valde commendatum sopiens, in uteri haemorrhagia, nec sine ratione. Medici quidem, qui omnes res, et rerum virtutes a priori iudicant, hoc narcoticum, ob varia acria, compositionem Philonii ingredientia, e. g. euphorbium reprōbant; et ipse ego aliquando, occasione talis ratiocinii, tantum opii, quantum e. g. drachma Philonii capit, in haemorrhagia uteri dolorifica dedi, opinans, ex solo

opio doloris sopitionem in Philonio oriri, sed facile obseruaui opium separatum valde minus sospire dolores, quam ingredientibus aliis acribus et aromatis amaris mixtum: alia vice tantum pipere, euphorbio, et rad. pyrethri carere feci Philonium, cum effectu itidem infructuoso.

§. CXXXVII.

Cachexia et Hydrops, vti morbi sunt sibi propinqui, ita senili aetati, prae alia magis proprii. Nec mireris, cum in aetate senili sanguinem communiter cappescere, reliquos inde secretos humores spissescere, organorum canales flaccescere, et fibras omnes simul indurescere consideraueris. Non vnitur amplius sub hac mutatione omnis humorum massa, sed fluidum subtile a viscido secedit, cachexiam format, pedum oedemate plerumque notatam, et saepius in *Hydropem* transit. Inter mortuos senes *Actorum Medic. Berolin.* communiter plures numerantur phthisici, et hydropici. Sociantur hi morbi saepissime. Quis enim Medicorum practicorum nescit, Phthisin saepissime oedema pedum, hydropis solitum initium, pro funesto colophone habere; et vice versa, in hydrope se iungere emaciationem phthisicam corporis superni. Conf. §. C. de Phthisi.

§. CXXXVIII.

Licet iam hydrops audiat morbus lethalis, et ultimus senum, nihilominus prostant exempla apud *Auctores*, de hydrope senum curata. Nec mihi semper omnem senem hydropicum morti relinquere necesse fuit: imo dixerim, hydropem senum, ex sola dyscrasia humorum nata, saluis visceribus, facilius curatu esse, quam illum iuniorum, ubi suspicio adest, de organorum secretiorum obstructione;

haec

hac tamen cum adiecta distinctione, ne coniunctus sit hydrops pectoris ex polypo, vel graui ex pulmonum affectu. Hinc etiam contigit, quod femina illa 97 annorum, cuius Capite primo mentionem fecimus, non perfecte, sed taliter qualiter fuerit restituta.

§. CXXXIX.

Quemadmodum curatio hydropis non semper in remediis ita dictis heroicis consistit, ita talis in sensibus minime locum habet. Proferam in hunc finem exempla Auctorum fide dignorum. In *Actis Haffn.* BARTHOLINI Ann. 1671. 1672. p. 145. senex hydropicus, post usitatas methodos inanes, decocto Guaiaci et lignorum curatur. Ephem. N. C. Dec. I. A. II. Obs. 218. duos praebet asciticos senes, potu et balneo thermarum Wisbadensium sanatos, nec non grandaeuum quandam potu aquae Spadanae curatum. Iisdem in Ephem. D. II. A. XVII. Obs. 57. duae septuagenariae producuntur, absque purgatione curatae, tantum spiritu salis rectificato, sale absinthii, et decocto quodam ex raphano sylvestrad. petrosel. glycyrrhizae, et semine cumini constante. Resoluentibus, aperitiuis, et diureticis talibus opus est, in vino Rhenano propinatis; nec non salibus mediis variis, quae purgantibus praferenda sunt. Cucumeres conditi aliquando seni hydropico felicem creabant diuresin. Saepius catharrus pectoris, spissae lymphae index, hydropem senum praecedit; in primis obesorum, quibus, si forte erit, quondam, alio iam laborauerunt morbo, periculum graue nascitur; cum enim serum stillare incipiunt, vigilandum contra gangraenam.

§. CXL.

Scilla, tam per se, a granis III ad VI. cum nitro data, quam clysteribus addita cum aliis amaris, egregium est medicamentum: clysteribus addatur interdum aliquid vini Rhenani, vel cereuisiae optimae, ad fermentatiuam vellicationem intestinorum. Egregium aliquando effectum obtinui ex vsu sulph. aurati, mitioris vomitoriae virtutis. Sane, alio modo non praestare lenia vomitoria bonum effectum credo, quam illo, quem in haemoptysi indicaui; quod enim per vomitum eiicitur viscidus parcum est. Sulphur hoc sali neutro iunctum, per anum copiose purgat. Locum hic inuenit singularis casus, quem notat BAGLIVIVS, in Dissertt. suis, de grandaeu quodam, qui sibi, ex praedictione horoscopica, de hydrope metuit, et ad hunc euitandum, vix ex alio vixit cibo, quam ex Chocolata, cibis salinis, et parco potu; hoc non obstante hydropem tympanitidem incurrit, quae post fata (contra tympanitidis verum characterem,) 60 libras seri reddidit. Quis autem non videt, ipsam hanc victus rationem id effecisse, quod metuebat. Quemadmodum enim ciborum salitorum interpolata ingestio, cum potu sufficiente senibus multis conuenit, et indemnus est, ita illorum perpetuus vsus, cum potus abstinentia, non potuit nec sanguinem ad lethalem dyscrasiam disponere, viscerumque obstructiones, ex quibus hydrops, producere.

§. CXLI.

Licet pro serie, a nobis initio statuta, *Oedema pendulum* ad morbos abdominis directe non censendum sit, cum in pedibus obuiam veniat, nec abdominis sit morbus primarius, tamen magna^e affinitatis ergo,

go, quam cum morbis praecedentibus habet, illud
hic annexere vtile duco. Oedema pedum cache-
xiae senilis productum quidem est, interim atten-
denda etiam est allegata in Cap. primo senilium
arteriarum ossificatio, quae separationi seri a sanguine,
ad oedema formandum fauet: non insinuatur
enim tunc exacte arteriarum sanguis venarum orifi-
ciis; hinc facilis stagnatio ad ipsa venarum oricia,
seri a reliqua massa separatio, et eius in musculorum
intersticiis, eluuies. Facile assurgit oedema in seni-
bus, cum multum stare ipsis necesse fuit, vel etiam
desidere. Oedema cum stranguria saepe alternare
obseruatur, per redundantiam nempe seri stagnan-
tis, ex stasi intercutanea acrioris redditi, ad renes et
vesicam, de qua re lege casum memorabilem in
Ephem. N. C. D. III. A. V. Obs. 50. Oedema in se-
nibus mortem praecedere obseruatur, cum insequen-
te liuore, gangraenae sphacelosae signo. Nec tale
se semper manifestat signum, sed occulta gangraena
se interdum motibus febrilibus prodit, ad Erysipelas
tendentibus: sic senex 78 annorum, robustus, per
plures annos iam oedemate laborans, subito graui
horrore febrili concutitur, insequente mox magno
aestu, dolent postea crura vehementer: remittit fe-
bris, et quia appetitus redit, saluum se esse credit
aeger. Verum quinto die subito ipse indicat se sen-
tire mortis praeludia, quae etiam, constantibus sen-
ibus, vti in illis fit, qui sphacelo subito irrepente
moriuntur, post aliquot horas insequitur, absque
ullo signo lethifero in pedibus; tantum in ossis sa-
tri regione liuidae quaedam magnae maculae repe-
liebantur. Metuenda talia in primis sunt, quando
oedemata maculis liuido-rubris sunt notata, simulac-

enim ex naturae robore deficiente, hae in superficie non detinentur, mors instans metuenda est, senibus.

§. CXLII.

Pro *curatione* oedematis, vel potius *diminutione*, conducunt infusa vinosa, diuretica, amara, ante pastum sumta, ut chymus his imbuatur, et separatus inde chylus sanguinem vappescensem partim roboret, partim eius defecationem a sero superfluo, per renes promoueat. Laxantia interponantur per epricrasin. Si autem vrina simul crassa, et rubicunda est, decocta specierum diureticarum mitium et alterantium potius profundit, addito hordeo, vel auena, cum passulis minoribus. Potus Thee viridis etiam valet. Conducunt porro tinctura antimonii acris, tartari, et Ess. Pimpin. et Succini. Nitrum etiam, cum absorbentibus mixtum: item muria limonum et variorum fructuum. Externe adhibeantur frictiones modestae, cum linteis calidis, vel cum solis manibus. Ligationibus cum fasciis nullatenus fidendum, si tamen illas adhibere placet, noctu sunt remouendae, ut transpirationi, si ope caloris, elici poterit, linquatur locus.

§. CXLIII.

Vesicae vitia in senibus sunt frequentia. Laborant enim mox vrinae profluvio, contra voluntatem, absque sensatione, id quod *incontinentia* vocatur: mox alio profluuii nimii genere, quod *Diabetes* dicitur; nunc vrinae totali obstructione *Ischuria* appellata; nunc mingendi difficultate, absque dolore, *Dysuria*, nunc eadem difficultate cum dolore, *Stranguria* nuncupata. Non incongruum quidem esset: *enictum cruentum*, quatenus vesicae culpa oritur, hic numerare, quia autem morbus separatus in scho-

lis medicis audit, et cum his nuncupatis vitiis extra connexionem versatur, ideo etiam separatim illum perlustrauit.

§. CXLIV.

Non equidem rarae sunt senibus vrinae incontinentia et diabetes; frequentiores tamen Stranguria, Dysuria et Ischuria. Cum Diabetem, ut morbum renalem hic saltem nominasse placuit, *incontinenciam vrinae*, morbum vesicale, hic solum examinabimus. Causa eius est paralytica constitutio Sphincteris vesicae, non permittens illum pro voluntate constringere, ischuriam interdum, ex voluntaria constrictione vesicae, ab vrina onustae, sequens. Dabo huius rei casum singularem: Septuagenarius, robustus, colicae aliquando obnoxius, vino indulget Hungarico, cui Burgundicum superbibitur; cupie tandem se societati, cui intererat, ad mingendum subtrahere, sed venia non datur, et post biorium data, vesica nullam vrinam reddit, ischuria laborans. Corripitur eadem vespera a febre, secatur itaque vena, et sanguinis debita quantitas euacuatur. Nihilominus postea, ex Chirurgi incuria, vel ex aegri errore, fere triplum tanti sanguinis, inscio aegro, noctu e vena adhuc effunditur, Ischuria tamen perduranti nullum inde leuamen. Aluum simul obstructam clysteribus emollientibus deobstruere labatur, sed incassum, quia in intestino recto, quasi obex, ex collo vesicae, spasmo illud congregante, sentitur. Cum tandem sequente mane aluus obediret repetitis clysteribus, vrinae sequebatur incontinentia, licet nihil diuretici fuerit adhibitum, praeter aquam Bristolensem: praecedens enim vesicae spasmus huius paralyseos Sphincteris causa fuerat.

Durat haec incontinentia in dies, licet varia topica roborantia fuerint adhibita, et perinaeo applicata, imo vmbilico, e. g. aqua illa spirituosa Anhaltina, et varia emplastra neruina, sed omnia in cassum. Interne interim per hos dies nihil, praeter aquam Bristolensem, cui confidebat aeger, et ex cuius usu ventrem a flatulentia, cui obnoxius erat, liberum sentiebat, nihil bibebat. Noctes habebat aeger somniferas, nisi depurationum causa, quas vrinae perpetuum stillicidium necessarias faciebat, interpellentur. Proponebatur a Medico usus clysteris Chinati, quia saepe post huius usum, vrinam imminutam viderat, ex quibus, binis noctibus, applicitis, nulla mutatio; omittitur eius iniectione tertia nocte, qua quidem eadem durat incontinentia, cum inquietudine tamen et horripilatione interpellante.

§. CXLV.

Aeger perdurante hoc morbo, cereuisiam bonam, spirituosa, cui ob frequentes colicas adsueuerat, bibere omiserat, soli aquae Bristolensi indulgens: quo autem vesicae, contra pertinacem, et ultra 4 hebdomades iam durantem, incontinentiam, robur redderetur, iubetur rursus cereuisiam bibere, sed ecce! mox inde stranguria esurgit, vehemens et cum ardore in ano, succedente febre versus vesperam. Datur vinum Chinatum, et pilulae ex sapone veneto, spermate Ceti; sed peiora hinc omnia. His itaque missis, emulsio ex papaueris albi semine, amygd. dulcibus, et semine cardui Mariae, addendo horum e. g. vinciis tribus, ante emulsionem, ol. amygd. d. fine igne expressi vinciam vnam, paratur: incoquuntur simul iusculis radices althaeae et glycirrhizae, quibus alternatim propinatis, non solum noua illa pathe-

pathemata sopiauntur, sed et simul vrinae incontinentia, quae per 5 septimanas durauerat, tollitur. Quis ab oleosis emulsionibus, et radicibus emollientibus in continentiae vrinae curam exspectaret? Putares illam adscribendam esse praegressae Stranguria, illamque sphincteri, vi sua dolorifica, tonum suum reddidisse, sed oleosis his remediis, fibras sphincteris torpidas rigidasque demulcendo, et sic ad officium compellendo, haec laus debetur: commendabilis enim est in omni vrinae incontinentia, ex amygd. dulcibus, pineisque, nucleis pinastri sibricis, (quibus ultimis, diateticam vrinae incontinentiam curatam esse nouimus,) omnibus nullatenus rancidis, parata emulsio.

§. CXLVI.

Locum iam adii, qui casum, cuius in colicae pertractatione mentionem feci, et in quo pus, per vesicam, ex colicae apostematicae causa redditum est, cum *vrinae incontinentia*, capiat: Vir annorum 75, habitus corporis robusti, floridi, stricti, cum per ultimum vitae annum, primo tibiae, post faciei erysipelate laborasset; dextre sanatus, ex diaetae vitiis in grauem incidit colicam, cum alui obstructione. Eluctatur etiam ex hac commode. Elapsis vero vix 4 septimanis, in stranguriam incidit dolorificam. Enemata congrua, linimenta, infessus, et decoctum herbarum emollientium hanc tollunt. Observatur vero mox non solum tumor supra pubem dolorificus, quando manu premitur, sed redditur eo ipso, per virgam, materia purulenta. Succedit mox *vrinae incontinentia* appetitus prostratus, et pulsus versus noctem a rythmo naturali, ad febrilem vergens. Tertia morbi septimana singultus accedit, et aeger,

semel graui lipothymia afficitur. Cum vero tumor ille hypogastricus accuratius examinaretur, ex dextro vmbilici latere, ad ilia et pubem extensus reperiatur. Tandem per anum etiam secedebat materia purulenta, cuius successus per clysmata iuuabatur. Vrina fit graueolens. Superueniunt aphthae, quae quidem, cum singultu, pro materiae purulentae facilitata excretione minuitur; augetur tamen corporis debilitas et marcor, aegro medicamenta uti alimenta auersante. Octiduo ante obitum, hac involuntaria mictione purulentae materiae, octo circiter vnciae excernebantur, et eiusdem circiter tres vnciae per anum, tempore matutino; post meridiem autem fere libra eiusdem, absque omni comite excremento; materia, puri abscessus incisi similima. Abdomen, quod per biduum, ad pectus usque tumidum, et durum fuerat (accedente, eo ipso, leui delirio, cum pulsu intermitte) nunc totum detumescit, et mollescit, vrina autem fluit clara et copiosa. Cessat singultus, respiratio fit liberior, aphthae euanescent, pulsus rithmo naturali propior, nihilominus sub hac fallaci serenitate, practicis nota debilitas augetur: biduum enim ante obitum adhuc puris per anum, libra semis, et loquendi impotentia. Duodecim autem ante noctem, horis, corporis aestus magnus, gangraenae dominantis testis superuenit, hanc mors placida, cum morbus per octo durauerat septimanas. Corporis obductio non permittebatur, dubia itaque manebat trium dissentientium medicorum opinio. Primi, quod morbus vnicet fuerit abscessus substantiae tunicarum vesicae, utpote in magnam molem dilatabilium. Secundi, qui in hoc conueniebat, addentis tamen, partem abscessus

scesus cum intestino recto connexam fuisse. Terti, quod fuerit abscessus, peritonaeo affixus, illudque subintrans, et per huius vasa, et nouiter cautas vias, immediate in vesicae cavitatem, et per formatam fistulam, in intestinum rectum se exonerans, argumentis : 1. quod colica praegressa, abscessus initium reliquerit, si forsan abscessus non fuerit colicae causa. 2. Quod tumor abdominis non, nisi post puris ultimam quantitatem, maxime per annum euanuerit, 3. ex stupenda quantitate puris per tot septimanas fluente, 4. ex non interrupto vesicae officio vrinam reddendi, licet per perpetuam incontinentiam. Conf. hic loca notabilia Ephem. N. C. nempe D. I. A. II. Obs. 176. et A. III. Obs. 215. item D. III. A. IV. Obs. 7. 86. 89. et A. VII. Obs. 57. nec non earundem Cent. III. Obs. 10.

§. CXLVII.

Stranguria, seu frequens, cum dolore, interrupta plerumque mictio, est senum frequentissimum vesicae vitium. Oritur communiter, ex muco vesicae acri, interdum etiam ex viscido e sanguine per renes ad vesicam amandato : in aliquibus autem ex vesicae tunicae ulcerascentia, vel etiam ex calculo vesicae latitante, aliisque causis : Grauissimus est morbus, vires quam maxime depascens, noctes diesque interdum dolore plenos faciens, ob perpetuum mingendi stimulum : aliis noctes ab hoc incommendo sunt liberae, et illi per diem solum a stranguria vexantur ; aliis autem dies sunt commodi, et noctes habent vexantes ; ne dicam, quod ani tenesmus saepe coniunctus sit, qui ex quavis fere stranguria, ex vesicae sphincteris fibris ano largiter connexis contingit, ad alui obstructionem simul disponens.

§. CXLVIII.

§. CXLVIII.

Causarum diuersitas, methodi medendi diuersitatem poscit. Signis autem pathognomonicis protectae viae indice opus erit. Mucus vesicae acri, a tunica ulcerata, scabiosa, distinguitur, quod mucus hic cum stranguria expressus tenuior, et magis ardens sit. Si autem viscidum a sanguine per renes ad vesicam demandatum stranguriam creat, et mucum mentitur, a glutinositate, quae huic viscido inhaeret, discrimin capiendum. Calculus latitans, stranguriam faciens, per examen solitum in ano, et styli immissionem in vesicam, detegitur. Si denique suspicio de prostatarum ulceratione excitaretur, haec ex liquore emanante, dolore perinaei, iniectione quadam, stylique cerei immissione, facile detegretur. Quae ex muco vesicae acri, eiusque tunicae ulcerascentia nata est stranguria, iniectionibus lenientibus mitigabitur, si sphincter syringam admiserit, ita tamen ut huic ulcerascentiae dicatis iniectionibus ex althaea, consolida mai. flor. maluae etc. paratis, simul aqua calcis addatur. Conuenit praeterea utriusque malo, lactis usus, et decoctum ex veronica, sassapar. hyper. et alica auenacea. Prosunt praeterea emulsiones amygd. oua forbilia etc. Demulcet etiam egregie aqua illa Bristolensis, in primis vino rubro subaustero tincta. Butyrum recens non salitum, vel nitro conditum, multi usus est in mucosa stranguria. Opii prouidus usus stranguriam et tenesmum mitigat: retinetur quidem sub hac palliativa cura materia excernenda, interim placido somnifero interstitio, vires vitales, doloribus, et vigiliis fractae, resarciantur, et postea potus sufficientis vehiculo vesica simul et semel exoneratur. Valet hic

hic itaque idem ratiocinii momentum, quo in tussi, opium commendando vſi ſumus. Interim notandum, quod in his affectimus, p̄ae multis aliis, non licitum ſit guiae indulgere: ex insipidis fere et dulcibus viuere necesse eſt. Exulent itaque hic omnia aromatica, acida, ſalſa, et fumata. Quod attinet stranguriam ex calculo, et ex proſtatarum ulcere; illi Lithotomus medebitur, ſi a lithontripticis cruciari diſplicet, et proſtatis ulceratis iniectionibus lenientibus et exſiccantibus occurrendum erit.

§. CXLIX.

Stranguria, ex vifido a ſanguine per renes ad veficam demandato nata, ſanguinem a vifido ſuo purificantibus, curanda eſt, decoctis lignorum et antifcorbuticis, Tinctura ſuccini, tartari, antimon. Eſſ. Pimpin. etc. Difficulter tamen iis medemur, niſi in principio, et antequam ſenſim, renes ad recipiendum hoc vifidum, diſpoſiti facti ſunt. Vti stranguriam cum oedemate ſcenam variare diximus, ita et hanc ex vifido ſanguinis natam stranguriam, cum tuffi catharrhali alternare obſeruaui, in vetula anno-rum 76 macra et exſucca: haec a multis retro annis, tuffim mucidam ſemper tuffiens, in primo ſenio, excoriationes et exundationes inflammatiorias ſeri ad aures experiebatur: septuagenaria facta, grauibus pectoris oppletionibus moleſtabatur, ex mox ardore vrinae, mox stranguria, interdum etiam vrinae incontinentia, cum dolore in pube, laborabat. Accedebat interdum ani tenesmus moleſtissimus, addita, clyſteribus emollientibus, ſpiritus vini drachma vna vel altera, leuatus, comite tamen alui obſtru-ctione. Vrina, quae excrenebatur, parca erat, qua-uis vice, mox autem in matula ſedimentum valde glutino-

glutinosum deponebat Remittebat sub his molestiis, quae aderat oppletio pectoris, et tussis omnis: vbi vero, vel ex aëris frigidi haustu tussis reuocabatur, vel pulmones ex sanguinis massa sponte muco opplebabantur, nulla amplius aderat stranguria, vrina liberior fluebat, parcum solummodo reddens mucum. In propatulo quidem est, hanc stranguriam ex vesicae vitio natam non esse, interim ex diuturno hospitio talis viscidi, ipsam vesicam morbo proprio affici posse non dubitandum.

§. CL.

Cum vesica, et quae intime ipsi annexa sunt, generationis organa, neruis, vt subtilissimis, ita maxime elasticis, abundantissime gaudeant, contingit saepe, vt ex vesicae spasmo strangurioso, non solum eiusdem, sed et dimidii corporis neruorum paralysis in senibus succedat, id quod, vbi de paralysi et hemiplexia locuti sumus, memoriae labe oblitum pluribus allegare iustum fuisset. Quantum malum stranguria, leuius aliquando habitum!

§. CLI.

Omnem equidem stranguriam *Dysuria* titulo appellare liceret, cum autem hanc distinximus, quod absque dolore sit mingendi difficultas, ita etiam illam proprio suo titulo relinquamus. Consistit enim vere *Dysuria* solum in nisu inani, per aliquam moram, vrinam reddendi. Causa est debilitas tunicae musculosae vesicae, vesicam constringere non valentis. Nascitur vel ex potu nimio aquoso, vel ex refrigeratione crurum, vel ex sanguinis vappidi vrina vappida. Causae priores facile remouentur, potu spirituosiore, et crurum a refrigeratione praeseruatione: quae autem sanguinis vappescatiam pro causa

causa habet, illa non solum potum spirituosiorem, sed etiam remedia balsamica neruina sibi poscit.

§. CLII.

Ischuria, totalis mingendi impotentia, vel sola existit, vel nunc antecedit, nunc sequitur, allegatos vesicae morbos, ut videre est in casu de vrinae incontinentia. Oritur saepe ab omnimodo sublato officio renum, vesica ab vrina existente vacua, quae species Ischuriae periculosissima est, in primis in senibus, quia serum saepe ad cerebrum regurgitat, et vel apoplexiam, vel lethargum inducit. Nec minoris est periculi, quae ab obstructis a calculo renibus oritur, quae tamen saepius vincitur insessibus tepidis (quia calidos lipothymias interdum inducere obseruatum) decoctis emollientibus, oleosis, lubricantibus clysmatibus, etc. quando scilicet calculus, per vreteres volubilis adest. Vbi autem calculus vesicae Ischuriam producit, nullo modo retrudens, spasmo sphincteris fortiore comitante, tunc vesicae, ab vrina replete, regio intumescit; et si punctio perinaci nullum dat auxilium, mors lethargica sequitur, et vrina post mortem effluit. Si alia recrementa, sanguis grumosus, vel glutinosum quod, ischuriam creare tentat, emollientibus oleosis, et multo potu aquae citrato, spirituque vini animato, fit medela. Acria illa nasturcina etiam in victu valent.

§. CLIII.

Collum et sphincter vesicae interdum a vasis sanguiferis propriis inflammantur et tumefiunt, ansam dantibus vesicae ulcerationibus, et excrementis mucosis acribus, ut et hoc modo Ischuria nascatur: tunc maxime venaesectio in pede prodest, nec non hirudi-

Hirudinum ad anum et ad perinaeum applicatio. Profunt pediluuia tepida, imo tales infessus. Valet nitrum abundanter datum, b^utyrum nitratum, clysteres nitroſi, purgantia rhabarbarina, tamarindinata in decoctis emollientibus: nec non externi fokus perinaeo appliciti, ex aqua calcis et saccharo saturni parati, pinguedinibus, non rancidis, mixti. Si autem solo spasmo affectum esse sphincterem argumentamur, ex dolore spastico simplici, absentia febris etc. facile pediluuiis calidis, fotibus calidis emollientibus, pinguibus, semine papaveris admixto, illam leuabimus Ischuriā.

§. CLIV.

Commentarii Acad. Sc. Paris. A. 1718 recensent, Chirurgum PETIT duodecim cadauera, Ischuria, ex Iuis venereae suspicione defunctorum, quibus ob vrethrae carunculam vrinam haefisse, opinio fuerat, secuisse, et illam a caruncula liberam inuenisse: obseruasse autem in tribus subiectis, prostatas glandulas adeo intumefactas fuisse, vt vesicam ipsam per collum intrauerint: et ex Eph. N. C. Vol. I. Obs. 163. et 64. duos casus mortiferos, eiusdem causae, haurire possumus, ex quibus appareat, hanc Ischuriaē causam etiam senibus aliquando accidere. Primus enim casus in Duce Hetruriaē sene, secundus in Medico sene adfuit. Indurantur quidem, et minuuntur glandulae potius in senibus, quam vt crescant, interim et contrarium accidere, vel ex liquoris genitalis orgasmo, vel ex alia causa, his casibus docemur. Experientia praeterea, glandulas colli saepe tumefieri in senibus, monstrat, et aperte probabilitatem casuum confirmat. Quid, quod abscessuum abdominis glandulosorum generatio etiam satis notoria sit?

§. CLV.

§. CLV.

Malum grauissimum esse Ischuriam, quilibet videt, qui perpendit necessitatem seri biliosi, et falsi excretionem perpetuam, e corpore humano, quae ischuria impeditur. Quemadmodum ad hunc obicem remouendum, omnis lapis prudenter, et pro causarum agnitione, absque mora mouendus est, ita hoc solum monitionis addimus, ut explorationi causarum per stylum, quantum possibile, parcissimus, et modestissimus sit locus.

§. CLVI.

Erysipelas maribus senibus, frequentius in crure, vtpote partibus magis tendinosis occurrit, quam feminis, quibus saepius facies hoc malo afficitur, idque tanto maiore dolore, quanta maiore cura illam curant. Accidit autem illis magis in facie, quia glandulis magis abundat faciei vicinia, quas magis patulas ipsis dedit natura, ob lymphae copiam maiorem in illis, quam in viris. Manifestat se hoc luculenter, per dolorem, qui sub initio Erysipelatis ad faciem, in parotidum regione se exserit. Hinc etiam videoas illarum colli glandulas in annis iunioribus obstrui frequentius, et ulcerascere: accedit, quod facies vasis sanguiferis abundet, et nunc ex pudicitia, nunc ex leui iracundia illis facilius rubeat. Interim etiam refrigeratio faciei ipsis, vt teneroribus, saepe erysipelatis ansa fit, ob lymphas scilicet impeditum progressum. In hoc tamen etiam praecellunt beneficio feminae, quod erysipelas faciei non adeo facile ulcerascat, quam illud crurum.

§. CLVII.

Corripiuntur senes ab erysipelate, communiter, infestissimo modo, horrore febrili vehementer, cum

aestu graui insequente, sub quo, vel mox post, dolor se in crure, et circa inguinis glandulas exserit, vti, si facies tentatur, dolor circa parotides obseruatur. In senibus ita inflammata parotis, non semper perfecte Erysipelas format, sed febre perdurante, in abscessum degenerat, vires vitae destruentem, et senem communiter morti tradentem. Cum senes non facile febricitent ex tertiana febre, et si ab illa corripiuntur, paroxysmus illis lenior sit, quam iunioribus, senibus, in primis grandaeuis, a grauiore horrore febrili correptis, audacter semper praedixi, erysipelas ante fores esse. In senibus primi stadii, grauis horror febrilis etiam valet, pro signo nephritidis paroxysmi. Ipse quidem paroxysmus erysipelaceus, aliquando stranguriam habet comitem, sed illa est ex natura vehementis paroxysmi febrilis, et se associat cuilibet paroxysmo vehementi, tam in intermittentibus, quam acutis febribus.

§. CLVIII.

Ab erysipelate saepius oedema remanet, vtut incompletum: oedemati vero obnoxii senes, erysipes reformidare debent pessimi moris, i. e. facile gangraenescens, de quo casum iam attuli incidenter sub *Oedemate*, et apud Auctores practicos eiusmodi plures leguntur. Obesi, saepe ab erysipelate tentati, etiam habent, quod de Hydrope timeant. Realem vero differentiam, inter erysipes et phlegmone, communiter acceptam; pro tali non ausim corroborare; gradu enim haec solummodo differre autumo.

§. CLIX.

Qui erysipelate saepius corripiuntur senes, colicæ etiam fiunt obnoxii, et iisdem, vti dicere solitum,

tum, retrocessionibus erysipelatum periculosis tentantur, quemadmodum podagrī suis podagrae retrocessionibus, incompletis, vel imperfectis potius dixeris, moliminibus. Delirium interdum illos occupat, quibus faciei erysipelas est, communiter autem tunc quando absque febre sunt, leue, et absque periculo, modo mucus narium et saliuā, in debita persistent excretionē: vbi vero angina se iunxerit, periculum adeſt. Erysipelas vlceraſcens non eſt ſine periculo sphaceli in ſenibus, quemadmodum idem interdum adeſt, in aetate non adeo proiectis; interim humorū benignior ſtatus differentiam tenet. Octogenarius quidam obesus, vlcere tibiae ex erysipelate, per 30 annos laborans, et huc usque pernas fumatas et bräſicam muriaticam in lauto victu habens, corripitur tandem, post iracundiam, ab horrore febrili, cum dolore in vlcere, exspectatque ſolitam inflammationē eryſipelaceam, haec autem hac vice, non ſequitur, quin potius, cum aestu magna debilitas, et mors quinto die. Saepissime altero die a paroxysmo febrili, eryſipelati vesiculae gangrenosae adsunt, quibus forfice apertis, ſedulo contra gangrenam laborandum.

§. CLX.

Venaefectionem in erysipelate administrare, iustum eſt, imo repetitam, maxime circa initium. Sequens, ex Ephem. N. C. Cent. VI. Obs. 6. mutuatus caſus hic alligari meretur: Septuagenarius Italius corripitur eryſipelate cruris ſinistri; cum per biduum adhibita tonica fruſtranea fuiffent, et aeger inſomnis de nodo in praecordiis quereretur, vnciae octo ſanguinis e brachio ſinistro cum leuamine edificantur. Post biduum queritur aeger rursus depon-

dere circa cor, et in pectore, vena itaque secatur in altero brachio, cum nouo leuamine, crus minus dolet, tumet vero, vti antea, et suppurationem minatur. Quarto die a venaefectione, ruris malam omnia, pulsus inaequalis, respiratio difficilis, etc. evacuatur rursus libra vna sanguinis e sinistro brachio, cum euidente reuocatione aegri in vitam. Caxis vero simul duo vesicatoria applicantur.

§. CLXI.

Post venaefectionem clys-nata, et laxantia in vsum vocentur. Aestus febrilis, nitrosis, mucilaginosis cerealibus, et diapnoicis mitigetur. Externis speciebus camphora addatur, et aspergatur, cum pulueribus, illis locis, in quibus exulceratio metuenda. Egregium Euporiston topicum est cortex medius cerasi padi recens minutim scalptus: praeterea aqua destillata huius corticis dat remedium diapnoicum roborans egregium. Quando autem gangraenam minatur erysipelas, usus corticis peruviani non es omittendus. Praeseruatiue valent laxantia. Venaefectio in brachio (quia illa in pede interdum erysipelas, licet leue, prouocat, etiam ad illud non pronis) fiat. Praeseruant etiam aquae felteranae, cunctaria, vel quarta parte lactis potae: nec non thermarum naturalium fatus, si fert constitutio senilis. In diaeta, acria, falsa et fumata fugere consultum est, sed consuetudo, et crasis sanguinis a iuuentutis his fundamentis superstructa, robustos spernere facit haec consilia. Cereuisia etiam nocet, quae multo, fumo parato, coquitur; praestat leuis, auncacea. A fructibus horaeis, acidulis, inprimis, cerasorum copiosa comedione abstineant, quippe aliquot casus erysipelatis mihi noti sunt, ab illorū

come

comestione secuti; et duo in Ephem. N. C. notati casus idem affirmant. Erysipelas facile colludit cum pectoris oppletionibus: non properent itaque illi, qui ambobus his affectibus molestantur, ad erysipelatis subitaneam discursionem, absque interpositis laxantibus, aliisque vniuersalibus. Conf. Annal. med. phys. Vratisl. A. 1724. Mens. Iunio. p. 253.

§. CLXII.

Sphacelus pedum non cum tumultu febrili semper inuadit senes, sed saepius clandestine, subito tamen: interdum tarde, et a longinquo quasi: sic septuagenarius, robustus, boni corporis habitus, per bienium, in fine muscularum gastrocnemiorum, vice rationem habebat, aliquando quidem coalescentem, tandem autem in sphacelum incoercibilem ridentem. Alius grandaeuus, exfuccus, multos annos, per interualla, sentiebat, in utroque pedum pollice, circa vnguis marginem, et radicem, dolorem, quem tandem ulceratio sicca sphacelosa sequebatur, cariem ossis clandestinam, diu ante factam monstrans, cum infecuta febre et morte. Ita partes exsangues facile corripiuntur a sphacelo difficulter coerci bili, saepissime se in pollice pedis cum vesicula gangraenosa manifestante. Sexagenarii subitaneam, tibiae, et totius *vēxēστιν* lege in Ephem. D. II. A. VII. Obs. 122. Si paronychiae initia insurgunt, egregie illis occurritur camphora l. a. trita, duplo asae foet. mixta. Affectum hunc digitorum manus, ulcerationi grauissimae saepe, subiectorum addidisse pedum digitis grauiter affectis, ne male vertas, Lector.

§. CLXIII.

Arduum sane sphacelum remouere in senibus, quia sanguis illorum non gaudet amplius crassi illa

Balsamico-salsa, partes corporis vegetante, sine cu-
jus concusso mortificationi obex poni nequit: hinc
maxime internis validis remediis, crasis sanguinis,
absque mora, fulcienda erit, cortice peruviano, myr-
tha, croco, ambra, et similibus. Porro Iulapiis aci-
dulis, et si nulla adest faucium, siccitas, vinosis. Ad-
hibeantur praeterea probati fotus ex speciebus ama-
ris balsamicis, cum vino, aceto, aqua calcis, pro re-
nata, paratis. Quam in utilis sit amputatio pedis,
ad conseruandum senem, absque concusso bonae
craseos sanguinis, in primis grandaeum, docent
Acta medica Berol. Vol. IV. In robustis senescen-
tibus, quibus ex bono vitae regimine, adhuc bona
crasis sanguinis constat, aliquando amputatio habet
locum, tempestive instituta, si a causa violenta ex-
terna, metus sphaceli iustus, ex vulneratione accide-
rit, licet in Cap. Imo, allegatus funestus casus An-
gli nautae contrarium suaderet; inueniunt enim lo-
cum exculpantem allegata vitia diaetetica, ex qui-
bus malam crasin sanguinis hariolari licuit. Suc-
cessit aliquando apud nos feliciter, etiam in sene-
scente, floridi habitus, amputatio, cui pes totus, a
pondere irruente confractus erat. Sponte natura
interdum terminatur feliciter sphacelus, id quo d
optimam crasin sanguinis adesse indicat. Nonage-
nario cuidam, habitus stricti, ex pernione sphaceli
initium, haud paruum, in pollice oriebatur, quod,
quia aeger bona crasi sanguinis valebat, in suppura-
tionem transibat felicissimam. Qui in pedibus suis
stagnationes sanguinis, dolores frigus perpetuum, et
talia praeternaturalia symptomata sentiunt senes, illi
frictionibus praecauere studeant haec mala, et cir-
cum volutionibus cum puluere anisi, leuiter cam-
phora-

phorato, addita farina fecalina, ad musculos gastrocnemios vsque.

§. CLXIV.

Arthritis duplex interdum senes excruciat, *vaga* et *fixa*: haec tamen illis solennior est, pedes manusque firmiter occupans. Excipit etiam aliquando arthritidem insultus apoplecticus, et dimidii corporis relaxatio, vti supra, in articulo de Hemiplexia allegatus casus docuit.

§. CLXV.

Podagra solennior species arthritidis senilis est. Hanc curandi innumera est methodus: cautelae simul innumeræ. Plurima pars medentium, ne temere agere videantur, remouendo remote noxia, parum ad rem facit: sic et plurima pars aegrorum, ex meticulositate retrocessionis, rem vti est, sini cupit: inueterascunt itaque saepius arthritides fixae, chiragra et podagra. Sexagenarius quidam, robustus, diu vomitibus matutinis obnoxius, a quibus potu aquarum Pyrmontanarum, Petropoli bibitum, liberabatur, cum podagra corriperetur furiosa, et quam cautissime tractari vellet, eo omnes cautio-nes vergebant, vt morbus sibi relinqueretur. Non cedebat autem podagra sibi relicta, sed tumore, et rubore insolens dominabatur per annum continuum absque remissione. Accedebat chiragra, tunc anxius aeger varia petebat, domi et foras, ex Batauia, et Anglia, consilia: quae primario eo tendebant, vt aeger laxantibus vteretur frequentissime. His itaque, et quidem aloëticis, adeo se tunc tradebat aeger, vt per quinquennium quotidie illis vteretur, sub quorum vsu (an ex illo, an ex temporis medela) pedes vix a tumore et rubore liberi euadabant, susti-

mendo corpori tamen toti impares. Superueniebat aegro, hoc temporis spatio, bis colica cum diarrhaea, et tumoris podagrī pallore, quae res illum valde terrebat, et a laxantium v̄su per hebdomadem feriari cogebat, vomitus autem, vt pote in ancipiti tali casu magis sōticum, se, bonis auibus non associabat: forsū, quod et inueterata et immobilis podagra ad dictam illam retrogressionem inepta fuerit. Haemorrhoidum fluxum sibi conciliari optabat aeger, ideo, vna et altera vice, sanguis, per hirudines ano applicatas, alliciebatur: verum, nec haec tentamina, nec diuturnus aloēticorum v̄sus ilias prouocabant. Erat de cetero vir robustus, et durante hac podagra quinquennali et vltra, adhuc floridi corporis habitus, anteactis annis vino Hungarico multum deditus, cuius tamen nunc, vigente podagra, quinque tantum vñcias quotidie capiebat. In alium locum tandem delatus, post sexennium, pedibus suis antea totus restitutus, diem obiit supremum. Licet podagra sit inflammatio partium cartilaginoso-tendinosarum inflammationem tamen erysipelaceam, quae tendinoso-musculosas partes occupat, in permultis circumstantiis imitatur, ideo methodo, haud multum dissimili, tractanda.

§. CLXVI.

Testantur podagrae et chiragrae habituales, abundare in suis subiectis materiam degenerem, falsam, rodentem, quae ad articulos decumbit, et in calcaream substantiam exarescit. Supra, vbi te mutatione, quam sanguis senilis ex aetate accepit, sermo fuit, arthriticorum sanguinem sale volatili abundare diximus, et hoc ex experimentis chymicis PINELLI habemus, quibus apertum fecit, libram
vnam

vnam et decem vncias sanguinis podagrī, dedisse phlegmatis drachmas duas, olei combustibilis gr. xv. salis alcali vol. drachmā vnam et grana octo, salis alcali fixi drachmam semis: hincque ratiocinari licebit, bonam cras in sanguinis podagrae non feracem, contentis, si non in totum contrariis, attamen nominatorum in parciore quantitate, aliisque proportione constare.

§. CLXVII.

Qui vomitu et soda interdum laborant podagrī, insidias metuant: habent enim his symptomatis indicibus dispositionem ad podagrae remissionem, materiae acris decubitum ad articulos non sufficienter promouentem, ideoque periculofam: associat se enim facile, quicquid in massa sanguinea est acre, materiei acri, quae, teste soda iam haeret in ventriculo. Confugiendum tunc ad nitrum, et quae sodam edomant radicitus, ad aquas felteranas, solas, vel lactis sub connubio, potas. Externe valent in paroxysmo, oleosa, subtili et amico sale volatili praedita, e. g. oleum terebinth. aethereum, et eius bals. sulphuris, iuniperi, imo, caieputi, non nisi in punto dolente exsangui applicata; partes enim tendinosae exsangues facilius ferunt talia, cum exaestuatione resoluentia, quam partes musculosae sanguine magis refertae, quod et in applicatione chirurgica valere notum est. Sanguineis, tendinosisque partibus enim, arthritide affectis, magis conueniunt oleosa temperata lenientia, e. g. ol. ouorum largiter, et saepius illitum, in primis illud, quod rudi, et ut ita loquar, rustica encheiresi, paratur, dum viteilum oui ad eximiam duritiem coctum, forfici infigitur, et candelaē ardenti applicatur, qua tostio-

ne fuligo, liquamini oleoso secedenti, et destillanti, miscetur, in qua vim paregoricam haerere notum est.

§. CLXVIII.

Fugiantur in victu cibi fumo exsiccati, saliti, aromaticate conditi, cereuisia ex malto fumato cocta, vinum tartaro abundans, caseus putridus, et quicquid experientia aegro iam suasit fugiendum, quicquid etiam in Erysipelate vitandum suassimus. Serum latetis conuenit, cum coagulo, vel ventriculo vituli retiformi siccato, paratum; vino asuetis, serum etiam cum vino Canariensi parari potest. Fricentur pedes, manu suspensa, quantum ferunt, vel etiam cum excutia: corpus reliquum vero, panno flanell dicto, vel asperiori fricitur. Si pruritus in partibus, illis, quae dolent, vicinis, asbesto, arillis cynosbati, etc. excitari potest, leuamen eminens inde nascitur. Vesicatoria suaderem, nisi metus foret, catharidum sale volatili auctum iri, illud sanguinis abundans nocium. Partes arthriticae rarius denudentur, quia aër peripheriam, sudore relaxatam, restringit, et doloris augmentum reuocet.

§. CLXIX.

Quoad praeseruationem a paroxysmis, illorum quidem recursum penitus auertere, non suadetur a multis Medicis, metuentibus e paroxysmi emanatione certo decubitum iri sanguinem acrem a viscera. Interim dantur grandaeui, qui partim venaesectione, partim autem quotidiana pedum frictione, ab insultibus paroxysmi, per multos annos, immunes, et in omnibus incolumes vixerunt. Venaesectiones, ter vel quater per annum repetitae podagram mitigant, eo ipso, quod euacuent abundantem, et absque ambagibus, lympham serosam senum, acresentem.

Certe,

Certe, venaefectio in manifesta lymphae acredine plus valet, quam euacuationes per diaphoretica et diuretica: non sit autem sanguis iam a crassi totus delapsus, et viscera, a stasi lymphae, corrupta, nec sanguinis defectus, verbo, status aegri cachecticus, in quo omnis sanguinis auacuatio periculosa est.

§. CLXX.

Ad arthritidem fixam pertinet *malum ischiadicum*, cui senes ob tendinum muscularum crurum et coxarum gracilitatem, per aetatem natam, facile exponuntur, simul ac sanguis refrigerii occasione, vel ex alia causa ibi stagnat. Tenduntur autem non omnes musculi simul in dolore ischiadico, vel unus vnicet, sed manent immunes, nunc illi, qui ambulare faciunt, nunc qui desidendo in actione sunt, ut plurimum autem illi dolent, qui decumbendo officium suum praestant, hinc illa nota doloris varia-
tio. Praecipuum remedium est in venaefectione, in emplastro saponaceo, et in decocto lignorum. Coxae praeterea caligis obtegantur spissioribus, imo pellitis. Diaeta etiam hic conuenit lactea, in pri-
mis in coena. Interdum non nisi vesicatoriis cedit, hic magis admittendis, quia massam sanguineam sa-
le volatili acri nondum abundare, credibile est. Oleum Caiaputi illitum etiam valet.

§. CLXXI.

Arthritis vaga, eiusdem materiei soboles, faepe etiam senes excruciat, quando lympha a dulcedine diuergens, nec tota acris, ad partes decumbit, et circulationis ope, rursus dissoluitur. Haeret talis lympha in articulationibus laxioribus, e. g. brachii et genuum, et occupat tendines ampliores muscularum; id quod arthridis fixa rarius agit. Mani- festat

festat se saepius illa lymphae viscida acredo per felicem metastasis ad cutim, pustulis purpuraceis ardentibus, vti et in iunioribus pustulis pellucidis, cum maiore autem periculo. Decocta lignorum temperata totam curam fere absoluunt, additis nitratis, et largiter cinnabarinis. Interim, vbi aestus vrget, non solum venaesectiones, sed et scarificationes in vicinia dolorum valent: attendendo, dum euacuationes sanguinis, in senibus, vltimo fere loco, commendamus, quae de periculis inde obseruatis monuimus. Laxantia mannata, tamarindinata, et rhabarbarina sunt necessaria, vt eliminetur per omnes vias, quod inhaeret lymphae sal noxiū, antequam pedem figat firmorem. Commendando largiter cinnabrina recordor quidem Medicorum, usum cinnabaris videntium eundemque rationibus a priori, et experimentis chymicis probabilibus reprobantium. Verum, quamdiu in officina chymica ventriculi, illorum aegrorum, qui multum pulueris antispasmodici STAHLII consumferunt, non monstrabitur cinnabaris illaesae mansa, tamdiu proprio ratiocinio, de possibiliitate resolutionis in ventriculo, et auctoritati STAHLII, practici et chymici summi, inhaerebo.

§. CLXXII.

Scabies est morbus cutaneus strigosorum, plerumque, senum, quorum sanguis materia bilioſo-falfa abundat. Contingit autem, quando haec materia ob visciditatem sudoris sub forma, excerni nequit, sed circa vasorum vltima oricia et poros haerens acriſcit, et in pustulas vicerascit. Sudorem autem ſenilem pinguiorem, hinc crassiores eſſe, in capite primo, monuimus. Aethiops mineralis, et antimoniū

nium crudum, singula, per interualla, separatim sumta, omne absoluunt punctum. Interim conducent etiam rad. sassaeparill. cichorei, glycirrhizae, et similia. Conducunt etiam nitrum, aquae selteranae, et talia. Exulent in cibis aromata, fictus fumatus et multum salitus. Conducunt lacticinia, farinacea, potus tenuis, decoctum auenaceum, etc. Externe prosunt balnea ex furfuribus triticeis, malua, et mucilaginosis talibus, parata, parum tepida, imo frigidula, nisi quid obstat. Sebum ouillum, indusiis obductum, cuti applicetur. Remedium egregium. Trahantur simul in usum alui subductions, per mannam, vel tamarindinata decocta, cum sero lactis. Grandaeuus quidam, ex cingulo mercuriali saliuationem, non intentam, incurrebat, molestam quidem, ast a scabie liberantem. In vertice interdum senes pruritum sentiunt molestum, vt locum pruriuentem omnibus viribus scalpere teneantur; spiritus vini affrictus hanc molestiam quidem tollit; sed attendenda Obs. 51. A. VI. Dec. I. Ephem. de pruritu in vertice senis, febrem malignam, praecedente, cum erysipelate colli et brachii, tandem lethali. Saepe hic pruritus super futuram coronalem existit, comitante simul eius eximio calore, imo leuiore tensione; tunc animaduertendum ad vertiginem, aliasque fonticos affectus; noua cula saepius remouendi capilli, et haec regio sapone saepius extergenda pro transpiratione perpetua. Addo tandem ex Ephem. N. C. D. I. A. IX. Obs. 11. pruritum cutis octogenariae, cum horrore febrili inuidentem, curratam abundant potu lactis cum aqua, interpositis sanguinem purgantibus, et inspersis cuti, glycyrrhiza, cerussa et myrrha.

§. CLXXIII.

Memini duorum primi senii virorum, scabie vexatorum. Vterque vini amans erat, et quidem gallici, quod propria ipsorum cella ipsis ministrabat. Alter omnium sanguinis purificationum, quas per decocta praescripseram, taediosus, vinum, quod ipsi noxiū iudicaueram, et quod huc usque, ex meo consilio omiserat, repetebat, et more solito, non excessu tamen, in prandio et coena, liberius forsan nihilominus paulo, bibebat, et a scabie liberabatur. Alter huius sapidae, et dilectae, medicinae gnarus factus, vnicē conseruam bardanae radicis inter medicamenta sibi reseruabat, de cetero autem, interdicto vino rursus indulgebat, transpirationem cutis sibi inde liberiorem natam esse depraedicans, et sub vini ysu etiam successiue sanabatur. Diceres, medicamenta ante adhibita fundamentum curae praebuisse; interim indulgendum interdum consueto vitae regimini. Conf. Casum Vol. V. Comm. Lips. p. 477. octogenarii, qui pruritum, ad cachexiam, et pedum oedemata, sphacelum minitantia usque, tulit, praeter fomentationes conuenientes, libere vi- no usus est, ad somnum profundum usque, et, ab omni molestia, sanitati restitutus, adhuc per aliquot annos vixit. Ephem. N. C. Vol. II. Obs. 175. praebent diurnam scabiem Medici, quae soli balneo laconico saepe cedere visa est; tandem post largiter potum bonae notae vinum Hungaricum, euanescentem. Interim, exempla quidem mouent, non semper docent.

§. CLXXIV.

Moniti a RANCHINO, *Incuruationem* senilis corporis, ad affectus senii pertinere, merito illam hic
inter-

intercalamus, licet incurabilem ab illo pronuntiatam. Suadet tamen, ut adhibeantur, quae caput retrahant, pedes roborent, et vertebrae dorsi in situ naturali contineant, nullis adiectis remediis, his indicationibus, applicandis. Si tamen in molestissimo hoc affectu, in quo subinde mentum illorum pectori infidet, tentare lubet, id balneis, vunctionibus et frictionibus, nutrimentum in vertebrae et ligamenta colli agendum esse censemus. Conf. Cap. I. §. XLIX.

§. CLXXV.

Marasmus senilis est languor senum hecticus, i. e. habitum corporis consumens, ex sanguinis aestu, moderato quidem, nec paroxysante, aet praeternaturali continuo. Impeditur eo ipso secretio liquoris, seu fermenti specifici viscerum, cuilibet, ad functiones praestandas, necessarii. Hinc ventriculo deficit liquor gastricus, vnde anorexia: systemati autem neruoso consequenter subtrahitur magna ex parte, nectar illud vaporosum ad oeconomiam corporis necessarium, vnde virium prostratio, et quae ex aestuosa illa sanguinis discrasia sequuntur plures corporis defectus. Licet etiam interdum, vti, e. g. supra, vbi de forma senum interna egimus, in femina 70 annorum allegata, ventriculus officium, ex parte, vel integre agat, sanguinis tamen rodens exaestuatio, corpus exurit, vti in illa factum.

§. CLXXVI.

Haec sanguinis intestina aestuositas temperanda est: fero lactis, imo ipso lacte maiali, vaccino, vel quod prae caeteris ad longaeuitatem commendant Auctores, asinino. Post haec, vel cum interpositione, posmis maturis, recentibus, coctis, assatis, viuis passis majori-

maioribus vel minoribus, caricis, prunis dulcibus siccatis, baccisque variis gratis illam corrigere commodius et securius est, quam medicamentis. Cereuisia sit leuissima, non lupulata: vel fiat potus ex infusione panis siliginei crudioris citrata: pro consuetudine, vinum generosum Mosellanum sufficienter lymphatum, vel lacti cocto adfusum, ut serum inde secedat vinosum, quod pro analepsi saccharatum bibatur. Emulsiones ex pineis, amygdalisque dulcibus, optimis, prosunt. Utile praeterea est conserva rosarum, consolidaeque maioris, vtraque vestuta: similiter decoctum auenaceum Loweri, decoctum furfuris tritici, et similia. Ut etiam intestini duodeni glandulae, et qui se in illud exonerant ductus, extergantur, nec mucum ibi accumulent molestum, absorbentia dentur acido citri, vel tartari mixta, e. g. solutio oculi cancerorum cum acido citri facta, etc. Aluus clysteribus emollientibus, vel E-lect. Lenitudo aperta teneatur. Lauacra denique, et balnea frigidula, parata cum decoctis herbarum emollientium gratarum, nec non rosarum, non incongrua sunt. An per testiculos, ad mentem RANCHINI, analepsis quaedam locum habeat, probandum. Multum etiam valet aëris temperati, umbrosi, non tamen frigidi, nec abundantiter humidi haustus. Prosunt itinera commoda, in curru vel equo, ad mensuram virium instituta. Quemadmodum etiam animi moerores marasmus augere, si non ipsi producere valent, ita animi exhilarationes, illum minuunt, et caducas vitae vires erigunt.

§. CLXXVII.

Non taediosum fore Lectori spero, si, antequam scenam morborum senilium claudam, ex BARTHO-

LINI Actis Haffn. Vol. I. curam marasmi senilis adducam, in socero Auctoris feliciter patratam, tam ob curae concinnitatem, quam ob Bartholiniani styli elegantiam, sequentibus: LXXIV. aetatis annum agebat Consul Haffniensis, emeritus, socer meus, Christophorus Iohannaeus, cum, marasmo senili quasi oppressus, extrema, vere praeterito, videretur expectare: prostratus appetitus, aluus obstructa, tussis molesta, orthopnoea, pulsus nonnunquam intermittens, habitus corporis siccus, et contabescens, latusque calor, sinistrum morbi senilis euentum portendebant. Cuncta pro aetatis statusque praesentis ratione difficultia: in primis terrebant nos lenes tremores, singultus frequens, et deglutiendi difficultas, remora quadam, in dextro latere, circa hepatis regionem, obstante. Conclamatus omnibus videbatur, non mihi, cui viri robur notum, quique pulsum intermittentem alias in illo obseruaueram. Diligenti cura mecum, pro senis bene meriti salute inuigilarunt D. Simon Pauli, et D. Henr. a Moinichen. Hinc clysteribus aluus soluta, cordialibus natura subleuata, emulsionibus deglutitionis viae detrahae, et humectatum corpus, iusculis consummatis vires conseruatae. Tantem inter lentam spem et remediorum taedia, solstitio aestiuo natura elutata emersit, aluus sua sponte soluta, ciborum appetitus reuersus, calor latus extinctus, deglutitio integra, omnia sana, Dei et naturae beneficio, stupentibus medicis, amicis gratulantibus. Denique cuticulam exuit, quasi resumta iuuentute, vtinam diuturna. Annecto merito, ex Vol. V. horum Actorum, p. 120. votam hanc diuturnitatem usque ad annum aetatis, huius senis 82dum durasse, quo fatis

cessit, postquam ipsi maculae sanguineae, *absque tumor*, in pedibus effluerant: eodem sub schema te, quo matri Auctoris, annum 84tum agenti contigerant.

§. CLXXVIII.

Haec sunt, quae de morbis senum producere memoratu digna mihi visa sunt, in quorum pertractatione primarium solum tangere animus fuit. Incidunt quidem adhuc in mentem, alii affectus senibus familiares, quam iunioribus, e. g. spasm crurum, surarum, ex tendinum in senio, minore flexibilitate et hinc ad agendum irregularitate, facile insurgentes, calore solo praeueniendi et fugandi; subsultus tendinum muscularum femoris; soda, ex liquoris gastrici ad corruptionem inclinatione, et reliqui, quos omnes, quia sunt leuioris momenti, transeo.

§. CLXXIX.

Cum itaque de morbis et incommodis actum sit, quae aetatem senilem vexant, silentio plane non involuendae sunt *immunitates*, quibus ex ipso senio fruuntur senes, et mentio facienda incommodorum et morborum, quibus aetas senilis, prae aetate iu niore, minus afficitur. Pestis inter morbos tyran nus habitus grauissimus, non facile corripit senes, id quod experientia locuples dedit, et quod testantur Eph. N. C. D. III. A. IV. Confirmant hoc DIEMER BROECK, aliique, qui de Peste scripsere. HOECH STADTERVS in Obseruatt. suis recenset, grandaeuas feminas, ex vitae fastidio, contagium pestiferum per decubitum in lectis peste mortuorum, mortem sibi inducere voluisse, sed absque sperato effectu; cum tamen pestis in sexum femininum plus grassari soleat, quam in masculinum. Sanguis senum salino vappi-

vappidus non facile aestum putredinosum subit, et fibrarum senilium durities resistit stasi carbunculosae et bubonali. Sic et grassantibus aliis *febribus petechialibus, acutis, intermittentibusque*, ab iisdem morbis magis immunes sunt. Si vero a febribus intermittentibus grauiter corripiuntur, vel affectu apoplectico soporoso decedunt, vel in horrore febrili, sub quo sanguis versus cor coaceruatur, et cordis virtus eo ipso supprimitur, obeunt. Nec praeter eundum, quod in magna epidemia catharrali febrili, senes plurimi occumbant, quia in hoc morbo pulmones maxime laborant, quorum robur et constitutio bona, in senio multum deficit. Si a *variolis interdum* corripiuntur senes, modo viscera habeant salua, ex beneficio habitus corporis inertis, feliciter emergunt. *Scorbutus*, in iunioribus grauibus symptomatibus furens, saluos mittit senes, (nisi scabiem, iniuste, huc referre velis) aequae ac mulieres. Et quae sunt reliqua. Conf. etiam, quae Cap. I. §. LXXXIX. in quo dissimiles sint senes, a pueris, circa morbos.



CAPVT III.

De methodo saluam longaeuitatem acquirendi.

§. I.

Licet, ut in capite precedente vidimus, senectus morborum grauium et periculosorum sit satis ferox, nihilominus senectutem longaeuam, et sal-

uam, plurimi hominum anhelant. Sat recte, si illa simul cum vigore animi et corporis in summa senectute frui, a benefico Creatore datur. Quae enim iucunditas! immensi Creatoris immensa opera oculis, et animo, tam diu usurpasse; rerum vicissitudines, et reuolutiones, per tot annorum lustra obseruasse; nepotum nepotes sibi adstantes videre, et blanditiis, confabulationibusque illorum serena, et beneuola fronte frui; in illis primordiales propriae vitae actiones, animo repetere, et qui sunt alii, vigentis senectutis dulces fructus, et deliciae, donec longa annorum series emigrationem, tandem necesariam, serio meditari moneat, et nos, vitae saturae ad coelestia inuitet.

§. II.

Haec felicitate, vt beentur homines, variis student modis, licet etiam sint, qui his neglectis ad eundem pertingant finem. Sunt qui ad hunc scopum, eo certius, obtainendum, rem, a primordiis generationis, et ab ouo adornandam esse putant, et docent. Praecipiunt nempe, ad hominem generandum, longaeuum futurum, vt parentes seruent optimam diaetam, et ob generationis negotium, se in uicem ardenter ament; vt qualibet septimana balneis, et frictionibus vtantur, et vt illorum congressus mense Maio fiat, tempore scilicet verho, quo natura in omnibus animantibus, ad amorem reuiuscit et viget. (Mirum, quod non iusserint Borea flante congregandi, quemadmodum id oeconomi multi imperant, vt, illo flante satio frugum fiat.) Porro, vt ante congressum corporis purgationibus vtantur: femina impregnata, vt secundum regulas diaeteticas, et bonum vitae regimen viuat. Ut homo sub his

his praegressis cautelis natus conuenienter nutriatur, et ut obseruentur omnia, pro norma rerum non naturalium, quae ad hunc scopum facere possunt. Hinc primario habitationem in locis salubribus montosis struendam esse volunt, qua aér hauriatur purus et subtilis, sanguinis elaterem alens, et roborans: ut ad domicilium sit aqua optimas conditionis pro victus v̄su: adsint vegetabilia alimentosa optime nutrientia, et facilis digestionis animalia. Temperantiam seruent in cibo et potu; corpus motu et laboribus moderatis exerceant; venefis parcum usum admittant; animi tranquillitatem in omni vitae curriculo seruent, et praecipue moerores euitent. Haec omnia, ut feliciter succedant, commodam, et inopia carentem vitam, multum ad scopum facere pro certo habent, vti talia in VERVAMII, HOFMANNI, ZWINGERI, aliorumque bonae famae Auctorum operibus leguntur; adde HELMONTIVM de nutritione infantum ad vitam longam. Et quo nihil, de obuiis reticeam, HERMIPPVM produco ex halitu puellarum longaeuitatem haurientem: et quae sunt plures, variae farinae, ad longaeuitatem acquirendam commendationes, in artis formam fere redactae.

§. III.

Includuntur aliae quedam ad longaeuitatem datae regulae, in assertis quorundam longaeuorum, quibus causas et modos indicare voluerunt, quibus mediantibus longaeui facti fuere. Sic quidam his modis longaeuitatem se acquisuisse edicebat: frequens mouebar, raro angebar, vix helluabar, parvus rixabar, non libidinabar. Alius: cruda vitaui, dulcia gustaui, calide me tenui, et ita consenui. Alius,

sequentibus regulis gallicis longaeuitatem promisit : Jeuer à six, diner à dix, souper à six, coucher à dix, fait l'homme vivre dix fois dix. Apud verulamium longaeuuus quidam edixit, se edisse ante esuritionem, et bibisse ante sitiim. Galeni longaeuitatis causa haec fuit, quod nunquam ederit, nec biberit ad satietatem, sed semper parum esuriens, et sitiens restiterit. Philosophus Pollio de acquisita sibi longaeuitate, respondit : se intus mulso, extus oleo corpus curasse. Alius, quod ferendo stultos, longaeuuus fuerit factus, et quae sunt his similia, et facilioris ad longaeuitatem praxeos, quam quae in §pho praecedente iubentur.

§. IV.

Haec enim, §. II. licet per se non sint reiicienda, sed potius, partim aliquatenus, partim in totum probanda, tamen plurium illarum cautelarum inanis erit obseruatio. Evidem probabile est, coniuges optime valentes, promittere valentes infantes, et ex coniugibus phthisicis, cachecticis, paralyticis, robustam sibi promittere prolem, non est rationis, quia saepe haereditarii aliquid mali ad infantes transit ; nihilominus saepe obseruare licet, a talibus coniugibus robustos esse generatos homines. Si homonouiter natus non prouide satis nutritur, quis de eius incremento spem capiet ? videmus interim, quomodo pauperes, dum vix habent, quibus se ipsos nutriant, alimentis, liberos etiam suos vilissimis educiis alant ; et quod maxime punctum ferit, quod plurimi longaeuorum nati, et educati sint a pauperibus, quorum alimentatio vilissima et neglectissima semper est.

§. V.

§. V.

Aërem montosum ventis magis agitari, vaporibus minus repleri, et sic subtiliorem et puriorem esse, quam qui planitiem premit, et vallibus instat, quis ignorat? plurimi tamen longaeuorum, vel planitierum, vel insularum depressorum, vel vallium fuerunt incolae, vel piscationi vacarunt, vel dominibus, e. g. monasteriis inclusi fuerunt, vel plurimam partem vitae, herbis, pratis, et locis vdis indormierunt, vti e. g. rustici et milites. Quid de cerdonibus quibusdam longaeuitati proximis dicendum, qui perpetuo putridas coriorum exhalationes hauserunt, et sanguini suo communicarunt. Eadem ratio vallet circa aquarum salubritatem: aquam puram, et leuem magis conuenire ad sanitatem, et longaeuitatem, a priori, indubium est: ecquis autem nescit militum fata circa potum, secundum quae, post sitim ex laboribus, et ex ardore solis perpeßam, saepissime aquam ex paludibus haurire, et illa sitim sedare coguntur; et tamen inter illos reperiri longaeuos.

§. VI.

Pariter de cibis: fruges bonaे conditionis, et animalia tenerarum, et facile digestibilium carnium, non solum magis nutrire, sed et sanitati, ad assequandam longaeuitatem conuenire, quis dubitat? milites autem iterum produco in scenam, qui nunc fame laborarunt, nunc cibos crudos varii generis, per magnum vitae curriculum ad victum sumere coacti fuerunt. Lappones sisto, egenos illos Euroboreales, qui pane et sale carentes, ex piscibus in cauernis, ad putredinem fere adseruatis, ex radicibus et corticibus plantarum et arborum, vti glires

et castorei, cibos corraserunt, et longaeui facti sunt; excipiendi autem hic sunt Sueciae subiecti, quos LINNAEVS allegat locupletes, rangiferis diuites. Calmuccos denique prouoco longaeuos, qui non solum ex canum, glirium, felium, luporum camelorum et equorum carne victitarunt, sed saepissime, ex talium, morbo vel fame enectorum animalium carne: ut taceam illos Brasilianos supra citatos longaeuos, qui mortuos parentes, cum euphoria comedunt. Ecquis, his consideratis, in cibis selectis, et exquisitis longaeuitatem radicatam credet? Concedo quidem, intuitu harum victus enormitatum, fructum longaeuitatis horum populorum deberi consuetudini, et vitae generi connato, ex quo tali gaudent sanguine haereditario, qui etiam eiusmodi alimentis conseruari vult, et debet: iterim, si tales enormitates, cum regimine vitae irregulari et soluto Europaeorum comparamus, in irregularitate enormi conuenient. Porro, quoad temperantiam in cibo et potu, quod quotidie videmus perire homines ex eius neglectu? nihilominus interpellans illa militum intemperantia, non impedit aliquorum longaeuitatem, et ex casu supra, in capite primo allegato, de centenario, quotidie ex spiritu frumenti ebrio, appareat, nec talem excessum longaeuitatem impediuisse; taceo magis stupendum casum nouum, cuius mentionem feci, Capite II. §. CII. de longaeuo 112 annorum, in aetate praegressa quotidie ebrio. Quoad veneris usum: quantum illi indulgent permulti populorum Asiae, in primis Calmucci et Chinenses! et tamen permultos exhibent longaeuos. Salacissimos Floridae insulae grandaeuos fieri indicat DAPPERVS.

§. VII.

Quod denique attinet, mentis tranquillitatem, fatendum quidem huius defectum, plurimum contribuere ad abbreviandam vitam, quam reliqua omnia vitae commoda, ad illam prolongandam; vidi enim homines ex rudibus et egentibus regionibus, in quibus vitae commodis caruere, suo ingenio autem contenti vixere, in temperatiorem non solum regionem seductos, sed et omnibus reliquis vitae commodis prouisos, vnice ex moerore quod a suis, et ex solo patrio euocati fuerint, paucos post menses Nostalgia obiisse. Primaria certe est causa, si non longaeuitatis, tamen prouectae gradaeuitatis, quae in monasteriis obseruatur, quod homines, animo spontaneo, haec loca ingressi sint, in quibus, curis omnibus soluti, perpetuo serenam colunt animi tranquillitatem. Opponi quidem his possit militum sors, quae animi tranquillitatem non permittit, et quod nihilominus illa aliquibus longaeuitatem attingere permittat: considerandum autem, milites tumultuario vitae generi assuefieri, et successiue intrepiditatem, et incuriam tranquillitatem acquirere: omnes enim fortunam altiorem non anhelant, miserrimam, cum OVIDIO desperante, tutam et manentem putantes. Vltimo, halitui puellarum tribuimus virtutem ad longam vitam, si praeter HERMIPPM, et de aliis narraretur haec ad longaeuitatem experta puellarum efficacia.

§. VIII.

Inanes plures, non omnes, supra, appellauimus datas ab Auctoribus ad longaeuitatem acquirendam cautelas, et sic etiam sentimus: nam in quibusdam haerere aliquid ad sanam vitam, et inde feliciter ma-

nantem longaeuitatem non negamus. Illarum autem erit inanis obseruatio, quae praecipiunt, ut coniuges se ardenter ament, vt qualibet septimana balneis et frictionibus vtantur, vt illorum congressus celebretur tempore verno, mense Maio, et vt ante congressum corporis recrementa euacuentur: quis enim parentum harum rerum memor fuit, ne dicam patrator, qui filios generarunt longaeuos? non morantur enim talia viuacitatem seminis, et ouulorum humanorum, licet in punto sterilitatis, et impotentiae, nec non impedimentorum quorundam generandi considerationem quandam habere possunt. Nascantur etiam ex parentum, et illorum organorum generationis vitio homines teneri, debiles, tam quoad structuram, quam sanguinis crasis, vt sint delicatuli, imo rachitici, illos nihilominus videmus saepe prouectum senium attingere, licet longaeuitatem illos acquisuisse, sit rarissimum. Talibus autem, de reliquo, necessarium ducimus, regimen vitae exquisitum sequi debere.

§. IX.

Quis non risit HVARTVM, qui in *Scrutinio suo ingeniorum* artem ad liberos excellentis ingenii procreandos docuit. Certe, nec ad structuram corporis extraordinariam (nam sic pulchritudinem naturam, per artem acquirendi, etiam anhelaremus) nec ad vires vitales ad longaeuitatem necessarias, nec ad facultates animi excellentes, per generationem acquirendas, doctrina quaedam ducere valet. Quis imperscutabilem cerebri, animi organi, intimam conditionem, pro arbitrio, formare poterit? ne dicam de facultatum essentia et excellentia. An arte quadam, vel methodo, ab Auctore indicata, producta

ducta sunt, quae extiterunt, excellentia ingenia? Multum sane praeualerent huiusmodi hominum fabricationes, p̄ae illis, quae tantum ad longaeuitatem laborant. Vtinam possibile esset hanc vnice attingere metam! Si autem longaeuitas cum excellenti ingenio combinari possit, diuinum quoddam hominum genus procrearetur. Desipientia, quae multis grandaeuis et longaeuis propria est, locum non haberet. Evidem negare nequeo, in longaeuis aliquibus magnam apparere ingenii excellentiam; quis enim, nostris temporibus, nescit FONTE-NELLIVM celeerrimum, et Lusitaniae Legatum d' ACVNHA, vtrumque centenarium factum, vtrumque Parisiis mortuum, ingenia excellentia possedisse. Nec antiquitas caruit longaeuis, splendidis ingenii donis superbientibus; verum, haec eminentia, vnicce ex perfecta constitutione partium solidarum, et sic etiam cerebri, et fluidarum corporis, longaeuitatis fundamento promanauit, nulli artis studio tribuenda, nisi eruditioni, et educationi, quae organi animi usum amplificauit, aliquid tribuas. Rara autem sunt horum exempla: praecocia excellentia ingenia minus cum ipsa vita durant, quia ipsis deest illa constitutio corporis, cum praeminentia perfecta.

§. X.

Rebus sic stantibus, quid doctrinae, vel consilii superest ad acquirendam vitam longam? an forsan ex medicamentorum virtutibus longaeuitas hauriri poterit? Tribui quidem quibusdam has virtutes, quotidianaे schedulae persuasoriae docent, de effectu autem silent. Res probatu, vel ideo, difficilis, quod Auctores, et suosores talium medicamentorum ad longaeuitatem ipsi, diu ante longaeuitatis annos,

non fuerunt superstites. Sunt pleraque talia arca-
na vix auro redimenda. Quis autem illorum, qui
vitae commodis fruuntur, pro commoda vitae pro-
longatione, aurum, quod supereft, non largiatur? Balsamum vitae HOFMANNI, grandaeus quidam
robustus, quotidie in potu matutino sumebat; imo
in brandio et coena cibis miscebat quotidie, modi-
ce; et ne vlla facilis occasio, illo ad longaeuitatem
vtendi, deficeret, tabaci puluerem, quem pro nasi
deliciis adhibebat, guttulis aliquot huius balsami
animabat, ex tali corporis sui balsamatione longae-
uitatem sperans, sed moriebatur, anno aetatis octo-
gesimo secundo, sphacelo pedis balsamati.

§. XI.

Cum itaque manifesto appareat, non in cautelis,
coniugibus ad procreandas soboles longaeuas, da-
tis, nec in acris salubritate, nec in cibi et potus bo-
na qualitate, eorumque vſu temperato, nec in bona
fortuna, nec in suaui halitu puellarum, (omnes Chi-
nensium Imperatores enim, qui in aulis suis aliquot
millia puellarum alere dicuntur, Hermippi euade-
rent) aliisue laudatis circumstantiis, nec in praepa-
ratione artificiosa medicinae balsamicae haerere au-
xilia essentialia ad longaeuitatem, necesse est, vt exi-
stant aliae causae essentiales grandaeuitatis, et long-
aeuitatis sufficentes, si etiam plurimae fauentes cir-
cumstantiae desint, imo, si aliquae noxiae circum-
stantiae simul praesto sint. Ponimus autem illas es-
sentiales et veras causas grandaeuitatis et longaeui-
tatis in perfecta, firmaque omnium partium solida-
rum corporis, et in perfecta mixtura partium con-
stitutiuarum sanguinis haerere; quae causae, ouie
materni et seminis paterni optimam constitutionem,
nullis

nullis cautelis fulciendam, simul comprehendunt. Hanc, spontaneam, combinatam, felicem constitutionem etiam pro causa agnoscimus, quod adeo rari sint inter homines longaeui, licet permulti longaeuitatem, cum omnibus cautelis quaerant, cum illa constitutio in homine magis raro contingens sit, quam in animalibus brutis, in quibus constantior radicata est haec haereditas. Tali felici constitutioni, si concordant istae vitae praerogatiuae, et commoda, quorum mentionem fecimus, tunc necesse quasi est, ut inde oriantur longaeui; imo istarum praerogatiuarum neglectio longaeuitatem non impedit. Talis constitutio non admittit facile causas morbiferas, durationi vitae insidiantes, nisi post longam annorum seriem, robore vitali tandem deficiende; vel forte admissis causis morbiferis, fortiter resistit principalibus vitae organis.

§. XII.

Ne autem hac demonstratione, omnes cautelas, et bonum selectumque vitae regimen reprobare, et omnia media ad firmam seramque senectutem reiicare, eoque ipso ad irregularitatem regiminis, et ad solutum vitae genus inuitare, vel studium ebrietatis (Cap. I. §. CII.) ad longaeuitatem commendare videamus: ponamus eligenda et obseruanda quaedam, si non in illis, qui ad longaeuitatem acquirendam sponte natura dispositi sunt, et perfecta constitutione corporis gaudent, tamen reliquis, quibus tenera et infirma corporis constitutio accidit, illamque in annos seniles sibi conseruare cupiunt. Non autem hic ab incunabulis, multo minus ante incunabula, et ab ouulo, rem ordiri placet; sed ponam hominem adultum, eumque vel perfecte, vel imperfecte valentem.

§. XIII.

§. XIII.

Causebo hic excurrere in solutionem argutae
quaestionis: an detur homo perfecte valens, et an-
non detur alia valetudo, quam morbosa, prout dis-
seritur de hac materia in Eph. N. C. D. I. A. VIII.
Obs. 9. et D. II. A. VII. Obs. 169. nec non ibid. A.
X. Obs. 64. et an vitiosis humoribus abundare, et
sanum esse, possint esse compatibilia? Nam, quod
attinet vitiosos humores, examinandum prius, in
quo existat vitiositas sanguinis: multiplex enim est
crasis sanguinis, et in infinitum varians. Quaecun-
que non impedit nutritionem corporis, nec ullam
functionum vitalium et animalium, illa habenda est
adaequata partibus solidis, et vniuersae corporis
structurae, facileque admittet senectutem, imo long-
aeuitatem. Sic, e. g. rachitici sanguinem habent
reuera vitiosum, male nutrientem, interim ipsorum
sanguis respondet partibus teneris rachiticis perfe-
ctissime, ut senectutem proiectam saepissime adipi-
scantur. Ponamus porro, pro exemplo, sanguinis
crasin valde salinam; si vigent cum illa functiones
corporis ad vitam necessariae, vitiosam appellare ta-
lem sanguinis crasin nullatenus licebit.

§. XIV.

Sane in populis quibusdam borealibus, plebeis,
qui incredibilem quantitatem salis per vitam consu-
munt, sanguinis crasis non potest non esse valde sa-
lina; ientaculum enim illorum est sal cum pane,
vel piscis salitus, prandium cibus salitus, salita coe-
na; adeo, ut sanguis illorum, respectu populorum
australium Europae, qui minus consumunt salis, ne-
cessario vitiosus habendus sit. Sic Calmucci parum
vel nihil salis, et multum carnis crudaee, semiputri-

dag

dae comedunt. Lappones, Asiatici, Euro-boreales, ex piscibus putridis, radicibus, herbisque, multum viuentes, non nisi vitiosum sanguinem sibi comparare possunt, et tamen grandaeui fiunt, imo interdum longaeui, vti allegauimus. Regeratur, non esse illum vitiosum sanguinem, qui haereditarius est, a primis fere parentibus, et pro conditione ciborum, ab incunabulis acquisitus; et sic certe res est. Interim, qui vniuerso quidam populo, endemius, vitiosus videtur esse sanguis, et reuera est, respectu aliis populi saltem ita nuncupandus venit; et talis in omnia alia natione, individualiter sporadicus dabitur. Sic sanitas reuera, cum, certo respectu, vitiosis humoribus, existere, et compatibilis esse potest.

§. XV.

Hominem perfecte valentem sistere dubitant supra allegatae Ephemerides: ego vero non dubito, hac quidem ex ratione, quod, qui allegantur saepius longaeui, non solum dicantur per omnem vitam non aegrotasse, exceptis morbis puerilibus, sed et nil morborum sensisse, nisi leuia incommoda extremae senectutis, respirationem impeditiorem ad modum, impeditiorem agilitatem, vigilias maiores, sensuum debilitationes, et talia, quae ad morbosam constitutionem recensere non licet; quia naturalis organorum fatiscentia mortem praecedere debet in longaeuis placidissimam.

§. XVI.

Quoad valetudinem imperfectam, illa quidem communiter pro morbosa accipitur; et haec multiplex est, pro morborum multiplicitate, quam in capite praecedente, quoad seniles tantum morbos dispeximus. Hic loci autem valetudinem alio mo-

do imperfectam sumimus, nempe, in corporis con-nata teneritudine, et infirmitate, valetudine nempe, insigni gradu minore, respectu illius, qua gaudent robusti, perfecte valentes, quae ideo non est mor-bosa appellanda. Ex talibus imbecillibus subiectis rarissimum erit sperare grandaeuitatem. Consulen-dum itaque ipsis est, ut legant vestigia longaeuitatis CORNARI, qui talis ex solo bono vitae regimine longaeuus factus est.

§. XVII.

Vt iam rem ipsam aggrediar, consilium nempe eligendi, et obseruandi illarum rerum, quae facere possunt ad senectutem grandaeuam, imo longaeuam: ad vertenda erit prius mens, ad illam veterum di-stinctionem, qua iam supra usus sum, inter habitum strictum et laxum. Datur enim in utroque habitu: imperfecta, nostri sensus, et perfecta valetudo.

§. XVIII.

Habitus corporis strictus perfecte valens, est habi-tus strictus, robustus, in singulis fibris solidioribus et *habitus corporis laxus perfecte valens*, est habitus laxus robustus, in congerie solida et densa fibrarum vñitarum, tenuium. Sic de habitu corporis imper-fecte valente: *Habitus corporis strictus imperfecte valens*, nobis et habitus strictus tener, ex fibris de-bilibus, et *habitus corporis laxus imperfecte valen-* est habitus laxus, ex fibris debilibus laxe congestis. Notandum autem simul optime, sanguinis crasis pro diuersitate habitus, diuersam esse. Distinctio-ne tali opus esse credimus, quo in suadendo cuili-bet speciei vitae regimine, diuersitatem, secundum illam, obseruare necesse erit. Certe cuilibet spe-ciei stricti habitus suum coueniet vitae regimen, vt etiam

etiam cuilibet speciei laxi habitus: non aliter, quam in cura morborum, secundum hanc diuersitatem habitus consideratorum, diuersa valet methodus, vti in praegressa tractatione subinde tetigimus.

§. XIX.

Campus se hic aperit diaeteticus spatiostissimus, in quem pro materiae prolixa et ampla natura, exspatiari non iuuat. Hoc adnotasse sufficiat, quod, cum habitus corporis magis a natura craseos sanguinis dependeat, (id quod saepe ex variato, per diaetam variatam, habitu apparet) quam a conditio-
ne fibrarum corporis, in hac doctrina maxime au-
scultandum sit, non solum ad notatas species habi-
tus, sed et ad popularem victum, ex quo sanguis pa-
ratur: et fere quoad indiuidua, ad naturae instin-
ctum, quem in hominibus, qui non consueuerunt ob-
uiis illecebris perpetuo agitari, sed suo vnice, sim-
plicique ingenio viuunt, saepe obseruamus. In his
enim, populariter sumtis, vix videbis habitum va-
rium, vti videre est in populis, lautitiis et illecebris
lautitiarum laxe obedientibus. Nullum specialem,
quam moderatum rerum non naturalium usum,
omni homini salutarem, ad longaeuitatem commen-
dare possumus, hocque minime omnium circa vi-
ctum et potum, haec commendando, illa reiiciendo,
nisi forsan generaliter; quippe, qui ad senectutem
usque regulari vitae regimini indulxit, ille naturae
regulari instinctu ductus, conuenientem sibi eliget
diaetam. Ex animalibus potius, quam ex vegeta-
bilibus viuere, in senio, docent plurimi, et CORNARI

exemplum; sine dubio, quia ex illis, cum sale, licet
parce, paratis, sal volatile emergit, ventriculo et in-
testinis, imo sanguini amicum, roborans: interim
absque victu, ex animalibus sumto, grandaeuitatem
imo longaeuitatem acquiri posse, docent illi, qui
pastam farinaceam vltra dimidium seculum come-
derunt, qui 24 annos absque victu ex animalibus,
qui ex obsoniis frigidis, brassica muriat. vixerunt;
rebus, usui rerum non natur. iusto, apparenter re-
pugnantibus, de quibus in cap. I. locuti sumus. An-
xie studio longaeuitatis incumbere, et exercitio mul-
tarum regularum se dedere, non solum sapienti in-
conueniens, sed et aptum esse iudicamus, ad animi
tranquillitatem turbandam: fundamentum fere pri-
marium ad scopum obtinendum, cui, aliquoties al-
legati longaeui ebrii, videntur suam longaeuitatem
superstruere voluisse. Varium enim, et valde inter-
se differens legimus, cap. I. multis in §§phis. regi-
men diaeteticum longaeuorum, quod omni habitui,
et temperamento commendari non solum nequit,
quin velle iniustum foret: quilibet enim proprio,
naturae instinctu, vel consuetudine motus, illud si-
bi elegit, ipsique adhaesit. Multi ad puerilis vitae
regimen ipsi rediere. Hac via institutum prudenter
vitae regimen, cautelas surrogabit semper facile ob-
seruandas, imo *totum erit cautela*. Ultima haec
tria verba suggerunt memoriae meae egregium effa-
tum, b. m. G. E. STAHLII, praceptoris quondam, in
Fridericana Halensi, ad proximos cineres, uti vene-
rati, ita venerandi, sequenti occasione datum, nec
memoria eius indignum. Cum in dicta Academia
Iurisprudentiae Professores, celebres illi STRYCKII.

aliique

aliique, varias dissertationes iuris practicas ederent, e. g. de Inquisitione in homicidas, *cum cautelis*; et quidam Medicinae Professores hanc methodum sequentur, et dissertationes suas practicas, etiam *cum cautelis* conscriberent: STAHLIVS, antiquorum rituum amans, nec nouis facile cedens, Auditoribus suis publice inculcabat, *totam praxin cautelam esse*. Sic longaeuitati studentibus, obseruandum esse puto, iusto, a Natura dictato, modo, institutum regimen *totum cautelam esse*, nec cautelarum multarum abundantia opus esse, nec regularum. Si autem, ad exemplum Doctorum, qui de regimine ad vitam longam regulas dederunt, a nobis etiam tale exspectandum esse putas, Lector, huic exspectationi, paucis in sequentibus §§phis satisfacere, laborabimus.

§. XX.

Praemittimus in hunc finem regulas quasdam generales, et primarias, cuilibet habitui ad bonum regimen necessarias obseruatu, et ad senectutem projectam acquirendam: 1. Ut ex instinctu naturae, iam designato, vitae regimen pro vitae conditione instituant, et victum sibi feligant, experientia domestica probatum. Respondet haec regula, aureo illo CELSI pracepto, *nullum cibi genus fugere, quo populus utatur*. Ponderabit prudens, quae ex iusto naturae instinctu appetit, et quae palato tantum arident, infida; et hinc ex improuida consuetudine, ipsi necessarium factum est regimen: 2. Excretionum corporis trium primiarum, alui, vesicae, et cutis iustam habeant curam: Vnice enim transpira-

tioni studere (Sciograph. Gerocom. Floyer. Cap. I.) non sufficit. Nimium praeterea nocet, ut reliqua. 3. Animi serenitatem, et hilaritatem, vel ad minimum, eius aequilibrium seruent. Quicquid super est, ad plures formandas regulas, *minus soticum* putamus, qui in allegatis primarium posuimus. Possemus enim ex rebus non nat. adducere aëris selectioris inspirationem, motus et quietis vicissitudines, etc. sed si aëris in frigore, et in calore, excessum excipias, vel etiam eius pestilentem qualitatem: et quoad motum, eius excessum, vel quoad quietem, nimiam eius indulgentiam; ex reliquis harum rerum modificationibus nullum sanitati insurget periculum. Parui momenti reputamus controvrsiam, Romae aliquando in publicis scriptis ventilatam, *de domus insolatae, et non insolatae diuersitate ad bonam valetudinem.* Quae res, ad principia physica quidem examinata, insolatam domum p[re] non insolata praestantiorem declarabit; ast experientia tot grandaeuorum, in cellis monasteriorum non insolatis habitantium, hanc controvrsiam parui momenti ad valetudinem esse docebit. Qui non insolatus grandaeuus factus est, ille ab insolita *multa* insolatione et apricatione, valetudinis labem forsitan sentiet, vtpote cuius sanguinis crassi, haec materia, abundanter affluxa, aetherea, agitationem incommodam afferet; licet non negandum sit, apricationem, *subinde* institutam, sanguini senili esse conducibilem. Et, si hoc intuitu de aëris hauriendi mutatione aliquid addere licet, idem valet argumentum. Qui enim aërem crassum paludosum, ad grandaeuitatem vsque hausit, ille in aërem deductus

multum

multum subtiliorem, montanum, periculum incurret, valetudinem huc usque stabilem amittendi. Eadem enim ratio, quam supra, de non mutando, *in totum*, victu in grandaeuis allegauimus, nisi forsan instinctus quidam vrgens id iubeat, etiam hic valet. Scimus enim, quoad aërem, quanti momenti sit mutatio climatis, eximie discrepantis, respectu valetudinis, etiam iuniorum hominum. Succurrit memoriae, huius rei exemplum memorabile, non praetereundum. Cum anno, 1736. Galli captiui, Dantisco, ad extrema littora sinus Finnici, in viciniam tamen palatiorum aestiuorum Caesareorum, ducerentur, aestate existente solito sicciore, (nam siccae non solum sunt, in hoc climate, plerumque aestates, nec a pluviis frequentioribus, uti in Gallia, interpellatae, sed et noctes sunt siccae, calidae, maximam partem insolatae, contra naturam noctium diuturniorum, humidiorumque Gallicarum) ibi autem non ut captiui, ex Imperatricis, gloriosae memoriae, congenita clementia, sed, ut liberi, sub tentoriis, et surrogato stipendio, eiusdem valoris cum patro, tenerentur; aér huius climatis cras in sanguinis illorum adeo afficiebat, ut cum numerus illorum initio fere mille, et quingenti esset, paucos post menses, vix dimidia pars illorum in viuis superesset, qui a febre maligna, his Gallis solum epidemica, immunes mansere. Edit, forsan, simul fati iniquitas eorū illorum.

§. XXI.

Vt nunc specialius, pro habitus diuersitate consulamus illis, qui senectutem optant longam, et

commodam: habitui corporis stricto, robusto, hoc vitae regimen suademus, (respiciendo in hoc maxime ad secundam regulam generalem) ut saepe repetitis vtantur balneationibus calidis, cum extensione corporis, mediante sapone, et alternatim frigidis; nec non frictionibus corporis fere quotidianis, quo fermentur fibrae, et sanguinis stagnationes periphericae impediantur, ad leuiorem secretionem et excretionem sordium subtilium sanguinis per sudorem; quid, quod modesta frictio recte iudicetur nutritioni velificare. Vinum ipsis conuenit, nec non pa-
rum vini, vel frumenti spiritus eundem in finem, sub
aequi instinctus dosi. Potus multus, per interualla
haustus, corporis motu intercurrente, tenuis, di-
luens, et ad secretiones et excretiones mediante su-
dore, et vrina bene expediendas, conueniens. Ci-
bos capiant salsos, pingues, acido temperatos, nisi
quid obstet. Pinguedo tenera salita, melius prae-
cauet viscerum obstructions, quam ol. amygd. amar.
ad mentem FLOYERI: attenuat sanguinem muco-
sum. Aromata ipsis sint in usu, haec enim omni-
senio conueniunt, exotica et domestica, cum selectu-
tamen, et quidem exceptione, inter exotica, cario-
phyllorum, quibus magna vis inest sanguinem exae-
tuandi, et fibras rodendi. Bilis vappiditatem cor-
rigunt aromata. Pro excretione aluina, quae in
his subiectis interdum stimulanda est, Aloë maxime
conuenit et Tamarindorum pulpa. Ratio habenda
tamen segnitiei alii longaeuorum, ipsis quasi natu-
ralis factae, ex parcissimo usu ciborum solidorum.

§. XXII.

Idem fere regimen diaeteticum conuenit illis, qui
habitus corporis stricti, teneri, et infirmioris sunt:
 omnia autem cum moderatione, et maiori circum-
 spectione. Balneationes adhibebunt minus calidas,
 et minus frigidas. Aromata eligent magis dome-
 stica, siue simpliciter adhibita, siue in oleis, arte ex
 illis productis, e. g. foenic. anisi, destillatis. Mul-
 sum his magis conuenit, et vinum magis lymphati-
 cum, nec non serum lactis, ad promouendam felici-
 ter vrinam. Lacticinia, fructus, et oleracea muria
 condita, quae aluum expediunt. Carnes animalium
 tenerae pingues. Non subtrahendus est *huic habi-
 tui* potus ille senum epidemicus, *Chocolade* dictus,
 ex Cacao fructu paratus, toto oleofo, et ideo seni-
 bus conueniens putato. Cedendum aliquid est con-
 suetudini morum, praeiudiciis, et arti mercatoriae,
 quae gulae nostrae adhuc cum aliis potus generibus
 illudit. Si autem ob oleosam naturam fructus Ca-
 cao, illum ex ipso paratum potum laudamus, maio-
 re fane laude digna erit emulsio ex amygdalis dul-
 cibus parata.

§. XXIII.

Videamus iam quid laxo habitui corporis conue-
 niens sit ducendum, respectu secundae regulae gene-
 ralis. In *habitu corporis, laxe, robusto*, cum *fibris*
dense congregatis, fibrarum est laxitas, respectu ha-
 bitus stricti. Cum iam, in *habitu corporis stricto*
 balneationes commendauimus, id ad fibrarum

rigiditatem propensionem, etc. fecimus: interim hoc non obstante, in hoc habitu laxo conuenient, quia in hoc fibratum maior repletio a lymphâ adest, quae per illas promoueri cupit, ad secretiones, et excretiones sanguinis serosarum sordium per sudorem. Cui intentioni in subsidium vocandus est potus necessarius, sanguinem diluens, et ad separandas emascula humorum, per circulationem inutiles redditas particulas, aptus, qualis est vinum dulcissimum, mitte, fibris huic habitui magis accommodum. Hocque non solum ad transpirationem promouendam, sed etiam ad serum biliosum per renes pellendum: cui intentioni eo magis inseruenda, interposita vina acidula, Rhenatum, Mosellanumque, et cereuisias temores commendamus. Quale vinum biberit CORNARVS, non indicat: credibile autem est, illum dulce bibisse, quia nouum sibi conducibile, vetus autem animicum sensit: nouum acidum ipsi contulisse, probabile non est, ad fecum vero aluinorum et muci intestinalis excretiones iuuandas (si opus est in hoc habitu, in quo communiter, ex copia lymphae abundantis, multum muci ad intestina delegatur, ut ipsi frequens soleat esse alui solutio) praestabunt laxantia sennata, tamarindinata, tremor tartari, modeste, et quasi ad naturam vnicce stimulandam, adhibita. Aromatum praeterea exoticorum hic sit modestior usus, quia huius habitus sanguis magis elasticus est, quam stricti, et fibrae sensibiliores. In cibis interim etiam conuenient acida et salsa, et pinguis, ad stimulanda ubique, et lubricanda organa secretoria. Motus corporis, vti huic negotio etiam velificat, et omni habitui conuenit, ita huic quam maxime

maxime necessaria est, quia sanguinem habet, ad vappescentiam ruentem, quando ex nimia quiete stagnat.

§. XXIV.

Idem regimen, cum gradus diminutione tamen, qualem examen virium et teneritudinis permittit, conuenit illis, qui *habitu sunt corporis tenero, imperfete valente, ex fibris debilibus, laxe congregatis*. Praeterea in omni habitu, eiusmodi modificatio gradus obseruari debet. Factu autem hoc facile erit, sub directione instinctus naturae, qualem supra descripsimus, et prudenti illius moderatione, vbi ipse ad excessum forsitan verget, vel etiam eius prudenti sollicitatione, vbi opus fuerit: opitulantibus leuissimis, suspensisque adminiculis.

§. XXV.

FLOYERVS in *Medicina sua Gerocomica*, valde amplius et nimis est circa balnea et lotiones, vunctionesque corporum; in quarum usum multa olea expressa fructuum et seminum, et inde paratos sapones, quorum ope morbos seniles, quos omnes *Cacochymiarum* nomine recenset, primario curandos esse putauit, in proprio corpore tentauit. (Vide sciagraphiam, Gerocomices praefationi annexam.) Non reiicimus lotionum usum ad bonam valetudinem conseruandam: interim, tanto apparatu opus non erit, cum bonus sapo Alicantinus vunctionis vires sufficienter expleat, et operosiorem methodum

Floyerianam superuacaneam esse credamus. Multo minus conuenimus cum illis, qui oleis expressis et pinguedinibus, balsama calida, et olea destillata addunt, quippe, quia senum cutis, facillime per se, fit domicilium particularum salsarum et acrum, cutem rodentium, (de quo, papulae prurientes, vix non in omnium senum dorso, testantur) haec acria, parca licet dosi, illis velificabunt. Sola extersione pororum opus est, per saponem, molliorem, recentem Alicantinum, ex quo cuti tonus naturalis, excretioni seri conueniens facile redibit, in primis, ex superinducto, per interualla, cuti, indusio laneo, Flanel nuncupato. Vngebant olim sua corpora oleis, Athletae, et populi, a solis ardore adusti: illi ad lubricandum corpus in conflictu, hi ad ardorem mitigandum: et ipse, quem allegauimus, oleo se vngens longaeuus, forsitan valde strigoso fuit corpore, quali et oleum largiamur.

§. XXVI.

Collaudatorem balneorum habemus celeberrimum HEBENSTREITIVM in Poëmate suo laudato,
pag. 276.

Balnea conueniunt, mollescit fibra senilis
Inter aquas, nec pota minus fontana iuuabit
Quem vini veteris medicis temperet usus.

pag. 260.

Balnea demulcent artus, et corpora firmant
Emunguntque cutis mucos, spirantia pandunt
Oscula vasorum, tunc transpirabilis humor

Liber

Liber abit, faciles halant ex corpore fumi
Et veteres abeunt succi, veniente nouello.
Haec conseruandae lex est, et norma salutis.
Frigida constipant, et firmant balnea corpus
Sed transpirantes excoecant frigora ductus.
Vtilius tepidis corpus demergitur vndis.

Interim, 1755, mense Octob. narrabatur, obiisse in
Anglia longaeuum 105 annorum, qui cum ante
multos annos, rheumatismos passus fuerat, et illos
tepidis lauacris pellere frustra tentauerat, ob horum
frustraneum effectum, immersionem corporis in ri-
uum, omni tempestate, in usum vocauit; cumque
ita, ex frigida, multum auxilii contra morbum suum
sensit, ex hinc ad serae huius vitae finem usque, hoc
regimine, sanitatem suam conseruasse dicitur. Fri-
gidam potam eo conferre supra allegauimus: lotam
etiam interdum conducere docent Ephem. N. C. D.
III. A. III. de octogenario, qui a multis retro annis,
media etiam hyeme, aqua frigidissima, corpus a ca-
pite ad umbilicum usque, cum euphoria lauabat.
Maxima vis discutiendi inest usui scoparum foliata-
rum, quibus in balneis utimur, populi Boreales; fir-
mant simul fibras, et aetati senili, post saponaceas
lationes, valde conuenientes sunt; affusa postea
corpori frigidula ad tolerantiam. Fugiant autem
senes sudatoria nimis calida, vel leuissime vaporosa,
ne, vt contigit aliquando grandaeuo, cerebrum in-
de laedatur, et lipothymia lethalis sequatur. Me-
mini hic etiam praexcepti cuiusdam antiqui, praeci-
pientis, manus lauare quotidie, pedes aliquando, ca-
put nunquam. Cum autem, quoad pedes, et praec-
ceptum,

ceptum, τὸ aliquando, in experientia saepissima in contrarium adsit, ita, quoad caput, τὸ nunquam reiicimus, et τὸ aliquando in eius locum ponimus, et ut aliquando, aqua largiter saponata, tepida fiat commendamus, modo mox eluaalia pura aqua, omnis praecedens saponacea, et linteis calidis, omnis mador extergatur, simulque contra omnem refrigerationem insequentem muniatur caput. Quid valeat, hanc lotionem insequens melior transpiratio integumentorum capitis ad sanitatem, facile quilibet perspiciet, absque nostra commentatione. Nolo hic allegare, inter populos boreales, aliosque, consuetudinem caput post balnea, et his post habitis, frigida lauandi valere. Elucet ex his utilitas corpora lauandi; quam comprobat necessitas quotidiana faciem et manus a muco, per unum diem, in poris collecto per aquam liberandi.

§. XXVII.

Iam supra monuimus, circa regimen, quod omni nationi vna eademque victus ratio commendari nequeat, quod monitum hic repetendum censemus, quia cuilibet nationi mos proprius viuendi est, et sanitati indulgendi, tam in aetate consistente, quam in proiecta: interim conueniens parallelismus in toto hoc negotio inuenietur.

§. XXVIII.

Prouidimus sic, his paucis generalibus monitis, necessitati obseruandi res primarias, in duabus primis regulis

regulis generalibus contentas. Quod tertiam attinet regulam quae animi serenitatem, hilaritatem, vel ad minimum eius aequilibrium commendat, de mediis ad hanc intentionem implendam, minus certi quid specificare valemus, cum animi gustus plus variet, quam palati. Obseruamus enim, hunc ad animi exhilarationem musicam requirere, illum confabulationem, hunc lusus, alium solitudinem, alium iocos, spectacula, alium venatione delectari, alium conuersationem cum feminis, aliosque aliis rebus diuersis. Si verum est, quod HERMIPPVS annos **115** inter puellas degens impleuit, plus id tribuendum exhilarationi eius, quam confabulatio suauior cum illis excitauit, quam halitui illarum. Notum est, quod DAVIDIS, Regis Israëlitarum, frigida, et hinc fine dubio morosa senectus, ad cubitu formosae pueriae temperata fuerit, cuius praetentum ministerium calefaciendi frustraneum fuisset, nisi etiam venustas eius, et blandiens confabulatio Regis animum exhilarasset, et sic vitam eius prolongasset.

§. XXIX.

Cum tandem compos factus sim Gerocomicae RANCHINI, cuius Sciagraphiam, in Praefatione, dedi, merito etiam hic quaedam eius adducenda sunt consilia singularia ad longaeuitatem. Sunt autem 1. vt studeant senes *cordis humectationi*, ne cor exsicetur, per remedia interna et externa, liquida et sicca, sacculis cardiacis, et similibus; quoties enim substantia cordis humidior reddatur, toties prohiberi senium 2. vt laborent, ne arescat, et siccetur he-

par, sanguinis officina, et facultatis naturalis sedes,
 3. ne languescant ventriculi functiones, vt vigeat
 appetitus, 4. vt testium habeant rationem, non so-
 lum in summo virium lapsu, sed etiam ad totius cor-
 poris oeconomiam conseruandam, quia per illorum
 abscissionem spadones eius magnam mutationem pa-
 tiantur: Galenus enim in testiculis alterum fontem
caloris natui agnouit, vniuersum corpus viuifican-
 tem, vna cum facultate generatiua; hinc ad virium
 restorationem testibus roborantia sunt admouenda,
 praesertim, cum per illos facilius penetret vis reme-
 diorum, quam per alias partes externas. Amplior
 est RANCHINVS in testium cultura, quam in hume-
 ctatione cordis. Concludit tandem, excitandam
 esse testium naturam, non quidem veneris exercen-
 dae gratia, sed virium roborandarum causa.

§. XXX.

Liceat nobis haec consilia examinare I. commen-
 dat cordis humectationem, ne exsicetur. Valuulas
 cordis duras, siccas, aortam ossificatione induratam,
 cor dilatum et flaccidum, exsiccatum autem in se-
 nibus, nullibi vidimus. Flacciditas repugnat exsic-
 cationi, et humiditati accedit. Si autem specialiter
 cordi prouidendum esset, roborantibus gratis inter-
 nis, parcissime spirituosis, id agendum foret, ad to-
 num huius machinae musculosae suffuleendum, ne
 cordis thalami, flacciditate fauente, magis dilaten-
 tur. Qua ratione spiritum vini, vel frumenti, cor-
 dibus ebriorum longaeuorum, cap. primi contulif-
 sc, probabile est? II. Commendat hepatis conser-
 matio-

uationem, ne exarescat. Hepatis exarescentiam, saepe in senibus fieri certum est; viscus est glandulosum, huius vitii capax, ut reliquae glandulae: modica autem est illa exarescentia, in senibus, de reliquo sanis, nec morbosa obstructione laborantibus. Quid autem eius exarescentiam magis impedit, quam fluidus, et bonae craseos sanguis? huic si studet senex potu sufficiente, et diluente, obuiam ire, non vereatur praeualescentem eius exarescentiam. Multo minus externis humectantibus illam praecauere studeant, ne loco intentae humectationis hepatis, fibras muscularum abdominis flaccidas reddat, et simul pulmonum vitia, et difficultem respirationem, sibi hac via humida contrahat, III. monet ventriculum externis remediis esse roborandum. Suasimus supra, vt ventriculi habeatur ratio, maxime per bonam diaetam, non delicatam, sed illam, qua mediante senes obseruarunt, illum functiones appetendi, et digerendi bene exegisse; imo commendauimus, hoc scopo, cibos, apparenter dyspeptos, conducibiles tamen repertos, fructus conditos, salsa, acida et amara. Externorum remediorum obliti sumus: interim, cum huius obliuionis culpam profiteamur, eo ipso, grauis culpare nos obnoxios fecisse non credimus; nam quae ventriculo languenti, externe applicantur remedia, certe eodem modo, quam iecori applicita, parum dabunt auxili, nisi forsan vtrique in statu morbofo, spirituosis, aromaticis, et calidis epithematibus. IV. Testiculorum senilium rationem habendam esse, inculcat Auctor. Largimur quidem, nullibi legi spadones esse longaeuos factos, et abscissis testibus, fontem quendam caloris.

caloris natiui, totum corpus viuificantem obstrui, fatemur, (testantur enim hoc abunde, et barbae absentia, et vocis lenitas) eoque ipso illum nobis conservandum esse monemur. Interim, nullibi etiam legimus, speciali testium cultura longaeuitatem acquisitam esse, nec credibile est, illam plebeii supra notatis in usu fuisse. Indicant passim Auctores, testium bonam constitutionem scrotum bene corrugatum testari, hocque maxime in senibus esse attendendum, ceu roboris vitae signum; quod sibi capiant, qui, per testes longaeuitatem quaerunt, et superuenienti flacciditati scroti, remedium applicent. Quae suadet RANCHINVS testibus applicanda roborantia, et ne illa simul venerem, senibus perniciosa, excitent, cauendum esse monet: quo modo totius corporis aucta, per culturam testium viuificationem, absque augmento et orgasmo seminis ad venerem, separari poterit? Certe, si HERMIPPVS, a puellis, quibus, ad cor viuificantum oscula dare suadet RANCHINVS, circum datus, simul testium suorum laudatam rationem habuit, illum solo halitus puerilium auxilio longaeuum factum fuisse non creditus. Si senes inhabitat spiritus Parri, Angli, vel illius longaeui Dani, quorum Cap. I. mentionem fecimus, certe puellis, ob halitum adeo salutiferam commendabilibus, valde verebimur. Ad animi senilis exhilarationem puellarum et puerorum corsorium, nec non adcubitum, aliquid facere posse non negamus; calor praeterea ex corpore adolescenti prodeuns, actius est, corpori frigidulo, sanguinique senili marcescenti proficiens, non tamen ad longaeuitatem sufficiens, quod in DAVIDE vidimus. Qui vetulis

vetulis etiam a RANCHINO commendatur puerorum adcubitus, nullo alio modo poterit esse utilis, excluso penitus aliis generis commercio. Infidum autem, et suspectum, nec temptationibus indecentibus vacuum habeatur hoc senescendi artificium, in primis, si pro experta Auctoris arte, roborantia feminali veterinarum adplicantur. (Sciagraph, P. II. therap. Sect. I.) Quid, quod teste a Ranchino allegata experientia, ad nefandum ducat homicidium, dum Auctor infert, puellarum adcumbentium spiritum vitalem, ita exhauriiri, ut vnius anni, vel paulo longiore temporis spatio, in tabem cadant lethalem (ibid. Part. I. Diaetet. cap. 8.) Vetulis auguratur reuiuiscentiam, et longaeuitatem, non ex adcubitu, sed concubitu cum iuuenibus, his autem exinde accelerationem senectutis, et consequenter mortis. Artes vesanae!

§. XXXI.

Consentientem, ex parte, RANCHINO, addo WELSTEDIVM, Anglum, qui in Tractatu suo epistolari, *de Vergente aetate*, senibus etiam iuuenum, spirituum abundantia gaudentium, societatem commendat, ad flammulam vitalem alendam, luculam cordis, secundum WEDELIVM, polyhistorem. Fundamentum fructus ponit, cum ceteris, in viuidis effluviis, quae iuvenes per pulmones exspirant. Equidem miras virtutes, iam olim multi sibi imaginati sunt, ex particulis per pulmones exspiratis, a sanguine sanorum iuuenum, utriusque sexus; hinc natum est illud experimentum, quo mediante eiusmodi iu-

uenes, quolibet mane, ieiunos suos halitus, in magnum quoddam recipiens vitreum inhalare debuerunt, qui a frigore vasis collecti, liquorem dedere, quem postea leni igne destillauere, et inde spiritum quendam ad longaeuitatem policere tentauere. Verum ad ineptias talia releganda sunt. Non nego interim, iuuenium bene moratorum, floridae sanitatis, sexus utriusque, vel, pro delectu, sexus unius, societatem ad longaeuitatem aliquid conferre posse, temperando senum morosorum languorem, per mortuum concinnitatem, blandam reuerentiam, et iudicios discursus, quibus, in senibus alacritas mentis, et iocosa hilaritas excitatur, eoque ipso autem sanguinis languens elasticitas reparetur, et circulus blandus, et sic vitae virium augmentum enascatur; quae omnia senex morosus, a socio moroso non hauriet, quin potius, duplicata per reciprocationem morositate ad vitae curriculum sibi inuicem abbreviandum valebunt. Tribuerem quidem aliquid huic opinioni, si iuuenis cum sene consortium haberet, gaudens eadem cum sene crassi sanguinis. Quae etiam Auctor, de gaudio, senibus, et quidem nimio et magno, conciliando differit, ea, pro Cap. II. §. XLVII. tenore, non probo, quia omnis animi affectus, maxime in senibus, lenis, et moderatus esse debet, ne sistema neruosum, in senibus minus elasticum, ex abundanti, fluidi neruei influxu, quem forsitan absorbere nequiret, tono suo plenarie priuetur, et mors subitanea sequatur, vti id in gaudiis improuisis accidit. Audiamus de hac adhuc *Gellium L.* III. Cap. 15. „Diagoras Rhodius, tres filios adolescentes habuit, unum pugilem, alterum pancratia-


,sten,


„sten, tertium luctatorem: eosque omnes vedit vin-
 „cere, coronarique eodem Olympiae die. Et cum
 „ibi eum tres adolescentes complexi, coronis suis
 „in caput patris positis, suauientur, quumque po-
 „pulus gratulabundus flores vndique in eum iace-
 „rent, ibi in stadio, inspectante populo, in oculis,
 „atque in manibus filiorum animam efflauit.,, Ado-
 lescentes erant veteribus illi, quos blandiens nostra
 aetas viros nuncupat; et cum probabile sit, Diago-
 ram in extrema sua adolescentia, quae, apud vete-
 res, saepe triginta annos superabat, hos genuisse fi-
 lios, probabile etiam est, illum in senio primo, si
 non secundo constitutum fuisse. Verum, faciamus
 illum iuniorem, non tamen ex pondere coronarum,
 vel florum, sed ex suauitationibus, gaudio abundan-
 tissimis, illum obiisse, et senibus hoc mortis genus
 facillime contingere posse credendum est.

§. XXXII.

Collimitat, tandem, cum nostro discursu, de con-
 fuetudine iuuenum cum senibus, quaestio illa medi-
 ca, publica, Parisina, quam *in Bibliotheca medica*
Götting. Vol. III. titulotenus insertam legimus: *an*
iunioribus ex seniorum cohabitatione damnum? Cum
 vero illam, ibi simul resolutam non inueniamus, sic,
 an nobiscum sentiat, vel dissentiat Auctor querens,
 ignoramus. Ad iuste diiudicandam hanc quaestio-
 nem, illa methodo vtendum foret, qua pro viribus
 veneni explorandis utimur, dum capit is damnati pe-
 riculum perassumtum venenum subire coguntur; vt
 anci quidam adolescentes, criminibus capitalibus

damnati, in Gerontodochiis, senibus, sanis, minime
 aegrotantibus, per annum inseruire teneantur cum
 eodem tamen iure et libertate, cum senibus auram
 foras capiendi, ne morbos incarceratedorum sibi con-
 trahant. Nihilominus adhuc magna valeret diffe-
 rentia, inter hos adolescentes, qui multorum senum
 halitum quotidie inspirarunt, et inter illos, qui in
 familiis, vnius vel alterius senis halitum inspirant.
 Interim, si ex his obseruaretur, iuuenibus inde sa-
 nitatis damnum nasci, senesque iuuenum abundan-
 tiam spirituum (§. XXXI.) per suum consortium
 minuere, hocque modo illos successiue vita priua-
 te; sane, series non solum a liberis forent fugiendi,
 sed et veteres gentiles, qui senes parentes
 suos, propriae vitae tutelae ergo, ne-
 cauerunt, a parricidii culpa
 liberandi.





INDEX.

*Nota. Praef. denotat Praefationem. Sc. R. Sciagraphiam Ranchinianam. Sc. F. autem Floyeria-
nam Numerus magnus, caput, parvus para-
graphum indicat.*

Adcubitus iuuenum. Sc. Ranch.
Aethiopiae longæui. I. 12.
Aloë vsus Sc. R. et F. et II.
84. seq.
Alui fluxus. Sc. R. vide Di-
arrhaea.
Alui obstructio. II. 122.
Angina. II. 95.
Animi serenitas. III. 28. 31.
Anni climaæterici. I. 108.
Anorexia. II. 110.
Apoplexia. Sc. R. et II. seq.
Apricationis vsus. II. 12.
Articulorum dolor. Sc. R.
Arthritis. II. 164.
Arteria magna ampla. I. 29.
30. 34.
Ariertæ ossificatae. I. 38.
41. seq.
Asthma. Sc. F. et II. 101.
Auditus vitia. Sc. F. et II.
20. seq.
Autocheiria senum. Praef. et
I. 107.

B.
Balnea. Sc. R. et F. et III.
25. seq.
Brasilianorum longæuitas.
Praef. et I. 8.
Britanni longæui. I. 3.

C.
Cachexia. Sc. R. et II. 137.
Cacochymia. Sc. F.
Calmucci longæui. I. 11.
Canities. I. 18.
Caro fumata. I. 98.
Casus lethales. I. 21.
Catharrus suffocat. II. 103.
Catarracta. II. 6. seq.
Chinenses longæui. I. 10.
Cinnabarinorum vsus. II.
171.

Cephalalgia. II. 26. seq.
Cerebrum petrefactum. **L**
45.

Cerebri siccitas. I. 28. 35.
Colica. II. 118. seq.
Cor magnum. I. 30. 33. 34.
Cordis praeseruatio. Sc. R.

I N D E X.

D.

- D**ecrepere, quid. Praef.
Deglutitio laesa. I. 3. II. 91.
Dentes. I. 20. 50. II. 72.
 seq. regenerati. I. 50.
Dethardingius. Praef. fine.
 Deponiani senes.
Diaeta. Sc. R. et F. quot li-
 brarum.
Diabetes. II. 144.
Darrhoea. II. 124. seq.
Dysuria. II. 151.
 E.

- E**rysipelas. II. 156. seq.
Eupepta per non adsueta
 mors. I. 99.
Excretiones per aluum, ve-
 sicam, cutem. I. 63. seq.

F.

- F**acies mutata. I. 18.
Feminarum structura, vir-
 tus ad motus. Praef. pin-
 guedo. ib.
Flatulentia. II. 112. seq.
Forma senum. I. 15. 27. seq.

G.

- G**alliae longaeui. I. 5.
Gaudium mortiferum. II.
 47. III. 31.
Genitalia ampla. I. 29. 71.
Germani longaeui. I. 4.
Grandaeuitas, quid. Praef.
Grandaeui aliquando a
 morbis liberi. II. 2.
Gustus senum. I. 78.
Gutta serena. II. 5.

H.

- H**abitus diuisio. I. 16. mu-
 tatio. I. 17.

Habitus strictus et laxus
 perf. et imperfecte va-
 lens. III. 18.

Haemoptysis. II. 106.
Haemorrhoides. II. 134.
Haemorrhagia narium. II.
 30. seq.

Helueta longaeua. Praef.
Hemicrania. II. 27.

Hemiplexia. II. 52. seq.

Hepar saluum. I. 51.

Horatii incommoda. I. 22.

Huarti doctrina ad ingenia.
 III. 9.

Hydrops. II. 137. seq.

I.

- I**mmunitas senum a mor-
 bis. II. 179.
Incuruatio senum. II. 174.
Ischuria. II. 152. seq.
Iudei longaeui. I. 9.
Iuscula, an senibus? I. 87.
 98.

L.

- L**appones longaeui. I. 3. a-
 giles. I. 21.
Lauatio in calida et frigida.
 Sc. F. et III. 25. seq.
Leuitas corporis senilis. I.
 54.
Lienis cartilaginos. I. 47.
Longaeuuus Rex Sueciae,
 longaeua animalia, lon-
 gaeuae feminae, Anglic
 saltatrix, longaeuitas,
 quid? Praef.

Longaeui ex temperamen-
 to materno. I. 14.

Longae-

I N D E X.

Longaeuorum, respectiue,
iucunditas. III. 1.

Longaeuitatis causa essen-
tialis. III. 11.

ad Longaeuitatem regulae.
III. 2. seq.

- - - medicamenta. III. 10.

- - - confilia Rachini. III. s.

Lypothymia. II. 35. seq.

- - - decumbentes tarde se-
peliendi. II. 45.

M.

Macrobi. I. 12.

Malum ischiadicum. II. 171.

Marasmus senilis. II. 175. sq.

Maxillarum vitia. I. 18.

Memoriae debilitas. II. 26.

Menstruatio Vetularum. II.
135. seq.

Mictus cruentus. II. 132.
seq.

Mors subitanea I. 36. ex
gaudio. II. 47. III. 31.

- - - sub alii exoneratio-
ne. II. 40.

Mutatio actionum in seni-
bus. I. 56.

N.

Nephritis calculosa. Sc. R.
et II. 126. seq.

Nonagenarii pueris risui. I.
26.

Nutritio. I. 61. 62.
O.

Oedemà II. 141. seq.

Olfactus. I. 7. 8.

Offium senilium frangibi-
litas. I. 48. vegetatio. I.
49.

P.

Paralysis. II. 50. seq.

Passiones animi. I. 82.

Phrenitis. Sc. F.

Phthisis. II. 100.

Pleuritis. II. 108.

Pleuropneumonia. II.
109.

Podagra. Sc. F. et II. 165.
seq.

Polypus. I. 36. II. 104.

Praecani. I. 18.

Pulmones longaeuorum. I.
46.

Pulsus senilis. I. 58. et Sc. F.

R.

Regimen extenuans, restau-
ratium, contra biliosos
humores, contra inflam-
mationes, antiscorbuti-
cum, contra podagram,
digestium, cephalicum,
contra varios fluxus, con-
tra pruritum, cordiale,
contra asthma, in defe-
ctu organorum sensituo-
rum. Sc. F.

Regimen varium vitae se-
nilis. I. 91. debilium. I.
92. robustiorum. I. 94.
seq. sanitatem negligen-
tium. I. 101. seq.

Regiminis regularitas et re-
gulae commendantur. III.
12. 19. seq.

Reiuuenescentia. I. 90.

Repuerascentia. I. 86. seq.

Respiratio senilis. I. 57.

Saliuae

S.

Saliuae excretio. II. 71.

Sanguis senum. I. 53.

Scabies. II. 172.

Scorbutus. Sc. F.

Sectio longaeui 130 annorum. I. 29. sectio long. 109 annorum. I. 30. 94 annorum et 100 annorum I. 32. octogenarii. I. 33. feminae 97 an. I. 34. grandaeuor. I. 35.

Senii diuisio. Praef. et Sc. Ranch.

Seniorum cohabitatio cum iuuenibus, an his damno-
sa? III. 32.

Senectus morbus. S.R. et II. 1.

Senium pueris horro. I. 26.

Sensuum mutatio. I. 21. 80.

Senum leuiores morbi fili-
cernii. II. 178.

Somnus. I. 69.

Sopor continuus. II. 89. seq.

Sphacelus pedum. II. 162. f.

Spiritus vini et frumenti
vsus. I. 104. seq.

Sternutatoriorum vsus. II. 11.

Stranguiria. II. 147. seq.

Syncope. II. 35. seq.

T,

Tactus senilis. I. 79.

Telae aranearum ante oculos. II. 19.

Testium conseruatio. Sc. R.
Tinnitus aurium. II. 24. seq.
Tremor manuum. Sc. R.
Trichiasis. II. 18.
Tussis. II. 97. seq.

V.

Valetudo, an non nisi mor-
bosa? III. 13. seq. perfe-
cta et imperfecta. III. 12.
Venaesctionis vsus. Sc. R.
et II. 27.

Ventriculi conseruatio. Sc. R.

Venus, senibus. Sc. R. et F.
periculos. I. 72. vetulis
salutifera. Sc. R. vigens
I. 72.

Vertigo. II. 31. Sc. R.

Verulamii scopticismus. I.
23. seq.

Vesicae vitia. II. 143.

Vetulus topica. Sc. R.

Vetula saltatrix. Praef.

Vigiliae. II. 74. seq.

Vires generandi seniles. I. 71.

Vitus senum. I. 75. seq.

Vitia. II. 5.


Vomitus. II. 111.


Vrinae incontinentia. II. 144.
seq.

W.

Welstedius consentiens cum
Ranchino. III. 31.







cc per dc
125 335

